

梁園風雅

選詩序

往閱屠緯真云河嶽英靈
之氣天獨私於西北蓋以空
同大復諸君子皆北產之若憤
而非誣則竊說之以為是諸
君子者半出吾嵩河間據

鋸提槩鼓吹休明不失為千
秋大業足矣何至謂天從有獨
私以誨姤也已取諸君子詩清
之低徊二百餘年遽然心開
緯真豈欺我哉守欵併粹
之成國風而虞不給翰復

耳會承之清庾續殊簡避
影息交既多餘暇乃揖友人
汪君明生相與揚扆累數月
擬授殺青而無何抱弟女感
悲涼愴結卒了忘所記又明年
余將解廛首以歸明生亟趣

之謂於諸君子不可少有諾責
余率爾以應乃不能有所當也
余以所質明生往者為表章先
達既誥於力而有去取顧取者
不必賢於去而去者不必不賢
於取將謂我何明生曰王長

公首言余嘗試諸生藝矣始
而得其文以為鮮不可取者
則多取之既而厭其同虞其
溢額以為鮮可取者則少取
之既又畢而衡其所棄者未
必遠所取者也則始不勝愛

而後不勝歎也天下事大都
爾爾雖然刑煩芟復法之
如是之矣抑即得是刻而
廣布之豈獨子之鄉人藉
以不朽毋寧使緯真而在
且謂西北之氣又獨私於

豫也不大有氣色也哉因相
視而嘆丙辰秋日百門渙父
雍丘趙彥復徵生序



詩選凡例

一河嵩靈秀代毓闡人功德尚矣其次立言夫
言非文不傳文非人不重是編入選止為河
嵩紀勝非中州之人不錄也

一按李獻吉族譜稱先世自扶溝再歷慶陽猶
有留扶溝之大岡者其考為封丘王授隨居
大梁遊郡庠而弘治癸丑登科錄亦著扶溝
人然則五十八年之中其西還蓋無幾矣若
夫聚族於斯婚嫁於斯長子孫於斯營丘墓

言邊介作
於斯非梁人而何遂定為扶溝人

一按薛君采狀志其先出自偃師而繇武平赤籍蓋亦河嵩人也遂仍獻吉例錄之

一謝茂秦世居臨清以詩聞鄴下趙康王徵為上客因卜居焉子孫遂留不歸鄴志載在流寓傳中故稱鄴中流寓

一諸家詩俱以全集入選其他選所載及附見他集者不必盡錄

一是編李何高薛諸公入揚用修皇明詩抄李

于鱗詩刪黃清父國華集中者咸錄不遺若皇明風雅明詩七言律則猶有去取

一河嵩之間名著藝林者豈止數公是編第以篋中所有入選諸名家文集未能周見者尚多同志君子能為求致隨當續入樂成中州盛事不能無望於來哲云

詩選諸公爵里

李空同先生名夢陽字獻吉扶溝人登弘治癸丑進士仕至江西提學副使公雅尚氣節為司徒郎上

孝宗封事人擬之漢賈生云論壽亭侯事下獄隨貸之

武宗踐阼閹瑾等恃舊恩時時亂政九卿合疏論劾不報瑾知疏草出公筆深憾之欲置之死誣罪下獄非何仲默康德涵幾不免矣瑾

敗起督江西學政與江御史構陷以寧藩之
獄林司寇待用力救得免晚居大梁文名益
重公為詩追還風雅馳驟騷選遊神玄眇之
域範物造化之表龍翔虎變出入窈冥復古
之功於斯為盛誠一代之宗工也有集六十
五卷今選諸體詩如干首為五卷

何大復先生名景明字仲默信陽人登弘治壬
戌進士仕至陝西提學副使公安蘊幼清才
標蚤貴為中書舍人謝病里居闡瑾矯詔免

其官瑾敗用薦起銜雖列夫持衡身未離乎
簪筆蓋亦工於擣藻而恬於謙退者也及其
校士秦關心勞神瘁蘭摧玉折藝林共悼悲
夫其詩以清遠為趣俊逸為宗務在含箴而
自見神情與獻吉分鑣異軫各臻其極一以
為霆驚電煜駭目振心一以為落日明霞餘
暉映遠海內並稱李何如蘇李李杜云爾有
集四十卷今選諸體詩如干首為五卷

王浚川先生名廷相字子衡儀封人登弘治壬

言邊商里
一
戊進士仕至太子太保兵部尚書左都御史
謚肅敏公亮節天植文學性成選庶吉士授
給事中以數直諫左遷判亳州識薛君采於
諸生中量移縣令拜御史按秦視畿輔學政
言事不避權貴謫丞潁榆再歷郡邑擢四川
提學僉事公兩衡文柄造士有方會何仲默
亦在關中欲與約境上共修章程三歷官持
中丞節撫巴蜀南蠻吐蕃咸知嚮德累官本
兵總憲內臺風紀為之一振公詩意率詞直

達事而止雖復漭沆無涖然亦無別涇渭與
李何並驅中原同倡異調各鳴其所當鳴獨
鄭善夫稱之蓋以臭味之相近也有家藏集
幾十卷今選諸體詩若干首為一卷

孟有涯先生名洋字望之信陽人登弘治乙丑
進士仕至南京大理卿公高朗峻邁雄視梁
楚梁楚中擅名詞苑則推仲默公與樊少南
戴仲鵬諸子講業其間接跡而起稱一時之
盛初為行人拜侍御史侃侃敢言以論權貴

言邊 卷一
下禁獄尋釋之謫授桂林間關蠻烟瘴雨殊
無憔悴悵悵之狀移汶上則以休養罷民而
加惠焉累遷湖廣僉事廢而復起由藩臬歷
中丞總督南京糧儲尋贊寧夏軍務內安外
攘功宣塞垣尋轉廷尉公才華璀璨氣度不
群詩長於叙事情多委婉第乏道上之致所
與倡詠者若北地浚儀江左歷下皆一時之
雋羽翼頡頏策名文囿有自來矣王子衡收
輯其文釐定十七卷今選諸體詩若干首為

一卷

薛西原先生名蕙字君采偃師人隸武平衛籍
登正德甲戌進士仕至考功郎中公始生三
月偶見芒神呼曰芒兒家人驚怪亟沃以水
乃止長益穎悟王子衡賞其文以為李何之
流初授刑部主事屬

武宗南幸抗疏力諫頃之調吏部值

世宗入繼大統會議大禮朝堂紛如公撰為人
後解為人後辯以奏下詔獄繼而群臣伏闕

大笑上章

上震怒杖譴公以先繫獄獲免亡何議禮者新
貴欲甘心於公遂放歸公含章在野譽望日
隆而竟未究厥施其詩咀英魏晉振秀齊梁
意繇密而辭新格醇雅而調逸古昔名流作
咸合轍復偃息丘園心耽味道以左丞蘇州
擬之風斯下矣集十卷今選諸體詩若干首
為二卷

高蘇門先生名叔嗣字子業祥符人登嘉靖癸

未進士仕至湖廣按察使陳約之謂公夙稟
降崧之精三契藏山之旨獻吉君采見結忘
形曾無尤覺由營繕尋調吏部有考功稿謝
病居里有讀書園稿出叅大藩有晉陽稿遷
楚臬有入楚稿在晉闡首拔亢太史世稱知
人居荆南恒邑邑不自得亡何發病卒公負
淵敏之才有亢潔之性為詩多膏臆語吐言
成章不假緣飾誦之若落落直致而中自豐
腴雖跡在周行乃情權在野王元美摘其佳

言選賢里
句稱清婉深至為五言上乘知言哉集八卷
今選諸體詩若干首為二卷

劉嵩陽先生名繪字子素光州人登嘉靖乙未
進士仕至重慶知府公性簡亢而富有其業
家擅園林之勝門繁賓客之履初歷事司徒
署數日不至大農梁公詰之公作書深詆梁
公梁公殊不介意授大行拜給舍論事骯髒
不平所謂意廣才踈於公有馬一麾出守識
張肖甫於弱冠之年期為重器延與子黃裳

同研席後致通顯人服公之藻鑑久之放歸
益治玄湖別墅移石成竒峰匯水為巨浸花
林竹嶼壯麗甲於汝南公與賓客放浪賦詩
以此自娛其詩宏博整瞻浩渺渾深披瀟陸
之晨葩摛穎謝之春藻盖光黃之竒偉人也
集若干卷今選諸體詩若干首為二卷

張周田先生名九一字助甫新蔡人登嘉靖癸
丑進士仕至僉都御史公少以瓌瑋之才繼
起李何之後簫雲歎玉馳驟中原弱冠秉銓

冠冕人倫中朝流品倚之為重時李王宗徐諸子講藝長安龍門高峻得公及張余二子稱三甫云屬王元美以家難棄青節來京間微服入都官獄省侍公頻過野寺相勞苦相對輒慷慨悲憤元美謂偵者眈眈而視寧不畏乎公曰不過攫我頭上進賢冠耳亡何左遷廣平丞擢荆南僉憲以勘事數往來巴夔間尋觀甘涼兵最有聲西徼累官中丞持節撫夏州選將訓兵嚴飭障堠隱然為朔方長

城孰謂文人不必工吏事哉公詩體大思精華整簡勁兄李王而肩隨諸子藝苑躋之元美謂其竒秀超詣海內信以為然集十卷今選諸體詩若干首為三卷

謝四溟徵君名榛字茂秦臨清人早歲以聲詩鳴河朔間趙康王脩梁王故事延為上客當筵授簡人擬漢之鄒枚云公才負不羈性耽遊覽雖卜居於鄴中乎時遊大人成名雅重節俠海內人士一與定交輒以肝膽相向周

人之急即傾囊倒篋無所惜濬人盧柎以簡
傲忤悍令陷之大辟繫獄十年餘公所至輒
為涕泣白寃後得釋公無纖毫德色人亦以
此多公入都與歷下東吳諸子揚推風雅于
鱗嘗賦二子詩有遂令清廟音乃在褐衣客
之句元美贈詩有蕭索一韋布傲睨千古才
隱士代失職達者慚其故其為名流所重如
此公詩鏤心雕腎力追古昔律則比蹤工部
絕則競爽龍標餘亦在開元天寶之間若其
攬景摹事絕去凡近一步一趨深合軌度非
老於斲輪者不能詩二十卷今選諸體詩若
干首為五卷

東郡後學汪元范述

李獻吉詩選目錄

卷之一

樂府

七首

五言古詩

一百首

卷之二

七言古詩

五十三首

散篇

十九首

卷之三

五言律詩

八十九首



五言排律 八首

卷之四

七言律詩 六十二首

卷之五

七言絕句 二十五首

六言律詩 一首

五言絕句 十二首

李獻吉詩選卷之一

扶溝李夢暘獻吉著

雍丘趙彥復徵生選

東郡汪元范明生

汪立明伯常校

樂府

榆臺行

榆臺高高風吹樹梢都搖搖
臺下黃羊走黃蒿
山頭看看日落感築四面吹
軍中白旗身姓誰

向前看有河河水深彼不怕死我亦人力能拔
虎尾人虎或兩存歸為鬼雄榮爾魂

白毛行

元日地動生白毛發春當暖風蕭騷天時尚然
有錯迕老夫何恠兒童曹君不見猛虎失勢人
寢其皮惜也豈復能咆哮我歌白毛比之董逃

猛虎行

猛虎本居深山我可不入彼來亦難誰令爾今
來市中遊盡日攫人食撐腸拄腹無歇休我欲

擊之刃不在手欲往告泰山之君陸無車水無
舟猛虎聞言向我怒我命在天匪虎懼嗟嗟虎
尚有時鴟鴞遺音寧爾知

大堤曲

漢水白離離月落山黑時堤頭石不平走馬誰
家兒儂住襄門西而在漢水北浮橋不着纜郎
詎得儂識大舶何處來落帆向儂許高鞞白恰
子識是真州估

擬燕歌行

銀河耿耿秋夜長牽牛織女限河梁終日弄杼
不成章延頸北望涕沾裳自君別我之他方錦
衾燦兮獨空牀北風發發天兩霜鴻鵠垂翅不
能翔谿谷天寒林樹蒼道路欲歸多虎狼人煙
斷絕乏資糧為君憂愁斷肝腸思策良馬逝君
旁中道失路河無杭攬衣踟躕夜未央願為浮
雲歸故鄉

子夜春歌

共懽桃下嬉心同性不合懽愛桃花色妾願桃

生核

柳條宛轉結蕉心日夜卷不是無舒時待郎手
自展

五言古詩

雜詩

西國有佳人獨立青雲端容艷若桃李左右佩
芳蘭含思理玉琴泠泠一何閒更節有餘悲曲
終再三歎借問歎者誰中意難自宣沉吟攬衣
帶仰視鳴鶴翻思阻望不申何況隔丘山

茅以韜為席柏以勁為薪君子憂治世愚者幸
不辰張置以待兔雉也蓄其身物理雖云殊罹
脫各有因浮沙卷奔藿朔吹揚驚塵日暮臨大
道悵望曷能陳

發京師

蔦蘿附松柏枝葉固相因行子戀儔匹况遇同
鄉親北風起河梁日暮多飛塵攜手同車歸駕
言西適秦道遠長渴饑客子懷苦辛仰瞻天漢
流夜永不得晨駮馬媚其曹鳴鴈各求群明星
出東方照見車下人夙興即徃道登彼高路津
還顧望京邑愴焉何所陳

衛上別王子

晨風應候至鷄鳴各嚴車我今游宗中子當旋
舊閭僕夫理前綏轅馬悲鳴趨一別阻秦周相
望萬里餘首春霜露重厚汝征衣襦昔為同袍
士今在天一隅故者日以遠疇能察區區

稅車朝歌里送子輝水陽群鴈起高飛凌風各
分翔敦交多故懷况乃憂故鄉征夫愁短日去

馬知路長童童孤生柏結根南山旁願言采此
柏遺我心所當良無白鵠翼何以得高頽

贈徐禎卿

獨處忽不憚攬衣循東廂樹木何脩脩春風起
飄揚我友駕在門告言適江湘倉皇挈玉壺追
送臨河陽顧瞻兩飛鳧並戲水中央翩翩厲羽
翻鳴聲一何長柰何游客子一別永相望時澤
亮有周天命固其當薄終義所劣別離庸詎傷
謔彼回路贈慷慨申此章

贈王舍人昇二首

逐風激高雲朝日照嘉林良友忽遠適惻愴摧
我心川原望靡極江路浩且深殊域寡親戚孤
子故難任荼蓼積愈苦淚下不可禁

攬淚瞻林木鞞鞞敷華葉層闈帶廣陌車馬暮
接駢裾侈高會誰念獨守妾豈不思芳舟川廣
不可涉葑菲遺下體舉世重紅頰勸子且寧志
為恩孰周浹

又贈王舍人

送美城東陌還車望上陽觀闕百餘尺蓉城鬱
相望同在天一隅子今旋舊疆經子故所居我
馬立徬徨

徬徨亦何為悵望遠行客枯桑號天風時節倏
復易簪紱匪我榮棄置安所惜願為東南風遂
附高翔翮

勁翮無群棲靈根豈叢蓍人生非苦匏安得常
相見動息各有因况乃異鄉縣徘徊岐路側仰
視雲中鴈

鴈征會來歸君行何日返驚風飄馳光歲月忽
已晚登山采白苓遺我心繾綣上言制頽齡下
言助餐飯

贈劉元瑞

矯矯雲中鵠忽忽晨南翔連翩客游子駕言遊
何方霜露日夜零東路悠且長意欲從子遊我
馬玄以黃徒思諒無益欲置難遽忘愛子千金
軀雙親在高堂

青陽獻嘉歲玄鳥鳴我堂遠子念行役驅車發

南疆豈不誠辛苦王事切中腸駢駢泝原薄拊
劍何慨慷群形冒休澤朽榦揚朱芳君子法天
造小人曷能減

回車太行谷結轡登羊腸羊腸何崔嵬俯視見
大江大江日東注游子悲故鄉故鄉復迢遞欲
濟河無梁晨起振我纓駕言行朔方丈夫貴榮
名臨路徒離傷

贈徐陸二子

清晨思行游駕車郭西門凝霜被野陸莽莽多

荆榛霖雨不歸川四顧無行人何意歧路側悵
然獲所親晤言不須臾含意俱未申雲間寫
傑具區產名珍一為時所知光耀在青雲情交
苟不劣窮顯非所論感激平生義匪爾誰當陳
申州贈何子

翩翩雙黃鵠凌風各將去哀鳴岐路側一步一
回顧何異同心子失散在中路別君倏五載我
髮忽已素今逢不須臾趨駕一何遽臨分但踟
躕道語不及故山川何悠悠白日奄欲暮努力

愛玉體慰我長思慕

送姪木北上

群鴉競時食孤鴻獨高翔丈夫四海心誰能安
舊疆仗劍辭所親策馬登前岡歲晏霜露繁原
野何茫茫草枯禽獸饑潢潦浩以長感吟悲薰
葭試鳴候朝陽勗哉樹名勲念茲西顏光

送谷氏

零雨晨微微艾葉何旆旆端居輟中憂駕言送
征邁黃河流湯湯飛雲下燕代臨汀羅觴俎赴
景徙傾蓋轅馬望路鳴僕夫整衣帶孰非金章
客子也獨所愛行行樹聲猷及此明良會

贈審氏

野菽萎平畛寒露一何早凝霜一以零蘭蕙亦
衆草美人中夜興憂心怒如擣玉石誠靡別妍
華恃疇保瑟瑟谷中松見者豈不寶良無匠氏
顧歎息歲將老

送蔡帥備真州

颺舟逾長淮登陴望大江氣勢何鬱盤皇矣真

我邦宮殿棼高，清鍾山變青蒼。橫颺靜霜夕，天
塹如沸湯。時平智士拙，貨賤良賈藏。無言邊境
勳，寧居亦慨慷。

述憤

帝居杳何許，蒼蒼隔九閭。白玉為阿閣，黃金為
重門。可望不可扣，仰見飛雲奔。何當葭炎旭，下
照孤葵根。

飄風自南來，颼颼入我懷。我欲隨之翔，北向三
重階。守閹遙望予，閹闔何由排。戚戚勿重陳，危

言多厲階

小草生枯桑，芊芊競芳辰。雖云殊本根，寄托各
有因。自我罹幽囚，忽焉經浹旬。我兄千里餘，渺
渺長河津。妻子日望余，蒼蒼隔西隣。所幸二三
友，笑言越昏晨。宵鐙促燕膝，昵語忘苦辛。患難
苟相得，毋論骨肉親。

檐月何徘徊，晨風復依依。載言別同居，倉皇倒
裳衣。處者各惆悵，去者從此辭。挽手刺刺語，寄
言家中知。丁寧故與親，願勿長相思。明明昊天

威我久寧在茲

明月出東方徒行反家室室人走相訊問我何
由中明知非夢寐欲辯仍自失喜極雙涕零轉
面各銜恤垂鐙照緗卷浮埃滿朱瑟愁言卒未
傾忽復見晨日

離憤

采采河邊蒯鯉魚何盤盤念我同胞人訣絕摧
心肝事變在須臾浮雲逝無端臨發路踟躕誰
敢前為言原鴿抗高聲我行何時還十步九回

頭淚下如流泉

練練晨明月鬱鬱風中柳蒼茫遮我車識是平
生友感君故意勤贈我雙瓊玖虎狼夾衡軌狐
狸草間走東方漸發白聊歸勿為久天威煽方
處君子誌其口

結髮事君子締結固不解青蠅玷白璧馨香逐
時改恩阻愛不周棄擲良在此紅塵何冥冥白
日淪西海對面有訣絕何況萬餘里得寵各自
媚誰為展情理訛言方帽興君子慎其始

雜詩

英雄樹大業奮志常慨慷捐身赴國仇效命爭
戰場明甲耀皎日挽弩千石強矢石下如蝟殺
聲如沸湯被刺目不逃阡危氣益昂雄名輝冊
符生死固其常

命駕將何之意欲快我心蠻方亂如麻匈奴寇
榆林揮劍誓俱亡彼軍忽如沉豈為尺寸勲國
仇怒至今崑崙貢織皮鴟鴞懷好音功高固不
賞讒妬來相尋哀哉險側子傾詞誰見欽

有衍東園椒結實何纍纍條遠敷不易斧者見
行摧燕雀本小鳥志欲翀天飛哀哉不自諒失
路將安歸

悲風厲歲晏宵旦未云已寒冬雨雪至江漢驕
南紀臨堂翳孤松杳杳嘆成理涼潦不溢澤時
鴈鳴高起一飛摩青天倏忽乃萬里訊言蓬蒿
士沓沓竟何以

登山望四海日夕忽至沉俯身眺城廓痲然沾
我襟交路夾芳蘭逝駟何駸駸朱樹藹閒榭奇

巧媚荒淫北里進異舞高唐呈妙音織羅振芬
芳朝雲遞嘉吟不見秋至草零落愁春心
倚閭遲佳人日莫期不來拂衣舍之去去上延
秋臺旌旌蔽原坂鼓角鳴且哀黃鵠翔不下腐
鼠鷗見猜壯士憤國難撫劍但徘徊白日倏西
顧愴惋肝肺摧

灼灼綴枝華榮豔一何好朝陽溢其葩餘光照
寒槁冠蓋沓衢路致身競先早磬折名譽場銷
鑠成醜老一夕不復晨隕落隨秋草逍遙可竟

世繁華詎足保

昔有玩世士乃處匡山阿其人久已冥春林發
煙蘿故址栗里旁見者不忍過荷鋤豈不苦刈
薪行且歌詆毀日來加醉酒良靡他沉冥在一
時千載固難磨小兒為督郵磬折將如何

昔余遊淦南曾上升天臺茲也誠玄冥萬里悲
風來松柏摧路傍玉梁安在哉舉手招王喬三
洲限蓬萊黃鶴舞高岑清雲曳徘徊嘆息長久
術愴惻令人哀

匡山有老人自稱巖下公綠髮渥朱顏皎若雲
間鴻往來騎白鹿姿美精內充招我將從之心
阻難遽通流情復高翔翩翩駕天風夙昔思此
人寤言期與同感此重狂顧德音常在衷
昔余挾詩書京里揚鳴珂敷藻藝林間結交聚
邊何豈云傾人城絕代耀姿華分散倏老醜孤
遊江湘阿出攀芳桂林倚岑揮浩歌荆榛蔽丘
原浮雲一何多靈劍有合并詠言傷蹉跎

值雪詠懷

索居倦晨暮沓沓傷歲窮玄雲為誰屯流霏夜
常風映隙既窈窕穿牕亦玲瓏凌高似有綴填
卑忽若崇裒多雖稱物益寡竟誰功匪無盈尊
酒斟酌解我忡途路悵伊阻佳期杳莫同握瑾
惜楚老投瑤怨國風人欲天必從精感理能通
鍾絃曠易絕郢調寡彌工持為知音說庶以折
其衷

雜詩

宛宛春田鳩飛鳴柔且閒一朝化為鷹肅肅厲

羽翰衆禽不敢並孤立秋雲端鳥既不自知人
胡究其然

縣縣谷中葛引蔓在修楚脩楚伐為薪葛也安
所附豈無絺與綌可以禦清暑烈烈嚴冬時憂
君之纒絮

汎汎河上舟搖搖靡攸止我欲維此舟川廣不
可浹振振鳧與鴈棲食在波水豈不良坐實風
心耽樂此

春日洪法寺後岡

暄陽入廣墟平阡曖煙蕪稅鞅尋高禪陟丘眺
神都白日麗中衢青霏藹林岨碧草一何萋叢
葩亦已敷纍纍誰氏墳嶮嶮三浮屠鑿石錮九
泉雄構耀城隅輿臺盜綺衣苔蘚封丹樞矯首
視天宇刻刻浮雲徂崇名古所欽多歲祗區區

贈王康邊何四子

縣縣遠道積冉冉歲華晏冰霜夕轉嚴星斗夜
仍爛蘭缸照寒戶旅士懷鄉縣方幸厠鱗翻詎
謂各分散歧路忽在茲山川復悠緬王子萬人

李言 卷一 十四
特英論薄煙漢康生千里足邁景速流電瑰璋
欽奉常秀朗推中翰冲標汎光蕙逸思凌玄鴈
所嗟異根株逝矣悲霜霰興言念睽晤佳期難
權宴

寄題隴州閻氏林亭

出處信不易卜築豈在遠聞君壯年日頗此遂
仰偃創基倚北阜開窓面層巘雜樹莽蔚蔚長
流激清淺跡異願不隔路阻日遂晚愉悅各殊
趣幽意不建顯春風翻深谷裊裊葛葉展代耕
與灌園垂老付所遣

贈李僉事衢

處世寡諧合營道無貞心緬邈伯牙絃嘆息誰
為音竊祿匪我志隨風豈能任所以棄朱紱窮
年卧空林君子枉榮顧駟馬一何駸輕蓋蔭白
日軒車匝庭陰宴晤及春期列筵享同襟日快
淑氣草耳聆悅時禽肴至弗徒歸觴舉恨不深
末路校通塞鑿止無飛沉託意誠匪殊在遠固
宜欽願言附松蘿子其斷堅金

將赴江西寄別殷伊陽明府

引年豈必老求志不在奇曰余逾壯齡遭斥還
山棲事與北門合跡擬東陵齊滅音謝人徒四
暑忽建茲向平果遺榮謝安終狗時詎意值嘉
運末照及葵藜簡書下我廬急遽誰得辭迢迢
江西帆別當首夏期束裝逐流潮改服團炎颶
情鬱為念故寄重慚余卑虞絃改自調孔鐸涇
誰持江漢誠暫浮匡廬寧久羈返貞意已堅抒
懷告心知

鳶山訪汪氏因贈

昨余發弋邑急霰舞鳴湍灘高果莫泝改騎凌
層山山層水復曲歲晏嵐風寒捫蘿冒嶮艱踏
冰涉田沿日入達平夷倏覲君子關清溪交遠
川高松夾路間遺榮靡所希時仕義乃詮未羨
焚魚高頗欽奇字傳矧伊連枝芬慰我同心蘭
綢繆促宴竿曙猿響南巖

內弟左國玉挽歌

滔滔水東逝靡靡日西馳日馳雖更晨水逝無

李詩 卷一 七六
還期清醕滿華尊鳴琴在旁茲門堂不改故若
人竟何之天柱獨兼今凝澄究若斯二紀罔自
保千秋寧詎知情慟道與結感徃志彌悲皇皇
徂暑月捐我就郊岐故築即新墳廣路席前基
狐兔夕向啼芳麻延碧滋解缺心已許回轅痛
豈欺永測游魂理徒此眩盈虧

熊御史卓墓感述

幽幽山下江峩峩山上松累累松下墓瑟瑟松
上風慨昔與君遊並遊京華中峩冠省臺內鳴

鑿趨步同中更嘆莫偕永逝當何逢絕絃已易
慘掛劍今誰從駕舟亂回陽展墓臨高崇浮雲
駭南流顧望摧我哀德音既長已情感胡由通
祇餘泣麟意悲歌傷命窮

余懷百門山水尚矣頗有移家之志交春
氣熙忻焉獨徃述情遣抱四詠遂成示
同好數子

魯連蹈東海介子逃西山方舟信超越巖徑安
可攀揚烈猶靡懲置金徒嗟嘆伊余秉拙訥薄

遊及茲年急湍有奔桴迫路無停轅慘七澹流
序悽悽沙塞煙徒欽靜者意未遂同袍言偶耕
慕龐公岩棲景焦先捫裘諒有持顧已竟誰諉
復來感方寂解作憂更牽抑心二十載始別金
門還積疴謝人徒頗與踈遯便眷此丘園榮豈
羨場苗篇

浮海傷固窮逾河嘆誠邁濯纓萬里流高視九
州外功成奔運徂氣至流飈代淒淒秋柯零冉
冉春條媚周覽倦河壖孤踪冀巖瀨道以沉寂

超賞與崇深會豈惟超遠情亦因謝塵籟聿想
山中人風吹女蘿帶折麻凌險岫秀采越森蒼
眷彌志終申獨徃竟誰礙亭亭太行峰崑崙百
門對抗手別故懽乘雲弄烟瀝

閱圖訪名竒久欽蘇門山危峯羅縣牖積石噴
鳴泉情吟激衛女嘉遯招古賢出遊結夢想神
徃理誰詮連岩既鬱紆迴渚復綿芊猿吟曙霏
豁鴈泊暝陰還杖策躡丰茸解裾濯潺湲仰視
遊雲翮俯察戲藻鮮覽物慨幽存撫化懷冥筌

况逢春華交更此眺孤烟畢婚非達生一嘯復
何言

山客戒明發朋故來攀留岩潭窈叵測險徑增
離憂曰余負幽僻誦古歆遠遊陟懷康樂屐浮
羨鷁夷舟探討傾子長浪迹多阮疾若人不可
作瑤草竟何酬事往悲易深情存道難侔以此
激孤詠喟然睇滄洲安波有覆艦坦路無全輻
危虞豈在嶮薄劣終見尤願附綠蘿緣永與棲
者儔

自大過渡河趨陂沙岡

凌春遠行邁游目恣沿越漸辨林中曙遽失霞
上月觸物誰為情悲歎曷可歇載登隋疆場况
眺宋城闕陽坡散初柳陰曲峙寒雪只此判氣
候豈必殊燕粵潛潛濁河駛粲粲晨風發揚帆
截驚瀨倚棹望窮髮鳧鴈眇難即汀蘭翠堪結
美人既莫期天路復幽絕陂岡鬱鬱參錯岸沙皓
明滅日暮孤雲興何以慰忡悒

陽武詠懷陳平張蒼遂及博浪之事

玉璽戒不力金鏡淪無光大人既龍興烈夫亦
鷹揚伊人各乘時矯若孤雲翔韓稚豈在屢秦
氣日以喪六奇佐揮戈五運開靈昌時來屠沽
奮跡往英雄傷平生冀風期况乃逾故疆灑淚
越脩垵含淒遡河梁古墳密嶢嶢春沙鬱茫茫
徒瞻松柏路詎申椒蕙芳遺榮竟何尤任智終
自戕羨彼赤松遊援筆即此章

覽遊百泉乃遂登麓眺望二首

束髮懷幽竒覽籍冀有遇來登百門泉果協佳

勝趣恣恣圓波踊藹藹浮陽聚止坎渟泓冽激
石迅湍注昔聞滄浪濯今解川上喻豈惟傷衛
歌兼以發蒙慮况值春序中群物已改故菰蒲
冒清深鱗介各有慕行羨浴渚鳧靜對栖雲鷺
岩霏空潭影林藹變朝暮極目北上帆朝宗感
游寓

發鞍憇林木杖策陟陁陘巖連嶺參錯洲曲岸
迴轉白日麗蘭薄原綠靜如洗嘯臺既清峻行
窩更幽緬慨念昔時人瞻望淚已泫薜荔夕搖

李詩 卷一 二十一
曳蘿徑復誰踐碑板半磨滅石門積苔蘚代異
道豈隔事邁迹空顯獨采石間秀眷此何由展
逝鵠無卑音潛蚪厭汗淺曠哉古今意難與世
人辯

登大梁故城

登高與處卑由來慮多端登高尚寡悰處卑焉
能懽以茲歷荆榛褰衣躡巔岼土壕帶陰風樓
櫓危急湍岩岸苦崩奔葦葦何漫漫周望鮮故
物俯察多憂歎潛魚葺其鱗驚鳥無停翰雲浮

誠不任淵沉諒何難終附巖穴棲斯地非我安

德安趨潯陽

始征晨風息雲流日色展登陸艱且澁厲澗一
何緬維時仲秋交颼颼林颼卷綠竹垂我車卅
花映行幘冒巒維有松繡石盡成蘚蹙蹙雖多
悅亘頓乃勞倦日中迫廬岳蹊徑愈回蹇雲湧
連遙嶢雨暗失近巘奔崩萬壑會嶮絕一徑轉
遽訝川梁沒幸遇石瀨淺道以習坎利用待既
濟顯介石諒益固巨川豈遂眩誰哉能豫謀隨

寓斯可遣

宿圓通寺

曉發蒲亭邑暮投石耳峰僕夫因霜濡山雨備
響松茲壑况深阻顧望惟冥濛幽岩託層房
然臨猴江竹修苞北基巖峭垂南牕俯觀泉戶
蘿仰聆走蒼淙挹此暫足遣逝想情難降陶公
有遺墳黃子留孤踪通止良固殊羈縛誰為
坐聞吟猿暝祗令歸思忡

釣臺亭成

颯颯風澗瀉纍纍山石峻十構倚岑削簷楹闕
奔迅俯之纔一壑仰面已千仞訝游竟日夕載
色掖英俊故杉改新蔭魴鯉况充物本輕任公
釣詎慕庖丁刃素飈裊延蔓商氣歛芳潤臨深
悟邃與覩逝識大順却笑矜名子羨魚一何吝

始至白鹿洞

曠哉超世志緬邈平生思鬱壹眷名跡久注匡
山陲南涉枉嘉命果諧夙所期仲秋岩壑清宮
館復在茲白石激寒湍岩蘿裊空基黯傷逝者

李詩 卷一 十一
往密慚來者追性同道豈隔途異理空悲興言
懷昔賢日竟眺前岐榛荒徒鬱紆林菴一何杳
感情匪哀嘆聊詠昭言垂

陟嶠

伊昔謝銜歸志頗諧綸釣甘追河上跡切慕蓬
池嘯孰知紫芝慮竟荷青雲耀值秋歷江郡弭
節登廬嶠沉深九疊秀峻極千峰峭錦繡亂岑
岵晨夕改觀眺晶晶游氣歛皜皜寒日曜飛瀑
信雷邁奔峽還龍躍躑遊遽忘歸久住輕時誚
天池絕亦捫石鏡板可照矧茲二三子芬馥令
清妙霜嵐澄西夕從歌傲希調

廬山秋夕

山壑寒氣早日夕風色緊火流桂將歇霜至蕙
草墮蟋蟀集澗館禾委被羶豔物感憂自攢排
遣情詎忍年徂身與衰時棄世所哂踟躇夜不
寐起坐萬念軫崖傾月西流嶂曙松猶隱噉噉
露猿啼行行采芳菌

落星石

千江勢欲倒，蠡門支孤嶼。輝輝雲崖映，洶洶湍
瀨柱霜水。落丈餘石角，露齟齬探竒。犯嶮涉停
旄，挈賢侶。褰裳入松寺，倚竹望風流。崩奔亂帆
下，激曳波鳥舉。秋空澹明澄，浮山互吞吐。靈根
合道蘊，曠蕩豁褊阻。貞靡亞石柱，險可並艷瀕。
不聞永嘉勝，祇因謝公許。

泛左蠡

辭山意不悅，水泛暫可樂。微風逗帆席，日竟展
光耀。揚歌蕩溟昧，鼓柁極窈窕。指顧異晨暮，俯

仰改觀眺。挑出沒湖中，山明滅海上。嶠素輕左蠡，
險今覲石壁。峭謝屐久已，蕪陶磯寄誰。釣解吟
松門，詠令人發悲嘯。

騎登謝址復舟觀於石壁

奮鵠有竒翰，古鐸無追響。游雲跡易滅，鳴世情
難想。昔吟瞻眺詠，今覲湖中賞。松門既岑峙，川
水深以廣。昏旦候自變，伊人竟焉往。岩剝徒空
歇，堂基鞠為莽。扉徑不可識，悲愉異今曩。石壁
屹寒岸，葛崖嘯颺颺。攬馭意已極，登舟祇彌惘。

抱茲久延佇遵渚路回枉

至懷玉山會起書院

冒險登雲峰雲湧風不卷淒淒松霰響濡濡竹
露泫沾塗意已困觀構色頗展故堂改顏制新
築負幽巘伐材但旁谷礮石况非遠清渠激脩
溜巔畝曠以衍偶至若期遇天定固良鮮仰止
古有訓靜成力可挽祇虞遊業子捷徑為世筦

曲江亭閣

纜舟金華潭遂陟岡上閣蹊徑阻紆鬱岩水光

參錯夏林一何清餘雨浙未落高覽景自異况
值晚霽廓夕日明錦湍歸雲擁華薄近山聿蒼
翠遠嶺復岑崿曠蕩感遇寓俛仰嘆今昨不見
往者悲祇覲來者樂顧瞻大江流愈恨代謝速
源湧竟誰禦謙守諒能曲所貴遺榮名覩義願
有勗

自南康往廣信完卷述懷

朝離傍羅浦東至龍潭宿戢柁候明發獨寤守
空曲宵晝有常理欲往不獲速多慮良攬眠強

李詩 卷一 十五
置復攢觸起立萬動窅湍響應鳴谷驚風臨岸
激高月散春木絮雲吐岑岫玉繩低以屬慨哉
復奚道徘徊至天旭

廣嶽成還南昌

直木防見伐茲言豈我欺若華耀四海孤邈疇
見知莊鷗運池溟舉翼九天垂風積苟不厚中
路將安期嘆息竟何語俛視川波馳溢霖驚洪
濤千載固厥時燕石一何珍有驥不自持野麤
激靈襟逝言惋長岐

時至鮮枯林朱蘭被長坂臨嶠覲賢跡停楫暫
遊衍靈雨吐葛花柏葉已復展佳哉溪上邑流
峙亘而緬岑岑徐巖秀飛泉洒丹巘岩亭交景
風裾帶時自卷居高乃慮孤涉磨悟攸遣枚枚
三陸宮千秋竟茲顯

夕棲瑞洪渚遙覽渚北山相傳洪崖子乘雲自
此間履迹今尚存其人邈莫攀粵余登征途頻
年涉間關毀譽一嬰心寤言多所嘆於茲誠跼
蹶振衣躡前巖泂水莽浩浩驚風蕩回川欲濟

惜無梁颺輪儻中還

從軍

別家亦云久昨得家中書書中何所云父母與
妻孥昔來柳依依素雪今載塗豈不念還歸天
子西擊胡登山眺故鄉存沒兩嗚呼丈夫死國
讐安能戀里閭生當取封侯怨別祗區區

久處行伍間漸知苦樂情能蟠丈八鎗徒御不
我輕府帖昨夜下燒荒有我名秣馬待天曙肅
肅寒霜零左鞬插雕羽雄劔躍且鳴日高渡黃

河東過受降城所羨在滅胡富貴何足榮

屯田

日落蒼天昏奔馳吏下屯揚言科打使論丁不
論門老軍出聽卯老婦吞聲言邊城寡機杼耕
種育兒孫誅求餘粒盡竭力豢孤豚昨當總管
來宰剥充盤餐言既復長號吏去收他村

塞上雜詩

邊烽日夜至飛符來會兵羊牛入高砦鷄犬皆
震驚壯士按劔起鞍馬若流星鎗急萬人靡笑

上受降城生繫五單于歸來獻天庭

功德寺

宣宗昔行幸遊戲玉泉傍立宇表懺嶮開池荷
菱香波樓遞感沓風松奏笙簧百靈具來朝落
日錦帆張萬乘雷運動千岩滅流光綺繡錯展
轉翠旗沓低昂法眷撞鐘鼓宮女拭御妝笙鏞
沸兩序星斗宿岩廊至尊奉太后國事付三楊
六軍各宴眠百官守舊章巡非瑤水遠跡豈玉
臺荒嗚呼百年來回首一慨傷鳳騰赤霄暮龍

歸覓茫茫山風撼網戶紫殿生夜霜退朝值休
沐我行暫翱翔娟娟登岸林慘慘度石梁廢道
哀湍寫松柏間成行啟鑰肅覽歷過位增悲涼
積久灑掃缺乳鴿鳴膳堂舊時琉璃井倒樹如
人長神已佐上帝教猶托空王鈴磬颯鳴夏晨
昏禮相將盤遊非聖理操縱在先皇至今朝廷
上不改舊紀綱

望湖亭

來登望湖亭始盡覽歷妙布席倚岬嵌波望領

佳要山花落天鏡鉤簾巨魚躍巖潭遞隱見圓
浪浴奔峭岬山律百萬閣日落展光耀羈縛阻延
放臨淵羨孤釣霜寒葭莢白沙晚鵠鷓叫吾非
阮生倫於此亦長嘯

香山寺

萬山突而止兩崖南北抱鑿翠置殿榭級石上
穹昊高卑各稱妙曲盡結構巧有泉如線縷盤
轉出松杪嗜竒忘登頓緣危肆探討險絕逼牛
斗蕭颯若風島夜宿來青軒天色碧可掃湖沙

靜菴菴海月白皓皓想當邦邑初此地即蒿草
綺麗乞誰鑿岩壑爛相裊但看全盛時民力為
茲槁

平坡寺

西山萬佛宇爛若舒錦繡平坡憑風迥突出衆
山右宮閣因巖坳面勢巧相就百里見琉璃巖
嶽戴雲構朋遊探絕迹杪秋歷羣岫得此目力
展恍疑出氛囿仰看北斗逼俯恐東海溜雄壑
香山麗閣掩望湖秀落木響岩牖寒嵐染衣袖

延緬古今并佇立悲慨湊盛葉慮反始危豈有
傾覆千載誰復臨逆想蓬蒿茂

艮嶽

城北三土丘揭嶰對堤口黃蘆莽瑟瑟疾風鳴
衰柳云是宋家嶽豪盛今頽朽我聞帝王富東
京實罕有鑿池通嵌竇移山媚戶牖岌岌樓觀
全歛吸風雷走巖陰翡翠吟海窟蛟鼉吼燕趙
矜麗人搜剔克妃后君臣互沉湎斯道詎能久
嗚呼花石費銖鎰盡官取北風卷黃屋此地竟

誰守迢迢五國城二龍回其首向使任忠良邦
國得滅否余來值寒幕悲歌坐林藪依俚窟古
壘破瓦沒藜莠孤城峙我前蒼蒼日將酉

贈徐子

偃王世蕪沒石麟亦埋翳徐子發東吳英論有
餘地龍遊滄波阻日出浮雲蔽嗚呼獻玉士竟
灑荆山涕光掩明珠棄寵奪西施廢古來共如
此不獨君遭際余本澹蕩人傾蓋託末契酣歌
繼旦暮醉酒無陰霽各為征蓬散吾豈匏瓜繫

李言 卷一 卅一
舊時南陽宅回首成迢遞蹈海有夙期與子自
茲逝

湘妃怨

采蘭湘北止寒木澧南潯淶水含瑤彩微風託
玉音雲起蒼梧夕日落洞庭陰不知篔簹竹苦惟
見淚斑深

出塞曲

單于寇邊城漢將列長營旌旗蔽山谷鉦鼓晝
夜鳴乘我浮雲騎發我明月弓奇兵左右出

驅向雲中彭彭陣結帟颯颯劍浮虹一戰臯蘭
滅再戰沙漠空歸來獻天子長揖不言功

銅雀伎

惟飄雀臺上絃奏舞衣前羣悲一以望春草為
誰妍芳歲銷蘭怨流塵集錦筵為問西陵道孰
與漢家阡

呂仙洞

孤遊逢呂跡永逝感盧生眷彼炊梁術契我遺
世情蒼山故國道落日邯鄲城陰陰祠宇夕宛

宛曲池清不見金芝侶誰聞朱鳳聲田鼯穴桂
壁野葛蔓松楹寧知往來者不是寐中行

山中

山中雨乍歇一夜瑤草長風吹翠岩竹下應石
瀨響時來展書坐悠悠絕塵想

登東城樓晚下樓作贈同遊數子

盛陽麗樓臺爛如錦繡錯日入暝烟起俯視但
冥漠即此悟人理天道固可度動靜啟晦明代
謝有今昨涼飈逐夕興迴聲滿虛閣四顧水明

滅宿鳥喧相索啞啞啼城烏噉噉上雲鶴切怛
感晨暮徙倚罷觴酌北斗忽復低西月隱長薄
閃爍海光動翕沓氛霧廓無恃黑頭在早定滄
洲約

寄贈端溪子

嘆鳳世已遠悲麟竟何為蘭蕙秘幽巖蕭艾盈
路岐君子抱明德傷也誰復知隨流非我心特
立乃見疑亭亭南山松匪無霜霰催寒蕤但不
改孤貞常自持

李詩 卷一 三十一
贈蒼谷子

玄雲翳白日積陰何漫漫風氣日以淒泥雨常
不乾漂籜委川塗百卉良可嘆覽物懷伊人撫
時悲涼寒憂來如亂絲理之棼無端為雷念逝
鵠多露怨芳蘭所嗟聲影隔匪懼馨香殘徒把
瑤華音長謠望林巒

贈青石子

高鳥有違羣離獸多悲音懿彼婉孌子悵然分
此襟朝發南河隅夕暮乃北岑玄雲既無極黃
波浩且深君其四海翔無言還舊林

贈孫生

古人種桃李不為蹇其花君子振英芬豈在文
與華炎陽赫精彩百卉流丹霞菁彼東園實累
纍一何嘉采者自成蹊舉世徒咨嗟

贈鄭生

伊予解組歸汝也美少年駿馬臂兩弓射獵梁
王川感子重意氣授之黃金鞭萬里不易致悲
鳴為誰前

李詩
卷一
州二
寄程生

河日淡莽莽飄風但塵沙陰陽為誰爭時至枯
亦葩念離傷歲窮懷音怨途賒彼美杳何許孤
吟弄瑤華夜攬海門月晨吸波上霞苦心誰固
知延望長自嗟浦鴈回故翼汀蘭茁新芽無負
汴上約梁園多奇花

田園雜詩

野清雲氣滿場功亦云畢收穫雖有殊大小各
盈室感茲狼戾年追念憂苦日紛然噴其饁妻

子孰遑佚歲工借寒熱人事坐勞逸蕭蕭原野
霜何草不垂實

壯時掉塵鞅老乃即農務值茲田事終怛然感
霜露原萋日以歛林華不守故嚴霜淨游氣翔
鷓在天路鷄雀躍蓬蒿啄食不滿嗉而予竟何
言飯牛髮今素

李獻吉詩選卷之一終



國家圖書館, NATIONAL CENTRAL LIBRARY, TAIWAN, R.O.C.

本
言

卷
一

十
四

李獻吉詩選卷之二

七言古詩

桂巖行

白龍不識漁溪惡化為魚服遭人縛黃髮先生
困泥阻白馬小兒氣揮霍道傍朽木藏蛟龍霹
靂猶聞夜火紅寄謝少年諸數公貧賤豈必皆
愚蒙桂巖紫芝春盡發騎驢且覓商山公羽

古白楊行

百泉東岸三古楊下枝掃拂書院牆上枝瑟瑟

干穹蒼空山野陰雷雨黑柯榦冥冥動山壁剪
伐難為棟梁用盤踞番逃斧斤厄但見白日悲
風發寧知六月撐霜雪烟色慘愴精靈聚孤根
倔强源泉裂憶昨訪古憇其下居人不敢留車
馬落籜尚禁牛羊食汙穢頗遭官打丞相古
柏霹靂碎將軍大樹空蕭灑回頭石路莎草長
孫邵李許同一堂春風漂泊予到此不見古人
惟古楊古楊蕭蕭暮流急波翻浪倒蛟龍泣衛
女幽憂拾錦花逋臣寤寤愁難立君不見太行
羊腸莫比數上有毒蛇下猛虎焦片獵火不虛
日桂栢倚桐氣悽苦嗚呼楊兮楊兮爾何盤根
據茲土

弘治甲子屆我初度追念往事愴然動懷
擬杜七歌用抒情抱云爾

母之生我日初赫缺突無烟榻無席是時家難
金鐵鳴倉皇抱予走且匿艾當灼臍無處乞隣
里相弔失顏色男兒有親生不封萬鍾於我乎
何益高天蒼蒼白日凍今辰何辰夕何夕嗚呼

二歌兮歌思長吾親儼在孤兒傍

有弟有弟青雲姿以兄為友兼為師十五徧探
古人籍十九不作今人詩從兄翱翔潞河側寧
料為殤返鄉邑孤墳寂寞崔橋西渺渺遊魂泣
寒食嗚呼三歌兮歌轉烈汝雖抱女祀終絕
有姊有姊天一方風蓬搖轉思故鄉歲收秫秉
不盈百男號女啼常在傍黃鳥飛來啄屋角碩
鼠唧唧宵近牀洪河鬪蛟波浪怒我欲濟之難
為梁嗚呼四歌兮歌四闋我本與爾同肉血

古城十家九家空有姊有姊城之中峭壑直下
五千尺鷄鳴汲田山日紅犁鋤縱健把豈得病
姑垂白雙耳聾小孤癡蠢大孤惰霜閨夜夜悲
迴風嗚呼五歌兮歌五轉寒崖吹律何時變
冰河蜿蜒雪為岸忽得鯉魚長尺半剖之中有
元方書許我是月來相看臘寒歲窮多烈風日
暮高樓眼空斷梁都北來道如砥熟馬輻輪為
誰絆嗚呼六歌兮歌未極原鴿為我無顏色
丈夫生不得志居人下低頭覩面何為者薄祿

李詩 卷二
不救諸親饑壯志羞稱萬間厦東華軟塵十丈
紅入擁簿書出鞍馬玉門好等不好瑟何如歸
樵孟諸野嗚呼七歌兮歌思停極目南山空翠
屏

土兵行

豫章城樓饑啄烏黃狐跳踉追赤狐北風北來
江怒湧土兵攫人人叫呼城外之民徙城內塵
埃不見章江途花裙蠻奴逐婦女白奪釵鏤換
酒沽父老向前語蠻奴慎勿橫行王法誅華林

姚源諸賊徒金帛子女山不如汝能破之惟汝
欲犒賞有酒牛羊猪大者陞官佩綬趨蠻奴怒
言萬里入爾都爾生我生屠我屠勁弓毒矢莫
敢何意氣似欲無彭湖彭湖翩翩飄白旗輕舸
蔽水陸走車黃雲捲地春草死烈火誰分瓦與
珠寒崖日月豈盡照大邦鬼魅難久居天下有
道四夷守此輩可使亦可虞何況土官妻妾俱
美酒大肉吹笙竽

襄陽歌

襄陽山勢何所似東如翥鳳西虎蹲墓堆累累
不空地於中豈少英雄魂大堤先前花艷時朱
樓細柳黃金羈但看舊園歌舞處掘發金釵知
是誰君今有酒不飲恨不駟馬軒車馳縱及金
張許史將焉為身後埋沒蒿草疇見知

苦雨篇

波濤日陷蛙鳴起梁園一夜滿城水屋廬半塌
塌人死可憐哭聲水聲裏憶昨出飲黃昏歸零
濛已灑力尚微豈知中宵鬼神怒雷翻電滾兩

如注我時怵惕不得眠燈撲殺無計燃洶湧
一任霹靂走恍惚若有蛟龍纏地軸震仄久益
急披衣起坐坐復立鷄鳴氣勢幸稍緩積漸天
明日光入琴沾書濕開我堂二儀高下雲低昂
黃鸝晒翅燕語梁前何恐懼今何康萬事夷險
難豫量及時弗樂頭顱蒼

送何舍人齋詔南紀諸鎮

先皇乘龍去不返悲風慘淡吹宸極四海哭若
喪慈母百官狂走天為黑憶昨臨危坐御床手

挈神器歸今皇密語丁寧肺腑裂三老親間眼
流血金滕立剖石室秘此事難從外人說我君
謙讓不可得割哀踐阼弘祖烈日月重懸萬國
朝雷雨赦過羣方悅越南海北霹靂動蠻夷盡
奉王正月此時九道使臣出舍人亦輟螭頭筆
白馬朝騰薊北雲錦帆暮閃江沱日江沱秋交
多裂風洞庭雲夢俱眼空巴陵縣令舍人兄接
詔會弟西樓中童年題詩在高壁六載不到紗
為籠南嶽以南惟峻山苦蒸毒霧何盤盤天王

新令雷電掣妖蛇不敢啼林端五溪官長喘
拜黔州父老垂淚看却瞻蒼梧雲氣黑斑竹臨
江怨幽色翠華縹緲空冥間此時此恨誰知得
君不見馬援柱孔明碑剝落黃蒿裏千年莓苔
待君洗萬里之行自此始歸來何以獻天子

上元訪杜鍊師

宣皇昔時乘八風御龍遊戲行煙空馬前兩兩
侍玉女別館多在蓬萊宮朝天宮中舊時殿樓
臺晝鎖無人見琉璃井塌青苔滿松柏森森月

李言 卷二 六
如練嗚呼往事難具陳燈火如山又一春北斗
壇西訪隱淪我師黃衫白纒巾坐我更致西樓
賓玉杯潑灑赤瑪瑙織罽四角銀麒麟酒肉山
堆滿堂醉仙厨徃徃來八珍孝宗之朝五真人
師也磊落當其倫自言召見親賜食曾把丹書
獻紫宸如今寂寞看春色銀魚玉帶無消息豈
惟魚帶無消息欲語吞聲淚沾臆勸君對此莫
酸辛世間萬事如轉輪且將芝草供生計聊與
烟霞作主人月偏彩雲當牖生旋呼兩童吹玉

笙聞師妙得逡巡術百壺倒盡還須傾古來仙
子尚誰在飲者翻垂千載名名垂千載亦區區
酒闌燈昏夜復徂不見秦陵草已宿春生樹啼
雙老鳥此時亦應群帝趨金燈翠旗光有無
奉送大司馬劉公歸東山草堂歌

東山有草堂縹緲雲嶠孤前對祝融峰下瞰巴
陵湖明公昔時此堂居麋鹿熊豕當窓趨洞庭
日落風浪湧倒影射堂堂欲動慘淡誰聞紫芝
曲獨善不救蒼生哭先帝親裁五色詔老臣曾

受三朝祿此時邊徼多戰聲曳履謁帝登承明
謝安笑却淮淝敵魏相坐測單于兵九重移榻
數召見夾城日高未下殿英謀密語人不知左
右微聞至尊羨自從龍去不可攀公亦臥病思
東山湘娥含笑倚竹立山鬼窈窕堂之側上書
苦死只欲歸聖旨優容意悽惻內府盤螭縷金
織賜出傾朝皆動色白金之鉞紅票記寶鈔生
硬鴉翎黑崇文城門水雲白是日觀者塗路塞
城中冠蓋盡追送塵埃不見長安陌人生富貴

豈有極男兒要在能死國不爾抽身早亦得君
不見漢二疏千載想慕傳畫圖即如草堂何處
無祿食覩竊胡為乎乃知我公真丈夫嗚呼乃
知我公真丈夫

二月四日部署宴餞徐顧二子

春日載陽官署幽東吳二子過我游庭空日斜
吏人散窅然何異經林丘今晨驚蟄暖氣達昨
夜哀鴻呼故儔中庭古槐蒼蘚溼上有百鳥何
啁啾倉庚交交刷其羽君看巨細各有求明時

冠軒幾邂逅得暇胡不攀淹留自從去年識徐
顧令我意氣傾南州徐郎近買洞庭柁顧子亦
具錢唐舟浮生飄轉若飛藿倏忽聚散誰能謀
風光爛熳况復爾願寫清壺銷客憂故人苦稱
不好飲舉杯入唇還復休妙歌時時激慷慨鄙
夫何以答綢繆嚴柝沉沉靜夜色北斗倒掛城
南樓祗恐天明驅馬出攬袂延望河之洲

送人還關中

君不見劉毅貧時一擲常百萬君不見唐時鄭
虔道高坎壈腹無飯英雄際會各有時人生豈
必皆如顧關中老翁燕薊客昔何慷慨今何怨
王通無謀番叩關楊雄有賦何由獻君歸射獵
南山麓得錢且學樊侯敗

送鄭器

梁園仲冬雪積阻慘慘風亂平沙樹泥深馬瘦
不得行縹緲金陵在何處青絲絡酒提玉瓶強
出送子城東亭旦望淮河暮江水雲飛鴻鴈天
冥冥

李詩 卷二 九
秋夜徐編脩宅宴別醉歌

徐郎三杯拂劍且莫舞聽我擊節歌今古曲長
調悲不易竟天地熒熒月東吐燕山八月風力
怒落葉交加映尊俎愴時感事百憂集死別生
離同一苦身逢累朝全盛日弘治之間我親覩
朝廷無事尚恭默天下書計歸臺府五陵鞍馬
速雷電千官氣勢如風雨却憶年年秋月時日
與爾輩同襟期如澠之酒差快意袒跣呼號百
不思絃張柱促衣冠禍綜覈崩奔學士疲倉皇

世事難開口物極則還理宜有羸疾已分沙田
草遭逢復折都門柳富貴在天得有命人生反
覆如番手不見去年臨別處吞聲躑躅營求友
邂逅來暄不自知隔絕榮華為誰守歌殘酒乾
天欲曙門外驪駒已西首哀鳴胡鴈亦南飛露
濕羣星朝北斗

發京別錢邊二子

秋風淅淅吹燕山游子杖劍出燕關車脂馬飽
夜將發錢邊二子來相攀此時群星覲上帝駸

鸞鷲翳鳳雲之際君不見牽牛與織女一水盈盈
獨流涕

東園翁歌

東園翁今六十餘面常泥垢髮不梳身藏寶劍
人不識反閉衡門讀古書此翁十五二十時歎
唾落地迸成珠陸機不敢以伯仲管輅警敏空
嗟吁生鱗即與蛟龍伍未汗寧同凡馬趨爾時
射策黃金闕三百人中最英發驂騑舉足狹萬
里便欲登天攬日月豈知德尊常轆軻獨買扁

舟泛吳越三十年来萬事變富貴於我真空髮
歸來灌園種瓊花荷鋤自理東門瓜夜眠海月
掛丹牖晝看江風滾白沙遼東合有逢萌宅齊
西再覩陶朱家北郡李生三十六擯斥高歌卧
空谷前輩後輩道豈殊同坐同行限江麓東望
東園亂心曲安得逐爾騎鴻鵠

董公衙賞緋桃行

吁嗟董公垂老官不遷途雖坎坷志不變三歲
提兵兩列銜此事堪傷亦堪羨二月南風捲軍

水黃昏西省開芳宴刑司軍司皆集衙盈中緋
桃俄放花董公捋鬚向客誇客起環視咸咨嗟
情酣展轉移燈照酒氣撲花花欲笑逢人合與
世醕酌衰顏苦被春勾調君不見玄都觀裏樹
不與武陵源上殊時來開落各異地董公董公
今宵與客且倒花前壺

戲贈周紀善

廣文先生何為者十欲出門九借馬只今徒步
襄水濱衰鬢漠漠常風塵鳳凰在笄鷄啄食首
霜闌干半青黑君不見楚筵醴罷暮歸去甑塵
妻子無顏色

寄殷給事中歌

斑鳩賦形百鳥內化為蒼鷹百鳥避秋砒一萬里
試一擊灑毛紛紛稱鷹意迴旋簸蕩風沙開海
宇光清鸞鳳來天地炯炯元精回此以贈君君
毋猜金陵雖隔黃金臺汝翊紫蓋臨三台飛章
御覽不十日道路閒靜豺狼哀憶昔匹馬長安
走殷何徐陸皆吾友楚姬娉婷華色並殷生稜

眉獨方口何郎短小亦不醜
此離今各經年久
夢寐猶存上苑花飄零寂寞
西湖柳丈夫致身
貴不朽陟要階華亦何有賈
誼才名信早知姚
崇相位非難取大江滾滾東
北趨羣龍霜蟄鼉
叫呼汝登鳳臺念老夫為我
致一鳳之雛我不
敢玩亦不敢狎誠心餽飼毛
羽全使聽簫韶翔
舜都

送陳冠歌

虎子墮地氣已麤驕驕汗血
自為駒陳生垂髫

骨即殊雙瞳炯炯唾成珠前
年汝與計吏俱承
明謁帝未生鬚丈夫志欲日
月並雲雨且使蛟
龍須冬風獵獵吹楚湖憐汝
送母催楚艫調羹
臘盡江門水戲彩春停汴上
都憶昔乘驄按南
國汝在諸生獨英特三秋自
阻北飛鴈萬里今
逢舊顏色私計彭宣晚必親
敢言裴儉前能識
寒溫始知君子厚杖屨番增
世人惑瓠子柳烟
風日和力疾送子臨黃河汝
親日望泥金使老
夫擬作瓊林歌

芝拌行

崑崙子之來也李子觴焉及夜瓶芝自墮以
為拌行觴焉平可檠二觴行之穩持之輕客
大駭笑歡盡醉而李子賦詩

霜嚴夜清月在南燈明酒溫客氣酣銅瓶玉芝
鏗墮地客將傳玩誇神異仰芝把蒂行金杯蒼
文古紫當筵開已驚激灑蕤蕤動更詫屈錯蛟
龍迴憶芝初出盤精氣雲流石立翹翹避赤箭
琅玕色盡枯神訶鬼守求非易泄秘真遭天地

怒懷珍顧使時人忌自從獲芝升我堂琴書几
席俱輝光晴日徐看瑞氣合炎天每挹仙雲涼
燕山豪士來何方悲歌起舞宵未央芝乎自銜
亦太異頓令四座深杯觴觴行逶迤月轉白月
色芝光巧相射醅醕觸擊瑪瑙碎淋漓迸落真
珠赤君不見玉屈卮金叵羅珠花繡草枉自艷
停杯聽我芝拌歌

朝飲馬送陳子出塞

朝飲馬夕飲馬水鹹草枯馬不食行人痛哭長

城下城邊白骨借問誰云是今年築城者但道
辭家別六親寧知九死無還身不惜身為城下
土所恨功成賞別人去年賊掠開城縣黑山血
迸單于箭萬里黃塵哭震天城門晝閉無人戰
今年下令修築邊丁夫半死長城前城南城北
秋草白愁雲日暮鳴胡鞭

送仝儀賓朝天歌

風吹黃塵暗河甸行子拍馬來相見春寒晝陰
沙冥冥九衢散亂花如霰自言手捧紫瑤函馳

輶謁帝黃金殿甥壻當朝禮覲同徃來遣答猶
親面南陽貴人骨固殊敦親倍錫明光宴八議
輕微實惋惻時情詎識皇心眷開丞爛熳百色
備龍盤鳳曲流雲氣繡女咨嗟鋪緒工體裁脰
合三宮意吳羅疊雪祗懷赧南金象齒堪沉避
自離京國十年餘每懸金闕憶金魚班行日侍
諸王聘混一曾瞻萬國書君過上林聊駐車春
風舊樹花應舒有暇更欲問西湖掃地垂楊今
有無

結交行贈李沔陽

古人結交如種稷今人當路栽荆棘世間萬事
各有極人生何必相傾仄君不見李沔陽五馬
昨朝天天冰地裂衝寒烟三月不遇見天子歸
途困頓心憂煎南行波濤值洶湧蛟龍失勢鼉
鼉踊留滯聊栖梁孝臺醉歌真據侯嬴塚却憶
當年侯未鬚識者盡道驂騑駒落筆遽掩羽獵
作挺身遂上青雲衢百戰不侯李廣辱一麾出
守延之吁峽霾光射卞和玉月明淚迸鮫人珠

李沔陽汝無學雲夢吞亦莫效江南哀六龍挽
車日月輪萬里簸蕩風沙開棄君舟楫理銜轡
有人物色騰驥材

送李中丞赴鎮

黃雲橫天海氣惡前飛鷺鶴後叫鶴陰風夜撼
鑿無閭曉來雪片如手落中丞按轡東視師躬
歷嶮隘揮熊貔已嚴號令偃鼓角更掃日月開
旌旗椎牛李牧將士躍射虎李廣匈奴知屯田
金城古不謬賣劍渤海今其時塞門蕭蕭風馬

鳴長城雪殘春草生
低飛鴻鴈胡沙靜
遠遁鯨鯢瀚海清
不觀小范擒戎日
誰信冑中十萬兵

觀燈行

宋家累葉全盛帝
寬大實皆稱
令主百姓牛馬
徧阡陌
太倉米粟憂紅腐
宣和以來遂多事
嗚呼爛費如沙土
海石江花湧國門
離宮別殿誰能數
羣臣諛佞祇自計
天下騷然始怨苦
正月十四十五間
有勅大駕觀鰲山
萬金為一燈
萬燈為一山
用盡工匠力
不破君王顏
此時上御

宣德門樂動簾開
見至尊
奔星忽經於御榻
明月初上堆金盤
傾城呼噪聲動地
可憐今夜鰲山戲
窈冥幻巧百恠聚
金蛾翠管堪垂淚
借問幸臣誰云是
李師師
外有蔡京與蔡攸
夾樓錦幄羅公侯
丞相之幄當前頭
奚兒腰帶控紫騮
如花少女擎綵毬
但聞樓上喚樓下
黃帕籠盤賜玉羞
月高鳴鞭至尊起
幄中環珮如流水
爭道齊驅輦路窄
寺橋窈窕塵埃白
火樹龍燈又一時
千光萬焰天為赤
常言宴安成禍基
從來

樂極還生悲君看二帝蒙塵日數月東京荒蒺
藜

石將軍戰場歌

清風店南逢父老告我已巳年間事店北猶存
古戰場遺鏃尚帶勤王字憶昔蒙塵實慘怛反
覆勢如風雨至紫荊關頭晝吹角殺氣軍聲滿
幽朔胡兒飲馬彰義門烽火夜照燕山雲內有
于尚書外有石將軍石家官軍若雷電天清野
曠來酣戰朝廷既失紫荊關吾民豈保清風店

牽爺負子無處逃哭聲震天風怒號兒女床頭
伏鼓角野人屋上看旌旄將軍此時挺戈出殺
胡不異草與蒿追北歸來血洗刀白日不動蒼
天高萬里烟塵一劍掃父子英雄古來少天生
李晟為社稷周之方叔今元老單于痛哭倒馬
關羯奴半死飛狐道處處懽聲噪鼓旗家家牛
酒犒王師休誇漢室嫖姚將豈說唐朝郭子儀
沉吟此事六十春此地經過淚滿巾黃雲落日
古骨白沙礫慘淡愁行人行人來折戰場柳下

馬坐望居庸口却憶千官迎駕初千乘萬騎下
皇都乾坤得見中興主日月重開再造圖梟雄
不數雲臺士楊石齊名天下無嗚呼楊石今已
無安得再生此輩西備胡

劉子有金陵之差遂便覲省

使君昔居紫荊關日登燕嶠望吳山逢人顏色
鬱黯對酒涕泗交潺湲使君南向金陵去孤
帆夜拂春天樹旅枕常歌月落時夢魂先到雲
飛處楊子江頭青草斜大孤山前開杏花行人

三月重回首游子一年初到家出門烟草滿芳
甸鳳凰臺接麒麟殿遊陌聯翩追宿娛墨塲婉
孌羅賓燕人生意氣無南北白馬青袍動江色
即看艤舸石頭城還聞稅鞅鐘山側鐘山翠嶺
壓秦淮燕趙風雲入望來芙蓉秋鴈多愁思問
君何日錦帆迴

李進士醉歸圖歌

誰將一幅雪白絹放筆橫掃黃金殿五雲飛花
白片片李生胡此開生面御河塵昏楊柳暮衍

佛初罷南宮宴 皇帝龍飛十二春同時三百
登要津曹生李生余最親曹生李也傳經人光
耀雖云丈夫未不聞致君須致身自汝白手扣
閭闔想像紫陌行騏驎曹留李歸事亦變李生
意氣圖中見醉歸扶起杏林下眼花熟人無識
者飛鳥來窺進士巾游絲故罨誇官馬即論此
馬亦有神畫出紫焰方瞳真嚼勒齧膝如待人
長行大步不動塵絡頭鞵鞞純用銀細巧似織
翻江鱗汝昔出門驢無騎曹生共被甘鹽齋比

許欲入周召列成就恥與蕭朱齊於乎男兒一
旦榮幸果如此生不報國老空悔

畫魚歌

呂公手持畫魚障清晨掛我北堂上島嶼晴開
雲蕩蕩衆魚出沒隨風浪四壁蕭蕭起寒漲嗟
此數尺障天機妙入神信手掃絹素慘澹開金
鱗濠梁断裂東津遠任公掣釣滄溟晚此時天
黑衆魚出鼉鼉徙穴蛟龍返或言乘潮萬魚集
細小亦趁雲雷入咫尺波濤有得失屈強泥沙

三言
卷二
恐難立細觀又似洪河風崑崙既道龍門通霹
靂殷殷行地中鯉眼下射盤渦紅非獨一身生
羽翼亦有數子隨飛龍山根小魚更無數鱸鮪
昂藏噴煙霧美人脩竿淇水濶漁子孤舟洞庭
暮我生好奇古覽畫心不動呂公此障誰為之
令我一見神色竦想當經營始筆端萬鈞力五
湖齊傾四海立空牕滾滾拔浪急陽侯逆走天
吳泣不然千魚萬魚何由集我聞神怪物變化
不可料點睛破垣古有兆即恐風雷就壁起鱗

人揮刀莫相笑

林良畫兩角鷹歌

百餘年來畫禽鳥後有呂紀前邊昭二子工似
不工意吮筆決皆分毫毛林良寫鳥祇用墨開
縑半掃風雲黑水禽陸禽各臻妙掛出滿堂皆
動色空山古林江怒濤兩鷹突出霜崖高整骨
刷羽意勢動四壁六月生秋颺一鷹下視睛不
轉已知两眼無秋毫一鷹掉頸復欲下漸覺颺
颺開風毛匹絹雖慘淡殺氣不可滅戴角森森

爪拳鐵迫如愁胡背欲裂朔雲吹沙秋草黃安
得臂爾騎四馱草間妖鳥盡擊死萬里晴空灑
毛血我聞宋徽宗亦善貌此鷹後來失天子餓
死五國城乃知圖寫小人藝工意工似皆虛名
校獵馳騁亦末事外作禽荒古有經 今皇恭
默罷游燕講經日御文華殿南海西湖馳道荒
獵師虞長俱貧賤呂紀白首金爐邊日暮還家無
酒錢從來上智不貴物淫巧豈敢陳王前良乎
良乎寧使爾畫不直錢無令後世好畫兼好畋

吳偉松窓讀易圖歌

仄巖泉流石無數素壁濛濛起烟霧君家屋宇
在都市何以堂上生松樹側聞江夏生氣酣掃
毫素絕筆風雷拔地起意匠鑿天天為怒泰山
古根生眼前俄頃縮出徂徠山懸蘿掛藤裊裊
黑復有草舍松之間窻間老人鬢髮秃手翻一
編周易讀空山瑟瑟翠濤激長干冥冥暮花撲
遠知既已死希夷不復作青丘石室杳何許恍
然置我此溪壑翻愁一夕雷電入六丁追書上

寥廓又畫石下根屈曲如老龍胡奴瞑踏孤巖
松蓬頭赤脚露兩肘月明汲泉山礧中却憶前
年召畫師江夏吳生亦與之短褐垢臉見天
子禮貌雖村骨格竒帝令待詔仁智殿有時
半酣被召見跪翻墨汁信手塗白日慘淡風雲
變至尊含笑中官羨五侯七貴同看面請觀
此幅松舍圖黃金失價連城賤吳生吳生太氣
岸一言不合輒投硯

鍾欽禮山水障子歌

鍾生始學戴文進後來頗自出機軸山林槎枒
波漫靡骨格雖傳氣不足此幅樹石差可意綴
得茅堂傍江麓連山遠勢亦可取轉折頗似蕭
湘曲竹嶼陂陀九疑隔蒼梧洞庭濕雲白黃陵
美人把瑤草天寒日暮行空澤鷓鴣雙飛鴻雁
宿榭樹颯颯江水碧細看谷口花又疑武陵源
孤舟欲往不可得對此彷彿聞清猿亭間更著
四老翁衣冠各異鬚眉同紫芝山深石漠漠悵
望萬里來悲風人生有形貴自適我今胡為塵

埃中觀畫感事面顏紅有畫如此何必工歌徹
目送滄洲鴻

觀序上人所藏陶成畫菊石歌

陶生畫菊石老草有筆力此石與此菊今為序
公得兩株徒倚石根前古石苔蘚屈連錢復有
餘株散在地平坡雜草青烟緜田株點綴花翩
翩含姿弄態不一足背向纖穠皆可目突如大
家貴介女珠翠雖搖氣莊肅近時名手計汝和
此生筆力方之過江東徐霖學畫石效顰差勝

王與何亦知神品多冥契下筆巉巖拓高勢石
磊磊兮菊漫漫清霜古路花斑斑遠意頗類東
材山東林昔築蓮花臺彭澤攢眉不肯來歸家
對菊獨銜杯序公叢林號白足不重蓮花番重
菊終然畫餅不充腹何如種向西山麓秋林寒
芳采服食煮石煉藥亦為得愛鷹愛馬古有之
不獨序公何太息

張侯藏張翬山水歌

張翬有名成化間大塗小抹成山水樹石燥硬

筆意古往人間落片紙此幅粗淺色更枯或
謂非暈出其子張侯識鑒天下精物物如金見
沙底爾家圖書千萬軸素壁高堂安用此寧知
上智不滯物牝牡不貴貴者骨尺山即如對玄
圃草屋臨崖氣出沒崖根林堂頗清迥遠雲澹
施開秋嶺霜蘿細紆巖檻暝昏猿接掛花溪靜
自從去年拋棄官夢想山遊駕江舸見此拂衣
便欲往攀緣轉玩情無那崖亭更著一人坐斗
絕看書樹婀娜張侯豪曠人共知敏捷言談皆

勝我鹽車鬱沒騏驥棄蹇拙逢時每相在崑崙
洞庭不我隔異時倘結烟霞果

畫馬行

嗚呼驂騑不可見世人任耳不任目玉勒金羈
滿地行可道中無千里足君收此馬畫者誰疑
豪芒意求其骨尺縑颯爽毛鬣動凌風似欲真
馳突曹霸畫馬無此精拂拭慘澹神氣生細觀
決非近代物印押剝落無姓名四海只今多戰
爭安得此馬一敵萬絡頭騎出千人驚擒戎破

虜任橫行

畫竹行

鄆陵王孫稱竹溪手自栽竹堂東西已詫白晝
雷雨入遽使六月秋雲低王孫拈筆傳竹神不
旱乃憶能傳人黃荃異世與可滅本朝頗數東
吳真一幅千金擲不惜有時客來掛之壁壁上
階前翠相射風行琳琅戛摩仄四座慄慄生寒
色陂陀沙嶼意勢遠洞庭木落瀟湘晚白雲悠
悠去不返叢篁寂寞雙妃怨於乎畫形難畫心

黃陵鷓鴣啼至今月不常盈日中尋人生何必
長悲吟堂有佳賓膝有琴美酒一酌還一斟竹
溪子斟竹葉歌竹枝醉據玉案吹參差左杯酌
竹右畫師李乎孔乎吾則誰更須名手畫六逸
并畫王孫逸為七

題京口人山水圖

青山逶迤如北固山下彷彿京口樹茅堂花蹊
三月暮萋萋舊草春遊路一從畫師掃烟墨客
堂日夜流江色江色依微帶甕城遊子歸魂逗

南北

遊棲賢橋歌

雷泉峽激石巖崑日湍山隘回光動吁嗟此壯
觀萬古誰為開渦黃潭黑窈莫測秀黛碧玉何
崔嵬人言窟底有龍卧氣吐白晝常風雷去年
重九登吹臺翹望名山思媯娜今年今日誰料
吾醉踏窮山躡礪砢拂衣欲上萬仞壁濯纓還
就孤崖坐秋風吹林猿狖語浮橋橫空裊相拄
嵐寒細飄瀑布雪峯雲破碎芙蓉裂金芝瑶草

真有无縹緲仙燈暮明滅君不見此橋今千年
谷冷跡絕無人烟巖剝苔蝕石漠漠太白紫陽
俱我前對此不須更慘愴明朝且上香爐巔

揚花篇

洛陽三月東風起揚花飛入千門裏只見朝榮
上苑烟那知夕逐東流水苑烟流水無休歇暖
日輕盈度仙闕趙女瑤臺貯綵霞班娘團扇啼
明月綵霞明月幾沉輝陌上行人亂撲衣征夫
柳塞愁看鴈少婦香閨懶上機柳塞香閨萬餘

里草色連天度隴水玉門關外雪猶飛章臺樹
裏風先起誰家浪子千金馬平明挾彈章臺下
頭上羅巾玳瑁簪腰間寶鈿珊瑚把踏絮來尋
賣酒家持香坐調當壚者當壚美女怨陽春笑
掇楊花襯繡裯青樓薄暮難消遣白雪漫天愁
殺人冥冥漠漠春無極此時惟有楊花色一朝
風雨薜蘿爛獨慘垂條三嘆息

明星篇

明星出地一丈高天門沉沉魚鑰動沙堤露下

王珂寒直廬鷄唱金蓮重千門萬戶曉鐘發明
星漸高河漸沒燦爛疑侵翔鳳樓依稀故抱飛
龍闕鳳樓龍闕帶曾城翠輦朱衣夜夜行黃昏
競奏催花宴天明猶聽打毬聲蘭煙桂火輝如
日明星迢迢照不入百子池頭青草生長信宮
中紫苔集草色苔香秋復春此日乘槎若問津
明星曉落宵還見白髮黃金愁殺人

漢京篇

漢京臨帝極複道衆星羅烟花開甸服錦繡列

山河山河自古稱佳麗城中半是王侯第峻閣
重樓夾道懸雲房霧殿森虧蔽牧豚賣珠登要
津樊侯亦是鼓刀人時來叱咤生風雨奄見吹
噓走鬼神平津結兄蓋侯弟杯酒相看何意氣
執鞭盡是虎賁郎守門不說長安尉長安烽火
入邊城挺劍辭君萬里行去日千官遮馬餞歸
來天子降階迎朱弓尚抱流沙月寶鉞常飛瀚
海星不分燕然先勒石直教麟閣後標名豈知
盛滿多仇忌可惜榮華如夢寐第宅田園奪與

人丹書鐵券成何事霍氏門牆狐夜踰魏其他
館長蓬蒿三千劍客今誰在十二珠樓空復高
後車不戒前車覆又破黃金買金谷洛陽亭榭
與山齊北印車馬如雲逐陰郭豪華真可憐雲
臺將相珥貂連當時却恠桐江叟獨着羊裘伴
帝眠

去婦詞

孔雀南飛鴈北翔含顰攬涕下君堂繡幙空留
並菡萏羅袿尚帶雙鴛鴦為甚自鴛鴦誰不羨人

生一別何由見只解黃金頃刻成那知碧海須
史變賤妾甘為覆地水郎君忍作離弦箭憶昔
嫁來花滿天賤妾郎君俱少年瑤臺築就猶嫌
惡金屋粧成不論錢重樓複道天中起結綺臨
春照春水宛轉流蘇夜月前萋迷寶瑟烟花裏
夜月烟花不相待安得朱顏常不改若使相逢
無別離肯放馳波到東海薄命難交娣似知衰
年恨少姑嫜在長安大道接燕川鄰里携壺舊
路邊妾悲妾恁憑誰省君舞君歌空自憐郎君

豈是會稽守賤妾寧同會稽婦郎乎幸愛千金
軀但願新人故不知

冰車行

黃門飛鞚西北趨白馬如龍血如珠萬人齊呼
冰窖開大車小車如山來但見風行九市陌寧
知玉積五侯宅道傍暍士僵闌干唇乾口燥真
大難侯門宴罷夜烏起朱殘粉落明星裏君不
見積冰化作堂前水

鹽井行

山頭井乾生棘蒿山下井塌不可熬官司白牌
促上庾富家典牛貧典女誰其使之華陽賈華
陽賈子多少年擁金調妓高樓邊夜馳白馬迎
場吏曉貫青絲還酒錢君不見場吏乘酣氣如
虎鹽丁一語遭箠楚

清夜引

桂魄團團霜兔泣玉龍夜吟冰喉澁仙人起踏
白芙蓉手撚一枝珊瑚株伏猊香噴紅糝逾蠟
鳳啼春蝦捲鬚九華丹焰奪行月五乳轢雲聲

軋軋銀箏翠管聲啞啞繁詎雜舞懽意匝盤中
紫棗大如瓜誰其擊之萼綠華雙桂逶迤頭兩
了密情芳緒芳且嘉瓊城夜半重重閉偷桃小
兒安得至

雷電行贈憲卿何公羨其伐也

黃塵蔽日賊大戰元年年除夜雷電我軍後之
天威前一鼓破賊淮陽川昨者此賊生齊東眼
中久已無河嵩渡河轉戰勢轉熾長矛健馬六
石弓睢陳飛必晝接白毫穎劫火宵連紅一路

生靈餓餓虎中原殺氣回春鴻于時中丞秉鉞
出誓不滅賊如此日三軍素壯元老猷諸將咸
遵丈人律孔明綸巾不離首羊祜輕裘僅掩膝
精采遽增朱雀幟運用或參白猿術陷陣直如
風掃葉追北譬之蜂就蜜二月朔日振旅歸夾
道桃花照鐵衣傾城盡出牛羊犒父老爭迎錦
繡旂喜氣真隨陽氣發愁雲化作輕雲飛捷聞
天子喜動色滿朝譽公降褒勅白金綺繒寧足
酬異日凌烟看畫墨

邊馬行送太僕董卿

治賢在朝亂在野唐虞圉牧皆賢者國君之富
馬為急次者僕卿首司馬漢人五郡開河西中
土始聞胡馬嘶此馬碗礪一直萬黃金寧輕璧
可賤奪駿魯空大宛國按圖徑上長安殿首蓓
雖誇近苑春荆榛誰記沙場戰致遠番歸草木
功清茅秀味走胡驄三邊盡誇連錢種六苑羣
嘶汗血風人亡世殊霜雪急草豆蕭瑟馬骨立
驂騮氣喪甲士苦長城窟寒鴻鴈集朝廷每勤

西顧憂四岳拜手推董侯攻駒暫出薇花解攬
轡遠過葡萄州行卿官冷心不冷固知董侯今
伯冏磧沙日黃雲錦亂徵侯定上金華省

鈐山堂歌

先生昔隨玄豹住丹壑冥濛日烟霧先生今與
赤龍飛南望碧山空翠微茅堂蒼蒼雲氣入囊
琴鎖戶陰陰濕沚蘭沙溫春鳥暮庭松月清夜
鶴立君不見山下石危巖千尺磯經年不釣苔
成衣玉璜羊裘各有分可問王孫歸不歸

散篇

怨歌行

漢主十離宮涼至花盡歇面面窻玲瓏烟紗印
秋月天公顧我笑手弄雙玉玦但笑不肯留去
若流雲沒憂來抱團扇揚顰望丹闕

白霧樹累累作花

不作江南客空登河上臺夢中到孤山笛裏落
寒梅今朝走白霧萬枝參差開紫宮散花女騎
龍下瑤陔恍惚弄珠人玉塵生羅襪葳蕤復颺

言 卷二 卅三
春光采半明滅朝陽勿遽晞留之慰超忽

少年行

白馬白如雪銀鞍耀明月騎出青雲樓揮鞭向
金闕自言事武皇出身為椒房結交樂通侯擅
名鬪鷄場尚主復賜第軒蓋一何光被酒過都
市殺人如剪蒿左殪南山虎右斬北溟鰲昨朝
兵符至單于寇臨洮奮身出玉門殺馬鬣寶刀
橫行萬餘里叱咤威風起奪馬貳師城長揖見
天子調笑大將軍醉罵柱下史生憎漢相如白

首文園裏

長干行

皚如玉山雪皎如瑤臺月郎來騎白馬調妾桃
樹下桃葉何柳柳不謂君行久倚門問來船見
郎寄書否

洛陽道

桃花馬金絡頭白面郎紫貂裘三月洛陽道垂
柳蔭清溝溝水東流不記春花開花落幾回新
東風日暮楊花起愁殺高樓獨倚人

邯鄲才人嫁為廝養卒婦

妾本寒家女誤入崇臺宮粉黛三千人花顏笑
春紅君王重歌舞幼小不會通一朝意相近棄
擲如秋蓬昔為高唐雲今為牛馬風夜夢邯鄲
道不識邯鄲中金殿秋月滿歌吹行煙空白日
曜于春何時燭微躬

結交行

昔時韓生有艷妻其君使築青陵臺南山有鳥
不肯來烏鵲雖小禽不受鸞鳳猜以此築臺成

二人塋寒灰舉國見之悲且哀悲且哀斷人腸
墳上連理樹變為兩鳥鴛鴦搯交頸綺翼張春
風蛺蝶花飄揚君不見酈呂結交日朝為刎頸
暮拋擲如此結交復何益

梁園歌

朝發金臺門夕度博浪關黃河如絲天上来千
里不見淮南山淮南桂樹弄婆婆娑掛席欲進阻
洪波我今亦作梁園歌梁園昔有信陵君名與
佞華爭差我三千珠履不動色屠門執轡來相

過功成不顯涕滂沱青蠅白壁一何多我為梁
園客不登梁王臺錦帆揚州門去向時迴荒烟
白草古城沒登臺望之令心哀令心哀歌且謠
迷塗富貴苦不足寧思白骨生蓬蒿人生三十
無少年積金累玉空煎熬獨立天地間長嘯視
今古城隅落落一堆土千年誰繼白與甫攬淚
浮雲灑烟莽灑煙莽風吹卷波濤沈吟投箸不
暇食蹴天濁浪何滔滔君不見昔人然諾一相
許黃金斗印如秋毫

送友人入關

南山鬱幽幽豐水浩浩烏啼漢城樹塵起咸
陽道驅馬東方來長鳴翻玉啼春風吹綠草明
月滿關西

送友人之京

與君何處別汴州金梁橋下有古時水遙接廣
陵潮君搖錦帆去萬里上雲霄我掇金光草方
期白鶴招

贈張生

攢衣斲崖口悲風振古臺
叫鴈驚逆雲萬里天
為開雪榛覆寒莎松殿
扃餘苔昔人邈安在日
落寒色來

歲暮夜懷寄友

梁客梁甫吟北風號沙林
連山激湍波海氣結
愁陰雖持一杯酒而有萬古心
越鳥不巢燕代馬不戀越
天明太行雪霜凍洛門月
颯颯湘流深冥冥蒼梧隔
逝矣空離憂芳蘭為誰結
歲窮長年悲越吟遊子思
寒風起枯楊夕坐知

天霜落星動海白飛沙吹雲黃
蕭蕭孤蓬轉萬里何超緬
沉吟卷道帙惻愴淚如霰
入河討沉淪蹈海事游衍
徇書寄麻姑與爾期相見

行歌古澤中

川原望不極愁思滿歸襟
雲蔽長安日水流湘浦
心頹陽滅遠樹積雪明
寒岑醉起海月照行歌
入霧林

十六夜

唧唧復唧唧當戶鳴促織
月中何所有云是仙

桂枝此桂開花復結子安得夜夜常不虧君不
見梁園酒一斗錢十千昔時信陵有賓客不飲
豈足稱豪賢直須酩酊卧草澤明日射獵睢陽
川

戲作放歌寄別吳子

惟昔少年時彈劍輕遠遊出門覽四海狂顧無
九州獻策 天子賜顏色錫宴出入黃金樓揚
鞭過市萬馬辟半醉唾罵文成侯結交盡是扶
風豪片言便脫千金裘彎弓西射白龍堆歸來

洗刀青海頭崑崙河磧不入眼拂袂乃作東南
遊江海洶湧浸日月島嶼蹙沓混吳越匡廬小
瑣拳可碎鄱陽觸怒踢欲裂澤中龍恠能人言
噴濤吹浪昏漲天大鵬舉翼四海窄笑爾弋人
何慕焉東吳子居非泆恣闇穆取位之丈夫余
亦豈卑卑與世而浮沉恂復共鬪非庸劣廉藺
終投萬古欽攀鱗掃氛代不乏我豈復戀頭上
簪鹿門黃犢穩足駕商顏紫芝山固深有飛倘
附秋空音

程生遊華山歸也誇我以絕觀動我以靈
篇爰贈此章抒我夙悵

君行值杪秋飄飄登雲巔笑弄石蓮花俯漱玉
女泉秦時采松女有無嬉紫烟雙騎兩茅龍曾
逢呼子先夜棲何峯室遇師叩何銓一虎嘯海
月萬壑驚風旋颯然毛骨換錯落神光圓晨興
扳長蘿朗詠青霞篇黃河衣帶去蓬萊瞪目前
赤日跳扶桑仙掌發紅鮮伊予歎茲游挂心三
十年夢想落鴈頂攜詩問青天林麓限層雲奮

飛悵無緣安能振衣去共爾追羣仙

懷湘曲

湘筠寒翠滿白日起秋雲美人杳何處江氣長
氤氳手持紫玉管遙望青霞君藹藹波水暮何
由致慇懃

相逢行贈袁永之

清晨客叩門投我一書札開緘錦雲爛鏗然玉
相戛問客何方來新下黃金臺揚鞭指河洛迴
旆陵高崖選玕掇琪草探美收璵瑰路逢赤松

子並舉收氛埃道同心乃冥神投誼難垂古人
重良契豈必聲影偕行行報嘉績貢此明堂材

李獻吉詩選卷之二終



梁園風雅

獻吉下

國家圖書館 NATIONAL CENTRAL LIBRARY TAIWAN R.O.C



李獻吉詩選卷之三

扶溝李夢陽獻吉著
雍丘趙彥復微生選
東郡汪元范明生校

五言律詩

郊觀齋居東邊喬二太常

人日過仙院春霞縹緲分碧回
瑶澤草紅綻
蕊宮雲獨處
依松樹清齋對鶴羣
桃源知並入
惆悵不逢君

李詩 卷三 九日薛樓會集二首

不倦登樓目遙憐秋色重
楓村疊暗浦霜日抱孤峰
楚越窗中地江山戰後容
倚闌渾不語吾欲採芙蓉

恰送重陽日能禁孤鴈來
林稀山盡出風順櫓齊開
况是薛樓會難孤江上杯
菊芳看莫厭秋色異鄉催

郊壇值雪

鳳輦連宵發雞鳴雪滿畿
嚴隨黃鉞至清繞翠

華飛伏謁深沾珮朝回半
濕衣懸知清切地冲默迓
天威

西天門候祀

瑤壇暮雪盡月出禁門西
地靜鳴珂碎沙寒簇仗低
臺官移斗柄衛士掃雲梯
遙識龍文氣爭傳法駕齊

卧病酬邊君天壇步月見懷之作

霽夕開芳甸祠官悵獨遊
銀潢橫殿落璧月抱壇流
漢時饒煙霧秦城逼斗牛
甘泉詞調絕疲

病若為酬

候輓

冬月初圓夕含悲候輦東閣門猶警蹕松栢已
新宮象衛悲風入龍旂白霧中有髯渾欲挽雲
墮鼎湖弓

驪山

繡嶺花仍繡湯泉滿故宮禁池人自浴新月古
應同玉殿興亡後青山涕淚中千巖歌吹入猶
想翠華東

朱遷鎮廟

水店回岡抱春湍滾白沙戰場猶傷柳遺廟只
棲鴉萬古關河淚孤村日暮笳向來戎馬志辛
苦為中華

冬日過故王墳

寂寞何王殿遺墳此徑孤玉階番雪草野日自
金鋪廡暝牛羊聚林風鳥雀呼白頭香火者猶
護赤龍符

徐墓書張相國碑銘

不讀南州傳誰知高士心江城遺塚在春日古
祠深竹鳥嚶嚶合松墻靡靡陰曲江千載碣書
罷淚盈襟

韓文公祠

袁州山在城韓廟倚山清冕眼前朝貌文章百
代名石苔猶馬路春竹自鶯聲立望潮陽近翻
翻海氣征

銀山寺

銀山倚鐵壁天外削三峯下見林中寺來聞午
後鐘僧徒住石屋雷雨拔門松西望諸陵接雲
成五色龍

出塞

磧日淡無暉胡沙驚自飛望烟尋戍壘聞鴈忽
沾衣大將搜河套遊兵出武威賀蘭山下戰昨
日幾人歸

環縣道中

西人習鞍馬而我憚孤征水抱琵琶寨山銜木
鉢城裹瘡新罷戰插羽又徵兵不到窮邊處那

知遠成情

繁臺春望

野曠孤煙靜高臺獨望時
地殘隋氏苑天濶禹王祠
晚日雲爭白陰崖花自遲
目斷南來鴈蕭然故國思

登盤山頂顧望三湖

為訪三湖寺春山獨自來
千盤不到頂萬壑劃爭迴
石罅鳴鷄大林風過虎豹
俯觀侯趙樹西望白雲臺

中湖寺

龍象何年地千巖一澗迴
我來尋石鏡隔竹望香臺
樹繞啼猿入人從鳥道來
坐歿霞氣晚只擬是天台

曉行雲夢澤

曉行雲夢澤雲起失湖村
歷歷橫江雨冥冥遠岫昏
鼉鼉當馬吼鷗鷺背人翻
欲擬浮湘作吾生異楚魂

浮江

浮江晴放舸挂席曉須風日倒明波底天平落
鏡中開窻問赤壁捩柁失吳宮萬古滔滔意潯
陽更向東

豐安庄

地氣南逾熱僧林晚暫栖雲開一江去日在萬
山西脩竹涼風至昏鴉古木齊凭高忽灑淚清
世有征輦

五老峯

東南濤浪吞五老古今存秀色彭湖浴諸峰廬

嶽尊中宵見海日南斗豁天門霜雪顏常靜雲
烟解變魂

折桂寺

折桂何朝院開基分翠峰窻明五老雪門掩半
崖松泉瀑飛人過香臺印虎踪千巖誰得到百
里但聞鐘

鉛山

山水交閩越東南古縣聞一峯晴冒雪兩水晝
蒸雲石井鵝湖倚車盤鳥道分儒官荆棘裏寒

葉痛紛紛

舟往臨江即事

直岼含風細中江放舸安地隨帆席轉風進晚
潮殘霞樹迎窻過晴山卷幔看遙驚雙浴鷺色
舉向雲端

玉峽驛夜泊

暑泊無風夜江船深自涼雲織沾葛細月湧去
波長古峽銜孤驛名山引玉梁前途堪躍馬旦
發問仙鄉

白沙驛

沙古幽幽白江新泯泯清水銜村作國山繞驛
為城萬里將南徼孤槎且暮征壯心與落日的
的向波明

宜春臺春望

古州圖記見今望臨高臺人倚楚天盡風驅湘
色來密雲生曉暝遠水上春雷尚有干戈淚馮
軒眼倦開

曉至鄔子驛

湖夜乘風過天明見驛樓數家依獨樹落日隱
春洲日抱越峰上江奔吳徼流姚源東水外兵
甲氣還浮

再至玉虛觀

龍沙欣自昔久泊遂今期雨露新松大丹青舊
殿移岼雲通繡拱江日抱金池欲倚門東閣愁
看日暮時

東陂秋汎

久說東陂好今陪上客遊綺筵開畫舫哀笛奮
中流舞每低輕燕歌先起白鷗稍前休更進吾
愛荻花洲

進艇晨烟碧回棹晚日黃宿禽喧亂葦飢獺窟
空梁放浪形骸得牽纏世路忙要君待明月此
水是滄浪

酬京師友人見寄

浮雲悲故國積水起鳴雷不見長安日愁登古
吹臺故人三月別天上一書來欲問經行處山
中杜若開

繁臺餞秦子

異地同為客看花更屬秋雲連去國日鴈引望
鄉愁隴樹迷關道吳山蔽驛樓忍將宗玉恨還
共李膺舟

張子抱疴避諠山寺闢別旬月作此懷寄
楚楚張公子悲吟度歲華棄官臨野寺服習向
山家石髓遇不識黃精春始花洞中日月秘強
食勝丹砂

晚過序上人

塔日微微墮禪居隱隱涼軒開惟有竹坐定好
聞香萬古風塵地三生水月鄉頻來尋白社不
為禮空王

延慶觀訪陳州王君

珠閣晴逾麗仙林午自和
我來驅獨馬笑爾溺
雙鵝臘雪融樓薄溪風滂竹多雖非宛丘習吾
醉亦婆娑

徙秦公方丈秋夜

秋林風色暮游子念征衣鴻鴈俱高起江山獨

未歸月臨蓮室靜螢傍竹林微喜對離羣友吾
生本息機

答何子問訊

伊汝投簪日憐余骨網羅江湖鴻鴈絕道路虎
狼多萬死還鄉井潛身葺薜蘿天涯歲仍晚無
路覓羊何

獨對亭贈人過訪

孤亭瞰巨壑五老對銜卮日出峰烟起風涼谷
樹悲石泉秋聽急山路晚歸遲異日東南賞

深廬嶽思

寄贈林都御史

錦水啼鶯起巴山春望微干戈滿眼急江漢一
舟歸花送琴書色霜留斧鉞威所傷豺虎亂公
也息鷗機

諸葛能安蜀稷苴本善兵向來優起詔番作急
流行老益丹心壯憂惟白髮驚祗憐川父老涕
泣挽歸旌

贈顧子謫全州

楚城悲遠望君去更悠悠十月逢南雁章江况
北流寒沙帶宿莽霜日下孤舟明發湘東路應
添吊屈愁

與樾堂子晚步

北郭浮沙暝西山隱隱
行殿閣江已下
星辰禹服苗風雜豐郊
劍氣伸獨嗟征艦日
歌吹滿城闔

送鄭生南歸

梁園杯酒罷江上送舟歸
白日孤帆隱青天一

鳥飛路分和靖宅潮接子陵磯
羨爾隨玄豹還山戲綵衣

許君話遊感舊

幾日離泉上泉香滿繡衣
坐談觀水事想見采菱歸
石柱新留姓山藜亦借威
知君薄朱紱興在白雲飛

亭榭逢君復源泉改色流噴珠
連地涌仰鏡合天浮掇蛤曾
蕪石移家欲狎鷗獵心萌自鄙日
往水邊頭

送陳左使赴貴州

萬里洞庭西秋風入五溪瘴天開斧鉞山驛斷
缸霓水出牂牁繞城深井宿低堂間花樹紫簫
鼓闕雕題

郡縣收殊俗封疆託此臣去披炎嶺霧坐使瘴
花春獠部知徭賦夷官學縉紳誰期召伯樹蔽
芾五溪濱

寄王子蘇州

獨立望南天秋空月會圓此時一尊酒憶爾隔

嬋娟並馬遊燕日孤舟去越年斷腸今萬里心
折暮汀前

寄張孟縣

同年多出宰獨爾得河陽背郭圍玉屋開門對
北印詞章前令掩桃李舊花香何日乘雲起雙
鳧入帝鄉

酬徐子春日登樓見寄

三月垂楊合風花滿帝州伊予直北望爾上幾
層樓紫塞連天起黃河抱地流春烟動萬里何

言
卷三
十一
處覓前遊

繁臺冬餞翟子

野館逢君日相逢復惜違暖崖花尚發冬樹果
初肥斧鉞從天至家山傍海歸懸知稱慶處不
獨錦為衣

月下柬張含

風餐涼雨過露坐晚林幽汝對梁園月孰如金
齒秋常星皆北拱瀕海獨西流萬里清光再應
懷今夜遊

寄崔內史病還鄴

漳浦新歸客文園舊病身乾坤金馬外杖屨碧
山春書合虞卿著耕非桀溺倫漢廷文賦筆誰
及茂陵臣

寄王監察

江漢歸鴻鴈乾坤罷虎狼薜蘿吾故土驄馬爾
何鄉岸樹霜先赤籬花晚自黃而來杯酒地臺
栢但蒼蒼

送王左史入覲

李詩 卷三
帝里花應待王筵醴暫違舟從春水上人是錦
衣歸日月瞻新袞風雲壯舊畿辭朝君即返莫
賦北山薇

春日宴山泉王子之第

入殿笙簫合開筵錦繡圍苑枝春競發臺日晚
猶輝語燕窺吟管飛花坐舞衣二豪同酌酌與
爾月中歸

送田生讀書上方寺

嗜靜甘違俗歲脩舍就僧綠移開徑竹寒掃護
窻藤殿閣秋陰下琴書爽氣增不須匡氏壁常
有玉蓮燈

再送白帥

聖主下龍章將軍入鳳陽地盤淮海壯天擁漢
陵長祭戟新開府威名古辟疆卜年元萬世王
道是金湯

春日寄題崔學士後渠書屋

草閣臨何地花天想後渠傍墻應植柳俯岬幾
跳魚好撰王褒頌休親郭橐書改元新禮制側

李詩 卷三 十四
席待相如

且養岷山鳥休焚學士魚窮通不在我水竹漫
成居綠薜深藏屋丹花淺映渠幾時朝聖主人
擬治安書

送錫嘉之茂州

蜀道元非易人言此更難虎風生萬壑蛇徑動
千盤北望常思闕西來不為官無言羗性異汝
當郡民看

秋日呂公西園同玉溪侍御

入院看垂柿臨畦羨引泉寒萋自滿地疎樹不
妨天野老疑旌旆林鳥下酒筵無云但游行公
意在桑田

見和君病起鬢白輒有所贈亦答其酒過
詫汝鬚添白將無病苦形眼前真過隙身外是
浮萍客到留碁局兒呼檢藥經昔人曾頌酒吾
意不如醒

和鄭生行經鳳陽

浩蕩興龍地盤旋踞虎形海吞淮水白天插楚

李詩 卷二
峰青帝宅精靈聚陵宮虎豹扃萬年裡祭禮有
道賴朝廷

鄭生至自泰山 二首

昨汝登東嶽何峰是絕峰有無丈人石幾許大
夫松海日低波鳥巖雷起窟龍誰言天下小化
外亦王封

俯首無齊魯東瞻海似杯斗然一峰上不信萬
山開日抱扶桑躍天橫碣石來君看秦始後仍
有漢皇臺

送趙訓學滿歸

六旬千里客九載一轡歸路遠琴書重官貧妻
子饑塞雲迎老鬢河色戀征衣會有秋行伴關
山新鴈飛

贈陳生嘉言

白屋山中相黃河水後田家無釀酒秫人索買
書錢雨過雲流野風來浪接天行行牛角上猶
掛古人編

贈程生東游

鄒魯風猶在芒碭氣有無
霸心空大澤儒行乃
長途野艇冰迷鴈村樓
凍集烏無勞怨歲暮隨
處是江湖

立春東鄭生問其愁病

天涯春又至游子近如何
病久詩難減鄉遙夢
易多藥苗春尚雪舟楫海
初波舊業方山下東
風偏綠莎

伏日載酒尋高司封讀書處

養寂為園卧尋幽當暑過
林深得日薄地靜覺
蟬多舊業元秔稻新亭復
薜蘿誰憐朱紱客遽
戀白雲窩

中秋南康

同是中秋月匡廬只自看
故臨石鏡上偏傷落
星灘北望關山隔南飛烏
鵲寒鳳歌喧太液光
憶滿長安

中秋

輝輝衆星沒宛宛孤輪高
萬古今宵月青天首
自搔度閨螢息照懸樹鳥
分毛寂寞枚乘筆空

懷八月濤

九日上方寺

天地踈秋色樓臺敞客歌遠江寒自白落木晚
堪多月為銜盃出鴻於鳴磬過霜橫不歸去吾
意在烟蘿

哭郡守郝公

征歛無休日斯人不永年曾聞溪虎避早見壁
魚懸頌碣留邊郡銘旌拂塞天九河一孤塚愁
絕海門烟

哭張子

張子者平谷張子禴也以都御史鎮遼東顯
矣然無何卒李子者張之舊僚也聞之哀焉
於是作哭張子二章語曰歲在龍蛇賢人嗟
張之卒庚辰歲也

虎豹威邊日龍蛇哭爾年故人今若此吾道合
潛然部曲歸旌擁風雲舊國連薊門秋草徧何
處是新阡

翰海龍真泣遼陽鶴竟歸壯心元鐵石神爽尚

李詩
卷三
十八
旌旗光遠新埋劍香殘舊賜衣至今生仲達猶
怯孔明威

古意

內廐飛龍馬君王賜玉鞭長鳴彩仗下立在紫
騮先放逐緣何事飄零竟不旋如蒙蔽帷顧萬
里為君前

聞砧

逸響緣雲起清砧入暮繁秋風吹落月萬戶更
千門寧知寄遠意不盡搗衣魂早晚逢西使流

沙隔塞垣

題壁

客到惟鷄黍農情愛汝真隔城因下榻曠野合
留賓騎苑沙明月鞭橋柳弄春忍能辭一醉天
地漸風塵

春日余庄感舊

名園多感激繼至轉芳菲節恨清明逼人憐故
舊稀暖烟低野淨雲日度花微莫漫愁春賞吾
今已拂衣

河上秋興

古有蒹葭客吾今水一方茅齋寒淦淦洲渚鬱
蒼蒼獵騎捎河鴈歸人競野航霜高木葉下莫
擬是瀟湘

名城急鼓吹野處散秋烟衆草莽零落孤松羞
自妍山川亂明水雲日媚高天何事楊朱子臨
岐獨泫然

白馬瓠子口秋風汾上歌帝鄉不可見千載白
雲多樹動江帆至雲前塞鴈過滄洲無盡極慷
慨有漁蓑

大道觀會飲

敞閣元無暑清林更著烟人觴金像側馬繫石
門前碧草侵衣冷壇花落酒鮮丹青半磨滅何
處問諸天

聞鴈

慘澹胡風起連鳴上碧霄纔聞秋浦外已復夕
山遙哀故欺霜角清應斷夜簫南樓有思婦夢
恰到西遼

菊時一種數本其一逾秋獨妍爰及至日
黃華韡然當庭見者駭歎攜酒來賞余因
賦詩

節過諸芳盡冬深爾獨妍那知冰雪候復啟菊
花筵蕊凍黃逾嫩枝踈綠更鮮試令彭澤見應
費掇英篇

排律

華嶽二十韻

有嶽雄西土三峯插渭川省方朝白帝分野障

金天逝矣威靈赫遐哉秩望虔百王開寶錄七
聖演瑤編綺殿丹青列文憲俎豆聯風雲蒸大
壑日月避層巔鶩舉天門闢鰲吐地軸旋巖巖
莽翕沓嶺嶂鬱縣翮猿掛仙人掌羅飛玉女泉
霞雰夕的爍錦繡曉相鮮葛藟搖金壁芝苓冒
紫烟石膏滲復結鍾乳滴猶懸右壓秦胡壯南
包漢鄧偏徒追散馬日緬憶祖龍年箭括通神
戶雲臺秘妙筌豈惟棲鳳侶亦以遜鴻賢方士
騎茅狗宮人採石蓮褰帷瞻窈窕拄笏悵攀緣

李詩 卷三
陰井邀雷馭陽崖起電鞭聊遊凌絕頂不為學
神仙

冬日靈濟宮十六韻

貝闕崑崙外浮生此路疑蓬萊移禁國塵世出
瑤池叢爾雙仙跡飛騰後晉時論功竟恍惚識
兆且逶迤慙慙精靈託呼噓霹靂隨先皇親議
號繼聖必脩辭爵陟王侯上尊同帝者師龍襦
分內錦宮女準昭儀雨露宮城切星辰天仗移
琳琅搖繡拱松柏蔭丹墀瓶內金花踊龕前紫
鳳垂晴還日月秘暝則鬼神悲玉鼎推龍虎瑤
編述姹兒漢惟藥大顯秦竟羨門欺五帝非無
術千齡今見誰累朝盟誓冊玉櫃少人知

簡何舍人二十韻

黃扉通內閣左順切文華密勿君臣契尊崇禮
數加詞頭存故事國體與宣麻奏絕銅函密封
非墨勅斜四門欽舜闢隻日鄙唐邪乾斷人心
協風淳主德遐萬方成就日六合迥為家司馬
元牛走卧龍曾兔且吹噓振羽翮變化奮泥沙

邦計思劉晏兵謀愧左車分番春扣闥捧牘晚
歸衙影拂垂城草香携出苑花讐經違白虎投
筆困青蛇每憶仙池鳳私慙省樹鴉拘羈那有
適追琢異無瑕不忍醒為醉胡由玉倚葭聖朝
巢父耳荒里邵平瓜稔抱丘園欲私祈紀運嘉
鳴文極燕許熙載老姬牙帝澤川歸海浮雲莫
蔽遮

少傳西涯相公六十壽詩三十八韻

龍馬千年會崧高萬古神負圖曾翊聖間氣又
生申穎拔元無敵清脩况絕倫生來近日月韶
斲上星辰懷橘休前輩探鏗祗後身早承金馬
詔竟冠玉堂賓講幄時霑醉宮坊數賜珍文章
班馬則道術孟顏醇絕藝邕斯上高情頡籀隣
一揮驚霹靂隻字破風塵絢練王侯宅蒼茫海
嶽濱幽劔光沕窟巨榜照嶙峋星燦將軍碣雲
垂學士珉崖題半吳楚畧刻徧齊秦振鷺天衢
麗登龍野服臻諸生彌濟濟夫子益循循江漢
誰堪混桃梅自有春空傳馬融帳真慕介休巾

憶昔逢先廟，援公輔大鈞。至人虛密勿，君子以
經綸。商鼎調和切，虞廷吁咈頻。八方生氣象，萬
物荷陶甄。日宴離黃閣，鷄鳴侍紫宸。羨分紫駝
背，袍賜錦麒麟。顧命留元弼，今皇禮舊臣。屹然
匡社稷，公論在朝紳。鶉首星躔徙，龍飛歲序新。
風雲回甲子，天地慶茲辰。却老形如鶴，憂時鬢
若銀。含悽麾賀客，雅志為蒸民。愚也蓬蒿士，蕭
條塞鄙人。猥蒙噓弱羽，從此躍塗鱗。原憲終多
病，彭宣晚見親。臨洋徒歎惋，學步轉遭迍。寶繪
開蓬島，清歌頌大椿。微涓寧溢海，撮土詎增岷。
古意同如此，中懷托具陳。願為金石檝，永永濟
迷津。

在獄聞余師楊公誣逮獲釋踴躍詠十韻

六苑中丞府三邊，大將旗先皇親授鉞。報主獨
褰帷，朔漠威名壯。風霜鬢髮衰，功高元不賞。道
大不容時，丞史輕周勃。朝廷重子儀，未論遭鵬
鳥。先已縱塗龜，北固潛夫早。東山起謝遲，蛟龍
沒海濶。日月倒江垂，杖屨金山寺。文章鐵甕碑。

終願陸贄詔四海漸瘡痍

赦出館李真人別業顧侍講清暨汪編脩
俊俊弟編脩偉許枉訪不至十韻

開業傍仙宮逶迤金闕通綵雲偏近日瑤草盡
含風野性耽沈寂攜遊想數公秋林葉自落露
井果猶紅搖筆憐清景吹簫望碧空寒山萬井
外滄海五陵東卻笑籠鵝侶番成失馬翁生涯
真畫餅故舊各飛蓬對食懷金馬開筵列玉童
不知東閣士清論幾時同

鄱陽湖十六韻

太祖平陳日樓船下此湖波濤留壯色天地見
雄圖水上開黃屋雲中下赤烏士猶詢後載戈
已倒前徒力屈鯨鯢仆聲回鴈鷺呼橫江收玉
筍誇海定金符文軌遙通楚梯航訖至吳虎賁
雖莫敵龍戰豈全辜血染猶丹草骨沉空白蕪
汀洲夜寂寂霜月鬼鳴鳴殺氣鼉鼉徙腥風島
嶼孤冑人拾古鏃艇客慨秋菰偉彼高光烈還
將蕭鄧須英謀協睿笑勇奮想長驅劔瘞神仍

李詩 卷三 十五
王舟焚勢與徂康山魏廟在忠武激頑夫

兩宴封丘別第

飛蓋凌晨集行宮映雨開天為歌鼓動霧拂舞
筵迴賓客梁王盛山河故國哀長沙悲舊傳屠
市隱真才憶昔兒童聚惟今老大催達人元曠
逸萬物且形骸樂混寒聲拂尊添暝色來斜風
霑綺席踈點灑金杯雜逞龍仙互先爭虎豹摧
轉眸升旭日覆手下秋雷尚有歡娛歎須防禮
法猜門衢汨泥淖莫遣引燈回

贈復齋子二十韻

豈謂懸弧日今逢獻襪辰梅樽初介壽葭管暗
浮春王國多賢者朝廷是聖人八荒元皞皞七
世益振振北斗天元氣南陽帝近親方城鬱律
律漢水白粼粼憶昔生申甫崧高實降神一陽
消長意七日往來因刻志耽經史忘形下縉紳
座無絕纓客門有曳裾賓楚醴朝朝設梁園事
事新心於業遂廣性以學而淳禮樂河間並文
章子建隣八公傳訣日三老述年晨瑞霧紫朱

李詩
卷一
三十一
閣香塵擁畫輪
筵開金玳瑁
煙裊玉麒麟
避地思叢桂
停雲詠大椿
力耕知稼寶
苦節愧儒珍
欲奮扶搖翮
其如潦倒身
呂稽千里駕
終擬托雷陳

李獻吉詩選卷之三終

李獻吉詩選卷之四

七言律詩

赴郊觀宿

城邊水色靜春茅苑外鶯啼拂露梢萬戶烟花
臨複道九天宮殿鎖南郊霓旌夜發清溪繞彩
仗晨飛碧樹交身到釣天渾不解坐聞仙樂下
雲旂

曉詣西壇候駕

萬宇沉沉曉漏催九關魚鑰遲明開闐闐鼓角

空中起片片爐烟霧裏來氣結龍文隨御幄風
傳虎旅發仙臺叨從百辟觀周典不向秋風數
漢才

西壇候駕即事

太歲宮高接禁墻先農大燾兩相望陰陰背日
朱旗閃黯黯參天翠柏長別殿爐烟清幄次虛
壇草色淨琴張祠官指點躬耕地田畯行瞻袞
鉞光

扈從耕藉

天行近野團龍蓋萬姓環門識袞袍竟畝難寬
卿相力藉耕無乃聖躬勞侵壇碧草茸茸起去
殿紅雲冉冉高已忝賜筵思報述即陳潘賦愧
詞曹

桂殿

桂殿芝房曙色通垂垂苑柳綠烟中桑乾斜映
千門月碣石長吹萬里風已有金吾嚴御陌遙
傳玉輅下齋宮侍臣鵠立松陰裏時倚紅雲望
碧空

謁陵

本朝陵墓傍居庸聞說先皇駐六龍一自玉輿
回朔漠遂令金殿鎖秋峯明裡袞職雖多預備
物祠官豈盡供報祀獨知今上切每於霜露見
愁容

秋懷

慶陽亦是先王地城對東山不窳墳白豹寨頭
惟皎月野狐川北盡黃雲天清障塞收禾黍日
落谿山散馬群回首可憐鞞鼓急幾時重起郭

將軍

宣宗玉殿空山裏野寺霜黃鎖碧梧不見虎賁
移大內尚聞龍舸戲西湖芙蓉斷絕秋江冷環
珮淒涼夜月孤辛苦調羹三相國十年垂拱一
愁無

苑西遼后洗粧樓檻外芳湖靜不流亂世君臣
那在眼異時松柏自深愁雕闌玉柱留天女錦
石秋花隱御舟萬古中華還此地我皇親為掃
神州

大同宣府羽書同莫道居庸設險功安得昔時
白馬將橫行早破黑山戎書生誤國空談裏祿
食驚心旅病中女直外連憂不細急將兵馬備
遼東

雪後朝天宮

馬上城中見雪山白雲蒼霧滿燕關蓬萊只尺
無人到松柏黃昏有鶴還當日翠華游物外百
年金殿鎖人間浮塵擾擾江湖遠悵望巖棲不
可攀

新秋見月

憶在黃河草堂靜坐臨秋月孤娟娟水門蕭條
向蘆葦石瀨逶迤回舸船頻干祿食去多阻遠
望江湖情可憐傳語魚龍莫浪喜抱珠今夜且
須眠

晚晴步園

覽霽群芳媚小園步林斜日淨幽軒歸雲過雨
時間濕並葉牽風對直翻幸有桑麻供暮景苦
聞豺虎徧中原天開霞石熒熒晚瓦雀林鴉各

自喧

杪夏急雨江州

急雨吞江倒石根吐雲匡岳近城門驚雷不下
雙蛟鬪孤電能開九疊昏白晝黃濤翻庾閣蒼
崖翠木溜陶村乘時詫有扶搖力六月東南見
化鯤

晚秋明遠樓宴集

斜日層城合暮烟新晴高閣敞秋筵衣冠四海
追游地霜露中原感慨年去鳥來鴻凭檻外飛

雲落木把杯前回身忽在星辰上醉眼真疑到
九天

正月大兩雪遣懷

梁園春初雲不開雪花壓城滾滾來似有驅龍
朝玉闕豈無騎鶴下瑤臺光牽五色黃烟動勢
擁三河白浪迴欲向瓊樓問寒暖袁安久已卧
蒿萊

陶君誇其司桃花獨樹予往觀之次其韻
老懶今來特為花蒼奇親見主人誇入門風片

李詩 卷四 五
時時墜近酒春枝故故斜湖海一尊憐舊侶乾
坤雙鬢愧年華明朝許赴柴門約共醉東園萬
樹霞

艮嶽

宋家行殿此山頭千載來人水一丘到眼黃蒿
元玉砌傷心錦纜有漁舟金繒社稷和戎日花
石君臣棄國秋漫倚南雲望南土古今龍戰是
中洲

潼關

感東天險設重關閃日旌旗虎豹閒隘地黃河
吞渭水炎天白雪壓秦山舊京想像千官入餘
恨逡巡六國還滿眼非無棄繻者寄言軍吏莫
嗔顏

題雲臺觀

雲臺觀枕玉泉湄翠削三峰對不移牕裏山光
時隱見晚來雲氣壁淋漓醮辰絳節朝群帝天
路金童引鳳螭頭白掃門憐弟子斲松石礙白
苓滋

出塞

黃河白草莽蕭蕭青海銀州殺氣遙
關塞豈無秦日月將軍獨數漢嫖姚
往來飲馬時尋窟
箭行人日在腰晨發靈州更西望
賀蘭千嶂果雲霄

南溪秋泛

乍見鸕鷀立釣磯還驚翡翠掠波飛
汀葭晚宿濛濛霧野竹晴含宛宛暉
謝傅未忘舟楫興楚臣空戀芰荷衣
蒼茫水落雲泥靜悵望林公羽却

自歸

開元寺

讀書臺倚鶴鳴峰迴合千山翠萬重
白晝懸泉喧霹靂清秋雙劍削芙蓉
撐持古寺還雲閣寂寞前朝自暮鐘
瑤草石壇應不死興來真欲跨飛龍

瀑壑晚坐

醉踏匡山晚未遲翠巖丹壑凜秋姿
峰高瀑布天齊落峽靜星河夜倒垂
遠害欲尋麋鹿伴暫

羈終與世人辭磨崖徧剔蒼苔讀獨坐雲松有所思

鉛山陸趨宿南巖寺

北風越南山木稀關西宦子常念歸遠烟漠漠
谷日暝前路迴迴冬曉微村春水旋疾徐應灘
鴈夜驚高下飛鐘鳴騎合巖寺近松火竹深開
石扉

楚望望襄中形勢

楚望峰頭望楚雲遙憐紫蓋紫陽君廬荒不斷
盤龍氣碑滅猶存墮淚文地轉江淮浮遠戍水
同巴峽塹雄軍里名冠蓋非吾事願訪鹿門麋
鹿群

宿少林次韻

萬山微暝一鐘鳴古寺深秋倦客情僧本折蘆
番面壁人非騎鶴故吹笙寒催亂木風交響白
動虛巖月自生慚愧勞勞不成寐丁丁卧聽早
樵聲

拊至

丹橘黃柑世所珍年年隨貢走風塵內庭賜出
人人羨近市收來顆顆勻翻訝久藏香不逸迥
疑初摘蒂猶新金盤玉箸真誰事寂寞文園自
病身

王左史宅賞牡丹

櫻庭絃管稱春筵草圃繁華近暮天老為名花
擬自放醉逢國色轉須憐娟娟影靜金尊裏冉
冉香回玉笛前莫問平章舊時宅沉香亭已入
荒烟

梅下限韻作

聞說仙芳每避凡託根長傍竹松巖那期野圃
深隨酒可柰風花細撲衫斜日席移春欲透步
叢香起雪猶銜歲寒朋舊今何處徙倚裁書手
自緘

詠瓶中柏限韻

愛汝側葉寒能青挿之銅餅依石屏畫屯雲氣
果不俗夜飛光芒疑有靈森聳似學鸞鳳翬屈
曲已具虬龍形更欲移栽萬仞嶺待與松桂凌

言
卷四
九
冥冥

為崔後渠詠菖竹亭

崔家孤亭萬竹裏繞窻栗栗青琅玕結實當春
鳳不餒託根有地龍且蟠霜風飄蕭起空谷美
人翠袖生暮寒彼淇盈盈一水隔望而不見徒
自嘆

出塞

黃河水遠漢宮牆河上秋風鴈幾行客子過涼
追野馬將軍韜箭射天狼黃塵古渡迷飛輓白

月橫空冷戰場開道朔方多勇畧只今誰是郭
汾陽

郊齋逢人日有懷邊何二子

今日今年風日動苑邊新柳弱垂垂齋居寂寞
難乘興獨立蒼茫有所思谷暖遷鶯番太早雲
長旅鴈故多遲鳳池仙客容臺彥兩處傷春爾
為誰

追舊寄徐子

憶昔逢君雪滿途遙憐為客向江湖看碑定憶

羊開府作賦先投楚大夫日黑魚龍逐夢澤草
青麋鹿上姑蘇空回玉軫思流水不得驂騑見
過都

寄徐子

徐子南游涉洞庭楚江風浪眼冥冥竭來振玉
朝天子忽漫傳書與客星訪戴難移剡溪棹問
竒曾過子雲亭烟沙水國催春發楊柳愁邊却
盡青

九日寄何舍人仲默

九日無朋花自開登樓獨酌當登臺孤城落木
天邊下萬里浮雲江上來但遣清尊常不負從
教白髮暗相催梁南楚北無消息塞鴈風高首
重回

寄華韶州

十年不寄一封書索處常思萬里餘謫宦賈生
元獨遠抗言劉向果誰如新符海外勞分虎舊
德朝中想佩魚退食昔移青瑣步論文偏過省
郎廬

贈鄭庚

文物江東數歎都里傳
貞白似君無門前不種
鈎衣草堂上常巢返哺鳥
為客老年今道路告
歸春日復江湖沙溪酒熟兒孫勸
拄杖徐行步
綠蒲

喬太常宅夜別

竹梧池館夜偏寒
促席行杯漏未闌
燕地雪霜連海嶠
漢家鐘鼓動長安
吟猿見月移孤樹
宿鴈驚人起別灘
二十逢君同躍馬
十年回首笑

禪冠

別都主事奔喪歸

瑤池不聽鳳凰簫
銀漢愁看烏鵲橋
海內君親情併苦
天涯書劔路俱遙
陰陰朔塞鳴秋葉
滾滾寒江急暮潮
君去會應朝北斗
余歸終擬伴
漁樵

夜別王檢討

露白秋城角夜哀
朔雲邊月滿燕臺
仙人閣在銀河上
羸女簫從碧落來
江葉自隨山葉舞
燭

花偏傍菊花開風塵荏苒年華異莫恠臨岐數
酒杯

限韻贈黃子

禁垣春日紫烟重子昔為雲我作龍有酒每邀
東省月退朝曾對掖門松十年放逐同梁苑中
夜悲歌泣孝宗老體幸強黃犢徤柳吟花醉莫
辭從

寄題孫氏苕溪草堂孫是時始有婚事

苕溪之傍何者丘幾時自卜林塘幽已聞寬田
足放鶴曾否餘錢兼買舟狎人瀕鷓元成偶近
檻芙蓉故並頭塵世要留風格在東南聊作醉
鄉遊

送毛監察還朝

楚生臨水送將歸黎子當筵賦式微天下汝為
真御史百年吾是舊漁磯沙寒白日蓬科轉風
起黃河木葉稀此去有書應歷上太平天子本
垂衣

春望東何舍人

城南春望春可憐小苑高樓生暖烟幾家芳草
斷腸處無數落花吹笛邊川原萋萋入暮雨車
馬駸駸少年欲向仙郎誇白雪陽春久矣絕
人傳

贈張含

孔門諸子接升堂杜甫交游盡老蒼萬里南歸
望秋月一尊對別逢春陽生兒當如李亞子有
父况作尚書郎肅肅雲鴻天路永樊籬斥鷃莫
空翔

見素林公以詠懷見寄觸事叙歌輒成篇
什末首專贈林公

青天萬仞削芙蓉憶踏匡廬第一峰哀壑暮雲
埋虎豹大江春浪變魚龍天池御筆親留碣石
室山僧獨扣鐘綵筆昔曾霄漢上舊題應被紫
苔封

西伐親將龍虎軍南歸甘即鷺鷗群謝安實費
登山屐司馬虛傳論蜀文釣罷蘭溪宵上月吟
成壺嶺晝生雲何時勉為蒼生起悵望東南五

色氛

送蘇文學往主三賢書院

邦侯敦禮聘才賢梁客乘秋詣汝川堂上久懸
徐穉榻門前俄報孝廉船雲山紫邏霜應峻風
穴青松晚更妍獨上高丘試回首紫陽白鹿自

江烟

閻曹二子發京姪木與之同舟而下有詩
紀之予亦和此篇

共水同舟伴謫居海天春色盡涵虛蠻方故啓

流官路漢史終收痛哭書蜀徼山高常戴雪滇
門池苦亦生魚上林花樹年年在前席行者入
禁廬

夏都諫勘鄴潞之戰惠見憶之作寄答之
廿年不入紫宸朝白髮猶能伴野樵敢向驂駟
爭道路固知鵬鷲自雲霄狂歌見月時呼酒懶
性臨風欲棄瓢寄與昔游青瑣客嶺雲溪雪記
同招

哭亡友范副使淵其族孫進士永鑾寄其

絕筆詩到

憶在先朝侍聖顏，珮聲齊散紫宸班。
傷心盡省分官地，並馬西湖舊看山。
絕命祇傳詞爛熳，窠身誰述路間關。
江門墓近湘流咽，拱木黃昏鳥雀還。

元夕雪後

干戈西北塵雖靜，寇盜東南檄尚飛。
歎世酒杯難自強，競時燈火况多違。
春偷草閣梅初放，雪舞堤城柳乍歸。
三白農人懽荷笠，萬年天子頽

垂衣

盱江小至

建昌冬至益王宮，劔珮趨朝禮半同。
萬里龍顏貪想像，十年霜鬢歛西東。
臘偷江嶠梅先泄，春逼關河鴈已通。
雲物不遮鄉國目，麻姑今擬暫停驄。

元夕憶舊東邊子卧病不會

憶昔金錢並卜懽，稱心燈火獨長安。
鑪香欲散尚書省，環珮先歸太乙壇。
十載酒杯誼五夜，九

衢遊馬閱千官遂飛轉合今同此月滿梁園却
自看

冬至

奉天門下玉闌橋此日催班早侍朝占史奏雲
惟萬國太官傳宴散層霄苑梅迎律春先動宮
柳臨風色欲搖一出忽今驚十載百年勲業有
漁樵

九日浦江王水亭共泛

長蘆古陂城一偏樓臺波水秋相鮮紫萸黃菊

有今日翠管銀箏須此筵微風改席徐回纜落
日留賓更進船漫說龍山能落帽何如李郭共
登仙

九月晦日西南陂再汎

水國窮秋霽更寒渚宮重宴菊猶殘閒身欲往
張融舸短髮羞敬杜甫冠日映樓臺天上過風
恬魚鳥鏡中看綠池莫戀團團竹即擬枚乘賦
不難

朱僊鎮

水廟飛沙白日陰古墩殘樹濁河深金牌痛哭
班師地鐵馬驅馳報主心入夜松杉雙鷺宿有
時風雨一龍吟經行墨客還詞賦南北淒涼自
古今

吹臺春日古懷

廢苑迢迢入草萊百年懷古一登臺天留李杜
詩篇在地歷金元戰陣來流水浸城隋柳盡行
宮爲寺沐花開白頭吟望黃鸝暮瓠子歌殘無
限哀


靈武臺

環縣城邊靈武臺肅宗曾此辟蒿萊二儀高下
皇興建三極西南玉璽來衣白山人經國計朔
方孤將出羣才可憐一代風雲際不勸君王駕
鶴迴

李獻吉詩選卷之四終



國家圖書館, NATIONAL CENTRAL LIBRARY, TAIWAN, R.O.C.



李獻吉詩選卷之五

七言絕句

正德元年郊祀歌

壇官秉笏候金鐘
月出西南照雪峰
不向蓬萊看五色
那知天子是真龍

神來擊鼓復吹簧
一道虹飛萬丈光
閶闔清風搖玉燭
至尊獨立殿中央

金輿還內放人看
萬戶千門震地懽
繡扇徐開龍虎氣
君身不動泰山安

帝京篇

山作青龍左右盤扶桑西影拂桑乾日月光華
朝萬國天留北海作長安

皇陵歌

皇陵疊翠倚丹霄絳節飛光夜夜朝千古長風
吹海月萬山松柏照空寥

聖節聞駕出塞

千官北首望龍旂萬國車書集鳳闈八駿穆王
秋色遠幾時親擁白狼歸

送樂清少府

鴈蕩山前海色開樂清城在白雲隈紅桃碧柳
津津勝笑舞歡歌處處來

贈黃州牧

黃州江比使君清赤壁山留萬古名黃州小兒
騎竹馬來時相送去時迎

送周判官

明鐙綠酒五花裘客舍新秋螢火流問君不飲
真何事明日出城風葉愁

送人入蜀

錦江風高生夕波
蘆荻蕭蕭秋鴈多
問爾鄉關何處是
巴人時唱下渝歌

嘲陸子

我今四海覓雲松
南遊笑指匡廬峰
他時倘慕金光草
與爾同鞭赤玉龍

晚過序公戲贈并喜徐編脩縉過訪

月滿長安啼暮鴉
踏歌今夜醉誰家
青蓮大士迎予笑
背指秋鶯度落花

夏口夜泊別友人

黃鶴樓前日欲低
漢陽城樹亂烏啼
孤舟夜泊東遊客
恨殺長江不向西

別李生

華也南來送我行
青絲挈酒玉壺輕
滕王閣下江千尺
一曲滄浪萬古情

送脩武知縣

青山盤谷繞桑麻
赤水河陽接種花
琴罷吏稀簾晝捲
自看雙柏哺慈鴉

送王韜

王郎口談金虎文自稱師是紫陽君挂帆明日
忽南去影落龍江五色雲

雲中曲送人

白登山寒低朔雲野馬黃羊各一羣冒頓曾圍
漢天子胡兒惟說李將軍

歸途覽詠古蹟

淇門不減越江頭衛女寧論越女游濮上春葩
如錦繡桑中五月採蓮舟

白鼻騮

羽箭銀鞍白鼻騮春日徐行踏落花揚鞭突入
章臺去背指垂楊問酒家

春遊曲

大道紅樓珠箔垂風起楊花欲暮時胡姬半醉
半遮面惱殺幽州遊冶兒

松鶴壽歌

松裊石門千仞開天風吹鶴下瑤臺傳書為問
西王母別後蟠桃熟幾迴

夷門十月歌

小麥青青水半陂，半落不落楊柳枝。
回風忽送天南鴈，恰似春江二月時。

潯陽歌

百尺高樓橫映江，江花朵朵照成雙。
風波隔浦遙相喚，腸斷南來北去艫。

汴中元夕

中山孺子倚新妝，鄭女燕姬獨擅場。
齊唱憲王春樂府，金梁橋外月如霜。

細雨春燈夜色新，酒樓花市不勝春。
和風欲動千門月，醉殺東西南北人。

六言

明山草亭

舊業門前五柳綠，橘黃柑數畝。
烟霞不負閒身，社稷空餘白首。
看月天柱峯頭採藥，洞庭湖口
扁舟薄暮歸來，疑是滄波釣叟。

五言絕句

東華門偶述

銀甕爛生光盤龍繡袂香但知從內出不省賜
何土

大堤曲

臘月大堤邊春風思宛然楊枝搖白日烟色裊
金鞭

豔曲

父母愛少女女是聰明子生不識鴛鴦繡出鴛
鴦是

相和歌

美人羅帶長風吹不到地低頭采玉簪頭上玉
簪墜

正月見鴈

憶昨辭京邑相隨南鴈歸如何早春日獨見北
鴻飛

聞夜笛

五月梅花落羈魂羌笛驚孰能風月夜更聽隴
頭清

開先寺二首

瀑峽生煙暝山杯坐不歸
籠燈過潭水疑有不
龍飛

瀑布半天上飛響落人間
莫言此潭小搖動匡
廬山

江行襍詩

日出青蘋溼江渾路不分
昨宵驅雨至知是海
南雲

寄都主事穆

江草喚愁生思君黃鳥鳴
遙心將夜月同滿

閭城

送人

頗訝楓林赤無風葉自鳴
來人與歸客同聽不
同情

送王生北行

朝散午門西春風起御堤
上林花半發幾處早
鶯啼

李獻吉詩選卷之五終



國家圖書館, NATIONAL CENTRAL LIBRARY, TAIWAN, R.O.C.


NT-419

卷五

...

梁園風雅

國家圖書館 NATIONAL CENTRAL LIBRARY TAIWAN R.O.C.



何仲默詩選目錄

卷之一

樂府

十八首

五言古詩

七十一首

卷之二

七言歌行

四十四首

卷之三

五言律詩

七十四首

五言排律


八首

可詩

目錄

一

一百廿



卷之四

七言律詩 四十六首

七言排律 二首

卷之五

五言絕句 二十六首

六言律詩 二首

六言絕句 三首

七言絕句 二十六首

何仲默詩選卷之一

信陽何景明仲默著

雍丘趙彥復徵生選

東郡汪元范明生校

樂府

羅女曲

羅女年十五自矜好顏色山葉雜山花插髻當
首飾蠻方立門戶男女多生涯昨聞城中市女
出男在家上市買黃絲染緝作花布裙短衫袖

長不惜雙腳露夜行山中道何處吹蘆笙我歌
連臂曲曲罷動郎情動郎情與郎匹生女復長
男三年始同室

關山月

關山月夜照青海頭白骨征人怨紅顏少婦愁
少婦含嚔望月來月明流影洞房開歲暮機中
縑素出夜寒燈下剪刀催年年搗衣明月秋明
月還隨隴水流閨裏空教看破鏡沙場不見大
刀頭

明妃引

明妃絕色世無隣粉黛那數三千人咫尺宮門
接前殿君王只向圖中見當時自恃如花容美
醜誰知由畫工單于日近漢日遠萬里風沙魂
不返琵琶馬上再三彈翠袖朝啼關塞寒皓齒
明眸葬胡地千秋遺曲猶悲酸燕支暮雲白浩
浩胡兒吹笳雪飛早山前孤塚高巖峩峩歲歲春
風長青草古來抱節本難遇况復娥眉人所妬
君不見長門宮不用黃金買詞賦縱有朱顏君

不顧

採蓮曲

青荷晝舒白露晞朱光照耀含素蕤綠房翠蓋
偃參差紅妝皓腕暎漣漪齊聲一氣歌豔詞桂
舟蘭楫紛屢移佳人羅帶宜風吹

岸上有柳隰中有荷舟中女兒勝吳娥為君先
唱綠水歌起攬長帶垂纖羅鴛鴦雙棲翡翠過
下渚日暮多風波葉密花稀愁柰何

獨漉篇

獨漉獨漉驅車折軸不畏折軸但畏車覆茫茫
者猶生彼中衢雖有蘭蕙當門則鉏同行竊金
相顧道左我實不知彼則畏我食荼知苦食梅
知酸狐裘之敝可以禦寒有虎斑斑伏於林下
我欲射虎愧無勁弩肅彼北風渡彼中流豈不
懷憂與子同舟

白紵歌

千金買笑萬金買歌明珠白璧豈足多長眉窈
窕揚秀蛾輕身起舞垂纖羅悲絃急管鳴相和

三星低戶月流波銀箭金壺柰夜何

吳娥白紵為舞衣鏤花綴葉紛歲蕤青春爛熳
白日輝輕帶一舉長袖施皎如流霞隨風飛游
龍宛轉翔鵠迴傾城絕代人共希

手中色絲舊所治青紅碧綠當自知衆中不語
心向誰感君厚恩私念之東流之水不西馳秦
山在前不可移紅顏白首奚足辭

行路難

牀有織綺篋有織素請君視綺還視素憐新不
如莫棄故罇中有酒盤有飧聽我為歌行路難
衆中登樂多志氣豈知他人不得意白日有時
不照地安得保君常不棄

天河熒熒西北轉織女牽牛不相見由來天上
亦別離何怪人間有悲怨世情磷薄惡衰賤駕
車騎馬有人羨少年不得君愛惜紅顏勝人亦
何益

車遥遥

寒鷄喔喔知夜半隣翁春梁婦炊飯僕夫聞雞

倚詩 卷一 四
趨車起欲明未明行十里火輪飛出扶桑霞
和騎龍鞭日車君看日亦無閒時我車安得常
在家

瑶瑟怨

美人竹間亭虛簾空月華相思相江曲淚竹生
斑花花開為誰好花落不復掃出戶見春風低
頭怨芳草坐彈五十絃起視江月殘愁絃不堪
聽手滋金鴈寒一彈正淒切再彈轉嗚咽三彈
撥幽腸聲亂水絲絃西風吹芙蓉一夜落舊紅
豈知瑤瑟音能消青鏡容

黃頭郎

黃頭郎爾母侮殿上天子憐府中丞相怒爾雖
有銅山運去銅如土黃頭郎爾母侮

竹枝詞

十二峰頭秋草荒冷烟寒月過瞿塘青楓江上
孤舟客不聽猿聲亦斷腸

處州別駕行

處之地山水迴處州別駕賢且才別駕來郵吏

何詩
卷一
五
馳騎連連鼓雷雷城門大開別駕來別駕來御
駟馬雙麾在前高蓋娜娜入有列戟出有負弩
吁嗟別駕才且武江之水去悠悠兩帆揚別駕
舟處人來迎申人留嗟別駕安以適彼安以去
我

易水行

寒風夕吹易水波漸離擊筑荆卿歌白衣灑淚
當祖路日落登車去不顧秦王殿上開地圖舞
陽色沮邛敢呼手持匕首摘銅柱事已不成空
罵倨噫嗟嗟燕丹寡謀當滅身光也自刎何足
云惜哉枉殺樊將軍

潘節婦

二十君辭房六十妾在堂紅顏為婦白首孀昔
日抱女今已亡風火炎烟黑隣里相救失顏色
未亡之人安所從義不避火天返風噫嗟嗟妾
雖有身君無子身未化石心不死

五言古詩

自武陵至沅陵道中雜詩

何言 卷一
亭午入大谷烈陽經中天樹木多鬱蒸石坼起
焦烟掘地飲我馬數尺不得泉僕夫告飢渴揮
汗墮馬前安得萬間厦坐使清風延

驅馬山上行山高何巍巍脩阪接飛翼百步仍
九迴俛視烟靄中衆山鬱何壘茫然望四海萬
物亦已衰昔我別京國朱華猶未希歲節忽復
易何時當旋歸

山深多樹木百里人民稀時有四五家茅茨隔
山陂沙田不可耕何以禦歲饑門前數畝園低
收蓬與藜平明出汲澗薄暮始得炊童稚那敢
出但畏逢虎羆草黃納晚禾桑綠催官絲嗟爾
遠方人辛苦誰具知

山勢行轉促連峯相貫輪窈然林莽中乃復得
坦途青壁結煙靄縹緲凌虛無層阿秀嘉禾下
覆清水渠夙志好幽僻覽茲耳目娛公車雖少
延顧眙忽已踰安得鼓清瑟日坐山之隅

平越

清晨發平越霧暗山益密僕夫各相戒路遠恐

迷失薄午游氣清參差衆峰出鷄鳴谿谷中始
見崖上日雲葉分杳冥高原被華實秋風起叢
林興感乃非一悠悠遠行遊歷險難具述

平埧城南村

秋陰結林霏細雨洒茅室牧放止近郊牛羊不
相失廣園散花林平疇藹風日長幼不出門咸
知戀傳匹喧喧車馬中徒為慕高秩懸輿當何
時可使志願畢

沉沉古陂水日暮寒更綠隔陂見居人蘿蔓纏
草屋摘禾留客飯採薪發秋木童稚持竹竿雨
中放鷄鶩區區化外國猶得覩淳樸

城南婦行

城南有寡婦見客泣數行自言良家女少小歲
閨房青春嬌素手白日照紅妝父母偏見憐嫁
我不出鄉前年彌魯亂腥穢入我堂弟兄各戰
死親戚俱陣亡嗟哉華豔質忍耻罹兇強憂愁
雲髮變辛苦朱顏傷昨聞故夫在消息通兩方
百金贖我身三年歸舊疆歸來門巷異人少蓬

萬長轉盼夫亦死兒女空在傍薄田無耕犢寒
臘無完裳人生固有命妾獨遭此殃况復官軍
至燒焚廬井荒主將貪賄賂百死不一償朝廷
自有法出師亦有名妾身何足道無乃乖天常

發京邑

弱冠遊皇邑抽翰預時髦出入承明地四海皆
同袍浮歲奄七徂猶名虛所遭風病糾織質迫
性憚形勞駕言返初服行矣遂林臯轉蓬感上
根羈鳥思故巢自顧無脩翼安能久遊遨

親交遠集送斂策西山陰前瞻太行道却顧上
苑林青陽藹廢墟春氣感鳴禽所遇豈殊故即
事自成今平時等榮樂一旦異浮沉昔者同袍
友邈若辰與參山海去靡極年運日相尋倉卒
杯酒間寧不傷離襟

還至別業

鷄鳴高樹杪狗吠墟里間家人望車徒遠客造
門端入門問所親上堂叙悲歡行人暮飢渴秉
燭具盤餐明月照西戶三星爛中天出門踐野

草白露倏已溥十年苦行役茲夕方來旋寧知
非夢寐忽忽心未安

詰晨親友至筐榼攜所需各言平生懽念子久
離居綢繆語未畢展席臨前除園榮亦已抽况
有盤中魚人情倦懷土富貴豈常於無為泥形
迹所願恒相俱

雜詩

西陸移脩晷素節多寒陰端居屏營慮淒氣慘
人心浮颺委時卉零露傷青林仰見孤雌翔玄
鳥無遺音蟋蟀何愁苦終夜長哀吟感物興慨
歎憂思孰能任

馳輝在西山返景流東隅群欣被光灼何能待
湏臾重陰肅萬物樹木日夜踈叢蕙植幽闈含
榮耀前除佳人眇雲端何由致區區常恐霜霰
至委棄不我需

王檢討九思

王君青雲姿志豈屑丘壑名家出杜鄴少日遊
宛洛奮身匹文鵷戢羽巢鸞閣興文燭雕龍揮

翰凌玄鶴雅志在四海隨時偃經略馳情繼謝
眺日晏吟紅藥

康脩撰海

矯矯龍頭士騰躍在明時群遊慕豪放棲志固
有期赤驥鳴烟霄不受黃金羈揮毫御清澣浩
思隨風飛鐙前激高倡顧眎孰與希究古摘遺
編頗好班馬辭良史久無稱斯文當在茲

何編脩塘

中州產名俊河內天下士平生飽藜藿學道歷
壯藹至樸斂華蔚微文陋雕綺守淵安可窺馳
辯詎能止洞悟超先機微言析玄理曲高難為
和行獨寡知己古轍多蓁蕪非君誰予起

李戶部夢陽

李子振大雅超駕百世前著書薄子雲作賦追
屈原新章益偉麗一一鸞鳳騫華星錯秋空爝
火難為然摛文固無匹投義罕比肩抗志冀陳
力危言獲罪愆握瑜不得售寶棄誰為憐仲舒
貶膠西賈生亦南遷古來有遺憤非君獨哀歎

十三夜對月

閒居愛明月良節復與俱金魄麗秋闈皓彩揚
雲衢澄空歛霜烟清颼蕩中區徘徊廣庭內改
席臨方除顧景林衷慮興心念居諸天道適消
長戒之在須臾懷謙可久安盛滿豈恒居孰云
質靡盈所貴光不渝

十四夜同清溪子對月

林塘枉佳客待月欣舉觴今夕勝昨夕已見生
東方離離絳霄側冉冉素雲揚踰時灑氣徹縣
耀天中央仰視渺難即忽覓在我傍清池含微
波左右溢流光月行固當望人會何能常與子
各鄉域邂逅臨此壘良時不屢值明月安可忘
醉歌吞永夕和我窈窕章

十七夜月

夕望月已減雲颼蕩其側月減不足憂盈虛本
相值胡為蔽氛霾坐使清光匿踟躕久延待慘
景鬱無色燈前理鳴絃瑤徽為誰拭思我平生
友道遠不可即素書委篋笥安得雲中翼滄海

多波濤長陰浩難測何當廣餘輝一照萬里域

擣衣

涼飈吹閨闈夕露淒錦衾言念無衣客歲暮芳
寒侵皓腕約長袖雅步飾鳴金寒機裂霜素繁
杵叩清砧哀音緣雲蕝斷響隨風沉顧影惜月
仰盼悲橫參路長魂屢徂夜久力不任君子萬
里身賤妾萬里心燈前擇妙匹運思一何深裁
以金剪刀縫以素絲鍼願為合歡帶得傍君衣

禮

贈望之

清晨送遠入弭駕北城隈北城一何脩前臨古
時臺俛仰故鄉域一如平生懷季冬嚴風發積
雪皓皚皚念子徂遠路鬱結不能開中林寒卉
寂樹木何摧頽安得春華敷采掇以相貽

昔子當北徂值予復南旋相違踰幾時世事倏
推遷訪舊半存亡誰能不摧頽浮雲歲暮征餘
曜銜西山居人念川塗行子戀鄉關平生雙龍
劍乖別何時還志士重明德窮達奚足歎願君

最令名相期在盛年

除夜

今夕復何夕 偃仰茲歲周 懸膏耀室隅 中饋進
芳饌 雖無卓馬容 親戚自相酌 遊魚安深淵 翔
鳥止故丘 所歡在桑梓 餘者何復求 逝節不重
至 來者難預謀 長跪奉此爵 延年樂千秋

豔曲

御溝連上苑 大道接平沙 紫陌三千騎 青樓十
萬家 城中揚柳樹 風起暮飛花

秦氏字羅敷 馮家名子都 妝成臨勸酒 曲罷坐
當鑪 白馬金吾子 青絲提玉壺

明姿稱二八 生長紫羅帷 對客舞垂手 邀人看
畫眉 今朝仲春日 照影臨芳池

粲粲東城子 盈盈南陌姝 自矜夫婿貴 翻笑使
君愚 日暮採桑去 空迴五馬車

擬古詩

冉冉歲逾邁 念君長別離 別離在萬里 道遠行
不歸 鷦鷯慕儔匹 鸞鳥東西飛 思展雙羽翼 奮

起凌天涯向風長哀吟欲舉中徘徊川途浩無
軌霜雪愴以悲願因駐馳景得覲君光儀

婉孌城東妹懷春一何早朝遊採桑陌暮止垂
楊道自矜全盛時復恃顏色好玉貌隨年化安
得不枯稿昔為園中英今為路傍草路傍多車
馬採掇難自保

名都有高樓上入青雲端脩城延曲隅阿閣交
重欄佳人理清曲當戶橫朱絃揚音綵霞裏令
顏誰不觀賓客會四座絲竹哀且繁日中卑馬

至薄暮皆言還聽曲各言好知音良獨難誰為
同心人並起乘雙鸞

朝日照中庭杲杲春載陽東風吹綠草蝴蝶雙
飛揚歲華坐婉婉白露惜以傷予美不在茲所
懷浩難忘豈無芳桂枝含香誰為明

淒淒仲秋日百卉腓以殘涼風入階樹零露摧
庭蘭明月皎東壁昆虫鳴草間孤鴻暮安適哀
音揚雲端言眷平生友振翮起孤騫遺我若逝
波望子如高山托忱在終始蓄久諒逾宣寸心

不可移磐石誰謂堅

鬱鬱山上松高枝布天涯上有女蘿草纏綿誓
不移葛生蒙於楚浮萍寄清池貴賤雖殊途附
託各有宜伊昔侍君子朝夕奉恩私馳心在結
首何意中睽離窮年守房室常恐踰良時思君
如日月所異光不遺

圓如天上月光輝尚當缺與君非一身安能不
乖別關山日悠遠舉步難可越君如雙車輪妾
心如車轍相隨萬里去繞繞何時絕

歲暮寒風至蟋蟀夜鳴悲高樓有思婦嘆息不
自怡良人行未適孤妾守空閨衾裯卷不寢羅
帷誰為施君如東流水妾如西馳暉形勢不相
及彼此何由諧結髮重自念携手期同歸秋華
殞故林尚復揚光輝顧茲各努力毋忘榮盛時
迢迢孟冬夜悲風鳴北林嚴霜被野草宛轉時
欲沉佳人久隔越曠若辰與參方舟不利涉欲
往江湖深客從南方至遺我綠綺琴願因雲中
翼寄子瑤華音膠漆不為固金石安足謹明義

苟不虜沒齒當一心

青鳥來北方徘徊朝南翔美人傳書至開緘爛
生光貽我機中錦宛轉成文章上織比目魚下
織雙鴛鴦物厚意不薄感激獨徬徨裁為衾與
綈置在黃金牀君子不為御三歲聞馨香一心
奉光惠常恐君遺忘

贈別孟望之

束髮事交結白首以為期以茲女蘿質託彼青
松枝重聚故鄉園殷勤慰我私忽復遠行邁况
值秋風時我有一罇酒送君瀝水涯酒酣思無
極臨岐理桐絲誰知清商苦一彈一生悲
迢迢望夏口肅肅戒僕夫金飈吹明星行李已
屆途親戚各相送萬里在斯須喑喑中林鳥日
出相嗚呼人生各有役安能長相娛

遊西山

清晨命予駕飄飄遠遊邁願言歷嶇嶇况此春
華在林條紛可結石秀行當采道逢諧俗士謂
予爾何隘人命未可期河清詎能待縱羽思山

仙言 卷一 十七
林潛鱗慕江海富貴人所欲吾志不可改

悼亡

皎皎機中絹拂拭明如雪裁為雙中衣羅帶紛
縮結親持向我前與我言結髮豈足佩下體聊
以奉娛悅執此百年心嘆息一朝絕人故物自
留欲視不忍發箴之篋笥中餘香日以歇

贈李獻吉

西方有佳士於世寡所諧橫風整脩翰倏忽超
九達天門限重關屢扣闈者辭濟濟列仙子冠

裳競追隨青雲蔽閭闔仰視何逶迤皎日匿西
陸馳光難遽回世無魯陽子坐惜朱顏衰

東風吹我衣白日何杲杲整駕出郭門脩塗浩
橫潦登山采幽蘭日暮不盈抱采之欲何為遺
我平生好豈無艷陽花言子好香草丈夫有木
性安得不自保寸心苟弗移可以鑒穹昊

烈女守閨室憂日懷寸陰橫琴寫妙曲繁商激
陽林悠悠行路子誰為識其音人生處世間貴
在相知心所以采薇士甘餓西山岑

卷一
七
峇獻吉

吾君古堯舜垂衮遂萊宮止輦受群善小大必
有容緬懷燕鄒子悲號訴蒼穹彼蒼亦何神五
月飛霜風至誠變金石何懼不感通

遊魯山城南舍

溪行日亭午暑氣稍見侵脫巾坐芳草前有嘉
樹林白雲澹清景綠葉垂繁陰喜無鳴蟬聒
有好鳥吟久厭區中緣撫茲意彌深浩歌若良
友聊用開吾襟

中秋十七夜留康德涵飲

飄風會浮雲白曜奄西藏羈人惜短晷眷此秋
夜長長夜無與晤所懷浩難忘君子枉光駕嫵
婉情未央披軒待流月展轉錯華觴臨觴慙不
御對景久徬徨鬱霧曖庭陰黯黯如降霜流波
委頽魄茲歲漸以更消長互相謝盛滿安可當
勗哉君子心謙謙道彌光

詠懷

北陸無淹晷歲邁陰已長攝衣起中夜凜凜悲

嚴霜明月麗高隅繁宿縱以橫徘徊仰天漢惋
彼參與商形影永乖隔萬里徒相望

烈炎灼崑岡乃辨金石堅金石有恒性銷鑠詎
能遷薪樗莫傷桂刈蕭母及蘭薰蕕不同器清
涓本殊源君覩高翔翼卑棲非所安

寂寂沅湘流長江上有楓青蕙緣廣隰綠蘅被
洲中揚舲泝烟祉遙瞻二妃宮二妃何婉孌寒
馨振微風解珮遺下女將以明我衷光采不易
合精誠渺難通浮雲蔽江臯白日忽已晚還顧

蒼梧原何時翠華返

白玉本自白蒼蠅亂其真讒言解膠漆况匪平
生親烈士死道傍貪夫登要津自古皆有然茲
恨何當申蓬丘渺烟霧貝宮鬱嶙峋列仙如可
期吾將躡清塵

贈邊子

同車越梁晉覽歷多古彊紆遲衛流汭轉盼淇
水陽感來意不淺道故言已長辛勤眷途語愴
惻悲別章

權聚理無恒悲離情有傷况茲征途間詎能久
相將浮雲興歲暮素雪翳晨光揮手自茲別後
期應毋忘

贈望之

孀孀孤生楊迢迢河水
平生骨肉親婉孌相
諧悅思心起歡燕何况當乖別浮萍寄清流聚
散有歡悵與子同枝葉胡為忍離濶愧匪根與
株莫能相固結德人重行義志士輕訣絕慎子
萬里軀慰我長飢渴

良時不克俱悠悠子行邁行邁之何方乃在萬
里外汎舟涉江湘道遠阻湍瀨我心思桂林倚
立增歎慨河清豈無期柰此日月逝所願芳未
歇及茲采荃蕙

出城贈韓子

晨車去遥遥將子城之隈城隅何所有有荷復
有蒲念當與子別思心立踟躕他人豈無友非
子誰為娛折荷勿涉水涉水濡子車安得瓊瑤
華採掇為子需

贈田子

蒼蒼季冬夕積雪委中衢三星出東戶織月揚
西隅主人樂行觴衆賓且停車何況平生友夙
昔共歡娛慘惻高堂上為子重踟躕山川緬以
邈歧路在須臾出門慎自愛慰我恒相於

七夕劉子緯宅次君卿韻

良時屆今夕懽邁諧茲方流螭委芳卉清池激
微涼仰觀牛女星熒熒河漢傍織月揚西隅浮
雲起中央合離一以愴明晦古難量繫子塲下

駢慰我長思望

贈君采效何遜

霜空鴈絕響風庭葉罷飛念爾別離日淒然芳
歲微城隅明星暫曉闌殘月輝不見携手好宵
行誰與歸

平生寡所諧與子中邇近讌語殊未厭絃柱促
離奏目斷川上雲念攢天邊岫河山邈以綿佇
立阻懽覲

歲宴客未歸車馬一何亂新茲下機笑白髮倚

何言
卷一
門者未俟春林敷且玩冬花燦閒居有微音倘
付雲中翰

古怨詩

抗義一何明結志誓不解對面有背棄何言萬
里外陟疆朝采葑陟畛暮采菲所重在德音容
色安足恃
白玉雖光輝瑕疵在其內徒看色笑親詎識肝
膽異勢奪恩愛移交離讒毀至棄捐豈我傷思
薄幸情義

寸心抱貞固一安有它詎知所同懽散聚倏
朝霞昔為山上石今為浪中沙孰云無轉移漂
蕩令心嗟

送劉御史按淮揚諸郡

臺臣今按地 聖祖舊開疆白雲萬里來千載
還帝鄉伊昔草昧初血戰塵茫茫一馬渡天塹
六龍飛淮揚堯階起三尺禹蹟遺八荒江海控
形勢邦家存紀綱遐哉百年餘世變隳其常城
社穴狐鼠當途走豺狼君埋都亭輪再覩司隸

何詩
卷一
三十一
章述職屬茲歲巡狩代我 王泛舟淮泗急褰
幕風日涼鷹隼在寥濶一擊乘秋霜

送崔氏

結髮與君友附驥思一鳴君子揚休景遺世垂
榮名伊予守屯蹇學宦寡所成握瑜俟知己知
已誰為明良時辰媿婉之子復遠行銜聽起關
闔浮雲翳太清層城羅宮殿躍馬振綏纓長嘯
歌五噫投策出漢京慨念古人士去之一何輕
終焉從子逝富貴非我營

飄飄山上葛纍纍田中瓠苟非同根蒂纏綿安
得固人情易反復結交有新故嗟哉夙昔好乖
棄在中路明珠倘無因按劔不我顧深言匪由
衷白首為所誤亮君勗恒德永副平生慕

夏夜薛子宅

飄風激踈牖飛雨散高庭白雲蔭華月青天垂
列星褰裳望西花園樹發青熒陰館辟炎埃峻
檻臨巖葦泠泠朱夏井肅肅玄夜扃披霧聆霏
談逍遙暢神形遊心娛竹素此樂誠可經

姜子嶺至三岔

出嶺上雲霓入谿下烟嵐高高不可極杳杳詎
能探朱崖秀夏木石壁映寒潭千林覽葱蒨百
丈窺澄涵崩奔谷響赴隱曜川光含登陟力不
辭險阻情已諳潛淵羨垂綸越巘思停驂振策
岷峨西揚帆江漢南臨深匪忘懼履坦但懷熱

何仲默詩選卷之一終

何仲默詩選卷之二

七言歌行

乞巧行

鵲橋崔魏何宛轉織女牽牛夜相見岳陽女兒
迎七夕乞巧樓高高百尺華燈明月光窈窕結
綵蟠花綺羅繞富家女兒恃嬌小年年乞巧不
得巧貧家女巧世所稀只為他人縫嫁衣須臾
露濕金剪刀雙星漸沒河漸高人間天上兩迢
遙步襪仙裙空寂寥君不見古來巧拙何足語

歲歲樓前競兒女

津市打魚歌

大船戕戕繫江岸
鮎魴鱖鱖收百萬
小船取速不取多
往來拋網如擲梭
野人無船住水滸
織竹為梁數如呂
夜來水長沒沙背
津市家家有魚賣
江邊酒樓燕估客
割髻斫膾不論百
楚姬玉手揮霜刀
雪花錯落金盤高
鄰家思婦清晨起
買得蘭江一雙鯉
篋篋紅尾三尺長
操刀具案不忍傷
呼童放鯉激波去
寄我素書向郎處

流螢篇

廣儲六月清無暑
流螢暗逐薰風舉
始見昏連萬戶星
更看夜照千門雨
千門萬戶競高低
拂檻縈廊亂復齊
碧莎映水光初迥
綠柳棲烟影乍迷
水光烟影飛還歇
肯使炎精易淪滅
帶火終須避太陽
含輝却自親流月
長信宮中一葉秋
玉階金閣見螢流
貴嬪羅扇開香篋
侍女珠簾捲畫樓
誰家怨婦縫縑素
當窓忽見流螢度
蟋蟀床空寶瑟寒
鴛鴦機暗孤燈暮
螢飛螢度

自年年却笑明珠按劍前莫言腐草無生意莫
道寒灰不再爇還將斤鷓鴣語三復莊生第
一篇

聽琴篇

美人橫琴坐我堂酒闌為鼓三四行燈孤月明
客不發絃悲調急秋夜長吾家瑤琴久不拭金
徽玉軫無顏色感君對此如有情一彈使我三
嘆息樵歌響答山澗幽楚歌慷慨雲夜愁瀟湘
猗蘭稍平逸四座但覺清高流始聞白雪停翠

竹烈飈吹我溪上屋忽然翻作廣寒遊知是霓
裳羽衣曲含宮移羽何春容泠泠萬壑吟松風
烟岑一夕怨鳴鶴江天何處驚蟠龍我初好音
惟好此橫笛短簫徒聒耳平生頗抱鍾期懷四
海難逢伯牙子今夕何夕願不違為君擊節淚
沾衣高歌雅和人世稀河轉參橫君莫歸

觀打魚用東坡韻

大魚跳波如擲塊溪日溶溶照金背小魚呶沫
沿岸行潛向沙邊翻荇蒂家僮舉網欣得鮮持

向庖丁割為膾磁甕始見紅尾搖霜刃旋看錦
鱗碎我雖愛此不忍食悔不先教放溪瀨自愛
含生天地間寧知失意波濤外嗟哉小物尚有
然人間得喪誰能會君不見鯤與鯨釣者持綸
空爾思倏忽乘雲下滄海

孤鴈篇

孤鴈北來來幾時窮冬無侶鳴聲悲雲長路渺
去安極日暮天寒飛更遲洞庭瀟湘落秋水苦
竹黃蘆一千里清怨時從鳴笛生斷行暮逐哀

箏起塵沙關塞愁轉蓬隨風且落江湖中微軀
幸免庖人俎短翮長辭獵士弓君不見隴山鸚
鵡解人語一生自恨黃金籠

白雪篇

玄飈作雪龍沙窟萬里吹花度南麓千門九衢
堆已遍翠崖丹壑沾應足曙輝寒素積崔嵬中
天照耀瓊瑤臺羲和不知六龍在仙人遙乘萬
鶴來依樓傍檻墜深院輕羅白紵誰曾見已將
弱舞闔迴風未遣明姿讓流霰城中車馬不動

塵党家金帳暖圍春豈知窮巷衡門裏亦有當時高卧人

歲晏行

舊歲已晏新歲逼山城雪飛北風烈徠夫河邊行且哭沙寒水冰凍傷骨長官號叫吏馳突府帖連催築河卒一年徵求不少蠲貧家賣男富賣田白金縱有非地產一兩已值千銅錢往時人家有儲粟今歲人家飯不足饑鶴翻飛不畏人老鴉鳴噪日近屋生男長成聚比隣生女落

地思嫁人官家私家各有務百歲豈止療一身近聞狐兔亦徵及列網持矰徧山域野人知田不知獵蓬矢桑弓射不得吁嗟今昔豈異情昔時新年歌滿城明朝亦是新年到此舍東鄰聞哭聲

垓下行

咸陽原上失秦鹿戍夫入關競馳逐君王自負十尺軀傍人更訝重瞳目橫行按劍一何威叱咤四海隨指揮諸侯西向受金印壯士東歸盡

錦衣陰陵道中夜失援垓下孤軍獨迎戰百萬
王師來震天八千子弟隨飛電自言百戰當一
身寧知一敗損威神美人帳下看無主駿馬江
邊棄與人楚歌聲高暮雲佇孤燈對酒慘不語
蓋世英雄力拔山一夕悲哀淚如雨君不見三
軍縞素行負戈烏江不渡愁風波古來失道衆
所棄父老雖憐將柰何

長歌行贈旺兄

兄為吾祖之長孫能將孝義持家門耕鑿不隨

時俗改衣冠頗有古風存我家東岡舊鄉土穀
有田塲桑有圃諸弟誼譁逐城市兄也蕭條守
環堵僕僮馴雅妻更良男女膝下皆成行女長
適人止近里男大為農不出鄉只今汝年六十
七我翁為叔汝為姪歲時相看如父子登堂過
庭禮不失弟昔省兄盡兄歡夜秉燈燭羅杯盤
兄前勸飲嫂勸餐留我一月相盤桓自從離兄
仕都下都城誰是悠悠者萬戶清晨霜滿裘九
衢白晝塵隨馬朱門金鎖午未開我曹不敢騎

馬田此時吾兄正穩卧日高戶外無人催愛兄
好靜謝塵網一卷道書常在掌托身未肯附年
少舉手何曾揖官長頃來生事日看微種麻自
織身上衣少兒從學長幹盡我兄心中無是非
君不見人間歲月坐相迫胡為東城復南陌兄
今已作白頭翁弟亦長辭青瑣客山中桂樹况
逢春谷口桃花更照人花前樹下一壺酒弟勸
兄酬不畏貧

孤鶴篇

我家孤鶴李侯贈霜儀皎潔三尺高向人似
短羽翼失侶豈免長呼號赤霄青雲暮延佇天
長路遠飛不去日來秋塘啄苦蓼時向空墻倚
楠樹憶昔初在山人家雌雄和鳴閑且嘉夜寒
對舞庭中月日暮雙棲嶺上霞李侯平生重幽
德致此遠自東吳國金櫛玉檻脫相送異種奇
毛惜不得一自天涯失舊行垂頭戢羽空徬徨
朝聞橫笛音相和夕對鳴絃影自傷荒堦雨濕
多泥滓毛翮摧頽風不起奮迅那推一鷄先昂

藏且在群鷄裏吁嗟人世是還非華表千年更
一歸蓬萊宮內青瑤樹會接文鶴比翼飛

寄李崆峒

黃河臘月水十丈縱有鯉魚那得上楚天鴻鴈
避霜雪未得逢春難北向康王城邊沙草照梁
王臺上多暮雲野人歲晚誰相對桐栢山中空
憶君

官倉行

棘周袤三丈垣高門鐵鎖絨兩關黃燄碧
下殿吏白板朱書十行字帳前喧呼朝不休剪
旌分隊聽唱籌富家得粟堆如丘大車檻檻服
兩牛鄉間餓夫立墻下稍欲近前遭吏罵

古峰畫梅歌

空江月墮孤山曉直榦橫枝疎更好夜來夢破
碧窻虛殘雪半庭寒不掃小橋水淺影初斜野
徑風清香未老霜魂月魄獨惺惺玉骨冰肌自
枯槁溪頭數點瘦花明塢雲漠漠林烟渺逋翁
湖山詩思閑寂寂柴門春醉倒山亭晝午鶴飛

還一聲長笛江門悄

隴右行送徐少叅

隴右地長安西行一千里秦日長城號塞垣漢
時故郡稱天水 聖朝掃盪無烽烟射獵之地
為桑田熟羗賣馬常入塞將軍遊騎不出邊知
君風采古遺愛揚策傳符度關內父老三秦望
節來犬戎諸夷遮馬拜開藩分道鎮邊塵居守
巡行歷幾春熊軾朱幡今岳伯豸冠白筆舊臺
臣瓦亭之西半山谷土室陰陰連板屋落月孤

城清渭源寒雲古蹟黃河曲十年此地曾遊歌
別來風物今如何竹花秋臨烏鼠穴楊葉夕渡
魚龍波回看萬里風雲色少小趨庭淚沾臆相
送悲吟不盡情關山隴坂高無極

三清山人歌

山人佩劔冠遠遊腰間鞞囊垂虎頭七星照耀
金銀鈎東行策杖指廬霍逝將滄海尋丹丘三
清西南龍虎連攢峰疊翠盤石蓮千崖萬壑不
可以徑度玉梁倒掛銀河前青峴下望憑雲烟

石壁中開日月懸旁通七十二福地白玉樓臺
羅洞天此中棲身煉大藥寶笈靈書啟五岳騎
鹿時見南斗君聞笙夜候緱山鶴我今遊目送
冥鴻欲訪名山入越中飛梁萬丈倘可接共爾
青天躡彩虹

石齋歌

濯錦江中錦為水白石粼粼映江底江頭齋閣
石嵯峨卜築題名搃因此岨撐壑拄盤天地產
秀生神豈人意日月宵通灑瀨根風雲晝吐岷

藏氣明公少年天下奇琅玕五色動光輝杖屨
太華仙人掌照耀銀河織女機明堂大厦要梁
棟不獨文章翰林重懸磬真諧韶濩音國琛果
獻珪璋用公登雲閣望雲林霄漢長歌白石吟
功成思袖補天手力在寧忘障海心衛公德業
懷應滿李相風流今不遠海內完名已玉成平
生貞志同金斷萬里橋邊綠竹園百花潭畔平
泉館待公一起慰蒼生還卧西山未應晚

五馬行

使君五馬來月氏方瞳夾鏡光離離長身峻耳
高七尺錦雲罕地玉花赤杏韉盛鐙雙盤龍文
羈翠刻金玲瓏青絲遊韉縮不住鐵色蹄翻錦
苔地天閑沙苑貯幾時一朝分賜使君騎使君
行春常露冕緩鞚張油下山縣朱文露網動輕
車四野人家望通幟去年來時楚江秋長鞭馳
過黃鶴樓楚城駿馬千萬匹解鞍坐視不敢倚
今年朝天入五鳳紅纓寶玦連錢重曉隨鸞
撼玉珂九陌風微塵不動天子命下巡吾州

禪光重整金絡頭吁嗟吾州本狹促迤徑寧當
千里足行行前駕肅且閑郡人遙望雙旌竿馳
道父老應開額區區孤豕誰敢前桑條吐葉青
鬱鬱滿路春塵繞車轂使君不惜驅馳勞無令
暴吏登民屋出門一送五馬行我馬踟蹰皆不
鳴相逢同是他鄉客惆悵城邊暮春別山亭草
色細雨時野館梨花寒食節夕陽微微鄴城樹
寒烟漠漠淮川月願言努力策霜蹄千金重有
登臺期

崔生行并序

予之至京師也友人崔太史子鍾見之曰久
不聞子言矣為我作崔生行

崔生自返金陵謫騎馬復走長安陌時危頗負
經濟才海內俱識文章客自從盜賊近神京四
海不見烟沙清黃河流血日慘怛中原戰骨霜
縱橫朔方兵馬又已弱天下財賦難盡權書生
不得言世務大臣誰有匡時略我到長安訪交
友子與河內猶相厚感君戀故有綈袍吐膽傾

心共杯酒六年更見玄都花萬事空傷薊門柳
河內憂時未解穎子亦談兵不輟口金礦玉璞
隱光曜紫氣龍泉鬱盤久議論反遭時輩忌形
容豈免流俗醜王良伯樂不在御驂騮馱裏徒
能走人言古人未可輕古人徃徃皆無成子雲
老大不曉事殷浩當時空有名事去惟應嗟白
首時來未必濟蒼生即今風塵尚瀕洞羽檄飛
符遞相送西北山河戰角悲東南天地軍麾動
江海未見魯連耻朝廷不聞賈生慟塵埃早知

才質殊霄漢况覩名聲重闕宮清廟待琴瑟大
厦明堂要梁棟天生公等世所須努力他時有
大用

憶昔行并序

予上京師之二年汝正有湖南之行新政弛
廢故人幾何晤語未諧離告又即愴然悲歌
不能自己感念往昔要之將來耳

憶昔長安相會日君方壯年我年小只今容顏
有更變何況世事無紛擾先帝衣冠半零落

十年賓友全稀少君今始作紫微臣笑我金門
落魄人馮唐上書亦歎老子雲識字空愁貧艷
陽三月桃李耀君非壯年我非少花開酒熟君
遠行可惜春風阻懽笑明星迢迢車關關遙向
楚水辭燕山但看朱紱在腰下莫使白髮生顛
間武昌城邊江色澱襄陽漢水尤堪羨東行何
日訪鱸魚南飛不得隨鴻鴈少癖山水耽雲松
兩年楚上多行蹤浮湘直下三千里望岳遙瞻
七十峰知君跌宕輕駟馬顧予豈是功名者安

得浮沉 帝座傍會須覽眺蒼梧野蒼梧風烟
秋色開武昌高樓吹笛哀帝乘白雲去不返仙
人黃鶴何時來君行訪古兼化俗長楫輶軒指
南極岸上遊穿羆虎林潭中坐傍鼉鼉國他時
儻覓桃花源北風為爾傳消息

田子行

君不見黃河西來北入海千載却倒東南流淮
水如絲納九曲桐栢山作崑崙丘我家清淮邊
君家大河側開闢二水今合同人生變化無南

北田子之生何降神十五手擊主麒麟二十辭
家觀國賓二十謁帝為近臣赤墀青瑣日月上
金馬銀臺河漢津自矜一身遇明主便欲登天
叩天鼓天門晝關守虎豹雲師屏翳雷公怒烟
氣縹緲隨飛龍電光閃爍笑玉女太清星辰下
羅列歛忽閭闔生風雨丹誠不回白日照杞國
憂天獨勞苦我持彤管雙鳳翎浮沉帝傍近紫
庭文園著書久消渴據地酣歌常不醒長安少
女花在側茂陵美妾空娉婷漢皇不好相如賦

方朔誰知是歲星愛君襟期特竒邁諫垣給舍
持風采平生古今開萬卷搖筆風雲動五彩致
君堯舜豈無術許身稷卨終難改袖中一札諫
獵書三歲磨滅未見採鍊石何時更補天銜沙
枉自思填海君不見楚人當時不識玉海客無
心采明月明珠暗投反按劔白壁三獻還遭削
連城高價後始定照乘竒光有時發鳳凰不及
鷓鴣鳴鴛駘却笑驂駟拙君不見長孺從來嘆
積薪公孫布衣為漢臣千秋開口取卿相董生

白頭甘賤貧萬言不如一言重直絃曲鈞安可
論賈生何能善絳灌任安徒事衛將軍我今與
子俱落魄過飲悲歌慨今昔咸陽酒客五花馬
邯鄲博徒千金擲古來豪俠亦可喜可憐聖賢
皆厄塞豫章干雲世希用龍泉貫斗人難識神
駿翻為轅下駒冥鴻已愧雲中翼出門與子常
相憶清淮大河見顏色

樂陵令行

山東郡縣一百八無有一城無戰場到今漂血

成野水如山白骨橫秋霜雲臺功高將不收投
筆亦有書生謀黃金大印賜豪貴白面豈得言
封侯唐朝公卿集如雲平原太守名不聞二十
四城見賊走抗城乃是平原守君不見前者寇
盜時縣吏州官各亡命北梁白馬終日行濟上
黃旗錯相映不聞開門戰但聞開門迎嗟乎平
原太守樂陵令

少谷子行

少谷子在武夷之山二十抱策叩燕關朝排闥

闔幕湖海九霄萬里身翻攀豈徒聲名冠帝里
要使踪跡窮人寰竭來京華始一識意氣形神
兩相得肺腑真成水石痼詞章亦帶烟霞色龍
姿鶴性不易馴海思江情浩無極頃將東遊觀
岱宗便欲下泛滄溟中鼉風奔浪岩洞黑鰲日
歷山樓觀紅南浮江淮覽吳越復上會稽探禹
穴去鳥晴生鴈宕雲飛虹夜躡天台雪波濤窈
渺岑崿移遍訪名山入武夷仗劍不憂百怪出
采芝或得群仙隨只今妙年始三十辭官讀書

志何逸九曲烟花對草堂三山蘿月開芸室已
看鳳凰在千仞回首驂騑空萬匹八月高城氣
稍勁流螢木葉交相映燕山遊子落日吟海濱
歸客秋風興他日遙尋少谷峰武夷莫作終南
徑

遠遊篇送楊中舍承家雲南省墓

君不見昆明池去京 萬里山盤海曲在天上
日轉星旋羅地底生神發秀千百年太宰源流
自茲始七歲辭家朝帝京登台踐斗榮身名水

木更起丘原情請帝帝遣中書行中書此行天
子重赤車駟馬都人送岳樓畫錦湖光開京口
春帆江色動瀟湘黿鼉經水國衡巫瘴癘雲來
黑銅柱標南閩南紀錦官城西指西域揮毫憑
軼驚蠻夷却似太宰中書時相如使蜀人同羨
遷史浮湘志自竒憶昔滇中為使者黔公宴我
滇山下酒罷曾孿壯士弓賦成尚倚將軍馬今
日看君萬里歸山川草木倍光輝公卿禮數古
來少父子聲名天下稀五華岡頭日朝放點蒼

山北雲如障遠遊可樂須早還帝里親闈兩相望

送五清先生赴浙江提學歌

天台文宿衝紫霄先生奉勅馳星輶越山桃李
花萬樹春色早渡錢塘潮憶昨先生遭斥逐漂
泊湖湘望巴蜀九江鴻雁春冥冥七澤龍蛇晝
盤曲洞庭天高急霜霰冰河雪岸開燕向北來
驄馬一日聞傾都走識先生面十年卜築楚村
墟萬里今瞻漢宮殿當朝門生貴不少先皇學

士人猶見金門誰留供奉班銀魚舊錫恩榮宴
長安春回獨回首翠烟漸入龍池柳薊門禹穴
自此分送餞先生百壺酒丈夫軼軻心不疑賢
聖流離古來有已看身作指南車况復名高懸
北斗隋珠和璧世珍重眼前點毀終難動聖人
不久奏雲門海內近亦求梁棟琴瑟須聆清廟
音豫章且待明堂用我聞衡嶽與天參七十二
峰江漢南不然從此可棲息無使天柱石鼓空
巉巖

相逢行贈孫從一

長安風吹萬楊柳與君走馬相逢久
昨朝邂逅尊酒間二十年来一回首
我官十年前君官十年後眼底相看已壯齡
世間萬事真翻手憶初少小來東曹君家兄弟同遊遨
尚書庭前兩玉樹白日燦爛秋風高爾時見君氣
貌花顏雲髮青錦袍石麟在天動鱗甲赤鳳排雲生羽毛
只今骨格殊恒調傾都見者嗟英妙恨不置之玉堂賓
誰令久待金門詔永嘉山水稱絕竒且與

謝客同襟期花裏開簾仙吏出花間看屐山人
隨尚書風義古無比如君更是尚書子尚書東山間
白雲高卧不為蒼生起漢庭我亦東方生
悵望名山無限情海雲浩歌起春色送爾萬里
東南行

李大夫行

君不見大梁李進士年未三十官大夫金鍾翠
釜識國器汗血飛黃看過都昨來走馬長安道
一日聲名盡傾倒墨卿學士競迎致搖筆登壇

為揮掃盧前王後不足論曹劉沈謝升堂早我
方避世金門前君獨時時問草玄金聲一擲天
台賦鳳沼常留春草篇憶年二十當弱冠結交
四海皆豪彥文章天上借吹噓杯酒人中迴顧
盼十年流落失邊李詞場寂寞希篇翰自從去
歲得李薛令我倡嘆增顏色對坐相看兩鳳毛
破圍實藉千軍力安陽崔史文絕倫意氣頗與
二子親蘇臺徐卿愛才者曲巷徃徃停車輪斯
文在天未墜地我輩努力追前人波頽瀾倒挽
一髮鯨翻鼇擲爭嶙峋薛生歸釣黃河岫君亦
遙維沔川纜霄漢終還五馬車江湖暫解雙龍
劍古來丈夫或未偶畏途輾軻無不有李廣羞
過灞上亭賈生愁醉長沙酒倘遇馮唐老見君
一言更薦雲中守

劉武選百鳥圖

嗚呼鳳凰不可見人間百鳥空凋秋西飛鷓鴣
亦五色滿眼誰別臬鸞儔劉侯此圖愛者衆畫
手莫識元與宋粉繪剝落絹素新萬羽千毛尚

飛動侯言此畫先人傳珍藏未肯充南貢十襲
翻令錦繡輕百年轉見丹青重頃來數相見手
携登我堂開圖見百鳥從此雙鳳凰鸞黃烏黑
隱可辨行鳧立鷺遙相望延頸戢翼各拱向宛
如萬國臣妾朝天王君不見蜀道阻絕岐山已
頽瀟湘無人衡岳崔嵬竹實未結桐花不開鷓
鴒怨杜鵑哀鳳兮鳳兮何時來

畫竹

殷君示我林垵竹臨風寫兩奪天巧尺縑若管

只两根氣勢已覺千林少蚪蟠鳳起倏有神出
雲入霧何縹緲聞君魯門西草堂萬竿白日林
烟霜怪道君身瘦如竹只對此君不食肉

吳偉江山圖歌

吳偉老死不可見人間畫史空嗟羨吾觀此卷
江山圖飄然意象凌虛無想彼濡毫拂絹素酒
酣落筆神骨露萬里青天動海岳空堂白日流
雲霧洲傾岸側波嶺銜島嶼倒影翻源潭江邊
萬舸一時發中流颼颼開風帆崩濤湧浪勢難

久漁子舟人各回首去鴈遙知七澤中落花誤
認桃源口煙峯蒼茫貌二叟面髮衣冠頗粗醜
石林沙草恣點染舒卷滄洲在吾手憶昨弘治
間偉藝實絕倫供奉曾逢萬乘主招邀數過諸
侯門京師豪貴競迎致失意徃徃遭呵嘖由來
能事負性氣輒軻貧賤終其身嗚呼吳生豈復
作身後丹青轉零落殘山剩水片紙貴百金購
之不一得此卷流傳天地間我即見汝真顏色

畫馬行

畫馬如畫龍縱橫變化當無窮吾觀月山子落
筆覽神五魯向天開貌十馬十馬意態無一同
此馬傳來幾百年古絹猶開沙漠風樹裏河流
新過兩簇簇草芽寒刺水圍人雙牽臨水邊草
色離離亂雲綺令人疑到渥洼傍波底風雷鬪
龍子細看不是白鼻騮恐是當朝獅子花紫燕
織離各惆悵其餘駑劣何足誇憶昔愛馬不惜
千金貨君王勤政樓頭坐胡奴黃衫雙繡靴
中騎出樓前過紅帕初籠汗血香玉鞭輕拂桃

花破吁嗟玩物竟何益遺跡徒使丹青播只今
烽砲西北來沙場未聞千里才千里才固有時
回頭為問御者誰君看赤驥與騏驎挽車太行
嶺心期田子方踟躕駕轅頃霜凋首著漢郊冷
骨折秋風自嘶影君不見古人養馬如養士一
飽能酬千里志今人養馬如養豚廐下常堆蒺
藜刺古之良馬何代無可笑今人空按圖

畫山水

蜀溪蠶紙明如練并州剪刀碧雲斷泥金作繪
誰所為華堂粉壁光凌亂枳花竹葉春江曲江
頭無人水空綠逶迤石逕林中出草碧沙明淨
江日欲覓秦人武陵下不見溪邊種桃者高樓
窈窕鎖烟霧只疑行盡瀟湘路瀟湘却憶舊時
遊紙上烟波生暮愁

題文與可畫竹上有東坡山谷題識

客從南方來見予手持錦軸長丈餘云是與可
之畫蘇黃書中堂展玩思超忽四百年來真故
物敗素飄零色已改古墨慘澹神猶發文生此

竹世希有一枝不異雙瓊玖冥冥烟幹動石壁
瑟瑟風葉臨窻牖筆下何須掃萬竿曾中已自
橫千畝眉山長公元擅塲豫章太史誰可當片
言相推四海重隻字尚使千年藏客從何處得
此幅令我嗟歎久憐惜蘇黃不作與可死人間
書畫無真跡勸君寶此勿輕擲

題黃車駕畫竹

畫竹忌屈不忌直息齋由來有筆力今之畫圖
幾百年人間尚自留真墨空堂畫挂風雨寒明

滅纖霧生微瀾細觀見竹不見畫何時石上削
此三琅玕八閩高士黃司馬平生好文無愛畫
碧草停珂夏省中白雲捲幔晴窻下每逢賓客
出評品遂使破素增高價開圖似惜孤鸞叢胡
為寫置荆棘中君不見洞庭之上瀟湘岸翠篠
脩篁沙草亂鳳凰不棲鷓鴣怨

吳偉飛泉畫圖歌

長安獨過田子舍留我一玩飛泉畫絕壁如聞
風雨來晴天安得蛟龍掛吳生跌宕得畫理潦

草落筆皆可喜飛泉却出脊障間山即真山水
真水客堂六月生晝寒耳中髣髴高江灘源潭
窈窕不可測波浪洶湧多竒觀泉邊二老頽色
異偶坐似是莊與惠萬里誰論到海心百年詎
識臨淵意偉哉田子今儒宗文標南指匡廬峰
不須對此更惆悵會觀瀑布青天上杉風松石
隔縹緲雲瀧雪瀨何雄壯我常夢徃神空向豈
無吳生好手筆為我寫寄廬山障

題大司馬王晉溪先生十牛圖

君不見將軍臺閣龍圖張何人畫牛司馬堂十
牛戢角垂其耳掛之中堂見者喜風林烟草恣
牧放水涉烟眠無觸舐黃犍黑牯舐肉真司馬
堂中安用此豈知此物公所珍展畫似對桃林
春高亭青松拂赤日南山白日消黃塵攻駒不
羨三千牝考牧還歌九十犉尚書况登本兵部
天營十二屯貔虎南征北伐運籌策破虜擒戎
在樽俎已看神武藉經綸要使蒼生有環堵蒼
生十年望蘇息海內荒城久荆棘犁鋤未慰三

農心輸輓空嗟萬夫力我知明公分主憂坐清
寇盜安王侯沙場之地皆田疇盡却戰馬歸耕
牛君不見中堂此圖日張掛丹青照耀麒麟畫

點兵行

先皇簡練百萬兵十二連營鎮京觀團營十萬
更精猛嗚呼耗減今無半昨傳胡入白楊城有
勅點選營中兵軍中壯丁百不一部遣老少從
征行自從御馬還內廐私家馬肥官馬瘦富家
輸錢脫籍伍貧者驅之充甲冑京師土木歲未

已一身百役無不受禁垣西開鎮國府內營書
夜羅金鼓四家驍健三千人出入皂從圍龍虎
邊頭城塹誰營屯遂使犬羊窺北門大清野曠
恣剽掠百里之內烟塵昏肉食者謀無遠慮倉
皇調發紆皇顧即今宣府大失利殺將覆軍不
知數遼東兵馬久已疲朶顏反復非前時又聞
迤北外連結朝廷坐失東藩籬往時京邊士苦
樂今頓異且如私門卒食糧日高坐此兵昨一
出見者淚交墮從令荷戈趨戰場身上無衣腹

不言 卷二 十六
飢餓君不見府中捭牛宰羊猪穿域蹋踰行吹
竿高馬肥肉留京都可憐此兵西擊胡

柳絮歌

長安三月百花殘滿城飛絮何漫漫千門萬戶
東風起陌上河邊春色闌美人高樓鎖深院白
花濛濛落如霰晴空窈窕窈窕朝日遲亂入簾櫳旋
雙燕遊絲相牽時裊裊委地飄廊不須掃君不
見江頭綠葉吹香綿隨波化作浮萍草

明月篇并序

僕始讀杜子七言詩歌愛其陳事切實布辭
沉着鄙心竊效之以為長篇聖於子美矣既
而讀漢魏以來歌詩及唐初四子者之所為
而反復之則知漢魏固承三百篇之後流風
猶可徵焉而四子者雖工富麗去古遠甚至
其音節徃徃可歌乃知子美辭固沉着而調
失流轉雖成一家語實則詩歌之變體也夫
詩本性情之發者也其切而易見者莫如夫
婦之間是以三百篇首乎雝鳩六義首乎風

而漢魏作者義關君臣朋友辭必託諸夫婦
以宣鬱而達情焉其有遠矣由是觀之子美
之詩博涉世故出於夫婦者常少致無雅頌
而風人之義或缺此其調反在四子之下與
暇日為此篇意調若髣髴四子而才質猥弱
思致庸陋故摛詞蕪紊無復統飭姑錄之以
俟審聲者裁割焉

長安月離離出海嶠遙見層城隱半輪漸看呵
閣衝初照潏灩黃金波團圓白玉盤青天流景

披紅葢白露含輝汎紫蘭紫蘭紅葢西風起九
衢夾道秋如水錦幌高褰香霧開瓊闈斜映輕
霞舉霞沉霧落天宇開萬戶千門月明裏月明
皎皎陌東西柏寢岩巖望不迷侯家臺榭光先
滿戚里笙歌影漸低濯濯芙蓉生玉沼娟娟楊
柳覆金埕鳳凰樓上吹簫女蟋蟀堂中織錦妻
別有深宮閉深院年年歲歲愁相見金屋螢流
長信階綺櫳燕入昭陽殿趙女通宵侍御牀班
姬此夕悲團扇秋來明月照金微榆黃沙白路

逶迤征夫塞上憐行影少婦牕前想畫眉上林
鴻鴈書中恨北地關山笛裏悲書中笛裏空相
憶幾見盈虧淚沾臆紅閨貌減落春華玉門腸
斷逢秋色春華秋色遞如流東家怨女上粧樓
流蘓帳捲初安鏡翡翠簾開自上鉤河邊織女
期七夕天上嫦娥奈九秋七夕風濤還可渡九
秋霜露迥生愁九秋七夕須臾易盛年一去真
堪惜可憐揚彩入羅帷可憐流素凝瑤席未作
當壚賣酒人難邀隅座援琴客客心對此嘆嗟
跼烏鵲南飛可柰何江頭商婦移船待湖上佳
人挾瑟歌此時憑闌垂玉筍此時滅燭斂青蛾
玉筍青蛾苦絨怨絨怨含情不能吐麗色春妍
桃李蹊遲暉晚媚菖蒲浦與君相思在二八與
君相期在三五空持夜被貼鴛鴦空持暖玉擎
鸚鵡青衫泣掩琵琶絃銀屏忍對笙篴語笙篴
再彈月已微穿廊入闥靄斜輝歸心日遠大刀
折極目天涯破鏡飛

邯鄲行

邶鄆道上車馬多行人夜火渡漳河邶鄆女兒
年十五能彈琵琶善歌舞青燈朱戶夜當鑪鑪
頭酒熟喚客沽玉壺青絲為君繫不妨醉向邶
鄆途君不見邶鄆市昔日繁華安可擬鳴鸞佩
玉青雲間鬪鷄走馬紅塵裏平原門前客如雲
千載淒涼竟何是黃金白壁成飛灰歌樓舞榭
空流水傷心萬事俱可嗟草長叢臺白日斜廢
苑當時在何處舊宮今日作誰家古來富貴俱
寂寞有酒尊前胡不樂

玄明宮行

君不見玄明宮中滿荆棘昔日富貴今寂寞祠
園復為中貴取遺構空傳孽臣詠雄模壯麗凌
朝廷遠勢連袁跨城郭憶昨已巳年來事柔權
自倚薰天勢朝求天子苑暮奪功臣第江艘海
船送花石戚里侯門擁金幣千人力盡萬牛死
土木功成悲此地碧水穿池象溟渤黃金作宮
開日月虹蜺屈曲垂三梁蛟龍盤拏抱雙闕城
中甲第更崔嵬親戚弟兄皆閹閹撼里歌鐘賔

何詩
卷二
客遊排門冠劍公鄉謁生前千門與萬戶死時
不得一丘土石家遊魂泣金谷董相然臍嘆鄙
塢宮前守衛無呵呼真人道士三四徒石戶蒼
苔生鐵鎖玉階碧草搖金鋪星宮晝開見行鼠
日殿夜禱聞啼狐遊客潛窺翠羽帳市子屢竊
金香鑪桑田須臾變滄海桃樹不復栽玄都我
朝中官誰最貴前有王振後曹氏正統以前不
得聞成化之間未有此明聖雖能斷誅罰作新
未見持綱紀天下衣冠難即振中原寇盜時復

起古來禍亂非偶然國有威靈豈常恃玄明志
宮今已矣京師土木何時止南海猶催花石綱
西山又起金銀寺君不見金書追奪鐵券草長
安日日迎護勅

修竹篇

君不見真翁堂下竹貫日干雲千尺高亭亭萬
木避霜色颼颼空巖迴翠濤平生直節本無偶
手栽琅玕種瓊玖風月何曾忘此君松梅况自
稱三友東曹郎君翁所竒節槩更與翁名齊神

龍昔向滄波化彩鳳今從玉樹棲高堂茲辰開
壽籙却洗金盤對春竹霓旌畫下仙人車雲管
宵停羸女曲翁家舊住上林西托根自近蓬萊
池雪崖冰柱映樓閣雨露常沾萬歲枝

同李進士觀銅雀硯歌

君不見鄴中魏帝無宮殿千秋遺瓦磨為硯墨
客騷人空歎嗟朱甍綺構誰曾見李君好古精
鑒別冬天拂拭開烟雪虛堂叩之哀玉音泥沙
洗出黃金屑廣州紫石鸚鵡眼歛山龍尾何希

罕濡藻光迴星漢垂蟠花背刻龜螭斷共憶高
臺羅綺春翠眉艷骨飛黃塵提携故物悲年代
感慨新章泣鬼神君不見臨漳此物難復覩河
沉岸圻求者苦縣人相傳為贗古嗚呼日掘西
陵土

子昂畫馬歌

學士宋王孫畫馬皆龍姿曾寫飛黃出天廐尚
留雲影落瑤池池頭馬官錦靴袴緩鞚長牽時
拂顧萬里精神開綃素百年毛鬣生風霧吁嗟

內乘無人識想見奔騰過都國翠仗朱軒數往
來金羈玉勒增顏色只今天子罷南征又聞
東巡遼海城安得四馬忽然生登臺一顧千金
輕天上常隨八駿行

何仲默詩選卷之二終

梁園風雅
仲默下

國立中央圖書館藏 NATIONAL CENTRAL LIBRARY, TAIWAN, R.O.C.

何仲默詩選卷之二

信陽何景明仲默著

雍丘趙彥復徵生選

東郡汪元范明生校

五言律詩

避雨山舍望見蒲圻縣

向晚蒲圻道遙聞鷄犬
喧斜光入深巷踈雨過
閒門縣市渾依水人烟
只類村蕭條燈火夕沽
酒共誰論

辰溪縣

早發辰溪渡清川喜泛舟山城歌粉堞江驛映
朱樓雨驟沙蘋岸天寒水露洲蠻音聞漸異迢
遞動鄉愁

沅水驛

小驛孤城外陰森草樹幽晚涼憑水榭秋雨坐
江樓絕域鴻難到空山客獨愁夜深歸渡少漁
火照汀洲

沅州道中

向夕人烟近肩輿歷翠微驛花明去節山霧上
征衣果熟收梨棗蔬香煮蕨薇開樽對佳客且
喜吏人稀

平溪

徙倚平溪館天高秋氣清水螢光不定山籟響
難平夜火雲間戍寒楓江上城終宵無夢寐高
枕聽灘聲

鎮遠

寥落古城池斜光照戍旗關臨苗子砦洞入長

官司殊俗終難近
蠻音久易知
踟躕暮江上
又是仲秋時

峽中

自昔偏安地
于今息戰侵
江穿巫峽隘
山鑿鬼門深
濁浪魚龍黑
寒天日月陰
夜猿啼不盡
淒斷故鄉心

雨霽

斷雨懸深壁
餘雷振遠空
蒼林橫落日
碧澗下殘虹
萬井波光靜
千家樹色同
何因共朋好
思

詠舞雩風

穫稻

穫稻妻孥喜
中宵尚築塲
但堪供俯仰
那復問倉廂
合畝黃雲盛
翻匙白雪香
更須催釀酒
溪上鯉魚長

晚歸自溪上

秋到城西樹
緣溪落葉多
數家連水竹
一徑入烟蘿
廢井寒螿聚
閒窻暮雀過
濯纓聞孺子
燈下亦悲歌

夜

地遠柴門靜天高夜氣淒寒星臨水動夕月向
沙低入室喧虫語張燈住鳥啼自然幽意愜不
是戀深棲

月

宛宛秋山月今宵尚未圓光生萬里外影對一
尊前城靜虛弓倚樓高破鏡懸草堂風露下終
夜不成眠

除架

苦葉蕭疎久秋斲亦委沙家人空抱蔓山鳥莫
啼花零落親寒事蹉跎感物華衰榮轉相代何
必恨生涯

得錢水部書

故人俱落魄水部近何如河上三年別天涯十
月書烟波愁望裏風雨夢魂餘更枉懷人作長
吟淚滿裾

宿胡山人家

騎馬侵晨出看山至日昏鳴雞千嶂裏高樹一

家村白石斜
通徑清泉直到門
祇疑人世外
別自有乾坤

登堅山寺

西峯插天起
絕頂寺門開
雲裏一僧住
山中無客來
落花平講席
積草徧香臺
我欲聞清梵
焚香坐不回

懷李獻吉

冠蓋京華地
斯人獨可哀
神龍在泥淖
朱鳳日摧頽
世路無知己
乾坤孰愛才
梁園別業在何

日見歸來

九日同諸友登賢隱山

野寺空崖裏
高臺舊國傷
山川待我輩
風日媚重陽
雲嶠秋臨迥
松林暮倚長
由來宋玉意
搖落自悲傷

送孫世其舉人歸華容

爾去荊州府
孤帆幾日開
山過宋玉宅
江到楚王臺
落鴈衝人起
浮雲度水來
悲懷兼別緒
歲暮若為裁

萬歲節

北望看辰極孤城首重回祥雲九重殿仙露萬
年杯鳳輦通宵備龍旂拂曙開侍臣金鑑錄誰
有九齡才

得五清先生消息尚客澧州悵然有懷

洞庭西去路消息幾回聞地僻難逢鴈天長祇
見雲白蘋悲楚客斑竹怨湘君宋玉哀師意空
傳九辯文

寄張提學伯純

舊屬朝端望俱稱柱下才九霄驄馬出千仞鳳
凰來河洛經中嶽星辰動外臺山城有桃李花
向幾時開

聞陸舍人子引罷官無懷徐舍人德章

惜爾官難達文章本鳳毛投簪歸海岸挂席趁
江濤張翰元思膾任公且釣鰲南逢徐孺子應
話舊同袍

寺僧留宿

留宿頻經夜虛空斷俗緣獨吟依野衲不寐聽

何詩
卷三
山泉水月人間地香燈象外天何時謝城郭來
此共安禪

登西巖寺

西林禪誦地石壁倚天開曲磴千盤上飛泉一
道來園禽巢古殿野鹿過香臺共坐題詩暮山
花落酒杯

訪堅山寺僧不遇

峭壁何年寺重來雪路迷烟霞開寶地霄漢接
丹梯逼面千峰起回頭萬壑低無人獨歸去惆

張白雲西

趙生書堂竹

愛爾書堂竹青青耐久看到門惟一徑入院迥
千竿兩映爐烟細霜生簟色寒晚來幽獨興題
句刻琅玕

送彭總制之西川

蜀道青天上岷山赤日西九重連授鉞萬里動
旌輦開府松杉靜懸軍玉壘低知公安蜀計諸
葛大名齊

元夜寺中集

火樹連龍苑，烟花繞鷺峰。
詞人高宴會，令節喜過逢。
閣度銀河上，窻含寶月重。
九衢風起夜，處處有歌鐘。

秋夕懷曹毅之

百卉飄零盡，孤鴻何處歸。
高樓橫暮笛，萬戶搥寒衣。
南國江湖遠，佳人尺素稀。
獨愁誰與晤，明月鑒重闈。

寄空同子卜居襄陽

爾定襄陽宅，雲山好傷誰。
草憐王粲井，花醉習家池。
留滯悲江漢，驅馳感歲時。
扁舟空悵望，未有鹿門期。

寄易內翰

日日望長沙，憶君城柳斜。
風塵愁燕雀，江海嘆龍蛇。
公子天邊草，夫人廟口花。
故鄉盃酒罷，遙亦念京華。

寄三子詩

鄠杜終南曲，邠岐渭北陞。
水多龍卧處，山有鳳

何言
卷三
來時星宿中宵動風雲萬里移滄江問靈劍誰
合少人知

大祀

金榜星辰幕瑤函海嶽編受禧同漢室登禪異
秦年日抱龍旂轉天流羽蓋旋揚雄老信從
首賦甘泉

駕入

地轉瑤壇迥天迴翠輦高入城傳鼓吹開殿
旌旄珮委春池草盤行上苑桃九天燈燭重
拜袞龍袍

皇陵

陵闕皇靈闕山河王氣遙萬年龍虎抱每夜鬼
神朝玉盃留天地金燈照寂寥如看翠華度縹
緲在青霄

晚出左掖

洞門餘積雪御苑覆高霞吏散層霄上城行五
鳳斜青田初霽柳紅動峭寒花立馬清沙外空
林集暮鴉

信言
卷三
九
答潘都諫郊壇見遺之作

羽衛天行路龍帷御宿亭壁壇流霽月銀闕動
春星諫獵心空赤逢時鬢尚青極知陪從地瞻
切五雲停

得顧華玉全州書無知望之消息

地北憐為別天南真可哀同時萬里去隔歲一
書來水濶蛟龍出山深杜若開相思有詞賦愁
絕並登臺

得王子衡贛榆書

萬里一書劄逾年傳帝都竄身天地遠垂淚海
雲孤柳送燕臺駿花留漢殿鳧赤霄終道路白
髮且江湖

登紫極閣

層閣重重麗丹梯裊裊孤風雲上紫極氣色覽
皇都苑靜芙蕖落城喧鴈鶩呼蒼然見淮楚鄉
思滿平蕪

世其宅夜集同君采作限難字

冬夕具盤飧明燈坐不寒獨憐竹葉盞仍對菊

花團素月縈窻細高雲傍苑殘美人江國去惆
悵采芳難

出遊功德寺

昔聞功德寺今出帝城西晚日丹梯近秋天翠
巘齊荷裊猶暎水樹古曲盤堤十里經行地清
沙送馬蹄

天壇沈道士觀中

夏日天壇上登臨傷九霄川原一以眺樓觀鬱
岩堯洞口逢丹侶花間醉碧簫清沙日色盡翻

恨馬啼遙

出閣過勤甫省中

竹垣通左掖花省接仙郎並坐停杯晚高談卷
幔涼水陰沉紉殿山影落雕牆愧我同朝客傳
君寡和章

立秋日呂景二內翰呂田二黃門見訪

高城下一葉亭榭已蕭疎河漢生秋早星辰動
夜虛玉珂停驂裏金硯落蟾蜍俱是文章伯相
看我不如

十月四日過良伯

古堂秋色暮霜晝靜烟沙隣並常杯酒寒天尚
菊花流雲行苑細返景抱簷斜隻鴈南翻去飄
飄各念家

寺中張子言自浙來話

石閣晴雲抱花宮夕漏催我遊天姥夢爾向海
門迴日月雙龍劍乾坤一酒杯山中問百草早
晚折春雷

夜過劉以道兄弟

風燈懸岸館竹色靜春沙山水停湘瑟池塘到
謝家雪融花尚細烟裊柳初斜對酌情親夜能
無戀物華

十五夜劉子緯宅子靜初至對月

長安今夜月復滿桂花輪笛裏三年淚尊前萬
里身關山上雲霧樓閣下星辰况接離羣友悲
歌對愴神

以行自西山還相訪

聞汝西山去題詩十日還獨行翠微裏應到玉

泉灣石壁雲孤裊冬巖菊自斑煙霞發妙思高
詠眇塵寥

夜歸昌化寺

日落歸山剝松風處處聲幽深不易到昏黑更
多驚壑斷尋溪入峰迴截嶺行茲遊藉朋好竒
絕冠平生

詠天寧寺塔

七級芙蓉起千年舍利藏地形標海嶽人代閱
隋唐鏡現三天象珠含四日光白毫空萬里處

處有迷方

大功德寺

寶地煙霞上珠林霄漢間 宣皇留殿宇今日
共追攀御榻臨丹壑行宮鎖碧山帝城省不遠
時見五雲還

玉泉

行遊金口寺坐愛玉泉名雲去隨龍女風來動
石鯨入宮朝太液穿苑象昆明却望天河水迢
迢萬古情

鑑公房石鐙

石盃何年鑿瑤燈此夕然雲流自五嶽月色近
諸天定裏金輪轉光中玉鏡懸西來不滅影常
照法筵前

淇門

何處問商圻荒原尋斷碑鷄鳴深市井鴈入古
城池斜日人空吊浮雲世自移祗餘淇上竹綠
色映寒漪

銅雀臺

美人望陵處無復翠華過殿冷閒歌吹宮春羅
綺羅落花嬌靨盡芳草怨魂多日暮漳河水東
流空白波

百戰

百戰將軍死中原將士哀山河猶汗馬霄漢已
雲臺敢料安危勢須還節制才南征聞日遠消
息幾時來

冬月

冬月少光輝霜天影漸微鼓鼙仍雪塞燈火自

風靡水凍蛟潛泣沙寒鴈不飛何時漢家將雙
照羽旌歸

十七夜月思

秋夜已如此美人安在茲含顰向玉魄揚采憶
蛾眉嫋嫋芳香歇盈盈白露滋河關悵伊阻誰
復訊佳期

九月十五夜月

萬里高秋月青天此夜看乍流關塞影遙出海
雲端浙浙開風幔輝輝傍菊欄清笳奏城闕為

報漢宮寒

元日

元日王正月傳呼晚殿班千官齊鵠立萬國候
龍顏辨色旌旗入衝星劔珮還 聖躬無乃倦
幾欲問當關

鴈

嘒嘒胡笳怨飄飄南鴈翔長風度關塞九月下
瀟湘積水浮連影遙空起斷行故園秋望盡聞
爾淚沾裳

寄彭幸菴中丞

山海藏身遠朝廷屬望頻
駿功收戰伐龍卧偃
經綸星宿黃河氣風雲華嶽神
生才元有待終起慰斯人

登五丈原謁武侯廟

風日高原暮松杉古廟陰
三分扶漢業萬里出師心
星落營空在雲橫陣已沉
千秋一瞻眺梁甫為誰吟

登樓鳳縣作

近訊中原使無登萬里樓
朝廷仍北極行在且南州
峽斷風雲隔江通日月流
如聞乘八駿早晚向崑丘

咸陽原

千秋陵墓地駐馬惜茲行
晚日登原殿晴天見渭城
望春時極目訪古獨含情
柰有咸陽草風吹歲歲生

草堂寺

昔讀高僧傳今看勝地形
院寒留檜柏殿古落

丹青寶塔參遺影荒臺問譯經
駐車春日暮散步出林坳

晉緣塔

石盖凌空起丹梯出翠微雲從珠頂覆燈轉鏡
中輝鴈沼波濤湧龍宮日月圍何能攀絕頂一
覽漢邦畿

長春宮

夜宿仙人館晨聞鳳吹停玉窻開曉月丹井汲
春星久秘長生訣空留不死庭下山回一望巖

壑杳青冥

益門

益門通漢沔棧閣上雲霄蜀道從茲始秦川望
已遙生風鄰虎穴迴日過龍標眇眇征途子雲
山誰見招

紫關

連峰入冥兩絕壁閃餘霞水認秦人洞林疑謝
客家石門踐苔蘚源口覓桃花他日求棲息無
言此路賒

昭烈廟

漂泊依劉計，間關入蜀身。中原無社稷，亂世有君臣。峽路元通楚，岷江不向秦。空山一祠宇，寂寞翠華春。

五言排律

寄徐博士二十二韻

有美雲間士，才名洛下傳。逢時不得意，謫宦轉悠然。殊渥優文學，清階謝糾纏。班行亦霄漢，官侶是神仙。樓閣星辰麗，宮牆日月連。院桃紅爛

日闕檜碧參天，賈誼為王傳。陽城淑後賢，諸生攻誦法。六館藉陶甄，玉序金鏞列。虛廊石鼓懸，雅音淒古調。竒字索遺鏤，劉向憂經術。揚雄困草玄，羅傷廷獄宅。座嘆廣文氈，魯壁藏書日。齊門鼓瑟年，青衿時涕淚。學士盡奔遷，鸚鵡愁金絡。麒麟耻玉鞭，客心千里鴈。歸興五湖船，上國同傾蓋。長宵更接筵，彩雲停翠管。白雪遶朱絃，悵別燕臺下。淒涼楚水邊，海鷗終浩蕩。天馬自騰騫，朋舊稀相見。江湖益可憐，因風問消息。尺

素幾時旋

寄邊太常

不薄淮陽守翻辭大省寮
聯翩追近地奉引憶先朝
碧落仙人館銀河織女橋
漢儀瞻鹵薄虞樂典簫韶
日月旂常動星辰劍佩搖
聳身殊道浴回首隔雲霄
河內猶宜借山陰豈見招
乾坤五馬貴江海一麾遙
雅識懷金奏同遊歎玉鑣
歲年雙轂轉岐路一蓬飄
鸞翻終難鍍鸞遷本在喬
九苞應不遠覽德是何朝

雨後溪園即事

偃息春朝晏輕陰散野園
山雲行翠壁溪雨度河源
鷺浴晴相倚鳧飛暖自喧
踈楊映遠岸細草入平原
開徑徒懷侶臨流且避諠
豹終隨霧隱龍豈怨泥蟠
鴻鵠皆千里鷄豚自一村
幽棲何限意難與世人論

中元節有感

去歲中元節朝陵百職同
嚴趨神路左遙拜孝園東
龍虎瞻玉氣乾坤仰帝功
未迴衡嶽駕空

墮鼎湖弓啟兆龜圖順編年鳳曆終玉衣陳畫
幄寶瑟闕玄宮北極猶前日南薰亦舊風病居
逢此日長望五雲中

寄贈王子衡御史時按關中

獨坐清關內臺中覺汝賢函峻天下險周召國
風先按節人文朗登臺使命宣豺狼避驄馬神
鬼泣龍泉文采驚流輩微庸憶往年衣冠隨謁
帝館閣望登仙省接星辰近池臨雨露偏畏途
逢改革新法忤權奸放逐江湖去飄零歲月遷

地卑棲鏃羽天近起聯翩殘寇猶衝突蒼生極
倒懸專征空授鉞募戰豈論錢漂血江河赤僵
尸楚蜀連俊才無武畧要地有威權馬上排金
戟軍前贈玉鞭笑談安石計激切賈山篇漢苑
南山下秦城北斗邊相思一回首萬里各風煙

寄題丹陽孫氏七峯山房

聞爾山房勝青天秀七峰芙蓉疊日月雲霧裊
杉松堦倚岳巒積窻通洞壑重丹霞互明滅瑤
草自春冬靜得沉冥趣幽探仙聖踪源潭暗雷

何詩
卷三
兩白晝有蟠龍

蓉溪書屋

書屋蓉溪曲雲林蜀嶺斜一經韋相業萬卷鄴
侯家檻護連枝秀池看並蒂葩謝庭森玉樹漢
省接金華山月岷峨雪江天灩澦霞花潭通白
石錦水出丹沙星野光芒聚鴻霄羽翼遐地靈
與文物今古擅三巴

渡涇渭

北回亂涇涓東眺極澄瀛落日兩盪潏遙天雙
帶縈波流互明滅岸折屢崩驚隔樹望迴合分
濤揚濁清堰渠饒上壤形勢迥西京漕挽通秦
甸津梁跨漢城湮沉九州會雄壯八川名空挹
入河志復含浮海情風沙滿世路雲浪渺江程
鵲去星源遠鯨翻霧島輕片帆儻可借萬里自
茲行

何仲默詩選卷之三終



前言

卷三

十一

何仲默詩選卷之四

七言律詩

武昌聞邊報

傳聞虜騎近長安
北伐朝廷已遣官
路繞居庸烽火暗
城高山海戍樓寒
一時邊將當關少
六月王師出塞難
先帝恩深能養士
請纓誰為繫樓蘭

岳陽

楚水滇池萬里遊
使車重喜過巴丘
千家樹色

浮山郭七月濤聲入郡樓寺裏池亭多舊主城
中冠蓋半同遊明朝又下章華路江月湖烟縮
別愁

寄君山

塵踪西過巴陵地尚欠君山寺裏詩十里無緣
携客到六年不見使人思空巖竹映湘妃廟舊
井潮深柳毅祠湖上老仙誰得遇夜寒橫笛向
江吹

華容弔楚宮

別館離宮紛綺羅細腰爭待楚王過章華月晚
春遊盡雲夢天寒夜獵多廢殿有基人不到蕭
臺無主鳥空過西江烟月長如舊只有繁華逐
逝波

月潭寺

玲瓏金刹白雲邊踏閣攀林一徑穿龍出洞門
常作兩鶴巢松樹不知年僧來殿上鳴鐘飯客
到山中借榻眠怪底夜來難得寐秋風窓下送
流泉

憶中舍諸寅

憶昨共陪天北極，幾回朝賀識龍顏。
簾開仙掖宮雲近，地隔金河苑日閒。
青瑣夜歸池上珮，朱衣曉入殿中班。
只今遠使違趨奉，清夢常依霄漢間。

安莊道中

處處人家空薜蘿，幾年凋弊擾干戈。
山過白水峰巒峻，路入盤江瘴厲多。
嶺徼土風連百粵，邛原人語雜諸羅。
側身西望看銅柱，此地曾經馬

伏波

邛中

荆門南下接平疇，蕭索風煙似晚秋。
衰草茫茫楚宮廢，荒城寂寂漢江流。
人亡異代空遺宅，歲暮他鄉獨倚樓。
寂寂是陽春音調，古至今歌罷少人酬。

病後

病後頻驚節序過，不將風景怨蹉跎。
秋來門巷依楓橘，歲晚衣裳戀芰荷。
洛下閒居辭宦早，茂

何詩
卷四
陵消渴著書多鳳凰池土三千客駸裏空鳴白
玉珂

吹笛

橫笛高城弄晚颼碧空如水鴈來時關山月落
鴈應斷樓閣秋生響易悲揚柳天邊渾折盡梅
花江畔故開遲武陵回首南征路一曲那堪爲
上吹

秋興

憶在京華近待年五更清珮入朝天鳳凰池接
薄龍會闈闔樓開日月懸南國自通滄海貢胡
塵不動玉門烟只合病卧遥回首夜夜清光北
斗邊

漢水東馳入楚來長沙秋望洞庭開江清樓閣
中流見日落帆檣萬里迴去國尚忠王粲賦逢
時空惜賈生才湘南兩度曾遊地惆悵烟花暮
轉哀

秋來門巷少經過日日幽懷對薜蘿一笑流光
拋客路十年歸夢落漁簑沙邊返照寒初歛水

上浮雲晚故多苦憶梁園辭賦客黃河愁望渺
烟波

高夔府先生宅內賞菊

淺白輕黃千萬枝幽香今日始相期雨中籬落
人稀到水畔亭臺蝶不知折向秋風堪寄遠種
囚晚節故開遲去年此會今皆健來歲花時可
對誰

答雷長史

每誦清詞動我愁山中歲暮若為酬因攀桂樹

遙相憶欲寄梅花可自由萬里江湖雙涕淚百
年天地幾交遊誰憐舊日中朝客謫向王門半
白頭

十載寒氈鄭畫師風流文采更堪思朱門鼓瑟
官仍達青殿揮毫出每遲百里風烟還薄暮孤
城雨雪已多時極知歲晚傷心切起傍官梅自
詠詩

送馬公順視學湖南

洞庭雲夢眼中寬襄國荆門掌上看三楚樓臺

皆壯麗萬年江漢自波瀾烟花白日空愁暮鴻
鴈青春尚避寒莫道秦川歸未得人間今日路
行難

春興

東風回首即殘春日日清江愁白蘋北去雲霄
無道路西來天地有烟塵身經貴賤知交態事
到安危憶古人却喜故園桃李樹花開又見一
回新

對雪懷劉朝信

月孤城雲黯然萬峰飛雪此溪邊烟斜細細
深寒日風急飄飄落暮天何處玉珂迷紫陌幾
家銀燭照華筵茅堂此際堪乘興不放山陰半
夜船

西海子

寺下烟波春不開苑中風浪隱樓臺源泉細繞
西山出雲氣深從北極來萬里乘槎觀日月十
年登閣望蓬萊黃塵碧水須臾事莫使魚龍夜
夜哀

別王秉衡御史

客車梁地相逢日
驄馬秦關獨去時
荏苒風塵千里別
飄零江海六年思
旌旗暮入黃河戍
閣晴登華嶽祠
攬轡未應違壯志
揮毫先已見雄詞

元夜仲脩宅對月

春月相看此度圓
酒杯聊得慰愁顏
宮前火樹晴相照
苑外金珂晚並還
南去漢兵連楚蜀
北來胡馬傷關山
侍臣尚憶先皇宴
漸近清光

霄漢間

送張子之浙江

張子別我吟玉壺
荷花五月下江湖
南探禹穴行逾遠
東望滄溟興不孤
司馬少年遊萬里
左思當日賦三都
平生壯觀今塵土
回首高歌愧爾徒

七夕

楚客旅魂驚巧夕
燕京風俗鬪穿針
樓臺送暑催秋扇
關塞迎寒起暮砧
海內弟兄風雨夢
天

在言 卷四 十一
涯兒女歲時心 乘槎莫問支磯石 河漢年年此
夜陰

宗哲初至夜集

衛川舟楫九秋旋 京洛衣冠更此筵 萬里况逢
鴻鴈候一杯 仍對菊花天 燈前月落城烏起 堂
上雲開塔樹懸 聚散古今同逆旅 莫看風景倍
悽然

和張子純白髮

我見秋風驚壯心 君悲白髮苦相侵 愁多不道

潘年少吟苦 誰知越思深 客裏歲時供 覽鏡天
邊霜雪助 沾襟平生浪 說如雲 盛蓬鬢 稀踈底
似今

月夜王宗哲宅贈田勤甫江西提學

高城吹角此宵寒 遠客今歎行路難 歲暮風烟
殊去住 天涯燈火共悲歡 西江日落移舟入南
斗 星懸倚劔看廬岳 玉山千萬里 不知何地望
長安

送殷近夫之青田

石川居士昔飡霞為吏風塵不怨嗟海上故栽
彭澤柳江邊新種洛陽花飄飄暮送凌空舄渺
渺春迴上漢槎安得便同仙令去遠從勾漏覓
丹砂

得獻吉江西書

近得潯陽江上書遙思李白更愁予天邊魑魅
窺人過日暮黿鼉傍客居鼓柁襄江應未得買
田陽羨定何如他年淮水能相訪桐柏山中共
結廬

送賈學士之南都

金陵樓閣九天開銀漢仙槎萬里來宮月夜懸
鳩鵲觀江樓春轉鳳凰臺直從北極看南極却
望中台接上台鳴世早傳天下作逢時真羨洛
陽才

送施聘之侍御

海甸春風攬轡情燕關驄馬去還鳴繡衣霄漢
花間出錦纜江湖樹裏行近日西臺多諫草少
年南國有詩名別絃更憶風流調愁聽東城二

月鶯

送杭憲副兵備天津

天津橋北望京樓金鼓東行節使舟日月晝懸
滄海樹龍蛇春歷九河流百年貢篚通南極萬
里旌旄屬上游莫笑談兵尊俎上書生元不為
封侯

鮓魚

五月鮓魚已至燕荔枝盧橘未應先賜鮮編及
中璫第薦熟誰開寢廟筵白日風塵馳驛騎炎

天冰雪護江船銀鱗細骨堪憐汝玉筋金盤敵
望傳

送王御史德輝西巡

中朝御史重西巡獨下青霄斧鉞新隴雪洮雲
行塞日胡琴羌管奏邊春蒲桃不博涼州地天
馬還隨漢使臣白筆萬人看氣象蒲令河外有
烟塵

送衛進士推武昌

少年佐郡楚城居十郡風流盡不如此去且隨

仙言 卷四
彭蠡鴈何須不食武昌魚
仙人樓閣春雲裏
賈客帆檣晚照餘
大別山前江漢水
畫簾終日對清虛

九日獨酌簡何太僕

無客秋堂菊自芳
寒城獨酌對重陽
愁來轉覺登臺懶
病裏誰傳落帽狂
海內弟兄非異姓
楚南賓客本同鄉
十年羅馬縱君地
風雨看花意不忘

懷寄邊子

汝從元歲侍 今皇誰念先朝老
奉常一出雲霄空
悵望十年歧路各
蒼茫春天縹緲金露晝日氤氳
紫殿香獨有楊雄尚陪從
白頭抽筆賦長楊

寄康子

十年朋輩飄零盡
海內兵戈戰鬪餘
花劇秦川誰見汝
鴈稀燕北渺愁予
碧山擬著潛夫論
丹壁應藏太史書
自笑此身今更出
風塵空望白雲居

用韻答以行

無客琴書晝掩堂有詩先夢謝家郎
雨來碧草遙添色風過紅蕖不斷香
多病更逢愁是敵此身那得醉為鄉
蒼南巷北稀相見偏側歌殘送夕光

石磯

石磯無伴滿蒼苔秋杜春蘭晚自開
江日烟波雙鳥去楚天風雨一舟來
釣鰲獨有滄溟興夢鶴誰知赤壁才
芳草歸人不愁思水雲山郭見

章臺

過寺訪以行

今年春色倍堪思奈爾看春病起遲
窻矚太行雲斷處坐聞江漢鴈來時
柳香漸撲燕姬酒草色頻催謝客詩
更欲息栖尋野寺細蘿芳杜碧山期

敬夫康德涵四子同遊

峻閣含風落照孤憑高千里視平蕪
鳳笙錦曲春縹緲瑤草春光晝有無
採藥幾時尋碧海種

桃無復問玄都五陵冠劍豪遊地猶是長安舊
酒徒

輞川

飛泉萬壑通藍水仄徑千峰入輞川野老豈知
旌節到世人空作畫圖傳鼉鼉岸坼深無地鷄
犬林開忽有天即以買山堪避俗桃源何必訪
神仙

華州作東桑汝公

秋城雨色靜微塵過陝山河望轉新天上岳蓮

開二華雲中關樹引三秦追遊少小還今日浪
迹乾坤任此身乘興欲攀仙掌去未知登覽見共
何人

東林書院

東林精舍接東城出谷先畝伐木聲氣象久瞻
程伯子樞趨今見魯諸生芝蘭入室香俱化桃
李開門樹總成河渭滔滔同向海濟川舟楫幾
時行

送盛斯徵巡撫四川

可詩

卷四

一三

三百廿九

上

向來才藉九重知此去勲名萬里馳玉壘霜威
侵斧鉞錦城花色駐旌旗征南諸葛籌先定化
蜀文翁事更宜巴水秦山元自接好音莫遣北
來遲

七言排律

平夷所老人

平夷老人髮兩肩哀哀淚落古城烟歲收斗粟
輸田賦日向諸隣乞米錢風雨飢寒趨路側子
孫流落避兵年青春有伴難還土白首無家尚

戍邊官裏征徭何日已軍中苦樂古來偏魏驚
戰鼓心猶怯臂中飛弧肉盡穿獨去負戈巡夜
砦誰來銷甲種春田朝廷德意思柔遠聞幄謨
猷在識先夷狄本為王者外卒徒能受帥師憐
敢愁溝壑填衰謝只擬封疆息穢羶我願麾前
法唐將籌邊有策到今傳

寄李郎中

星辰畫省鳳凰池同接金門白玉墀庭樹晝閒
寒碧幕苑花春好並金羈西京車馬誰言樂東

漢衣冠忽已悲萬里艱難歸故土兩鄉迢遞限
雲遶青冥垂翅人皆惜白日批鱗世所知天上
神仙元有謫古來賢聖本多危陸機入洛名逾
盛司馬遊梁賦益竒海內競傳高士傳朝廷誰
訴黨人碑齊堂雷震寃臣出魏闕天高獄吏欺
千古死灰安國淚萬年灾異廣川辭虞羅亦放
冥飛鳥卜獵何煩後載罷得失竟須知塞馬榮
華終不易塗龜嗟予蹇拙慚君匹念汝風流實
我師索處自應思故舊生涯今已笑支離遨遊
昔忝登龍會駕下深懷附驥思貢禹王陽同出
處鍾期伯子是交期河陽雲樹情俱苦渭曲烟
花頭豈遲回首西山多寇盜扁舟南國有旌旗
腐儒潦倒愁溝壑遊子飄零枉歲時路阻時危
難會面不禁涕淚望君垂

何仲默詩選卷之四終



國家圖書館, NATIONAL CENTRAL LIBRARY, TAIWAN, R.O.C.

作言

卷四

五

何仲默詩選卷之五

五言絕句

絡緯吟

絡緯催寒女悲吟入總幃
秋風啼不斷相伴下
鳴機

雨後

三日不出門草長門前路
登樓一水明倚柱千
山暮

片片白鷗鳥看人隊隊飛
沙頭莫相認與爾久

忘機

檻倚崩沙出籬通
亂水過家人休掃石自愛碧苔多

朝聞城西鐘暮望城西寺
寺傷二古松長藤垂到地

獨坐

獨坐鳴蟲起秋懷已不勝
西風窓下度木葉洒寒燈

獨立

獨立對秋陰冥冥望河渚
只見沙上烟不見烟中雨

長安

白雲望不盡高樓空倚欄
中宵鴻鴈過來處是長安

九月桃李花

九月桃李樹花開滿故枝
寄言車馬客不是艷陽時

寄劉東之憲副

長安經歲別日日望春歸不及隨陽鳥雙雙又
北飛

寄孫世其

騷衷如龍馬長鳴碧草萋萋將千里志暫悔蹶
霜蹄

對書當為讀對食當為飽平生無限事努力在
遠道

白雪曲

美人朝玩雪置酒臨高臺祗疑仲春月風送落

花來

暗逐梁塵起潛隨燭影流似憐歌舞處故故入
高樓

梅花開雪中相看鬪奇絕常教雪似花莫遣花
成雪

簾幃照明雪美人起常早行看玉階上一夜長
瑤草

重上人送茶

鬱鬱雲中秀山僧採相饋我有毒熱腸此是清

涼味

小景

樓閣倚江濱
桃花照暮春
安知看花者
不是武陵人

草閣散晴烟
柴門竹樹邊
門前有江水
常過打魚船

寄李獻吉

君作梁園客
予登楚水臺
春風河上柳
不寄一枝來

登樓

獨坐高樓上
看花淚暗流
東風無限好
日暮使人愁

雙梧草堂

君愛堂前樹
差栽碧幹雙
相思秋月下
楓子落雲窻

記得別草堂
采采桐始華
銀床飄一葉
秋到美人家

題畫

古洞入青冥山通武陵渡漁郎莫放舟恐失花
間路

飲鮑以忠

萬戶夾垂楊君家大道傍相逢一尊酒何惜醉
他鄉

清明

何限新桃李春來樹樹花不爭風雨惡無柰委
泥沙

六言律詩

上元葉邦重別墅歸

昏鐘野寺到郭晚飯人家出村斜日山顛水曲
東風萬戶千門星河渡口深夜燈火城中上元
猶似去年今夕不堪煙景銷魂

蓋屋清明日

客裏遙逢令節城中不見繁華南山漠漠煙遠
清渭迢迢日斜獨樹桃花自發高樓燕子誰家
可惜年年春色催人白髮天涯

六言絕句

可寺

卷五

五

二百二十五

贈賈司教先生

一賤一貴世態有憂有樂人情應鱣關西夫子
知魚濠上先生

江南思寄曹毅之二首

燈下雨鳴秋舫浦口潮迴暮鐘何處相思不見
江南開遍芙蓉
細雨寒城催棹夕陽孤嶼鳴鐘到寺莫題蕉葉
渡江爲採芙蓉

七言絕句

遊黔國魚池二首

小岸城邊上輕舸一溪宛轉向魚池水藤濛濛
荷葉暗棹入中流總不知
池邊二十五亭臺箇箇朱窗向水開亭下扁舟
蕩雙槳打魚送酒幾回來

溪上水新至漫興

雙飛鷓鴣戀青莎對舞蜻蜒愛碧波一夕水風
開菡萏畫船齊唱採蓮歌

秋日雜興五首

雨花風葉總堪憐
海燕江鴻各渺然
莫向高樓空悵望
暮蟬多在夕陽邊

急杵繁砧一郡秋
西風落月萬家樓
不知塞下征人怨
但見閨中少婦愁

釣臺臺下澗水清
釣臺臺上秋草生
當年誰是持綸者
賢隱山高萬古情

溪上茅齋楓樹林
渚雲沙日共陰陰
連朝不遣家童掃
紅葉蒼苔一尺深

竹靜沙寒野日低
門前秋草不成蹊
山禽汝亦

何多事來向棠梨樹上啼

鷄鳴曲

鷄鳴城中滿樹霜
青樓旭日照流黃
鳴箏錦瑟秋塵裏
玉鴈金蟬共一行

吾郡古要害地也
閒居興懷追詠古跡

寂寂孤城申伯臺
廢園遺沼盡堪哀
繁華唯見東流去
歌舞空傳此地來

震雷山頭石潭水
夜夜蛟龍行兩歸
青春下與滄溟會
白日常聞霹靂飛

雨中考花

昨朝日照花盡開今朝雨多花可哀
由來落花無根蒂隨風吹去又吹來

任洪器草亭

繞屋南山秋色靜數枝寒菊一籬烟
酒醒讀罷秋聲賦風落松梢響石泉

岳豫之小畫

碧江樓閣夕陽邊萬壑千峰生暮烟
江上長松一千尺月明常繫打魚船

元夕懷都下之遊

紫禁煙花一萬層鼇山雲裏見陵嶒
繁星散作宮中炬明月來為殿上燈

夾路香塵夜不開萬人爭道看燈來
金波宛轉千門裏銀漢逶迤一道迴

寄岳陽龐推官

洞庭湖邊花柳新岳陽樓上更逢春
閒來載酒題詩去還似當時賈舍人

湖水春來不見沙九疑南望是天涯
軒轅臺上

清風樹湘女祠邊日暮花

閨情

秋風嫋嫋生羅衣美人夜泣紅燭微郎騎白馬
臨邛去樓上年年燕子歸

寫情

莫將錦瑟怨年華柳絮飄零夢謝家小院迴廊
鎮春晝何人來為掃庭花

送鄉人還

楊柳花飛蕪草青故鄉南望幾長亭城邊客散

重回首愁見孤鴻落晚汀

諸將入朝歌

龍虎金陵擁帝居吳關水府控淮徐樓船一鼓
風波力滄海鯨鯢作釜魚
戰士歸來皆武冠紫纓騮馬跨金鞍可憐萬國
城頭月照見沙塢白骨寒

宮詞

碧草萋萋生御溝垂楊嫋嫋夾朱樓窻臨北斗
空中起水接銀河天上流

微霜淒淒金井欄城頭月出凍雲殘玉樓高對
蓬萊雪誰道宮中夜不寒

贈薛君采

爾夢仙人海上行蓬萊清淺不勝情金門再見
東方朔笑指蟠桃花更生

何仲默詩選卷之五終

梁園風雅

子衡望之君采

國家圖書館 NATIONAL CENTRAL LIBRARY TAIWAN R.O.C.



王子衡詩選目錄

卷之一

五言古詩 十八首

五言律詩 二十一首

五言排律 一首

七言律詩 六首

五言絕句 五首

七言絕句 十三首



王子衡詩選卷之

儀封王廷相子衡著
雍丘趙彥復徵生選
東郡汪元范明生校

五言古詩

雜懷

緬被東山客謝事真曠懷嘉樹語流鶯華景隨
春回人生長苦促為樂常苦遲彈箏吹龍笛傾
耳當及時身閒猶枯寂持此將何為

平生負奇氣結交盡豪英讀書五車足大義懷
日星提師破匈奴勒石龍沙城歸來見天子麟
閣垂鴻名

雜詩

淒淒孟冬月月白星復稀遊子念故鄉中夜起
踟躕王事不遑處山川日逶迤臨觴不能飲長
歌一何悲嚶嚶南中鴈聯翩思北飛人生貴行
樂何能刺促為千載亮高節苦心令人嘔

浮淮

鼓枻出淮流南眄維揚津客途浩無際秋飈厲
茲暑赤葉下遠洲白鳥戲清濬裊裊征塵曳宛
宛鳴笳聞金堤障奔湖喬木掛層曛逝言感物
華岐路多悲辛鹽駒困泥坂塵塊誰見珍鳳德
日以衰仲尼無停輪姜公晚佐周范叔窮相秦
所嗟在知己此道難重陳

送別彭方伯赴雲南

人事靡定端與君忽乖隔昔為同遊鱗今作孤
飛翼川塗日已杳風標何由即來章倘相念為

君慎眠食

擬古

陽春二三月佳人怨華年憶昔結君寵揚蛾下
三千顧盼生光輝長袖宜璚筵池中紫鴛鴦雙
雙皆可憐別君日迢遞幽芳竟誰宣昔為王苑
鶯今如秋露蟬含悲欲誰訴容態羞自妍三日二
在戶隅北斗常闔于願君秉初惠勿為葑菲遷

雜興

朝發長安城暮宿驪山趾寒日隱層嶂浮嵐下
晴水華清古宮苑迷莽不可視

寄仲默

翩翩水中鳧友者鷺與鶴風波忽間之流落不
得將步出北郭門北望鬱蒼茫君通清切禁雙
闕夾文昌日月會亨途風雲何悠颺被服紫霞
褕文彩相輝煌佩之璚華鈎明德燦同行綴以
明月珠容華宛清揚相去日已踈相念日已長
我欲從子遊河水深無梁鑿井貴得泉握蘭願
得香明義倘不虧永言繼斯章

木洞驛

颺浪噴江門幽洞冒瓊樹寒林碧參差秋嶂莽
迴互白龍不定眠中江起烟霧素舫歷長波凌
兢戒前路客行不能留已過青莎渡所期心遙
遙離居歲云暮帝子隔沅湘浮雲落何處攬古
心飛揚寒空屢延顧

寄郭价夫

一鴈落蜀天客心五千里幽夢託春雲離魂渺
江水歲光不可留功業竟何似故人遊北闕浩

蕩弄文史相如賦上林方朔隱朝市逸興鳳池
邊閒心玉琴裏而我飛蓬人風流安足擬苦病
屢懷歸戀戀復且止世囂良不堪揮手應在邇
長嘯入雲岑為訪赤松子

泊大洲

寒瀨石嶼出暮舸不敢上且泊大洲浦弭楫臨
莽蒼鼓從露野沉柝應空江響林虛猿狖靜波
澄星月朗長宵耿不寐泠然發深想芳杜幾相
思青山滯獨往世路何盡期遊人自鞅掌旭光

王詩 卷一 四
發陽厓前洲聞撥棹

趨後淮上途中述感

弭楫倚夕渚躡步登陽陂
隱隱隔河壖藹藹見
州埤序暮變林色曦寒生水霏
擇葉日自零集禽時相依
睽携悵流景登頓念息栖跡
繫情靡超人遠路恒迷豈伊苦
旅嘆嗟哉丹靈移查浮犯雲
漢鶴馭凌瑤池爽然與世絕
天遊良在茲

九日安陵同蔡成之發舟

抗帆安陵浦泛舸清川潄渚
枉倦迴沿厓傾詫崎嶇寒原
變淒候浮靄散層陰落日隱
叢薄孤霞冒平林雖同佳人
娛屢興游子吟登高誰為情
枉茲歲物侵曠達獲自古維
繫慚在今緬懷籬下菊結念
丘中琴川塗渺無緒風波浩
難任行因逐物役杳然返素
心

雨晴渡京口

鼓枻凌渺江江色淨如澱宿
雨乍澄霽浮虹尚隱見金焦
碎中流氣候紛可辨長夏鬱
草卉靈霞變昏日不染九隅
塵頗壯三江觀平生滄海

心茲遊亦堪羨吾道豈匏繫世故多龍戰伯鸞
會稽隱亭伯遼東竄傷哉丹陽遂淒其廣陵散
時命古有然適性勿深歎

過閬州

古城臨平洲落日清江轉夏木已陰森遙巒日
葱蒨引領千仞岡群秀紛可辯迴薄蕩古心超
曠九州覽節候變歎鬱途次彌偃蹇梁野行遽
及秦關望猶緬靈源一流眺旅思忽以展却憶
玉臺遊擬弄緘山管

青山吟

江東自古佳山水路出當塗佳麗深遙巒沓嶂
不可越懷古聊作青山吟青山峨峨凌紫冥秋
天屹立雙翠屏瑤華生時九仙下空青澤處千
巖靈謝公宅古流烟霞黃金樓觀僧為家長庚
無光太白死石壇荒塚空桃峯文章白日燭海
嶽精靈黑夜飛龍蛇吁嗟賢豪皆已矣鳳遊龍
變須臾介世塗擾擾可憐生我欲截身玉壺裏

汎湖篇

漢江秋瀉天河水
滙作平湖二千里
郢東之山海上峯
山人飄飄羨門子
我乘素舫一帆懸
鵬舉風飛欲上天
棹歌不盡江南調
落日滄流生紫煙

龍盤巖泉歌

閩州北來日蒸歎
雨坐不靈風伯驕
泉枯井底溪無水
六月行人渴欲死
龍盤巖下泉活活
下巖十丈方解渴
安能移置大道邊
旱雖不救行者憐

五言律詩

秋日獨酌

梧桐一葉下天地
九秋回水抱魚龍
蟄風搖鴈鷺哀
樊生新學圃陶令
且啣盃醉裏忘
栖泊乘閒獨上臺

下蔡

躍馬蒙城道飛津
下蔡洲江湖行後
遠天地此身浮淝
水寒烟積淮山叢
桂秋昔人俱寂寞
臨眺迥生愁

酬李獻吉用來韻

放逐豈無象悠悠荒海頭空然望北闕那復夢
西周吾道浮烟爾君心靜者流相將好顏色投
老汴山秋

宿周山人南池

暝投山際館飯罷月中行為坐楓杉影因留池
沁情蓮花心不染秋水夢俱清問我中宵意謝
公春草生

塞下曲

朔氣榆關早邊聲漠漠雁來防秋遙度磧遊擊夜
嘶校虜帳聞風散胡笳帶月哀將軍占利涉莫
近李陵臺

寄衣曲

隴草三迴綠征人仍未歸忽聞江上鴈却寄塞
垣衣北地猶傳燧龍城已被圍戒嚴消息斷誰
與向金微

漢江呈蔣子

楚甸東南路遙通沔鄂關秋風五兩順與子並

舟還江漲低平野雲昏沒遠山滄浪歌不極隨
意弄潺湲

發齊安風雨有作

纔喜風樯順俄驚雨脚斜過山猶作陣鳴壑已
如麻江動潛蛟室天占上斗槎不須貪利涉隨
意宿河葭

郢城最高處眺荆楚

石城聊引望三楚渺茫間峽自中流闢江從西
極還荆襄天設險鄂岳水為關用武非今日風

雲亦自閒

有營

平野人烟密村墟綠樹遮有營開小圃無意學
丹砂抱甕及晨早飯牛從日斜菘盤薦鷄黍供
客未為奢

人日作

此日欣晴霽吾襟覺有神何辭饒白髮且喜作
閒人林卧雲霞暖巖耕草木春未須高謝傳丘
壑道同真

石子河夜泊

旅泊深秋夜清臨石子川
鯨波孤月漾畫舫一
燈懸大地聊今夕江山自昔年
客愁如欲破兒女况尊前

折楊柳

冉冉灞陵路纖纖楊柳春
飛花金雀酒落日玉關人
龍劔酬恩日瑠戈滅虜辰
長條堪策駿莫作老邊塵

西海子

海子天河水分流入帝家
紫垣通王氣御苑澤瑤華
波動潛蛟室烟迷犯斗槎
飛龍恒出沒日日接雲霞

宿淮上寄何仲默

旅泊清淮夜扁舟怯獨行
風鐘半淪滅水月共微明
放逐甘吾道棲遑念友生
高歌視雄劍不覺壯心驚

杜鵑

巴嶺寨帷度鵑鳴春已分
似綠催客去莫作勸

王言 卷一 十一
耕聞啼苦宵迷月飛高暮隔雲異方愁聽爾歸
思日紛紛

秋日江行

方舟泛蘭汜日夕弄潺湲寒靄迷高壑秋容澹
遠山幽懷成獨嘯逸響落人間傲吏何時罷道
遙與世間

江夜敲砧急巴中早授衣客愁連峽迥鄉夢過
秦微水落魚龍蟄天寒鴻鵠飛如何委心久不
作楚人歸

秋日巴中旅行

川長迷所適秋色徧西東渝浦掛帆雨巴天吹
笛風誰能遊客日不減素心雄欲弔長沙傳浮
雲世事同

龍江宴客

弄水鳧羣下迎風鴈序歸黃金汀柳變白雪浦
梅肥江濶浮清淺山晴拱翠微好春如媚客時
送一花飛

秋夜宿朱山人林亭

木葉已下地淒然秋意深對君明月夜寫我素
琴心河渚迷歸棹關山起暮砧客愁淹不散枉
自宿青林

五言排律

謁獻帝陵十二韻

郢曲盤龍地松林舞鳳旣衣冠雖掩玉鸞鶴久
登仙 睿聖人欽止瞻依每泫然陵臣虔灑掃
帝使走聯翩丹籞風雲肅瑤宮日月懸鈞天疑
咫尺蓬島隔三千白晝坤靈護青霄王氣纏前
星升紫極 帝脉發重泉漢重恭皇謚周從季
歷傳羣臣多議論大禮尚述遭氣槩真葱鬱雲
仍合聖賢小臣私想像長見中興年

郢上答方思道

雲夢千重澤荆門萬疊關思君共舟櫓乘月弄
潺湲初擬扳嵇會今成訪戴還錦魚空問訊風
馭香追攀楚塞通三峽湘江遠百蠻丹霞同華
頂靈草似商顏湖聽軒皇樂峯迎神女鬟散心
雲水泐招隱薜蘿間興逸幽深遠才高官事閒

定携蓬島客遊盡郢西山

七言律詩

冬夜

長安霜霰歲欲暮獨客閉門愁夜陰行天星月
不肯出抱水魚龍難自禁幽棲空憶紫芝曲遠
遊徒結青雲心道人瞿瞿草玄罷篝燈石床揮
素琴

憶獻吉

空同山人瀛島仙騎鶴下天還上天已將日月

付芻狗漫道精靈留草玄元亮自能齊傲吏左
思不覺邁前賢世間形影今相失寡調誰傳白
雪篇

金陵懷古

石城鍾阜擬仙洲虎踞龍蟠控上游昔在梁陳
稱富麗今惟臺榭枕山丘草青南浦有遺恨潮
打西陵空暮愁倦客中原頻送目斷鴻滄水迥
悠悠

建業旅思

清江碧石旅愁銷白下春生七十橋
燕客楊園花學舞采芳沙苑雨如潮
西山拄笏忘言久東海乘槎寄興遥
惆悵無緣遂幽志蓬萊歸去覓仙樵

富村驛和曾世身見懷之作

山閣梅花歲事殘
襜帷遥歷萬峰寒
詩篇到處勞相念
尊酒春來只自寬
劔嶺雲深常蔽日
潼江雪霽早生瀾
孤臣類有飄蓬歎
直道何辭行路難

發白厓

霜清沙塞欺我衣
蠻方歲暮還思歸
蒼山冥冥落日盡
古渡渺渺行人稀
可憐生事尚羈旅
何日宦情真息機
滄洲鷗鷺同蕭散
魏闕勳華絕是非

五言絕句

柳枝詞

休種江頭柳長條
空自妍春來郎別妾
不繫水蘭船

漢上歌

白苧織來好采蓮羞殺儂今時漢川女猶有召南風

江南曲

米蕪金陵江往來石城道不問江南人安識江南草

杜宇

杜宇尋常鳥人言古帝魂不知多少恨夜夜叫西園

采菱曲

蘭舟夾畫槳素腕玉雙回盪入南湖去菱波一道開

七言絕句

宮詞

太液風槎岸柳勻波香烟暖不生塵劇情最是鴛鴦鳥池上年午獨占春

行邊

長風吹雪暗胡天凍合胡兒飲馬泉漢帝如今

新好武左賢營部莫臨邊

過驪山

玉女霓裳鬪彩虹君王仙去鳳樓空
祇今惟有垂楊樹留得寒蟬咽故宮

蕪城歌

莫向隋宮問六朝璫姬玉蕊已烟消
祇今惟有湖邊柳猶對春風學舞腰

送盧師邵侍御還京

玉殿氤氳午夜香與君曾此侍龍床
不堪楚水

巴山外舊夢秋迴萬里長

巴人竹枝歌

郎在荆門妾在家年年江上望歸查
茶蘼種得高如妾縱有春風枉却花

郎上瞿塘儂自愁生憎風水打船頭
江靈若解渠儂意郎若來時水不流

楊花作雪草連天郎下荆吳又一年
江上浣沙郎不見問郎錯問下江船

神女襄王彼一時楚宮巫峽夢中期
儂今欲化

王言
卷一
行雲去恐到君邊君不知

宣州歌

河瀝溪頭伐鼓行五湖渡口棹歌聲恠來畫舸
如飛去一百八灘春水生

徐州夜候岳君延茂才

月華如水水如天夜泊彭城兩岸烟一樣中流
歌歎乃不知誰是孝廉船

金陵歌


山到金陵龍虎分大江環抱日生雲千年宮闕
存遺事猶有都人說建文

送顧亞卿

金陵北望水烟低淮海蒼茫客路迷我夢凌兢
似秋月隨君直到薊門西



國家圖書館, NATIONAL CENTRAL LIBRARY, TAIWAN, R.O.C.



孟望之詩選目錄

卷之一

古樂府

一首

五言古詩

五首

七言古詩

二首

五言律詩

十一首

五言排律

一首

七言律詩

九首

五言絕句

三首

七言絕句 二首

孟望之詩選卷之一

信陽孟 洋望之著

雍丘趙彥復徵生選

東郡汪元范明生校

古樂府

湘妃怨

帝子眼中血君山竹上斑不見重華返徒令傷
玉顏玉頰昔映瀟湘水寶鈿空沉洞庭沚蒼梧
何近望何長江水不回心不死秋花寂寞楚雲

孟言
卷一
津夕鳥喧喧愁殺人月中帝輦還湘浦恍惚如
聞二妃語

五言古詩

虎丘效陰常侍體

崇丘秋氣合廣野黃雲連晴川素練淨霜葉絳
霞鮮溪樓納霧早巖窗照日偏草繡生公石雲
香陸羽泉朝禽響樹末寒花耀塔前定僧情澹
苦遊子思悠然仍此長洲苑詎復闔閭年

別家

僕夫早嚴駕行行之楚鄉依依戀故里尊俎臨
道傍親友偕集送兒女泣成行隣國非遐征歲
月未可量白露塗郊原秋草日焜黃沙禽並棲
宿鴻鴈東西翔且為斯須留日晚途路長不云
行役苦徒令居者傷

宿華陰懷馬侍御按節河中

客路倦茲遊空堂此何夕明燈促薄書春星動
簷隙渭北鴻鴈來猿吟華山側濁流一何深佳
人杳難即遙遙欽德音茫茫阻顏色笑言故山

廬繁華憶疇昔皎月照巖阿凝霜肅荆棘蕭蕭
驄馬鳴豺狼遁其跡豈不慰遐思終焉感離析
思欲徃從之安能生羽翮臨風緘素書書短不
盈尺上言加餐飯下言崇明德

別李獻吉

悠悠歲奄暮去去將何之三年不見面後晤安
可期盤桓杯酒間勸君飲莫辭強歌暫成歡虫
鳴及秋時嚶嚶黃鳥音四顧求所依豈無上林
枝予意多乖違幸有同明月慰我長相思

追懷張徵君

青青岩畔松漠漠谷中蘭孤貞抱幽寂芳馨恒
自憐移植公府中土性非所便至人尚玄素哲
士保自然靈霞盪心慮塵紛詎能纏守身戒枉
尺行義耻忘筌結廬西山麓泛舟河水湍雖非
金石固神理諒可全生時有遺榮沒為閭里嘆
七言古詩

夜泊石頭口

初月照江清愁人見月那為情寂寂空江難極

孟詩 卷一
目扁舟獨伴漁翁宿舟人盡睡不知醒防夜知
更喚童僕燃燈起坐心膽摧况乃隔岸聞猿啼
秋潭無雲渚花落寒波欲動風淒淒中流賈爾
何苦猶唱棹歌夜搖櫓北客聞之淚如雨

題畫

丹青妙意畫莫測一幅寫盡秋江色天遠平看
楓樹林雲長不辨鴻飛翼崖半青松縮夕烟洞
門亂石遶寒泉羽客看山坐松下橫琴不語心
悠然孤舟短棹輕波裏煙雨霏霏笛聲起蘆葉
青搖洲渚風蓼花紅映江心水松下舟中俱隱
淪城闐車馬徒紛紛悵然省識畫中趣何能歸
來江上同鷗羣

五言律詩

別都玄敬主事改南京禮部

迴車塵路轍停棹故山廬祿薄堪迎養官閒好
著書吳門楓樹色京口菊花初到處宜乘興江
樓坐月虛

九日次邊青厓太常韻

落帽憐高興，嚼杯意轉哀。
葉辭霜後樹，人上雨中臺。
為客悲秋盡，思鄉見鴈來。
百年幾佳節，又負菊花開。

中元

沙塞沉沉夕，山城瑟瑟風。
旅愁紛落木，鄉信斷飛鴻。
明月誰家好，寒砧到院通。
應知早成服，為寄遠從戎。

送韓汝節

春月高城上，酣歌此宴同。
旅愁鞞鼓外，心事酒

杯中雨雪辭，燕甸鶯花過。
晉宮休將萬里志，今日歎飄蓬。

暮春

何事以傷神，他鄉逢暮春。
落花偏傍客，細草更愁人。
塵滿梁園樹，田荒楚水濱。
弟兄不可見，悵爾鴈鴻頻。

同顧二刺史遊柳山祠

昔慕柳侯跡，今逢顧守遊。
山形盤野壑，樹色動江流。
城郭登臺暮，風烟倚閣秋。
不須松下酌，深

五言
卷一
坐已忘憂

劉遠夫同遊金山寺

夢得相逢日金山望海門雲霞孤寺出日月大江奔水閣通山色春帆挂雨痕風塵俱浪跡此地不聞喧

曉發澧州

明河沈曉色澧水蔽長煙驚鴈江濬起栖鴉樹杪懸野旌霑露莽寒馬嘯風川悵望湘纍遠勞歌蘭蕙篇

懷何仲默

白髮思同伴青山不共遊並看兒女大各恐歲年流關塞驚春鴈江湖狎暮鷗三峰君莫上望遠易生愁

贈邊太常赴南都定韻

此日清卿貴三朝故吏稀典承新禮度筭理舊齋衣帝闕江山轉仙陵龍虎圍歲時共薦罷常傍月明歸

山居襟興

五言

卷一

二百一十五

斜月孤巒迴繁星四野低流光穿仄竇落影浸
寒溪壁暗螢雙照林幽鳥並栖山中無刻漏不
寢候鳴鷄

五言排律

贈雲谷

白雲滿深谷愛爾結幽居竹影宵穿戶松陰晝
覆渠僧歸鄰寺寂客至野堂虛過嶺時馴鹿臨
溪獨釣魚月侵前壑局花映北窻書誰識王孫
意頗同俗士車

七言律詩

冬日宴鄭汝順別業

鄭生負郭有田廬花榭茅亭背水居日照霜林
松獨映雪消冰岸柳將舒呼童掃石驚沙鳥對
客開尊取澗魚不到山窻今幾日白雲猶護讀
殘書

華嶽

金精白帝開天府翠掌丹梯見華峰別有懸崖
浮日月分明絕頂盡芙蓉千年洞壑清泉注萬

里雲霄瑞氣重會欲還丹鍊金骨不知何處覓
仙蹤

過海印寺

傷湖臺殿何年起遠寺煙波望不窮樹裏逶迤
銀漢接宮前宛轉玉河通長橋遠落千尋影高
閣晴含萬里風滄海漫求人世外蓬萊今在帝
城中

仙真觀

村墟斜日映霏微蓬苑丹霞閃洞扉竹露乍沾
車馬色爐烟常駐薜蘿衣巖垂石髓逢人少路
塞桃花過客稀白鶴歸來莫相訝幽房玄侶亦
忘機

江上訪王浚川司馬值謁陵未回

城陰芳草暗江湄獨坐江亭遲所思別後定知
心匪石見時應訝髮如絲烟林春盡啼鶯倦水
岸風微落絮遲東望鍾陵纔咫尺側身猶詠四
愁詩

雨花臺

孟詩 卷一
初夏登臨蒼未稀一春多恨賞心違羣峰細雨
江流轉萬戶垂楊燕子歸謝傳風流今不忝秣
陵雲物舊全非空臺草長談經處風起游絲罥
客衣

盧龍山次費庶子韻

赤橋丹壁蔭豐林長夏清風散鶴音日抱帝城
宮闕迥雲藏仙洞薜蘿深天涯雪鬢三年客江
上星槎萬里心唯有閱江名尚在憑高想像萃
華臨

過開城

亂山歌壑入開城禾黍油油烟霧生塞上草深
充國帳水邊花暗亞夫營青林過雨流鶯濕綠
野含風戰馬鳴自有奇謀尊俎地書生容易莫
論兵

贈馬抑之侍御過淮陽

北來風采動江濱疇昔詩名天下聞花映繡衣
明海日柳迎驄馬拂淮雲賈生漫有過秦論司
馬空傳喻蜀文早擬還朝沾寵渥時時簪筆侍

明君

五言絕句

桃葉歌

桃葉青始齊
桃花雨如霰
風吹羅幃開
月出見郎面

歡心有轉移
賤妾意無已
染就石榴裙
顏色空為紫

園亭雜興

何處水中石
移來亭畔清
東風三日雨
細草忽

然生

七言絕句

送扈明府赴滿城

春暮河亭花柳明
高雲細雨暗流鶯
天涯何用難為別
一縣蒼生望此行

塞上行

十日黃沙磧
裏行成樓絡繹
帶邊城今年一夏
無烽火間有農夫
雨後耕



國家圖書館, NATIONAL CENTRAL LIBRARY, TAIWAN, R.O.C.



薛君采詩選目錄

卷之一

古樂府

一首

五言古詩

五十二首

七言古詩

十一首

卷之二

五言律詩

四十二首

五言排律

八首

七言律詩

八首

五言絕句 八首

七言絕句 十首

薛君采詩選卷之一

偃師薛 蕙君采著

雍丘趙彥復徵生選

東郡汪元范明生校

古樂府

游女曲

春草纔生春冰沒江南少婦戲春月步拾明珠
曳羅襪曳羅鞵動春衣留中洲憺忘歸

五言古詩

遊郭西清河作

初服性已曠久痾志仍疲豈謂傷留滯雅意在
棲遲聿來歲候春眷茲心賞時蘭野麗新陽芳
林扇輕颺宵駕高闈曲晨榜清川湄白雲帶遙
渚綠水激層涯外感耳目超內尋神蘊披泛濫
滄洲趣迢遞丹丘期揆已信薄劣遭時易磷緇
來復雖不遠往蹇豈能追孟晉終何迨罷歸聊
所宜人生貴自適詠言申此辭

冬日卧疾郊園作

開冬肇時序時序異疇曩烈烈嚴氣升肅肅玄
陰敞同雲覆阡陌凝霜被榛莽即事觀盛衰履
運悟消長郊園值窮節庭戶息羣響疾病倦淹
留寤寐縱偃仰感物殷懷抱離人絕心賞幽獨
豈無悶至樂非外獎形變化隨逝意愜神俱往
永解區中累安排契真想

除日作

悠悠天北運冉冉日西靡茲年俄且周薄暮亦
云已端居撫辰序靜言感化理時來變窮節事

往乖壯齒託疾侔長鄉歸田擬平子處困豈不
難執操良足恃瑣瑣旅客志坦坦幽人履莊周
貴達生伯陽戒知止尚公識損益賈傳辨憂喜
在昔仰玄訓于今寤微旨即此謝塵累因之蹈
靈軌

燭

客醉北堂上花生夜戶中色亂歌梁月影暗舞
衣風珠簾照不隔羅幌映疑空願得陪長讌相
看曲未終

效阮公詠懷

存亡豈殊趣往復固恒理人生無延期百歲有
成毀即事且難預榮名竟焉恃感此愁我腸歎
息未能已仰悟牛山對慙恨自今始
萬物豈不衆而予獨吾生吾生不暇治安用求
其贏執籍雖利重刻喉非禍輕知哉屠羊子反
市避三旌主父厭擯斥自謂甘倒行生幸五鼎
食死仍五鼎烹

朝登古臺上遙望大河陰朱明來自南隆暑倏

已臨丹霞曜陽景渥露沾玄林炎風振曾柯鳴
蟬響哀音四時代終始變化遞相尋盛長固殊
昔遲暮方在今感物切悲情愴歎傷我心

蝟蝟桑中蠹戢戢託爾軀下枝喻沈液上條咀
槁膚飲食亦已遂不念彼樹枯樹枯竟何如
悴在須臾飄飄雲間龍卑高一何殊變化成霖
澤千載長相俱

蟾窟宿南箕陰魄淪東溟乘風避其灾首旦集
魯城神飈鼓洪濤雷電正縱橫大魚裂地底崑
崙勢相傾西山有精衛舉翼方遠征志意豈不
偉惜哉焉所成

茲年忽將逝我心愴以哀日暮不遑食空堂獨
徘徊駕言出西城中有池與臺清渠夾阡陌寒
露披蒿萊慨念昔時人零落安在哉玄象無淹
次四序倏如摧自非藉榮名一日等塵埃

昔余少年日浮湛聲色場追逐公孫子馳騫狹
邪旁一醉累旬朔一出歷四疆歡樂未及竟
憔悴使心傷晚讀列仙傳始學却老方萬事不足

競二物焉難當十年燒丹液効狀亦茫茫更希
遊玄漠得失兩俱忘

涼風起中林槁葉落如掃徘徊此何時歲暮一
何早吾生隨物化安得不枯槁惆悵終日夕延
頸望雲島榮名非所慕神明可長保手把三皇
文五嶽訪芝草

朝逢遠遊子車馬一何閑問君安所之道路方
獨難人情惡特立世態好纏綿一身欲誰從多
門易生怨行行保子軀歲暮當來旋

啾啾野田雀徘徊丘中阿上飛有鷹鷂下飛有
網羅人生誠未易禍福豈在他譽者日已少惡
者日已多感彼恭士言悔恨將如何

發鄉邑述征有作

旅宦忝從事卧痾輟歸田俛仰似昨日荏苒踰
三年末路謝貞素積習慙寅緣整駕別鄉邑薄
言重徂遷瞻塗背梁宋振策指幽燕肯往遺維
繫今來就牽纏豈伊行役歎畏此平生僇嬰世
迫物累撫化懷冥筮齊契百年內高揖千載前

七言詩
卷一
五
慮存跡匪虧意愜道仍全斯言俟明哲因歌遂
成篇

長安西門候朝

隱隱夕唱傳肅肅宵車驚茲夜方向晨中心憚
將暮朱華淪未啓瑤光儼初度絳霄麗明月素
颺流藻霧嚴防限中禁周廬扃內附岵嶸北宮
朝徙倚西墉步矚目紫微宇蹠足玉階路矯跡
承明側徒慚班振鷺

月夜坐憶

明月三五時流光千里外虛館風泠泠寒墀霜
靄靄不見南樓客徒憶西園蓋懽酒無盈觴憂
襟有餘帶沈吟靜夜思緬邈佳人會

贈孟望之

迢迢東流水悠悠遠行子送子出邁時離別自
今始山川一間之相望日千里徘徊蹊路側思
心從中起人生百年內聚散誰能止壯年豈再
得良時不可俟念我平生懽眷眷未云已

驅馬城門陽舍馬登山丘攜手立踟躕還顧望

蘇詩
卷一
六
皇州皇州一何麗藹藹皆王侯冠蓋似浮雲賓
客自相求衢路豈不廣之子不得留慷慨內傷
心為子獨懷憂

踟躕郊野外白日匿西山行人去有期安得久
周旋請為游子吟與子結纏綿憂來動人心惻
愴不能言言念平生友意氣非徒然行役不足
辭貧賤非所憐君其篤明信慰我心惓惓

雨霽閒望

池邊風嫋嫋竹裏影微微薄暮西山曲蕭條涼
雨歸伏檻看秋色四睇亂清輝哀猿連谷響迷
鳥隔雲飛朝市名仍繫林壑興難違眷言反初
服蘅杜尚芳菲

看月

秋氣麗華月月華麗曾穹騰輝稍熠爚流影漸
腫朧臨水寫珠綴縈花映綺櫳蘭林團墜露桂
樹鬱回風佳人在何許咫尺限西東殷勤離緒
切寂寥懽讌空陸生北堂上謝客南樓中音息
一以緬思心安可窮星漢屢淹薄展轉夜難終

可惜芳菲節，羈處怨飛蓬。

贈張仲修

青青豫章樹，寄生濁水泥。風波摧以傷，不如蒿
與藜。吁嗟貧賤士，子行何栖栖。昔為猛虎步，今
為觸藩羝。忠信獲罪辜，有願不克諧。英雄一失
據，反覆良可哀。

贈何大復

昔我弱冠日，翩翩綴文辭。葳蕤翰墨林，志意縱
橫飛。慷慨惟古人，自言不足為。歷覽百千年，揚

馬廼吾師，雖非絕倫才。王子幸見知，一朝邁嘉
會。英俊相追隨，追隨親交者。四海皆匹儔，矧復
適我願。得與子同遊，惟子當今時。名聲溢皇州，
陵厲班與張。卓犖屈宋流，興文何韓擘。世儒焉
可侔，慚予非子友。何以結綢繆，綢繆不相棄。感
子意，惓惓自負窈窕姿。何言謂我妍，吁嗟知己
人。自古亦皆然，婉孌三歲間。朝夕共周旋，金石
豈為固。膠漆匪云堅，如何忽分析。使我心嬋媛，
嬋媛傷人懷。紆軫無終極，送子臨衢路。泣涕霑

曾臆願言從子邁安能有羽翼浮雲逝不返飄
風不我值江河廣無梁山高不可陟歎息何所
道但言長相憶相憶亮何益然此去路長昔者
同心友今為參與商人生百年內倏忽若流光
良會復何時一別殊未央君其篤平生慰我遙
相望斯言儻弗諼傾想惠來章

候大駕

西北收皇旅東南歸帝京山驅八駿下海汎六
龍行後車環外區前駟集神垌支兵連四校中

緊屯九營絳氣曳朱竿青雲生翠旌歌絲咬
激行漏玉鸞鳴入覲萬國至清宮群后迎金貂
雜流景圭璧委繁星錄功對五帝合符朝百靈
俯窺地紐正仰瞻天柱平郊裡方展義升封將
告成祈招美王度長謠頌休明

贈饒平令曹先生

炎方信巨麗海嶠彌光輝衝波迅交屬斷岫崒
相圍銅乳隱雲穴金膏被石碕青林互繚繞玉
草競芳菲嶺戍接丹徼縣齋當翠微塞開盡洲

詩
卷一
九
鳥偃卧同巖扉高閣祇自閉鳴琴方獨揮心和
物皆定欲靜神來依靈境邈難測異人游豈稀
虛無翡翠蓋髣髴芙蓉衣安邑儻可累吾將從
此歸

寄范處士

萊子不肯仕榮期豈患貧絕塵今莫嗣高尚爾
為隣抗跡違紛競和光異隱淪鷓鴣見生理鷗
鳥會天真栖息丘園曲行歌湖水濱白雲無盡
意滄海自由身放曠欲何極沈冥難可親薄游
已從告去去逐幽人

石假山

君家洞庭畔猶嫌去山遠園隈構石岫林際開
雲巒迤邐帶華池崎嶇入層苑不放扁舟來臨
流詎能返

水鑑樓

可憐池上樓俯映池中水點綴畫難成分明鏡
相似雲移荷芰下魚戲房櫂裏素景一離披知
是微風起

舟行雜詩

金門再捐佩滄洲一振衣沿洄歷秋水偃仰盼
清輝塞鴈尚未叢檣烏還解飛臨流聞楚調為
我送將歸

居夷諒非願游吳或有託今我匪伊人心期偶
如昨行役多憂苦棲遲詎為樂君看岸上蓬秋
風益飄泊

息徒指川裔繫纜臨叢薄飄飄散襟帶風吹零
露落俯折岸邊蘭仰聽雲間鶴寄言天路上共

爾遠矰繳

秋雲翠可鑒明河景如髮川上夜寥寥徘徊望
新月流光睇轉近餘輝攬還沒念彼同懷人關
山日超忽

朝辭枉渚泊夕驚清川路經過方自今神期宛
如故沉吟招隱曲徘徊遠游賦西北有浮雲行
行一返顧

冬夕

空齋生夕靄俛仰俄清絕開帷翫光景就檻看

詩言
卷一
雲月寒條響哀吹
曾林皓餘雪懷人不可見
徒令自怡悅

詠料絲燈

淮南玉為盤西京金作枝
未若茲燈麗擅巧昆
明池霏微狀蟬翼連娟
佯網絲烟空不礙視霧
弱未勝持碧水點葱鬱
彩石染萎蕤霞疊有無
色雲攢深淺姿焚蘭叢
香氣對燭映紅滋明月
詎須侈夜光方可嗤

曉坐齋內

近曙早鶯喧乍暖游絲
密稍稍竹待風紛紛花
就日臨堂點芳翰披衣
翫僊帙賴此自多娛
暫緩幽憂疾

始還別業春際游覽

結宇帶層曲列牖俯雲
湍幽篁上交錯恠石下
叢攢春際聊騁望園中
皆可歡芳林秀丹萸綠
水散清瀾余本支離者
平生茲考槃淪飄從遠
役留滯守微官言邁祇
云易思歸方慮難悵然
迫遲暮五載始投冠迨
此尋棲息復得遂盤桓

首言
撫心殊已愜日夕廢朝餐

西郊

清曠自有素寧獨在幽深誰謂西郊地宛似南山岑四野多景色青春晴復陰鮮雲冠綠苑迴颺翔翠林寢疾託閒逸即趣恣登臨嬰累悼自昔取適歡在今豈嗟時易頽但顧樂難任穿池玩游儵種木候鳴禽將營人外賞聊賦丘中吟

行園

巾駕入丘樊披榛理園囿前臨古墟路却望清渦曲經營闢池館周流羅卉木風落繽紛葉露冒葳蕤竹窈靄殊冬夏寂寥異昏旭野陰當晝暝水氣先秋肅少壯旅衣冠疲病歸農牧蹉跎任情性蕭散諧心目雅懷名山意益厭人間俗歲晏終如何行行訪巖谷

郊居作

池籩鮮珍鱗樊籠多鍛翮物情忌窘束人事傷紛迫拙薄謀榮塗踈慵謝朝籍銷聲背喧競息影投幽隙丘園雖寂寞悠然殊自適徘徊弄文

史流連眷泉石神輕片雲上日瑩清川激蓬嶠
宛相聞滄洲如在覲未申隱淪志稍習湛冥跡
外慕非所希聊用終晨夕

城西亭子宴集

逐涼向何許平臺俯煙際青臯杳重疊素水縈
迢遞酒冷渚邊雲衣芳苑中桂一遇林下期仍
偕塵外契

閒居作

拙薄效從宦孱羸希代耕終然塵省署且復返
柴荆出處豈因道浮沉聊任情病多甘廢棄技
短息逢迎越海慕康樂游山懷尚平何時果林
壑偃仰遂吾生

自西野循渦曲臨眺贈同游者

養拙非藏器寢痾豈逃名進慚冠蓋羣退慕丘
園耕多病齒髮慕屏居懷抱盈稍尋臯壤樂暫
慰蹉跎情入野緬曲折臨谿屢迴縈霜濃石道
淨水斂雲潭清烟景淡將夕汀洲遞微明踈蕪
岸篠落窳戾川禽鳴心賞夙所重身累適已輕

豈辭疲曳倦幸與良游并濟時謝明哲量已保
幽貞願從求羊輩放曠終吾身

雜詩

植草會成蔓種木當為株休咎豈虛生景響不
相踰呂生釣竒貨蘇子挾陰符六國餒相印萬
戶割名都一朝計不售倉卒蒙罪辜狙詐適自
困傾巧定焉如生時諒非榮既沒辱有餘達人
安貧賤貴欲弭禍樞

玉以采自斲丹以澤自銷高才耀當時荼毒竟
相招傳子感飛蛾張公喻鷦鷯思患豈不微履
險果焉逃嗟哉世路間覆轍常所遭千金憚垂
堂胥靡易登高願隨方外士杖策歸蓬蒿

伊昔學干祿忝竊造中朝時來豈自期奮跡階
雲霄秉筆屬西署改服廁東曹公卿競推引賢
俊慕遊遨微滿近傾覆中心憂且勞興言命旋
駕偃息就林臯浮沉各有宜趣舍實相遼諒非
高門士聊欲恣逍遙

遊僊

靈洲無氛翳石嶼屯翠霞遙望青冥中鬱鬱真人
人家真人且遨遊雲車一何多列坐玉臺上俛
視瑤池波素女絃清商窈窕雜織羅神飈扇珠
林哀響自相和歡來輟羽觴同賦升天歌

遠遊訪玄洲西造崑崙城長風萬里至吹我飄
飄行崑崙何堯堯曲阿蔭滄溟碧樹夾蘭臺雲
房鬱葱青徙倚東廂隈北上歷羽庭啟匱發靈
圖上有列僊名久淹變化塗今日迺長生

精衛填東海瓊瓊累形軀摺人匡宇宙天命不
可須聞有山林士棄世以自娛願言從之遊齋
潔練羽書丹池可止渴晨餐咀雲珠度紀諒非
難去去勿躊躇

東南有青雲鬱鬱照瀛洲巖隈列紫林丹水絡
曾丘峨峨三珠宮遠望似烟浮山川屬靈壤光
麗異神州列真乘羽車妖女並來游蒼龍扶玉
軟翼以雙素蚪羲和不敢驅朱光正淹留徘徊
離宮中歲紀欵千周

采藥謁東海芝石被神階借問此何鄉迺是真

人所青峯萬餘仞去天復幾許
泐泐赤泉涌亭
亭白雲舉淒風薄穹岫鸞鵠整其羽
空山寂無人含嘯獨延佇

七言古詩

鄴都引

君不見當塗父子全盛時
鄴都佳麗侔京師芙蓉池
上開朱邸玄武園中羅羽旗
九錫纔終俄受禪宮中更起文昌殿
功臣北闕賜甲第詞客西園侍清宴
雄圖擬謂千萬年于今城闕空雲烟
梁沛真人不復起歌舞曾無銅爵伎
西陵誰辨古墓田東流惟見漳河水

元夕篇

皇都佳麗地春日艷陽年
共愛元宵好爭歌明月篇
元宵明月滿蓬萊春色先從上苑來
千門宛轉銀屏隔萬戶參差金鎖開
千門萬戶連雙闕綵女新粧踏明月
映牖窺窓態轉多含嬌凝睇情無歇
正逢春日愛芳菲復值春宵縫舞衣
燈光斜照珊瑚枕香氣空薰雲母扉
此時天子

盛遨遊離宮別館足風流纔開鳳島張燈架更
起鰲山結綵樓綵樓岵嶇鰲山側複道交衢對
南北萬燭翻疑白日光千燈却亂春星色春星
暗藹迷烟霧仙籞分明見天路空裏翩翩翠蓋
飛雲中冉冉鸞輿度翠蓋鸞輿千萬騎伐鼓旌
金動天地御仗層層錦繡圍廣場隊隊魚龍戲
就中別有王侯客三三五五長安陌夜夜經過
許史家朝朝遊戲金張宅金張許史鬪驕奢金
燈玉帶剪春紗鴛鴦比翼玫瑰樹翡翠雙棲蕊
菖花龍膏鳳炬列千行蕙火蘭烟百和香月華
照耀瑠璃障霧影氤氳玳瑁梁可憐豪侈誰能
似可憐行樂心無已曲罷頻移歌舞筵醉後重
遊燈火市月市星衢遊未遍東城南陌時相見
妖童繡勒五花馬倡女銀車九華扇妖童倡女
繁華子雙去雙來帝城裏粉色偏從月下明衣
香故向風前起調笑行歌歡未闌浮影流光夜
遽殘朝來試過狹邪路墮靨飄花那忍看

送范師舜調南京兵曹兼訊顧英玉

范雲移官赴南署買舟官河下江去君家住在
岷峨西回首江東望鄉處蜀客吳人解相笑可
惜風流本同調江左應傳洛下吟尚書更羨臺
中妙尚書臺中多暇日相逐郎官騎馬出載酒
觀棋樂未稀登山臨水情非一眼中六代繁華
地弔古悲歌動人意冶城無復謝公行新亭曾
灑周郎淚君向吳城我燕市年來亦憶尊鱸美
幸為傳聲謝顧榮何時共飲三江水

羲和行

羲和東來海神泣丹霞閃爍玄雲急風纏赤道
吹星隕龍鬪青冥學人立軒轅太一迷南北蟠
桃若木無顏色上帝巫咸杳不聞仙人側目天
門黑

題陳明之畫菊爲何子元先生作

憶昔先皇十八年學士風流滿當代就中太僕
真瀟灑至今畫菊流傳在中丞此卷畫更奇秋
花錦石雲霧姿追思盤礴解衣處想見酣歌縱
酒時當時畫此蓬萊觀自謂平生此其冠畫成

持贈燕泉公滿堂醉客空嗟嘆回首斯人已難
得長使中丞憐粉墨拂紙偏驚白露寒開絨稍
覺悲風色中丞遠適西南地索我題詩見交誼
百年許與詎偶然萬里提攜不相棄陳琳後事
不堪論水部文章今尚存病客安能賦思舊主
人須為續招魂

鄭少谷館內積雪為小山戲作長句

君不見少谷子饑寒卧病長安裏長安臘月雪
一丈怪爾朝來何技癢陵晨掃雪為小山數峰

突出窻戶間我時過門訪子入子也階前荷鋤
立亂垂散髮雜塵垢斜挽短衣半沾濕憶子前
年覽吳越東遊四明尋禹穴慣矜赤脚踏層冰
若覓黃精斲山雪平生好奇心未已今朝作戲
聊復爾斷冰積雪止俄頃走海驅山宛相似仄
崖崩壁色淒愴玉膏乳竇陰森爽磊砢初驚大
禹鑿成削翻疑巨靈掌君不見五侯甲第當此
時紅羅斗帳流蘇垂銅盤燒蠟絲雲散玉袖拂
面香風吹吁嗟如子何為爾低眉蹙頰凍欲死

南唐李昇畫竹題云昇元閣上作賜宋齊
丘

南唐草創金陵日君王材藝還非一宮中初學
書畫圖人間早見丹青筆昇元閣上朝置酒九
華山人前上壽興酣點染雲霧飛畫成揮霍蛟
龍走瀟湘洞庭洲島畔雨葉風梢翠凌亂珍重
仍蕪御字題畱藏擬作山人玩人代悠悠朝市
改何言畫本今猶在嗚呼金石亦銷毀細看粉
墨無光彩我持此卷三歎息英雄割據終何益

虎踞龍蟠尚復存黃旗紫蓋非疇昔富貴繁華
如夢寐千秋萬歲皆相似君不見西京空聚茂
陵書傷心不獨江南事

黃河行贈管汝濟病歸

崑崙播元氣積石歎靈波東南控赤縣西北注
黃河黃河西北來崩浪觸山開天輪蹙驚電地
軸沸奔雷雷奔萬餘里鼓怒何時已懸流白日
下漂沫浮雲裏洪波直射三秦道巨靈擘山山
為倒二華峰開菡萏披九巖峽繞蛟龍抱九巖

截薛青天上下有黃河日搖蕩歌岸長移漁父
船清沙好挂仙人杖僊人西歸聊卜築開門正
對黃河曲浦口鳧鷖上石牀雲中薜荔垂茆屋
男兒挂冠苦不早玉體憂來日枯槁爾去應尋
河上公我行欲訪南山皓

送太乙子歸華山

太乙子棄擲胷間組酒酣慷慨拔劍舞閭闔冥
冥不可入西游華山騎白虎騎白虎登金梯金
梯高高與雲齊手斡芝草捫虹蜺子先茅龍肯
相與隨君翱翔逐玉女

題郭鳴世鶴亭

第五橋東野竹青主人結屋占雲汀扁舟初八
泛花木三徑新開放鶴亭亭下蕭蕭鶴一羣念
姿弄影雪紛紛水邊沙暖行春日石上風寒卧
白雲白雲浩蕩滄洲遠憶昔雌雄巢翠巘青田
養子衆雛成華表辭鄉千歲返何年偶被雲羅
制羽毛摧折樊籠際拂霧仍思紫蓋飛臨風少
想華亭唳小苑斜連鴈鷺陂上林却繞鳳皇

不須奮翅緱山去相逐鷓鴣集玉墀

酬劉函山贈古鏡歌


故人遺我魯國之寶鏡遠自燕都寄譙邑慙慙
預恐到時久封外無將錦為襲夜來夢君在君
側朝得君書長歎息開緘寒雪灑衣袂入手秋
蟾照頰色背間篆刻無人識鳥跡鱗皴上花蝕
依稀尚有雙盤龍似我與君連羽翼當年與君
游帝鄉豈意今者遙相望摩挲明鏡覽秋髮坐
驚騷屑生秋霜此時顛顛君不見作詩寄君空

斷腸

薛君采詩選卷之一終



國家圖書館, NATIONAL CENTRAL LIBRARY, TAIWAN, R.O.C.



薛君采詩選卷之二

偃師薛 蕙君采著

雍丘趙彥復徵生選

東郡汪元范明生校

五言律詩

藥室詠

山階穿藥井石室置丹爐
壁掛三天字函封五嶽圖
僊人邀對酒玉女伴投壺
但逐雲霄去無
論日月徂

寂寥花水上結構羽人廬
牕戶生雲閣松杉映
月虛犬靈因試藥鶴老
解窺書長揖當塗客榮
華不可如

自知靈氣舊轉覺道情
新露濕星壇夜泉生藥
院春青泥含石髓丹炤
起龍鱗若得金沙就還
須贈所親

移牀開藥籙鍊玉閉丹房
五石終朝轉雙瞳幾
歲方壺中能駐景天上
任飛光永得長生術將
留不死鄉

臺上

臺迴通風榭窻虛近水城
表簾殘暑去攜手晚
涼生碧樹歲雲暗銀河
度月明醉來愁髣髴只
作畫中行

送同年孔德裕歸省

秋來南國路羨爾采蘭歸
驛兩霑青纜江花落
綵衣閒居潘博士休沐
謝玄暉他日徵才子相
期入瑣闥

九日同何仲默出郊

九日登高會同人載酒來寒城一以眺秋色正
堪哀零雨晨初霽浮雲午未開南飛有鴻鴈為
爾立徘徊

駕幸南海子

詔幸芙蓉苑傳言羽獵行三驅陪上將四校出
神兵列戟圍熊館分弓射虎城風雲日暮起偏
遠漢皇營

春日禁中遇雪

紫禁春朝雪花飛綵仗新霧交隨雉尾風引避

龍鱗掌濕金人立窻寒玉女顰翠華沾灑處遙
憶屬車塵

元夕興隆寺觀燈

燈火金仙閣丹青繡佛筵叢林開寶樹大地出
紅蓮梵鏡含明月天香雜彩烟諸公共隨喜吾
醉欲逃禪

海棠畫扇

西蜀繁華樹春深亂蕊紅還憐綵扇上宛似錦
城中影轉團團月香含細細風江淹才力減賦

爾若為工

送董侍御

同時多逐客而我獨憐君
棄置勿復道淒涼不可聞
風波一流落江海遂離分
他日書相及常因西北雲

省中對雨答王允升

康樂愁霖唱平原若雨詩
故人歌此曲贈我慰相思
薜荔垂青閣芙蓉汎綠池
今朝一尊酒最恨不同持

石經寺

翠巘雙林合丹梯一徑懸
洞門臨地底石室與天連
文字開龍藏金銀布梵筵
茲山實靈異吾欲託棲禪

七月十五夜對月

嫋嫋涼風夕紛紛零露時
秋來看明月風露已如斯
一對西園酌兼懷康樂詩
山中有桂樹今夜足相思

英國公山亭宴集

東第君王賜西園賓客來將軍元好士公子復
憐才玉袖花間出金尊竹下開還須明月上莫
畏夕陽催

八月十五夜翫月

樓敞含風氣筵開墜露文月從今夕滿秋向此
時分影濕當銀漢光斜隔彩雲徘徊接新詠况
是鮑參軍

雪

北極關山闊寒冬雨雪來霧沉玄菟塞風繞白

龍堆胡虜猶深入征人且未回遙思穆天子黃
竹有悲哀

晦日夜集

晦日歸休晚良游惜後時卻判長夜飲更賦早
春詩雪霧窗中入星河閣上垂何須花與月行
樂始相宜

江霞

春江變氣候孤嶼發雲霞散影搖青草流文漾
碧紗紅泥迷燕子丹洞失桃花水宿淹晨暮應

憐謝永嘉

江雲

謝客弄春水江臯生彩雲紛紛初散綺葉葉漸
成文蔽日皆相映流風乍不分何因可持贈欲
以慰離羣

江花

百丈壺江路行穿夾岸花時憐一水曲遠愛數
峯斜林下見垂釣溪邊逢浣紗武陵如在眼髣
像羽人家

江猿

舟行轉江峽處處響哀猿極浦雲方合連山雨
正昏接條時自挂飲水復相援不待二聲盡先
傷游子魂

夏日游道觀

隔竹窺丹洞臨池坐碧沙玉椀盛石髓翠籠貯
雲芽展簾來風色吹笙上月華休論河朔飲詎
似醉流霞

陳真人館中賞荷花作

別館瀛洲麗新花
菡萏香紅衣迷日色翠蓋寫
波光雨霽金塘濕
風生石檻涼客來脩竹下
回首見瀟湘

九日游興隆寺

厭就騷人會欣投釋子家
林風鳴貝葉徑路濕
金沙宴坐依雙樹清齋服九華
晚來歸客倦欲借白牛車

晚坐有懷

落日照簾櫳寒城烟霧中
銜杯對衰菊流目送
歸鴻未覺賞心廢但驚親友空
遙遙此時恨萬里託秋風

謁茂陵祀孝貞太后

一棄東朝養千秋不復歸
夜臺長寂寞月殿少
光輝野露棲金盃山風動玉衣
茂陵多碧草春日自芳菲

蕭氏園

徑狹褰裳處川平伏檻前
華林一何麗碧水復
相鮮魚鳥方堪狎纓綏頓可捐
居然謝塵垢不

待濯潺湲

送馬伯循

城隅飲餞地日暮朔風吹征鳥不返顧浮雲相背馳踟躕意何極歎息涕空垂世路今如此焉知後會期

重游蕭氏園

別此真如昨重游換物華粉滋曾倚竹紅淺舊看花沙阪縈林曲山籬逐水斜城南咫尺路未覺往來賒

西齋

西齋休憩地永日臥書帷燕舞隨風絮鶯啼集露枝病因閒自療春與醉相宜却悔牽行役年來忽去茲

郭外

郭外平蕪迥溪邊小徑斜客行迷野竹鶯語隔林花多景每難遇孤游還自嗟佳期竟何許脉脉向春華

酬惟喬贈巾

野巾初著日心賞竟朝曛試正行窺水從歌卧
看雲坐翻嫌月露出每避塵紛顧影還相笑風
流媿使君

泛溪

避暑青溪曲舟行路不窮詩成孤嶼上酒盡夕
陽中綠竹含秋色紅蕖送晚風歸來就明月移
棹水雲中

秋夜

西園秋漸好晚眺倚山扉鶴語風生竹螢飛月

滿衣乍憐幽意愜翻恨賞心違延佇空林下中
宵獨未歸

別墅即事

丘中輟耕牧挈杖返衡門落日茅茨暗秋天禾
黍繁隣人送卮酒小婦且盤餐念此信為樂悠
然懷故園

秋日溪上

何處窺秋色寒舟入水隅清波照鳧雁寒露洗
菰蒲促迫悲生事登臨快病軀由来野人意終

日羨江湖

環堵

環堵郊墟外，衡門野道邊。
林昏罷風夜，月白欲霜天。
落魄隨身世，棲遲失歲年。
平生有微志，今已愧前賢。

丘中

返照丘中路，孤烟水上村。
野田荒蘚色，沙岸落潮痕。
日短賸書卷，天寒頻酒尊。
定知無客到，不必掃柴門。

負郭

負郭茅堂小，臨溪竹圃斜。
山樽攜野客，魚網曬隣家。
荒徑封殘雪，疎籬透晚霞。
預思春到日，著處種桃花。

會飲興隆寺分韻得涼字

把燭尋山徑，開尊掃石堂。
風流初邂逅，露坐轉清涼。
竹樹寒雲色，花林宿雨香。
高談真絕倒，無假問津梁。

五言排律

寄崔內翰

病起身仍健秋來興不孤
心情那可減肺氣欲
全蘇蟻穴依牀席蛛絲織畫圖
褰帷窺物色倚
杖理荒蕪撥悶憑詩卷
忘形付酒壺昔賢遺軌
躅餘力誓馳驅良史傳經術
高才繼典謨赤鯨
凌海水翠鳳上天衢
仙籍通羣帝文星近六符
馬遷慚實錄劉向謝醇儒
玄覽來神契冥搜入
奧區蓬萊披琬琰太乙下
虛無顧我唯書肆知
君類說郭憲章崇闕里
辭賦陋鴻都東魯宮墻
闕西京戶牖殊百家流
汜濫六藝混泥塗未睹
崩頽振深思筆削扶飛騰
愁失墜衰颯迫號呼
落落親朋遠悠悠歲月徂
提攜如有分終願託
微軀

寄何中舍

翰墨何顛顛英靈有屈伸
千年關氣運一代出
精神夫子興篇什聲名動
搢紳波瀾含詭譎刻
削露嶙峋李杜那堪數
曹劉不足陳無人宗大
雅舉世擬凡倫文學元同
列風騷自有隣新章

詩言
卷二
十一
標創始舊例起湮淪已覺空前輩懸愁絕後塵
價卑皆咄嗟力怯謾逡巡綺麗才難並湛冥道
所珍逍遙歸母氏杳眇入天人霄漢心常遠神
仙意獨親緒言存著作大業負經綸蹤跡升沈
隔交情契合真過逢頻下榻離別劇沾巾去國
仍初服還鄉似昔貧丹房天上藥酒肆世間身
青瑣辭通籍滄洲憶問津儻逢桐栢隱訪爾故
山春

北狩

秦皇巡海右漢武幸關東昔悵千秋跡今看萬
乘雄期門陳後苑清道出離宮霧遶旄頭黑塵
翻豹尾紅天營屯斗極御氣下雲中射獸闕支
雪焚山瀚海風繫纓驅雜虜載筆扈羣公此日
燕然石長刊北狩功

送周侍御子賢

萬里牂牁路炎州百越南懸梯穿鳥道流沫下
龍潭赤阪黿鼉出玄崖日月含虹霓蒸海氣煙
霧灑春嵐飛獼緣篁竹垂猿墮石楠橘花香細

詩
卷二
細藤刺綠毳毳嶺外青驄馬臺中白筆簪秦冠
高鐵柱漢節照金函行邁應多暇登臨素所耽
江山增藻思物色助清談送遠方無緒憂時且
不堪安危廷諍地遲子促朝參

寄題延陵吳長史山居

魏苑芙蓉沼梁臺脩竹園徐陳游上國枚馬集
名藩奉筆陪清宴鳴笳託後軒中年辭侍從故
里卧丘樊江左風流遠延陵世澤存玉泉連乳
穴仙洞閔雲根選地營茅棟披榛啟華門溪聲
隨杖屨山翠落琴尊鴻寶傳遺術離騷念舊恩
秋風懷帝子春草憶王孫朱邱空招隱滄洲已
避喧幽人不可見挂樹獨攀翻

送劉遵教僉憲之河南兼河北兵備

暫輟臺中妙兼分閫外名兩河開幕府萬里作
長城卻縠真堪帥穰苴雅善兵追奔立表待傳
檄踞鞍成盜賊空三輔煙塵掃北平閭閻無夜
警部曲有春耕風勁吹龍角雲輕抱翠旌遙占
猛將氣偏逐使君行

賦得張公洞壽吳封君

羽客尋仙地靈丘開洞天雲根宛自裂風穴遮
相纏合沓歲卅磴玲瓏散紫烟珠林秋不落赤
日夜長懸鳳吹俄云去龍車豈再旋福庭還似
昨真氣獨蕭然石坼燒金竈苔荒種杏田非公
復棲遯闕寂此山川

恭讀嘉靖改元詔書十二韻

四海艱虞日孤臣慟絕時武皇遺後命興國兆
前知劔佩迎朱邸絲綸發玉墀訐謨關社稷忠
澤彼惇嫠九廟垂玄貺三靈翼聖期飛龍同利
見鳴鳥佇來儀當代鴻圖永先朝泰運衰群甿
累帷幄萬姓苦瘡痍指后膺神器宗臣備鼎司
惟新占舉措早辯慎安危魏闕心空切文園病
轉滋淹留吾不恨感激自成悲

七言律詩

卧病貽友人

漢代無才賦子虛病來空卧茂陵居終年祗學
五禽戲早歲渾忘三篋書林下網蟲懸墜葉墻

頭暮草落寒渠日日思君欲乘興濠梁何處好
觀魚

訪孫世其叙飲

苑內明河垂裊裊城邊暗月上微微不辭懷抱
今宵盡無柰賓朋此地稀萬里飄零同卧病三
年邂逅一霑衣燕山楚水遙相望目斷天南鴻
鴈飛

王明叔同年夜集

映燭吟詩春霧生開簾窺雪夜寒輕花邊仙吏

雙鳧鳥雲裏瀛洲五鳳城對酒已拚連夕醉相
思不柰隔年情官河南望冰潭綠愁見蘭橈送
客行

寒食對雨遣悶

一百五日春已深閉門風雨晝陰陰乍飛燕子
濕無那欲拆桃花嬌不禁歸去久淹滄海興愁
來端擬白頭吟天涯節序堪愁思更遣蕭條斷
客心

贈鄭繼之

長安城中不可留，
飄塵日日使人愁。
上書解印我將去，
拔劍出門君且休。
五嶽登臨幾兩屐，
三江來往一扁舟。
東西南北好行樂，
與爾相隨萬里游。

孫氏沱西別業

巴陵西來沱水深，
水邊樓閣自陰陰。
鼉鼉夜出洞庭岸，
虎豹晝啼雲夢林。
風塵鬱鬱竟誰語，
江漢悠悠真我心。
避地欲從何地隱，
買山應就此山岑。

送許伯誠侍御之江南

金門散吏著書成，
烏府仙人攬轡行。
七國早時先報捷，
三吳今日尚屯兵。
錦帆深駐芙蓉苑，
紫蓋高懸虎豹營。
久擬功名望公等，
願看風采慰蒼生。

送李子中

洞庭山前水滿湖，
爾行乘舸向東吳。
宦遊兼不廢丘壑，
燕坐真成在畫圖。
歷歷村墟垂橘柚，
層層洲嶼散菰蒲。
即看秀色增江國，
賸寄新詩入

帝都

五言絕句

宮中樂

偶過昭陽館雕櫳閉絳紗卷簾通一笑落盡滿
庭花

折楊柳

三月盧龍塞沙中雪去乾朝來折楊柳春色憶
長安

通許館對初月

花上月纖纖蛾眉映繡簾從今三五夕相伴客
愁添

泉源

泉源不可到想像青雲杪由來此路遙莫恨遊
人少

流觴渠

流觴泛激水手攬跳波濕恰恠杯行遲風吹忽
相及

城南梅開簡友人

郭外新梅樹春風吹欲殘未能攜酒出幸為折
花看

早秋

為愛新秋至朝來步水濱微風猶未起涼意滿
青蘋

晚春

日長鶯語歇中酒眠高閣庭院寂無人春風掃
紅萼

七言絕句

奉同王浚川海上雜歌

天鷄啼處夜生潮東望蓬萊翠霧消紫貝高為
雲外闕青龍盤作日邊橋
石門雙闕入蓬瀛日日惟看雲霧生白蜃吹霓
晴後見翠蚪銜月夜中行
海上三山影倒垂風吹波動錦漣漪雲屯對出
神仙闕地底雙開日月池
白鶴東飛去不迴不知何處是蓬萊漢皇虛築
迎仙觀嬴帝空餘望海臺

奉同何大復苦熱行

草堂低小只三間
日日炎蒸不暫閒
初驚滄海
臨湯谷更訝朱陵入火山

三年卧病楚江扉
六月池臺滿眼稀
玉笙樓上
含烟霧只許僊人醉酒歸

雪

流風迴雪滿蓬萊
繡幕珠簾萬戶開
內殿半明
催設宴玉京深處翠華來

綠水初冰百子池
飛花正滿萬年枝
君王夜

醉瑤臺雪侍女冬歌白紵詞


玉人燕國舊傾城
對雪臨風更有情
鏡裏新粧
爭皎潔筵前垂手學輕盈

苑外樓臺遠狹邪
雪中歌吹競繁華
美人合舞
明珠佩俠客爭馳白臯騮

薛君采詩選卷之二終




國家圖書館, NATIONAL CENTRAL LIBRARY, TAIWAN, R.O.C.



梁園風雅

子業
子素

國家圖書館 NATIONAL CENTRAL LIBRARY TAIWAN R.O.C.



高子業詩選目錄

卷之一

五言古詩 三十六首

七言古詩 二首


卷之二

五言律詩 七十四首

五言排律 十首

七言律詩 十九首

五言絕句 六首



六言絕句 六首

七言絕句 二首

高子業詩選卷之二

祥符高叔嗣子業著

雍丘趙彥復徵生選

東郡汪元范明生校

五言古詩

歲暮作

旦夕茲歲改蕭條旅思多雲物媚晴宇氣候屬
妍和崢嶸新陽至故景實蹉跎感時豈不懷二
紀倏焉過棲身慚擇木望道嘆伐柯如匏吾自

繫匪玉孰為磨有髮日就長心短獨若何但云
畢夙志唯力豈知他

再調考功作二首

弱冠黻大梁慷慨多竒志師事鳴臯子擔簦竊
自異幾窮柱下策頗識壁中字雖非國士才通
人嘗予器始辱狗監知終奉龍門贄弛負歸中
朝持戟備末位孤根難為容名過易生累一官
歲再移彌取簡書忌眷然懷夙昔回首日增愧
引疾三上書微願不克諧徙官復在茲心迹一

何乖軒裳日待旦閭闔凌雲排入屬金馬籍出
與羣龍偕積賤詎有基履榮誠無階但惜平生
節逾久浸沉埋既妨來者途誰明去矣懷鳥迷
思故林水落存舊涯惟當尋素業歸卧守荆柴
贈西原

平生好篇章抗迹匹古人上望建安風退沂開
元津夙心空十載長懷莫予親家本握劊劊文
思效經綸恭承時嘉會中朝邁俊民興文方棲
鳳著書準獲麟置足述作場發藻何彬彬心賞

始一遇神交邁千春將登昔無岸言卜今有隣
分離忽迫茲辛苦何能陳晤對不可期咄嗟動
我神本抱中孚爻俄傷明夷辰子其崇爾德攄
光垂不泯

生日

年往望空除時來循虛至明兩無留畧吹萬有
逸氣我行淹一周茲辰適再值束髮歲更七算
齒紀將二少懷滄洲心壯損青霞志淮禽終異
化魏瓠始同棄五游存予歡三費亡吾忌達生
庶不疚乘流隨所寄

代贈李使君兵備齊郡

執象流玄化包虎息金羊還憂十二郡選屬備
疆場獨資樽俎士折衝展竒畫陽文辨赤土陰
符訪黃石坐控負海險時蒐孟諸澤功成象岱
泰洪烈歸竹帛光命祇今辰申贈繞朝策

古詞

荆和當路泣良璞為誰明茫然大楚國白日失
兼城燕石十襲重魚目一笑輕古來共感歎今

高詩
卷一
予益吞聲

病起偶題

空齋晨起坐懽遊
罷不適微雨東方來
陰霑倏終夕久卧
不知春茫然怨行役
故園芳草色惆悵
今如積

謁海上人相

京邑驅匹馬日有塵
沙潁清晨整巾幘
時叩高僧關白日照
仙閣晴雲滿空山
相看偶一笑念此
客身閒富貴不可求
余將從此還

登真定大悲閣

關山千餘里平分南
與北臨路兩悠悠
客子情何極青山
地北橫白日天南
落欲緩故園思聊
憑最高閣

送別伍庫部謫居

開秋庭樹落旅館日
已涼高空氣蕭條
萬里鴻鵠翔子有
江南行離別結中腸
貧病憂方集無能
具一觴平生寬交遊
速此盡分張讒言亂
白黑賢聖昔徬徨
顧我賤且愚如君則
何傷榮名

高詩 卷一 四
不足為憂患莫可量聖朝非棄才大君如虞唐
茲邦佳山水遨遊保樂康窮達難預謀願君履
其常

簡袁永之獄中

本同江海人俱為軒冕誤子抱無妄憂余有多
言懼昔來始青陽今此已白露豈乏速進階苟
得非余慕罪至欲何言直以愚慵故衆女競中
閨獨退反成怒追誦古時人蒙冤誰能愬 皇
心肯照微與子齊歸路

元日同谷子延賦

雄都盛賓客車馬爭馳騫芳辰啟初年宴飲多
所務不知灌園身何為迷方誤郊館抗空壑山
扉啟峻路良朋平生歡就我今朝步城因並舍
登徑為穿林度微陰原上明片日雲中露青霞
照深池白雪停幽樹共貪歲欲新不厭日旋莫
農田方在茲君豈數能顧

再同子延上方寺賦

已忝陽春遊再陪瓊瑤作首歲與君同名區踐

初約芳風散入林陰靄遞相薄微雨點春城流
雲蕩仙閣樓當望遠立酒共馮高酌樹裏梁王
臺水際夷門郭伊余本孤蹤事主乏明畧偶因
負郭田解印歸丘壑閒右道心增日戀空門樂
安得拙病軀放達長此託

叙懷

伊昔迨弱冠奮足參賢豪衣褐出下國脫輓造
中朝聖期開九五河清在一朝升龍假玄淵鳴
鳳託芳條五從宰府辟連荷公叔招名過有瑕
類道在無矜驕猶全不肖軀解冕來消搖

移樹道上

春園就蕪穢雜樹生蒙密不知雨露功長養何
多術娑娑使人憐斬伐終余恤乘時聊徙植于
以託吾室交生兩相當列映直如一轉令門巷
新遂放鷄豚出脩脩原上風團團村邊日紛吾
本寒劣兼爾抱憂疾敢學成都桑而謀荊州橘
願及垂陰成初志儻此畢

少年行

高言 卷一 六
死士結劍客生年歲博徒里中夷門監牆外酒
家胡有時事府主無何擊匈奴虎頸一侯印猿
臂兩雕弧誓使名王侍羞聞邊吏誅長驅隨汗
馬轉鬪出飛狐蒲壘遂破滅莎車不支吾甲第
起北關蠻邸開東都豈學嫖姚將椒房仗子夫

春日行

大隄花欲然芳郊草不歇冶服誰家子良辰爭
馳突寶劍本侯家金鞭自俠窟共矜百金裝相
誇千里骨雲散權未終月明還城闕朱門徒御
稀青樓歌管發倡女盡朱唇貴主俱鬢髮衣白
車中更燭從坐上沒誰論牆東生白首羞干謁

答谷司僕見問

幸自返中園非關逃微祿方因疾病餘黽勉共
樵牧春至東郭田夏來北林木時從遠原上日
縱平郊目野老逢與言道書閒能讀何為共世
人無事相追逐勞君問出處日莫掩茅屋

曉還城休左氏莊

與君枕隄日共結東城廬日出蒼林背回看十

餘柴門通大道村巷隔平墟主人無事見
客頭未梳累言惟農務一飯但園蔬方當數來
往肯為容藍輿

九日登城樓宋故都門

佳節倚秋城朋曹晚相逐竊憐坎廩心暫寓登
臨日日落故鄉杯霜寒游子服百里覽山河千
年看陵谷生欣盛時康追歎仁王促帝功頽九
五霸氣消百六猶能識宮觀但見登樵牧縱酒
在高樓悲歌對喬木身同司馬病懷異步兵哭

舉頭望長天萬里來鴻鵠默尋階除降獨去歸
茅屋

逢友人

幾年別京縣昨日詠歸來本無奔跽用且養擁
腫材窮巷在東郭柴門臨路開經時到城市累
月迷蒿萊傳君渡漢口八月朝天回鞍馬落秋
風賓客滿高臺相尋重欵聚相慕屢遊陪客舍
不灑掃衣冠多塵埃懽然握手笑對面無嫌猜
方思在霄漢賓友如雲雷春天浮屠館夜兩皇

州杯鷓鴣各善賦鸚鵡皆天才看君振藻翰江
鮑力能裁聲華俱美矣懷抱何悠哉而我獨病
困于今翻自吟長鳴戀儔匹蹇步安駑駘賞心
夙豈在離限茲仍催故園乘秋景黃葉紛如摧
長天隨道路落日徧城隈贈言無終極蓄意獨
徘徊

秋夕

問年有短髮逐世無長策日已遠人徒秋方卧
阡陌天高星流火夜久月生魄萬形觀此化四
運愁相迫身非塞北翁情是周南客聊齊得喪
心安此留滯迹

曉出前林

理櫛聽鳴禽塞帷望朝旭快然登前林烟芳紛
滿矚秋晴帶餘陰夜雨生新綠道勝絕紛華情
愜關幽獨在天羨白雲凌風慕黃鵠賞心久已
違感此勞中曲

夏夜同袁德延騎出宿村家

景落息炎氛輕策稍相試微風送林木皓月臨

平地路遠忘前期情愜隨所至田父止我宿茅
屋勸客醉起步中天空仰對明星次一貪鷄黍
筵三歎前賢意軒冕愁束縛江海傷憔悴且願
為老農敢謂辭高位明發返故墟努力看身事
酬左舜齊林中冬夕見寄之作

霜葉落漸空暝鳥飛俱罷出門歲已闌倚樹人
方暇映月眺煙郊了自見茅舍下有飯牛朋商
歌滿初夜

攜手自京都歸心乃疇昔豈不戀明恩久持金
門戟今日故園身殘歲空堂夕含情亦何言塵
禾挂東壁

宴王禮部紹甫諸君

寒日轉高館微晴冬朔餘窮巷多冰霜車馬盈
我廬良朋四方來各擅當年譽言論吐中堂温
如春華舒枝鄒久不存梁苑為丘墟千載得斯
人燕好同其初嘉會不可常古人言豈虛有酒
今不懽歲晏情何如

歸途大名晚行

高詩 卷一
客心冀早安川途爭晚涉水宿阻風湍宵行問
舟楫時見遠村明月出荒城堞良時余幸遭青
瑣官常攝已多絳灌毀而無金張業來往路將
疲出入心獨怯夜夢守舊廬勞懷先已愜

省中夏日述懷

聊遣塵事營宴坐適心歡重門永日影開簾新
雨殘山城方覺暑水木湛生寒夕氣冒川澤晴
霞映林巒顧懷職司憂眷然發長歎華居豈不
崇斯人詎獲安先民計日食所戒在空飡薄俗
匪足矜要使寸衷殫

歸次南關驛作

祗役忽于今經途宛如昨秣馬息荒林振車越
重壑歲暮滯還期客心悵不樂曰予本沉冥遭
時乃濩落化海異微禽蟠泥豈尺蠖方因遷斥
餘始遂歸來諾逝將入雲峯滅迹從所託

讀史

蕭生抗竒節立語忤當時解劍諠不辱抱關身
敢辭伯喈涉叔世髡放久流離董氏握天憲臨

高詩 卷一 十一
命何狐疑知死亮難塞猖蹶反受嗤雄傑在末
位逆曳恒足悲結髮事天子兩絕良無期全生
忘衆怒庶與哲人知

傅子夜蛾感張公海燕篇撫膺慟末路發憤睹
遺編憂來每側足患至豈息肩巢由既在野沮
溺亦在田達人貴先識懷寶乃稱賢

讀書園始遊覽

伯成善養志沮溺無仕心惜余不及古逃祿歸
空林林空杳靜默抗宇疏高岑排戶羣木秀浮
階大壑深誦書玩農術作歌學樵音輟耕空隴
上徐步荒城陰身悲離羣獸目感歸栖禽雖微
貞士操絕軌猶足尋役形多衆患遺物無或侵
儻借彭氏老異世開吾衿

自西園移向城東稍幽寂

微生無定蹤擾擾誰為慮始營西郭居復戀東
郊住東郊長幽寂野迳迷行處茅宇遠踈籬空
階垂茂樹是時仲夏中林雨開殘曙無人敞深
扉永日多新趣卧聽遠春聲起看前村路兀傲

不知非翻恨來茲暮如何玄豹姿更隱他山霧
雜詩

悲風乘夕興木落歲方晏肅肅鴻鴈征悄悄客
心羨王途悵多違三歲餘力倦興懷念故閭撫
事夙稟見平生素絲姿豈為玄黃變知我亦已
稀誰論貴耶賤

七言古詩

寄亳州薛考功

少年不識字持戟仕金門萬事蹉跎豈自料一
官憔悴與誰言上書昨日辭天子還從闕下歸
田里束縛始自重為人激昂尚欲酬知己不悟
名輕世果然翻嫌計晚身如此便爾深林學遯
栖家貧那免仗畊犁腰鎌暮向夷門北倚杖朝
過莘野西伐木手營一茅宇披榛力穡幾藥畦
篋中筆硯無時把肘後詩書坐懶題徃徃頑癡
衆所疑悠悠端合困明時聞君解註五千字宅
畔仙窟定所知此日低頭應笑我平時開口却為誰
初泛漢江東峪使君邀飲習池

高言
卷一
大堤兩岸春流滿，峴山十里銜日晚。新雨深沉
洲嶼移，餘霞明滅川途遠。南來鞍馬背高城，泛
舟始作漢江行。總轡昨朝當寒食，鼓柁今日值
清明。清明寒食愁江路，逢人乍問栖泊處。楊柳
深垂渡口喧，桃夭淺映村頭暮。襄陽使君乘暇
日，邀飲習池酒。興逸然，燈清夜，歌管鳴，吹角蒼
波魚龍出去國，未覺客身輕。乘流翻恨風帆疾，
別君轉入江湖長。明發解纜情如失。

高子業詩選卷之一終

高子業詩選卷之二

祥符高叔嗣子業著
雍丘趙彥復徵生選
東郡汪元范明生校

五言律詩

省中春夕

纖月升庭樹柔風動四榮
坐窺宿鳥至微悅觸
幽情南國流鶯滿西郊
春草生歸歟假羽翼長
路起遐征

明月引

滿地金波迴中天玉鏡飛有烏多夜語無鴈不
春歸影徹銀河水光翻織女機何當御尊酒常
此奉澄暉

初去都夜

泛舟當日落解佩及春歸病比相如是情方叔
夜非煖雲蒸海氣殘月吐洲暉今夕孤懷客誰
云伴少微

安肅縣寺病居漢陽董玄亮見過

門前易水路下馬漢陽人野寺天晴雪他鄉日
暮春相逢一尊酒久別滿衣塵不憚王程急應
憐伏枕身

謝病後初朝

舊識趨朝路重來謁帝庭出門聽曉漏立馬
望春星拙病身仍在羈栖志少寧盛時誰不戀
終日憶山垆

寓居慈仁寺遊覽

終日仙宮掩青松遶殿遮到來長春草行坐落

天花閣上王城盡，門前官路斜。微身隨處是何
敢歎無家。

毘盧閣上同伍疇中諸公西望

客來常一上，對此西山平。向夕簷楹立，憑空閣
道行。楊花飛暮野，雨色動春城。却戀同携手，都
忘羈旅情。

飲任文選宅

敢謂齊年齒，常嗟夙抱心。文章知汝在，交契為
誰深。華屋春燈豔，層城夜柝沉。賴蒙終夕語，客

路一開衿

與鄒生遊香山宿僧房

遽愁春草歇，驅馬春山中。夜宿禪關下，時將心
賞同。風生近谷滿，月照前湖空。終愧淵明輩，玄
言對遠公。

華嚴洞上夜作同鄒生

宴坐最高頭，馮巖散客愁。俯聆玉泉響，仰眺金
波流。伐鼓山堂夕，焚香石殿幽。與君學栖遯，它
日更相求。

送別家兄張掖門時謫開州

垂泣一相送臨途無限情功名何物是流落此
心驚夢裏窺鄉樹愁邊滯帝城終朝誰復語猶
去戀塵纓

送仲實黃門扶侍還固始

一路通淮水從親千里餘到門繫舟楫登岸啟
園廬洲富千頭橘溪深盈尺魚明光待起草且
莫賦閒居

送別德兆武選放歸

燕郊秋已甚木葉亂紛紛失路還為客他鄉獨
送君罷歸時共惜棄置古常聞莫作空山卧令
人望白雲

中秋同栗夢吉飲

罷酒俱不樂開簾望北軒寒星出戶少秋露墜
衣繁散步憐新詠平居想故園空庭今夜月客
思豈堪言

歲暮答許武部廷議懷歸

掩閣日愁晚他鄉歲已深未能逃世網豈是戀

高言 卷二 四
朝簪以我不如意憐君同此心故園春事及歸
路儻相尋

至日省中

慣逐官僚後欣逢郊禮嘉蒙恩賜冬假拜手慶
年華暫亦休朝馬閒唯待暮鴉人言郎署好畢
竟未如家

齋居偶題

自免知何病重來尚此身愁多長畏客官拙竟
隨人日鎖空庭印風添滿几塵山田薄亦好不

去豈關貧

始至讀書園

疲繭違時好歸來幾夙懽田園深自託朋舊有
相寬挂壁尋耕耒刈林選釣竿亦知身寂寞長
冀賞心觀

子修侍御見過時謝病

郊扉臨巨壑野日照晴空柳色春衣上波光曉
鏡中當軒留駟馬出戶倚雙童欲問朝簪懶人
今卧病同

呈劉西陂先生將按部洛陽道出小園
喧言洛陽去阜蓋首行春尚枉柴門步應憐伏
枕身柳條簇官騎雪色沒征輪公問袁安事平
生解避人

晚步

出門還自笑復此欲誰親惆悵村頭樹歸來路
口人風聲兼亂葉日氣抱遊塵豈不躬耕苦東
看是有莘

與客遊宋戴樓城門九老泉上

草屨相携處田家水郭間林風動衣帶泉色照
容顏軟草留堪坐芳花折與還春城一散罷車
馬更難攀

得張子家書

晚日照餘晴荒亭暗復明歸雲度深樹飛雨過
高城蹇劣慚當代栖遲笑此生空持一書札長
歎故人情

揚州門主人

空林一葉落茅屋幾家秋對酒涼風至開簾古

木幽相看還自笑欲去為誰留正此夷門下休
猜姓是侯

和汝南見過

晚日留仙轡涼風勸客尊偶然擊筑伴依舊抱
關門樹落千重葉蓬吹萬里根病身一如此誰
念在孤村

東壁偶題

阜帽遼東客青門漢代瓜寧知汴水上更有野
人家巾服臨秋換壺觴自遠賒閒身與逸興並

向物情誇

友人設飲病不赴

荒邨猶病卧空媿故交深復有高堂宴無如伏
枕心寒郊懸日影平楚帶秋陰向夕東城望寧
知佇立吟

送別蕭司勳

柴門夜語罷惆悵出前林曉日孤邨映秋風落
木深別來生白髮歸去換思心還復茅簷下朝
朝鳥雀吟

偶題

以為南畝客况此北窗時翻笑陶元亮應多歸
去辭涼風昨夜起殘雨夕陽移坐臥身無事茫
然生遠思

曉起

惆悵空堂曉蕭條秋氣陰懸窗對疎雨落葉滿
重林長往懷仙事端居養道心誰知歲復晚高
志莫能尋

簡李伯材

抱病敢稱隱端居祇自驚林皋白露下庭際綠
陰生偃蹇時方笑蹉跎歲屢征惟君重幽賞共
此郊園情

晚出曹門北道

晚日郊關迴寒冬筋骨勞不知臨曠野何事走
平臯斜路孤村引空園亂木高歲闌今去卧誰
認在蓬蒿

冬日西園

泱泱空寒野蕭條只舊林登高時送目望遠日

愁心世與身為累，貧將病轉深。無能學袁盎，閭里共浮沉。

西園再酬谷子延

茅屋還相見，冬郊那可聞。荒城連凍浦，落照與寒雲。遠樹行時倚，歸途到處分。留君終日詔，猶自日思君。

谷司僕田黃門諸公見過

山林高士駕鷄黍，野人心不避家貧。饌難忘歲暮，尋寒城雲際擁晴樹。雪中深誰念平生意，幽栖獨至今。

武城漕河逢張使君考功舊寮

岸折留餘照，舟行趁晚風。歸心千里倦，行役一時同。置酒蒼波上，停橈綠樹中。思君如河水，何日不朝東。

文水縣驛壁讀王司僕德徵詩因和其韻

長途無驥足，短髮有漁舟。感歎如同日，羈牽自去秋。寒燈知客意，鳴柝亂人愁。屏上山川記，何因認汴州。

清源縣作

行縣時方暮山城歲弗登寒燈斜暗壁夜雪灑
空庭案上閒周禮囊中貯呂刑吏情那可道歸
去幾時能

施同寺是日奉陪弗及

樓閣丹青上烟虹石壁重雨餘淨香界天際響
踈鐘汾水當階次綿山即近墉題詩人不見驄
色亂雲峯

盤沔驛再用沁州壁韻

乞歸又晚計奔命尚如今九折無良術三鑽豈
夙心客程任春草官舍即晴林便作窮途哭闌
干淚濕襟

井陘道中

曉霜塗屋重寒日出林微改轍辭邊徼登車望
帝畿深山藏驛道巨壑斷村扉欲問前征侶迷
津何處歸

寒食定興雪中

二月鶯花少千家雨雪霏可憐值寒食猶未換

春衣積水生空霧高城背落暉忍看楊柳色從此去王畿

星軺驛雨中別林八南還

驛外陰雲合窻中宿雨含深巖龍自鬪險路馬能諳短髮星星甚長愁日日堪休將南望淚歸傷二親談

再赴晉陽太行山上作

祇役方如昨銜恩更此年可憐客鬢改應厭馬蹄穿萬壑深繙地孤城上捫天東南回眺處愁

絕故園邊

避雨五嶺山

鳴雨斷還續連山下復高踈慵元自慣登頓為誰勞問館投身促防崖著足牢客程憐若此終念反林臯

再過紫巖寺

受事方從北持車還向西青林含日影赤阪造天倪宦味同鷄肋官程任馬蹄蒼崖摩遍認隔歲幾行題

平定城東西交口用壁間韻

敢言觸熱倦悅此午陰長
蘭氣清林薄蒲風散
野塘高陵堪下馬怪石欲成羊
可念征途侶題詩徧驛堂

宿八角

嚴更金柝起杪歲玉關寒
行侶時相問邊程進
更難歸心惟日夜客鬢已星殘
仰悟中林羽
枝亦未安

晚趨忻口

雲峰聊極目立馬獨愁心
豈直關山遠其如雨
雪深笳聲先入夜邊氣迴生陰
疇昔長征意蹉跎力不禁

途經五臺山不及攀游

客路迂回甚驅車悵此分
懸崖晴度日洞壑晚
生雲林迫非吾意悲懽與衆羣
終當卧靈岳夙志豈徒云

鳴謙驛夏夜

閒館草生徧芳林夏氣清
月華何泛灑天宇益

高詩 卷三 十一
空明懶慢本吾性，羈栖非我城。
投冠還舊里，庶此達人情。

沁州張源舖

去國三年意還家，此日心天寒。
客路永日暮，衆山深沙塞。
人偏老風霜，馬不禁如何。
更萬里投迹楚江陰。

量移湖南用文谷韻

歲暮邊隅客，歸來見此身。
馬蹄穿欲盡，虎穴到為隣。
漳水經塗舊，湘潭去路新。
我生豈斷梗，逐

處任飄淪

襄縣城東即事

春晴汝岸曲，夜雨襄祠東。
日出冥濛霧，天垂斷續虹。
關梁臨水閉，馳道與山通。
旦夕龍輿度，干城望幸中。

龍泉鎮作

落照寫澄潭，石梁水半含。
可憐雨氣歇，復與天光涵。
客路乘春景，人家映夕嵐。
我行殊未倦，彷彿見荆南。

呂潭境上

連山望不極况復楚雲長萬樹含春色孤村帶
夕陽解鞍當古戍投袂及空堂去國日方遠懷
君意敢忘

中秋無月

三五唯今夕烟霜斷昔歡埋輪潛泣兔掩鏡暗
翔鸞風地金天徹星樓子夜寒客衣素已變不
分向明看

秋思

涼風今日至鴻鴈欲南征夜緩他鄉帶心翻故
國旌園荆愁外死池草夢邊生會挽高飛羽凌
天寄別情

送許廷議

孤嶺鬱蒼蒼龍沙出塞長千金收駿骨萬里歷
羊腸雲就親庭色星分使路光亮為汲長孺隨
力護封疆

駕出

帝出南郊日言觀黃屋尊選神役風伯徒樂具

高言
卷三
十四
雲門馳道青陽麗齋居紫氣屯九朝祠禮祕歸
待從臣論

駕入

萬乘因春駕千門洞曉扉鸞旗紛既至龍馭宛
來飛日月隨靈璽星辰撫帝璣還同受金策六
觀紫宮歸

海口

海路連天極河流遶國門氣迎朝雨至川東衆
流奔隱霧行隨豹搏風坐辨鯤乘桴意何限揚
楫倍傷魂

東郊雨中柬士量

閒房甘絕跡踈雨對芳原念欲開青眼誰還共
綠尊林烟芴舍午野色遠村昏自笑平生意無
人空閉門

秋郊雨後

空闕容秋望虛徐步晚曛夷門新夜雨太室半
晴雲犢放前王地身閒野客群鳥來幽興愜誰
語遣相聞

喜蕭司勳袁比部見宿山園

上客何時見中園屏卧幽門連莘野樹路轉信
陵丘共坐深林晚紛看落木秋非君憐病侶誰
向此淹留

刈禾了晚望

禾黍空塲圃秋風滿近田出門看曠野倚杖向
高天嵩嶽孤烟直遂池落日圓醉歌有隣叟共
笑夕林前

九月六日元玉侍御汝愚都使上方寺閣

官曹雖異迹梵宇忝同遊預有重陽酒兼當故
國樓登臨殊憶昨疲病颯驚秋不借空門樂那
寬北望愁

元玉送至河上夜飲作

野館接芳筵客心尊酒前終知臨路別且戀對
床眠近壁燭殘夜開簾星滿天鄉園猶在眼
此已三年

之目省中同正夫

官閣晴雲滿春庭夜雪沾綠尊應汝伴白髮為

誰添多病能相惜微官敢自嫌流光無柰此日
日客心淹

進兵介休

卷旆輕風發趨程落日懸重來介子縣還渡魏
侯川吏道堪頭白兵戈正眼前親交齒盡落歸
計只年年

除夕

殘歲何俱盡微情浩不窮引卮留夜色燒燭候
春風旅跡孤蓬倦離心衆草同勞歎無處語楚

水正飛鴻

鄭師周石村卷題

結構依嶙峋幽深自可親雲峰連海嶠泉澗達
江津獨立迷山鬼端居養谷神何須羨谷口君
即子真身

送別袁永之

冠蓋中朝舊田園野客扉異時梁苑地今日長
卿歸疲疾馮秋健懽娛悵遠違須知馱耕處一
望使星暉

九日有懷家工部兄

無客荆扉掩蕭然病卧時荒村夜聽雨佳節曉
吟詩鴻雁銜書少黃花對酒逢楚山萬餘里今
日最相思

五言排律

御溝魚

鯨沼滄溟派龍池禁籞流錦鱗何澆灑素水日
沉浮地接皇仁渥天容品庶優風雲終有氣綸
餌始無憂江使聞遭宋波臣或泣周詎知沕穆
理得坎故悠悠

秋夜直省中

鵲繞瞻堦樹鷄栖入省臺蒙煙仙署合懸月瑣
闌開伏枕南天遠聽笳北地哀潘生應髮變司
馬倍腸迴為木同先代積薪異後來無言秋夜
永申旦自徘徊

冬夜寄友人

客地殊不樂褰裳夕望通葭灰欲變節桂魄幾
乘空楚奏今維切商歌古亦窮兔園推上客狗

盛數文雄留滯無萱草
拔援有桂叢何因辭世
網去矣作冥鴻

送張比部允清歸養

鼎食思歸養拂衣權遂初
深辭西署寵獨守北
山居伏臘趨庭屢鄉閭
進壽餘架樓歲紫誥閉
戶讀丹書吳嶠秋成橘
江門日薦魚親顏老更
悅取樂欲何如

送大宗伯介溪公南都十二韻

露板承權渥天書拜寵靈
春官典邦禮風采
王庭出入登三事遭逢起一經
持衡人莫眩講
殿帝親聽妙思黃華句雄篇
繡補銘龍文生
赤汗鸞翮奮青冥暫枉神都遠
同追祖帳停二
京分化理八座備儀刑
仙擢花催發官途柳為
青微生荷翦拂孤跡困飄零
空謝伸眉日多愁
短髮星公還衆所祝強飯念朝廷

次韻田水南見過之作

夜雪連窮巷朝來片日暉
故人停駟馬問我掩
雙扉自出知誰是相看能爾稀
家僮釀酒熟獵

高言 卷二 十一
伴射禽歸草具成賓饌木棉對客衣歲寒心不
淺日暮意難違客興催花發農功候鳥飛期君
前浦泮預指釣魚磯

再次權店

攝官強四月被役乃三來把炬尋山路傳餐就
水隈憂荒早頭白忍事竟心灰客姓途人記官
程驛吏催梁園即此路何戀不南回

贈亢思謙入會試因寄京師同遊

函谷投繻日靈光著賦年古人猶泪沒今汝遂
騰騫神寶初開璞龍媒早受鞭通衢千里駛美
價十城連藝苑才如此離堂意杳然行叔金馬
績高視碧鷄篇京邑多朋舊同聲若為傳

宴別文谷先生赴祁州

擾擾時相見悠悠遠遠辭離居不可道行役且
馬之歲晏水霜厲天寒鼓角悲軍城數杯酒官
舍滿篇詩感激多新調飄零最苦思才高世總
棄名在衆方推暫識風塵色行露雨露私郡齋
暇北眺猶接帝京陞

題馮正伯卷

太息高蹤客誅茅滄海邊
同來負鼎日共憶挂瓢年
梁父龍初卧南山豹正眠
有纓濯孔性無楫濟商川
才為蒼生屈名緣赤紱牽
九臯空唳羽七水但流絃
僕類蓬南轉情同橘北遷
途中曳尾地轍外涸鱗天
仰視鷗應嚇却驚鼠可憐
重尋顯志賦長揖願歸田

七言律詩

酬家兄秋日讀書平臺見憶之作

予在長安初授夜平臺誰共偃
郊扉青天寺裏客應到李白祠
前葉欲稀旅舍再驚鴻鴈至
離心常伴鶴鷓飛亦知相望
相思苦欲學仙人縮地歸

寒食日昆盧閣上寄茂卿

高樓晴出帝城南楊柳千家夜
雨含欲換春衣驚客久况逢
寒食思誰堪門前歸路愁心
繞檻外羣峰僻性耽憑報故
人應相笑微身何事戀朝簪

再移居

僦居屢傷禁垣西曲巷重渠路轉迷萬事無能
心盡懶一官何補首常低歸衝落日時驅馬起
伺朝天每聽鷄濡迹自傷非官業綸竿終有故
山溪

送抑之侍御謫興國

別離無奈客心煩直道南遷荷主恩臨路加
飡好自愛平居握手更何言連山楚雨迷官舍
隔縣鄉音認故園君到江州定回首同遊霄漢

幾人存

東原晚望答李鴻漸

東原曉望草烟齊久卧無心出路迷閒立秋風
看木落獨行斜日聽烏啼一官已謝於陵後百
畝纔開莘野西此地故人應念我逢人昨有數
行題

招友人

散髮終朝偃舊林墟中無事肯相尋數家砧杵
驚秋早滿院蒿萊對夕陰多病祗堪謀藥物微

高言
卷二
十一
官何敢污朝簪濁醪漸熟來同醉無限蕭條歲暮心

權店晚行

孤城吹角罷黃昏歸馬蕭蕭向驛門
衰柳更添霜後色殘流初耗雨餘痕
求田未果青山願出守仍銜紫禁恩
轉入亂峰行不進投身空館寂無言

十一月朔孝義道

山城風物歲將闌行縣初因問俗安
授曆漫驚違一載趨朝尚記逐千官
烟鐘動闕天微曙火樹薰庭夜不寒
久忝恩私今始悟簿書催急驛程難

至日晉府拜朝同曹仲禮

王庭肅穆映朝暉圭景纔長暖力微
此日預沾新歲酒同時應認舊朝衣
暫開宮殿陪仙仗端望雲霄拜帝闈
不到邊城時作吏向來恩遇未知稀

遼州即事

羈愁日日與春增分省無功笑吏能官舍到時
常是客山城多暇靜如僧新晴滿院朝來雪佳
節空堂夜半燈最是上元無意味平時宴賞隔
良朋

褫亭間邊事用壁間李川甫韻

北來烽火震邊州春興無聊客鬢秋得喪此身
真是馬姓名與世任為牛晴天亂雪吹空壑落
日黃雲暗道周但有鄉心隨處是題詩人滿驛
前樓

過真定呈周中丞

萬國朝正屬歲繁上游要害此邦存使臣北下
頒銅虎質子西來敞玉門自是霜威清道路無
須雲騎護郊原宋都鎖鑰真堪寄漢代扶風未
足言

飲平定孫太守宅奉贈時壽八十二

榆關月出滿晴暉留客芳尊盡夜歸本戀青山
辭虎竹甘垂白髮守渙磯藥攔倚戶花香入藤
樹當庭葉露微便向磻溪問衰健周王仍欲夢

高言
卷二
十四
熊飛

偏頭關傳節度宅守歲

深堂絃管雜邊聲
幕府宵嚴刁斗鳴
起舞更衣聊自慰
懽歌縱酒不勝情
關河絕塞催寒盡
烽火連山照夜驚
改歲不辭征戍遠
其如客病臥邊城

南關晚行

笳聲入晚不堪聞
驛路山腰向此分
洞壑空濛秋雨雪
巖崖突兀石生雲
愁心胡馬方頻入
寓目冥鴻定幾羣
歸興轉從今日盡
將因沙塞著微勳

漢江春日舟中

漢臯微雨點人衣
江路南衝鴈北歸
寓目不堪愁遠涉
投身方自愧高飛
纜牽衡杜多春氣
船泊雲霞變夕暉
未許笠簑同楚父
來逃榮祿守漁磯

將歸蘇門山題王度支誠甫潼川卷

十年出入紫宸班
多病空知戀北山
塵鬢獨憐

高言 卷二 十五
為客倦道心長共野僧閒行窺白石尋初徑坐
對青松守舊關惆悵王孫不歸去潼川桂樹許
誰攀

秋日

閣道涼風日已嚴空庭落木曉相添病身虛擬
秋來健客路真驚歲尚淹北海鵬風猶未徙南
山豹霧合終潛悠悠感事徒增歎歲暮誰徒季
王占

星軹驛

萬山詰曲此孤亭遠客西行暫所經生事不堪
頭早白世情無賴眼常青深林落日憑軒望亂
葉吟風隔坐聽寄謝尉羅當日者高飛今已入
冥冥

五言絕句

延津縣立春

征路日纔幾客心時已煩春風花鳥處回首憶
田園

漳河上元日寄呈後渠

高言 卷二 十一
落日銅臺北獨行南望頻鄴城今夜月燈火可
憐春

至蘇門山

空山暑氣少臨水夏雲多照影人將老愁心在
夕波

靈石山行

長路天俱遠高山日易昏強餘瘦馬意垂首戀
君恩

題東門壁

試走夷門道徘徊念此身抱關空有客虛左竟
何人

淇上

旅館值芳辰留連淇水濱猶憐官道柳滿目故
鄉春

六言絕句

夏日林枋田家

手疏偶然辭主腰鎌率爾為農今日田園自許
平時車馬相從

雨後千家競似雲中萬木齊高路口來過杖策
墻頭方挂挈臯

芳樹不知冬夏荒城何計春秋有客今辰携手
無人終日科頭

輕屐會臨池上方牀好坐林間酌酒壺乾未已
賦詩坐久忘還

斜日深林度鳥微風亂柳鳴蟬茅屋人歸水際
紫門路遶天邊

欲笑於陵逃井還輕顏闔移家顧我何營世務

對君但惜年華

七言絕句

送馮廷評還闕用韻

銀鞍白馬使臣尊賓從如雲晉北門滿目邊城
春草綠因君長憶帝京原

定州道

夾岸新楊映廣津客行無緒獨愁人故園亦有
千頭樹二月中旬汲水濱



國家圖書館, NATIONAL CENTRAL LIBRARY, TAIWAN, R.O.C.

卷一

一

一

劉子素詩選目錄

卷之一

樂府

五首

五言古詩

二十四首

歌行

八首

卷之二

五言律詩

九首

五言排律

三首

七言律詩

二十首

七言排律 二首

五言絕句 五首

七言絕句 九首

劉子素詩選卷之一

光州劉 繪子素著

雍丘趙彥復徵生選

東郡汪元范明生校

樂府

元會曲

青陽初協律紫極儼垂衣木德舞彤陛雲曲奏
金扉新鶯別殿轉玄燕上林飛的皪含花萼霏
微帶雪輝丹殿傳龍節青丘轉鳳旂八風調玉

卷一
萬歲御昌輝

鳳臺曲

清夢通華館仙音徹絳霄乘風人不見一片彩
雲飄

折楊柳

笛裏聲初歇歌中怨未收陌頭楊柳色莫遣入
高樓花飄朔雪綴葉暗塞烟浮一枝何處寄搖
落亂春愁

大隄曲

淶水遠大堤堤上花紛紛相期不相見愁望陽
臺雲君非遊冶兒妾非倡家女黃鵠洲前分終
作雲邊侶

綠水曲

杏雨紅初散楊烟綠半消日上金粧麗風迴繡
帶飄含情聽燕語泣淚惜花嬌流璫波影裏明
月蕩輕橈

五言古詩

感述

天苑散雲羅俊羽星一目但恐鶴與鸞高翔常
轟轟良裘集群腋夏屋匪卑木周公嘆已衰漢
相亦難復巧匠班拙工奇士守常祿不見白駒
賢長鳴逝空谷

流黃映華月秋階動涼颺織婦當機泣蟋蟀鳴
且悲中使自北來鼓枻如風馳中原百役起野
草多變棗峽江罄巨材天府竭珍貨國乏十年
備當軸憂在茲

日出上東門照見夸毗子丹轂耀玉羈賓從如
流水短舞醉狹斜長歌淹北里鐵意碎珊瑚內
盤送卮匝黃金盈私積白骨遍荒壘蝮螫烜朝
躋蜉蝣忘暮死

明星夜有爛起坐空長歎媧媯煉五色豈慮工
程難精衛填巨海可憐摧薄翰采采驕榮子氣
象誰能干當面不交語一言那結歡惜哉際昌
景英緒空漫漫

咸陽橋懷古

步上咸陽橋悠悠渭河水亂石清波中破板白

莎裏高渚應七星脩岸通千里長樂已煨燼茂
陵亦荒蕪閣道象天漠侈麗悲淫圖金梁斷烟
徑玉柱委蕪區紫宮照鳥鼠蕭條白雲孤枯楊
聊駐馬寒流咽啼鳥總轡磻溪曲問俗過東門
飛熊與牽犬芳臭伊何言

華嶽扁贈王翰林懷野

鬱鬱紫嶽峰岩岩仙人掌金鎖懸丹梯世人爭
攀仰信邁慰中好關河非遠道投駕抵華陰騁
望紆幽抱金峰披翠霞玉井吐光氛樹帶蛟龍
氣巖低鴻鴈群奮策登天阻振衣凌風馭玉鯉
裊青絲丹蓮憶金翥引索薄層霄翻飛盪塵慮

曉望終南

終南亦何有白雲多英英層峰亘西來巍然臨
咸京中有太一洞窈窕清籟生鬱鬱古栢竦關
關春鳥鳴紅泉石乳溜金竈丹光縈經年鮮人
跡翠竇懸空青我欲徃從之坎壈不能行緇塵
滿周道躑躅傷我情那能奮飛去翛然學長生
舒侍御得謫西歸

干南一世才弱齡屬脩望撫時發長噓奮舌欲
宣暢兩曜開靈景三正裁時亮魏瓠應難施吳
鈞虛怒仗連鷄走鳳群驂牛偕騏亢達人識治
運詎能動中况具彼英賢資志完道馬喪乖予
不偶時訐想激高唱戢華守堅白翻飛為子悵
玄精照狂中感念託淵諒契侶重披離明時資
引倡

川南雜詩

九華春色曉三殿御烟浮霓旌飄五鳳雪戟擁

千牛鳴珂過豹尾搖筆轉螭頭詞賦甘泉奏羽
獵上林遊揖遜齊諸公趨蹕先列侯玉節傳荆
國銅符下渝洲蓬根自無定含情悵別流
春江漾漣漪紅綵涵夕霞綠蘋逗翠葉紫蔓揚
丹華弱蘭搖微風流馨飄輕沙沙深沒人足中
林且停車王睢灼錦綺雙雙行啄花遊子去故
國豈不懷室家空勞九飛魂搖搖斷天涯

璨璨花

陽嶺冒春色陰巖繡竒葩一種不辨名輕盈映

茗華折來細把翫柔芬如蘭芽借問行人云
是璨璨花結實比玄飴含葉炫丹砂握中轉嬌
麗泣下成咨嗟可憐瓊瑰種多少混泥沙繁枝
雜密葉鬪艷王侯家

感懷

梁苑盛繁麗結交傾名才眦睚論世務吞吐黃
河迴彈劔燕趙間長歌響清哀豪俠三河集慷慨
慨五都來攀花醉鄴館折柳度叢臺歌向漸漸
和懷為田光開逸氣排周灌文翰驅鄒枚平駭
飛鷗翼狹斜馳龍媒迷途既已遠單性終難裁
中年解玄理莫與時相乖

秋日餞劉節推領漢州牧

置酒臨長川張樂憑高樓丹峰縹雲日樹木清
以幽併蓋望龍華漢江遠東流矯管和巴曲悲
瑟激齊謳華車歷修坂逸駟駭輕軸罷此歡宴
會須臾成繁愁徘徊岐路間停轡戀匹儔睠彼
同官情義分金石投采采芙蓉花芳豔難久留
異鄉別契洽安能不懷憂金風被江草陽鴈鳴

中洲衷腸所可訴氣結不能周攬衣陟高岡從
子將西遊仰觀雲氣澹俯聽江聲浮解劍欲相
贈徘徊聊唱酬咨乃新民牧去去勿夷猶暮節
難重持久要須終求亮共懷門閤詎肯慙交游

贈素菴張先生

玉樹留僊禽華池泫芙蓉物類各有託性質天
所殊皎皎脩姱士離垢耽清居傲載河濱田棲
遲山陽廬觀化得無名窺象識太初俯秘玉女
論跼受黃公書守旃諒已堅悲絲意何迂餐露

浥圓只醉月翫方諸雲去山心澹冰消水意舒
梅軒契周史蓮社結長沮無瑕齊內外不淄一
毀譽晚探岐伯術芝桂引年餘洪崖屢叅顧安
期相吹噓愿余契芳潔抱經玄已除望氣識太
隱匏繫空躊躕

春日居玄湖築舍并理樹藝

槐綬榮世載蟬纓耀重輝清德鮮厚遺况值中
葉微嗟余奮薄羽臨風忽乖違披榛理前緒返
廬得所歸鑿渠廣舊陂結牖開新扉力薄丹雘

少規陋構架稀清耳鶯傳曲燦目花成圍榮途
杳相隔誓與青霞依

架竹學虹橋疊石似閭丘陵旦水烟薄亭午花
竹幽中有一草閣雜樹雲陰稠微風動前渚潛
響蘭馨流持坐理冥思寂歷無所求玄溜常在
目皓髮何須愁

二月中於玄湖田課耕

白翼勤壟畝元亮理常業緬茲曠達人俱自操
畚鍤老妻烹豆黍稚子或為饁飛燕銜浦泥述

鱗喋洲葉赤立與枵腹胡能將歲月矧茲三辰
開青龍按東節城柳拂長絲山杏迴紅頰萬機
欣向燠嘉苗思將浹帶星呼亞旅俶載向阡陌
桑林鳴曉鷄爽然精神豁

海霞蒸朝旭溪煙蔽桑榆布穀鳴前村秉耒聊
啓塗刈草飼牛飽炊黍啖耕夫土解落英散犁
深苗根䟽壟風澹人情林霧飄還虛偶耽田家
樂漸與市交踈清陰挾書策常得古人俱遙謝
徐孺子芳軌疇能驅

播穀在東菑嘉苗䟽且立其澤零及時穿膝亂
流滄喜有二仲來濁酒對蓑笠黃鸝柳外鳴白
鷗常飛集

春日酬陳東阜陳豫南同見訪玄湖別業
䟽池帶城曲結宇構林窳荆扉聊卑棲樊籠借
舒嘯忽聯德星輝巾駕共歌笑乘茲舞雩興薄
言賞高抱載酒携艷姬流音發要妙盤桓欣暫
憇徙倚恣遐眺蘭葉飄羽觴竹皮映簪帽牽枝
黃鳥飛披藻芳魚躍憶昔同朝籍金紱列華擢
方思崐閨遊服色殊常調未營紫河車且撥玄
湖棹高懷無世情悠悠契所好

春夜同郡守馬公泛舟

容與賞心適湛澹湖波停已倒城臺影復含花
樹暝歌響遙振葉權轉暗分萍遠漸全和曲宿
霧半成屏流觴如亂羽醉言傾醪醕雙旌遠城
曲六馬駐雲扃踈薄亦何告姝子還畱馨吹笙
想浮丘鼓瑟憶湘靈劉琨欲嘯月馬期思戴星
絳燈夾岸去迴照孤鶴汀

月夜登樓詠懷

河漢披高樓徘徊聊四望美人守春閨惜此明
月光狂夫去交河如彼參與商自矜龍額貴豈
念孤鳳翔春風隔亭障殺氣迷沙場鴈書竟無
還關路阻且長蘭膏委曉沐羅縠掩空牀月朗
星逾淡風高雲乍揚非無金罍酒醉言試仙方
良會難再得虛景謝容芳

春日園亭讀書

疏園籍春華幽構鮮人跡開函覽群經晴戶照

丹冊孤懷夢亦頻雅景氣乃適棲神古人編無
令自消魄執戟閣上菑中郎座間惜豈若短籬
中徜徉任朝夕愧無竹箭聲欲接蘭陵席非聖
不敢陳雜子聊披擇未云博典墳舌強庶免謫
雨後理園蔬

曲圃度靈雨蔬甲含新光輕烟散芳畦暄景流
荒墻芟草覃腰鎌致種懸佳囊插籬鄰鷄去潤
膏土蟲傷諸葛芥可斲周顛韭未長葵似輞川
徑芹比青泥坊未采盈檐綠已想和羹香煎葉

堪漱齒含芬聊濯腸誰云野薺好終無家蔬常
幸晚抱甕拙細履曳雲涼

歌行

陽春歌

蘭林繡戶照輕紗銅池綠水散流霞鳳皇樓外
度仙家丹殿光搖寶樹花寶樹花風飄揚橫
燕鎬慶韶光風歌雲曲轉洞房靈卉含輝
露西連若水東扶桑

春遊篇

洛陽公子惜芳春綠水香霞照玉人繡帶雙分
金縷細青驄半繫障泥新繡帶青驄過漢水桃
花隔面歌聲起翠粧拂袖水雲中玉管調簧
霧裡綵幔爭飛百尺樓香簪轉礙三條市三
市歌舞歡何極二八妖姬去無力自矜僊妃
醒睡魂翻笑海棠少顏色海棠顏色艷方開
却訝西施帶酒回寶瑟銀箏淹下杜探鈎六博
醉章臺章臺客散日將暮藤橋別引武陵路彩
燕偏迴蹴鞠場嬌鴛故轉鞦韆樹蹴鞠鞦韆
映晚烟攀

花折柳慶韶年人生適意春應在豈必宜春平
樂前

美人燈下奪紅箋

吳宮鸞楮喫猩血豹髓燃花流絳雪班娘十五
春情切雙雙競向芸函揭步搖翡翠斷流蘇朱
櫻笑破聲嬌咽夜闌春冷繡屏圍凌風彩燕雲
裳劈五絲繫命心欲折莫教一段香霞裂沈郎
三月春信踈陽臺路遠芳魂絕流塵掩鏡奩空
結寶釧泠泠紅袖曳彤管輕搦無箇說鉛華暗
滴湘波寒無限愁腸剪秋葉

艷歌行

翠楣流日映香鞞綺閣雕雲錯象筵縷金細纈
九華帳雜繡斜鋪七采氈絲羽分黃開靨淺明
璫含艷綴珠鮮步出璇閨還自息手揭簾鈎半
藏匿沉花弄影撲蛾輝編香濯髮盤鴉色嬌盼
澄澄淨水華微津馥馥薰蟬翼金鳳穿樓曳彩
梯玉燕銜花墜紫泥欲攀秦女空中去怕遣仙
郎魂自迷仙郎出入披香殿飛轡乘驄人共羨

鷄舌噴烟近御牀螭頭弭節分宮扇勅賜龍盤
綉螯弧雙鞬血鵲金僕姑建章楊柳無全葉長
樂金鞍有的盧頭上貂蟬仍世胄腰間寶玦垂
花綬銅山借寵許鑄錢玉榻承恩親割袖碧桃
花發覆井欄暮暮朝朝作合歡鴛鴦寶帶為君
解鷓絃錦瑟為君彈滄海桑田隨變改願騎雙
鳳彩雲端

從軍行

秋草滿地代馬嘶海霜凍天胡鴈迷龍庭月冷

流殘角鷄鹿雲蒸暗鼓鞞白日關前鴉鵲集黃
昏道傍兒女啼將軍函犀出燕甸俠少投纓去
鄉縣受賑先過細柳營弭貂思擁葡萄宴烽火
西連胡塵起別有單于渡遼水七校爭傳舉百
營五官盡道開千里燕領雄才滄海濱龍媒戰
騎空山裏仰天歎息淚橫流彎弧直欲射旄頭
悲歌易水雲垂地長嘯胡天月滿樓井陘獻計
已不合齊門叩角誰見收老上繫組心未已骨
都蒙鼓願須酬彈鋏歸來氣欲漲登壇誰繫黃

金印邯鄲城中老，庶頗淮陰市上輕。韓信十載
王門笑曳裾，三杯拔劍目躊躇。水邊玄甲耀日
景，掌上龍文衝斗墟。長揖幕府託燕將，願借聊
城一箭書。

瀘江別趙舉人小洲

秋旻辰漢白雲消，秋江濤水紫楓飄。琴中奏曲
清，還怨陌上行人歌。且謠月華流影度，中峰桑
葉隨人落。上官將詔芍藥花，難就欲賦游龍調。
未終歡極乍悲黃鵠散，情多莫作白頭歎。連鑣

未解凌風臺把袂，重登却月觀的的流螢點。曲
池嘹唳別鶴嘯，羈雌淒雨侵朝分。北葉寒風一
夜轉，南枝桂館停雲識。已晚蘭舟隱浪去，忽遠
嵐氣霏微獨駕歸。波光明滅空筵卷，祥鸞欲自
覆棠陰。孤鳳誰憐在棘林，離懷難盡蜀山澹。交
思無言巴水深，芳芝已醉同居味。早梅願托後
來心。

秋夜荊州同年友王郎中携酒乘月泛舟
渺渺滄江萬里澄，浮雲盡斂大微清。水瀉寒流

天一色星連白露夜無聲寒流白露交相映湘
蘭沅沚開天鏡三峽泠泠濤浪遙五溪淼淼氛
埃淨竹影交侵潭月移花香不斷浦風吹江光
山色相吞薄春去秋來空寂寞春透金堤綠草
淒秋涵錦水丹楓落洞庭霜冷玄鴈歸渚蘭汀
芷任芳菲曉沉孤嶺畱殘月昏伴寒潮送落暉
錦纜牙樯去無已王孫棹入煙波裏玉簫吹徹
玻璃宮輕搖歌扇香風起年少詞驚丹鳳林碧
水常澆錦繡襟濯纓自聽滄浪曲擎盃時對芳

洲吟濁世喧喧俱可嗟何如江上臨丹霞朝發
清笳折楊柳暮橫龍笛落梅花更聽靈妃揮寶
瑟還逢神女贈瑤華欲看天上支磯石歲向明
河一泛槎

長歌贈張嶺山

張君十四著才名橫筆風烟動錦城二十射策
明光殿天子稱辭似馬卿憶昔江州識君面絳
唇綠鬢欣相見關門老吏歎終童金閨學士迎
王粲慙余衰薄悲秋風羨君文藻爭春艷輜軒

遙度碧鷄山清政曾留白馬縣只今重義酬相
知千里脩阻意不辭銀章華繡照顏色把臂宛
似初逢時泰山卑兮意氣高伊周事業歸誰曹
我今灌酒日欲醉世上萬事如鴻毛白玉塞黃
金闕丈夫聲名須早發心緒千層巫峽波相思
一片峨眉月

劉子素詩選卷之二

光州劉繪子素著

雍丘趙彥復微生選

東郡汪元范明生校

五言律詩

曉入左掖

九華初唱曉鳴珮入雲宮漏轉千門月鍾飄五
夜風飛旌清漢上交戟紫虛中聖主憐詞賦誰
當一薦雄

天壇候駕

霜鍾傳紫禁緹騎繞嚴城
樹拂星河靜花連炬
火明霓旌迎鶴駕月羽候鸞行
夾道千官擁精
裡協聖情

沙河行宮

金堤蒼靄動復道玉華連
殿敞從雲住臺高借
日懸勝岐臨鳳嶺象洛引龍川
花鳥忻宸賞含
輝待御筵

紅門晚眺西山蘭若寄翠禪師

丹梯拂玉繩鷲嶺俯峻嶒
月色連三殿嵐光度
五陵花壇應說法竹院已燃燈
何日天台路閒
尋出世僧

觀許八丈射獵

曉天霜氣斂獵騎縱山圍
碧漢風鷹急黃沙月
兔肥雕弓花外滿玉勒草頭飛
向暮歸程遠旌
旗映落暉

武功縣酬康對山

杖策武亭下蹉跎二十春
西來亦何幸猶見謫

仙人酒載黃山郭車迎漆水濱丈夫感知已轉
覺意相親

夜宿瓦雲驛

蕭蕭煙柳晚車馬入山圍驛舍寒燒燭征衣夜
拂塵竹風踈弄葉松月近窺人白髮高堂遠連
宵入夢頻

曉發鄧州望太和峯

新月分林影微星落野津穰城千里舊戍角五
更頻慢卷山前霧旌搖陌上塵依依傍巖谷

見武溪春

月夜舟中聽燕道士彈琴

花月逢仙侶停舟鼓太和飄飄綠水曲蕩漾白
雲歌卓女何情極田文空淚多一彈能洗耳何
必潁陽波

五言排律

贈同年孫季泉學士

東壁司文盛南郊獻賦嘉辭弘原博典學古出
名家皇覽搜三輔羣書富五車綠承宮佩草紅

奪殿袍霞香合芸臺霧清除玉案瑕珥貂傳七
葉塞鳳擘三花談行情俱失孫龍辨自差曠懷
窮惠子恢論屈田巴雛鳳聯丹宇神駒奮渥注
綵綸紹世美麟閣擅清華

冬夜西安魏太守招飲薦福寺十二韻

綵燈耀南陌花騎轉東林清籟開持性踈鍾動
覺心化城連塞障香閣倚城陰池接昆明近窻
窺繡嶺臨洞門穿水曲欄棧入雲深雪界龍宮
冷霜空鴈塔侵月來金鏡朗星落火珠沉祭子
投壺醉劉郎擊鉢吟玄風悟證果惠露滌凡襟
綠酒流慈潤清歌雜梵音四禪安寂歷五夜淨
蕭森忽念波斯偈神僧何處尋

草茵

結縷龍堤上分鬢鳳沼邊金刀裁上下玉尺畫
方圓白露溥柔葉微風偃秀妍無絲還勝錦不
麝自飄烟縫合鴛鴦侶光瑩翡翠連暖如七寶
帳軟似八蠶絲不是憐佳賞相逢又隔年

七言律詩

早朝贈蜀中李舍人

絳闕龍光燭太清
玉階仗馬繡雲縈
烟花萬井連星館
羽衛千廬繞禁城
鷄樹影含香霧合
鳳池波晃月華迎
仙郎託諫兼高唱
文藻爭傳似馬卿

省中餞王給事使平涼兼覲省蜀中

分曹喜接紫微東
諫獵封章誰與同
鷄舌近含雙闕下
鳳音遙出五雲中
崆峒花發迎新節
劔閣鶯啼拍故宮
明主只今方側席
莫將絃服戀

春風

春日早朝值雪

端笏晨趨鷓鴣行
仙風吹雪迓青陽
西山集霰搖天仗
東觀飄花裊御香
色奪苑梅爭鬪白
寒侵宮柳怯舒黃
侍臣共仰龍顏悅
曙館抽毫詠歲康

贈驍將白爵

旗入寒雲繞絳霞
功名三十建高牙
結交勇士多分賞
恨滅匈奴不問家
共指紅袍翻虎穴
獨

騎白馬出龍沙射鵬幾度鳴鉦後邊月昏黃玉
嶺斜

初秋錢都諫童官諭張司業諸公倡和走
筆評之

薦文有客賦長楊錦帙還宜秘苑歲月殿三花
傳玉葉星宮五色報雲章芙蓉水縟澄江影薜
荔風飄粉署香共荷聖朝無闕事相將染翰沐
恩光

塞上

漢家節使向金微五路軍書日夜飛白羽朱纓
徵上將火旗雲馬急重圍風高絃響騎胡騁月
暗營空死士稀誰挽金戈還耀景凌霄峰外振
皇威

昏黃塵色暗雲中都護軍前戰壘空魚鳥未銷
青海箭豺狼盡引黑山戎驕兵嘯月常抽刃上
將宣威未掛弓馬永憤傷梁鎮死飛狐壇樹泣
秋風

漢江晚渡

岸夾樓臺花霧暝近看沙燕撲蘭汀連朝雨氣
飛雲夢一片春波下洞庭湘竹堪憐煙杳杳江
籬不見草青青鳳歌人去扁舟遠漢水多情風
自停

渝州送別駕周子東擢工部員外郎

清華官屬大司空入掌輿圖職事崇黃綬新添
香署吏赤符舊有素絲風柳烟隨馬青門外花
露沾衣御苑中誰道風流何水部恩波已滿蜀
江東

中江道中偶寓華嚴寺

香閣何年結翠岑浮生暫得此追尋飄飄祗樹
千花散寂歷寒空孤磬音山鳥下堦窺淨業竺
僧留偈說冥心溪邊莫訝喧群鹿候吏催行近
竹林

重慶演武廠呈夏兵憲

森森羽騎漢軍營今日巴江已洗兵劔閣雲光
搖綵幕雪山寒氣上危旌桓伊笛裏關河遠庾
亮樓中風月清上將由來稱不戰談經時得引

諸生

琵琶

截得龍門一段桐響含清角與仙通鳳頭軸轉
分三象龍腹絃調應八風怨比湘靈添寂歷和
如綠綺覺倥傯誰家樓上吹羌笛愁聽那堪明
月中

催胡甥汝觀赴宣府兵憲

白豹關前鐵騎迎看君今日事橫行傳聞烽火
通三輔莫遣軍書出五營寒角曉吹邊月暗霜

旌夜拂海星明早將塞上風烟淨北望雲鴻報
楚城

鴈

搖曳高空一羽輕年年何事向南征雲邊結陣
經秦塞海上銜書度漢京風雨一聲客魂斷關
山幾處月華明上林矰繳須應避萬里常懸江
漢情

種竹

新移脩竹長琅玕曲檻周防早晚看疎葉含風

猶帶綠南枝映水不驚寒烟深暗養龍吟調醉
後偏宜鵲尾冠殘雪半消明月上幾回閒步詠
幽蘭

春日詠懷

春日曾看漢苑花長安自古盛繁華九重日月
懸天府百二山河繞帝家共道蔡侯來上谷誰
憐賈傳客長沙孤城此日高臺望鳥嘯花飛空
白嗟

涼州二月紫泥傳正是嫖姚出漢年玉塞雲橫

愁轉餉金河月冷斷鳴弦健兒戰骨黃沙裏突
騎摧鋒青海邊聞道飛書不論賞將軍灑淚度
祁連

蘆溝河畔暗塵氛疊鼓鳴笳禁裏聞北口烽烟
通朔氣山中戍甲亂胡羣關門空鎖漁陽月戰
騎誰驅狐塞雲安定城頭雙砲在揮戈尚憶石
將軍

絳紗籠白牡丹

隋家花藥未知名直到開元入上京帳外香魂

疑度影檻邊素質似含情紅綃偏映瓊華色彩
暈遙添雪月明分付今年蜂蝶道不須來往苦
經營

麗人

秦姬小字杜蘭香春豔粧成照杏梁笑點山櫻
初摘絳顰含翠羽半分黃飛裾怕看蜂腰折轉
扇驚聞鳳曲長指下慵彈碧玉調眼前不見侍
中郎

七言排律

春日遊張莊壽安寺

浮葉神功事杳冥逃禪靜業未難成自疑胡蝶
原非夢却與沙蟲苦細爭乍覩飛輪塵世隔不
須談偈慧心生兩巢海鶴留人話一樹山梅款
客情曲水遙連熊耳秀飛霞常控馬鞍明絳蓮
吐艷搖沙界青火含光照化城空鏡能通陰瘴
曉踈鐘先報夜峰晴杯涵紫筍香偏細塵拂寒
松風自清洗鉢池中諸水淨彈琴圖上萬山鳴
老僧日暮還相送直到溪邊不問名

秋日燕劉中丞池亭泛舟

遙山合浦遠華堂澹葉寒莎映綵航
三徑烟蘿含暮景一川霜菊媚秋光
旌旗未度青溪曲簫鼓先傳紫嶼旁
觸轉松風迴玉勒約開蓮霧盪
牙檣石當蔭竹垂雲影樹拂藜花
滴露香忽覩鑿渠歸藥圃乍窺雕
磴透芸房峰霞入酒深相感瀑水
沾衣濕不妨薜荔爭鮮牽舞袖芙
蓉故放送流觴白鷗驚去依新侶
玄鴈飛來續舊行染翰臨池逢逸
少裁詩紀勝有應瑒堤邊籍草

全蘭采林內攀枝半桂芳
訟府經時真潦倒習池取醉暫徊翔

五言絕句

都門送別

燕山橫壯氣易水動悲歌
送子金臺下愁看白玉珂

曉出潼關

四海已銷兵曉關險亦平
征人車馬出不聽曉雞鳴

秋夜登重慶澄清樓

排樹含雲態搖江動月華不堪楓葉落秋思黯
三巴

午睡

逸志看秋鶴雄心拂劍花翻翻俱蝶夢何必翫
南華

賞花送客遊江南

喧笑攀花會悲歌悵別期明年賞花處只恐動
春思

七言絕句

省中酬李都諫東岡

洞戶清輝柳色新泥書朝捧下星辰省中染翰
花生筆池上鳴珂玉作人

訪李吏部中麓不遇

春風幾度客京華每遇尋君不在家日暮垂鞭
獨歸去宜春苑裏見梅花

趙總兵卿見收

搏兔鷹睛勇冠軍金鉞隨鴈沒寒雲可憐白髮

馮唐老誰為飛書叩帝闈

邙山

常笑田文哭雍門不知生死是朝昏黃泉到處
英雄骨只歎邙山幾種墳

輓唐荆川

文章年少魁三禮伏鉞今時淨五戎未施奇策
傳玄兔空抱精誠貫白虹
欲從帳內應非熊羞向山中作臥龍身世漫隨
胡蝶夢功名不上景陽鐘

郊外

風前拉客看山藥雨後分僮護海棠却笑野人
無箇事四時風雨為花忙

晚觀海棠

臙脂鬪艷映斜陽含笑分明試晚粧繡幕正憐
妃子醉綠窻暗度返魂香

舟中獨舞

潯陽勝事似淮南仙妾凌虛作合歡上客不須
催晚櫂試看水鏡照青鸞




國家圖書館, NATIONAL CENTRAL LIBRARY, TAIWAN, R.O.C.

卷二
三

梁園風雅

助父

國家圖書館 NATIONAL CENTRAL LIBRARY TAIWAN R.O.C.



張助甫詩選目錄

卷之一

五言古詩 十首

七言古詩 十一首


卷之二

五言律詩 六十八首

七言律詩 五十二首

卷之三

五言排律 九首



七言排律 三首

五言絕句 六首

七言絕句 五十六首

張助甫詩選卷之

新蔡張九一助甫著
雍丘趙彥復徵生選
東郡汪元范明生校

五言古詩

河上寺

古刹臨峭岸下有千尺淵
開門見波濤洪汝左
右盤火雲垂到地
片雨掛前川
飄風自南來
爽氣洒稟頽
慧日俄回照
雙虹動我前
乃知炎蒸



地別有清涼山顧瞻諸天裏蒼茫一龍還

將赴姑蘇訪王元美

驅車東門道遙望姑蘇臺浮雲蔽金陵江流日夜哀冰霜被四野木落鴻雁來迢迢三千里中心愴以摧我豈不懷居畏此崦嵫催顧瞻戀丘墓江皋雙崔嵬九原不可作白日難重輝念茲情剝裂欲行復徘徊

經故下蔡城

丘墟已自悲况復值仲冬斷岸與敗壘烈烈吹

朔風初日浮嚴霜陸離生白虹寒光周遭射恍惚若行空市朝不可辨隴畝分西東肅肅雲中雁青青陵上松宿昔繁華地今為荆榛業野水縱橫流古木嘯猿狖何代無反復氣運有始終咄嗟路傍兒裘馬自言雄

夜赴中丞趙良弼約

驅馬出城門光景何超忽崦嵫在輪蹄白日俄已沒初昏歸翼齊久雨流塵歇淒惻草根蟲晶燦枝上月木落見汝海天際搖一髮悲風自北

來四顧秋聲發豈不懷晏息念此生離別千里
嵇生駕信宿王猷雪剡溪餘反棹陳留有遺轍
夜久星河沉于役心惞惞

自靜寧抵秦州雪夜山行三百餘里因賦
自我度涇原迤邐經旬雪晦朔安可知夜夜垂
明月暮抵隴干城稍見玄雲裂日脚下平地晶
光四相射還顧望崆峒宛與崑丘別汲爨快居
人裘馬爽征客酌酒就燈燭從茲萬里遠朔風
鳴枯枝中夜星河沒流霰扣虛窓飛霰點絕壁

負嵎豺虎驕能不驚心骨陰陽造化權向來何
趁忽

寒冬十二月積雪成山丘氣凝敵濁醪威宣失
重裘胡不一室卧而乃萬里游念彼河湟士負
糧戍洮州洮雲日夜黃隴水東西流枵腹而僵
立何以操戈矛功成歸主將千騎居上頭築城
秦無策和親漢貽羞名王今款塞小醜何足憂
寄語霍驃姚開邊非良謀

荅湛然上人

納節入玉關曰余知止足置身一壑中敢云天
下谷眷然江上峯飛來自天竺獨向五嶽外靈
秀蟠坤軸

誰將清涼境種此菩提樹枝葉披琅玕網緼沃
甘露有鳥名鸞鷟鳥一步一回顧文彩與秀色烟
烟開覺路

冬至

四運無停留萬物有終始晷景逐星移斗柄分
方指冥冥夜向辰朗朗天開子七曜會牽牛光

彩何靡靡急吹結流澌久晴深霞綺羲和馭靈
鳥咫尺迫濛汜天且弗能違人何以堪此時過
亦云悲陽生紛何喜一線漢宮長六管葭灰起
登臺望雲物四座俱繁祉郊原欲吐青枯槁漸
回紫如何鬢髮白永絕回鬢理舉觴謝春風痛
飲真吾事

飲梅樹下

皚皚山上雪盈盈園中梅以此開爛熳映彼積
崔嵬流光一以接天地劃生輝萬卉僵欲拆爾

獨盛芳菲乃知冰霜中陽春無停機矯矯凋儻
士組綬焉足縻同塵貽世譏直道乃禍胎所以
黃鵠舉其為燕雀嗤

七言古詩

憶昔行寄元美

憶昔中丞羅推轂燕市悲歌和擊筑功大條侯
反見收數竒李廣寧韓辱扣關轉蓬天帝怒從
此南雲首歸路慘淡蛾眉去桂宮浮沉鷄肋還
瓜步十年高卧虎丘峰落魄人間萬事慵說劍

天為垂紫氣投珠江與出驪龍歲暮披裘竿屨
擲何意微書來相通客星遙傍帝座明黍谷俄
驚王春及生也願身首陽餓再䟽不報疇能那
朝廷已叙伏波功海內爭起安石卧鼓吹秋風
滿薜蘿度刃如水夕陽多啼鳥夜繞將軍壘驅
鷁晨凌太史河開府漳流隨帶瀉羽林千騎叢
臺下帳外常山八陣圖懷中趙鐻連城價左輔
頻年勤虜塵甘泉烽火接東秦單于鳴鏑飛狐
口使者登壇白馬津只今致身提一旅會須滅

胡酬明主韋氏兩朝見玄成楊家四世稱德祖
思君楓老鴈行踈罷官錯莫黃金魚野人倚杖
三鴉路公子褰帷五鹿墟三鴉五鹿千餘里君
且脫穎予洗耳屈即尺蠖伸即龍諒為烈士當
如此

放歌為元美作

草木搖落夜兩霜朔氣吹塵天驟黃飛龍垂隔
愁河梁白榆歷歷田干將芙蓉斷碎秋池塘雄
飛不顧雌鴛鴦誰張天弓射天狼肌肉消盡敵
鷓鴣男兒那得鬪身強太行險阻盤羊腸與子
阻絕各一方縱有魂夢來他鄉百年旦暮苦路
長道傍有花金為裳誰其樹者陶柴桑我欲采
之荐君觴不辭金貂典杜康躊躇四顧轉悲涼
白日西匿無精光

王生削跡五陵豪家難摧眉隱蓬蒿道逢張生
呼竒士片語相投解綈袍胡姬壓酒珊瑚色左
手持杯右持螯吳鈎陸離天為高松聲萬壑回
秋濤肅肅霜空分羽翮傷心淚隕萑弘碧咫尺

無由接衣襟况從千古論肝膈北風吹天天欲
坼白日不照陵陽壁潞河帆影杳無迹為借西
江一日潮鷄鳴會汝長安陌

秉器自潯陽紆三百里而遙訪我於蔡汎
舟登樓三日而別為賦長歌以送之

憶昔夢君時君正在湓浦瀑布營掛匡廬顛白
日盤空響雷雨六傳如雲馬如風一夕飛度弋
陽東劍佩雄雌干北斗鹵簿雜沓搖長虹河清
難俟生能幾相逢那與尋常齒令尹望氣九十

日大史占星五百里是時三月袂襖過沉舟彷彿
臨銀河一一名花然夜雨雙雙紫燕掠新波
擊楫正爾乘輕浪酒酣復倚高樓望汝海淮海
吞吐生太室少室崢嶸上此地重添使君灘羞
殺山陰興易闌命駕寧孤鷄黍約開尊且盡布
衣驪長繩難繫羲和足殘陽漸匿西海曲踟躕
岐路立紫騮俯仰乾坤歌黃鵠君不見汲孺矯
矯當天闈內史治行真絕倫淮南振落漢卿相
社稷臣乃屬積薪又不見秋風夜渡松江口季

鴈託之尊鱸走區區身後千載名何如生前一杯酒
結交在心不在迹豈必班荆聯床然後稱
莫逆心苟不相知刎頸終何益鍾鼎山林通爲
一巢許夔龍各取適抗旌行矣暮天碧

為張生題趙子昂畫菜

誰種嘉蔬繞我堂峭菴青蔥照棟梁
須臾絹素發練光吳興筆力敵穹蒼
大者扶疎琅玕樹小者婀娜翡翠羽
便欲采擷媚盤餐山蕨湖蓴焉足數
老圃對之長歎息錯認當年手所植
甲坼

非關抱甕功華滋盡比東芻色
忽憶籬落栽培汝西風憔悴同
荆杞寂寞灌園於陵子爭似陽
春常駐此根葉不隨天運徙
雪片如席徒為爾

酬南海歐楨伯

歲星落天走天北酣歌忽傍金門側
片璧能當十五城隻身却掩三千色
論交時上黃金臺浮雲化作駿馬來
南海明珠臨夜動郢中白雪並春裁
自謂千秋長如此一朝投杼辭天子
賈傳生遭鵬鳥欺禰衡罪合鸚鵡死
薄譴幸承明主

恩秋風一騎燕丹村上書不救秦庭哭投賦難
招楚客魂貧賤交情如反掌醉尉公然縛李廣
故人厚祿斷鴻魚落日深山愁魍魎使者乘驄
下石渠袖中為出歐生書風雨冥冥來大漠虹
蜺宛宛繞前除憶爾徒步走燕國芟荷為衣薇
為食劔術羞從勾踐遊玄經乍許桓譚識生平
彩筆一何驕如驅羅浮來重霄易水澄為炎海
色金莖秀出銅柱標湯向張騫問北斗浮名浪
迹吾何有鄉心挂在仲宣樓世事付之河朔酒
還生此札邊風號千崖萬壑回秋濤落木飛鴻
亂野月羣星錯落少微高

河上追餞劉玄子

浮雲如榻灑如酒當筵意氣白虹走何為不飲
空騷首袖中靈藥長三花賦裏春風回五柳
單車匹馬千山秋一尊酒盡心煩憂岐亭黃鳥
悲相求寶刀不斷長淮水錦字遙裁明月樓

乾甫為馬墜傷其右肱戲為長句

白玉之鞭黃金勒沃若龍種大宛國投筆朝騰

兔苑東從軍夕秣狼山北曾隨博望窮禹甸崑
崙祁連眼中見返照陸離青海驄浮雲游颺吳
門練自憐男兒好身手綠駟紫駟吾何有憑將
斗劔試虹飛可怕霜蹄逐日走短衣雙鞬寒騷
屑酒酣馳騁正飄瞥原隰何意化巉巖駑駘無
端生踉蹌駭突驟爾學人立顛蹶周防非所及
章臺聊掩便面遊泛駕寧因名香襲變起肘腋
脫羈勒紫韉寸折如斷霓跌宕吾同一葉飄
奇爾豈五花敵是日重陽風怒號淮汝涵沸

洪濤翻思李廣南獵虎不廢畢卓左持螯君不
見庾翼鼓行輕秦楚安陵墮地色無忤又不見
杜甫隻字驚霹靂迸落瞿塘八千尺百年那盡
快意時英雄坎坷信有之且對黃花飲美酒休
管青霜上鬢絲霍然病已杖擲空走覓騏驎問
塞翁翁曰詎知不為福叔子折臂位三公

觀漲

三春亢旱日杲杲芳郊紅翠成枯槁無人不詠
雲漢詩有地皆切桑林禱如何刈麥始登場一

張言 卷一
雨十日難禁當嵩山破碎霹靂下汝海簸蕩蛟
龍翔觸蒼凌牖哀湍瀉飛電流光交相射蒼涼
朱夏似深秋冥濛白晝如長夜朝朝暮暮巫山
來散綵翻盆轉壯哉釜中游魚吹波浪堂上產
蛙翳莓苔水面恍惚集川后桐栢胎簪一培塿
蕭蕭雉堞繫樓船渺渺菰蒲懸楊柳桑田滄海
在須臾向來兩暘民何辜吾憑八翼叩清都為
君喚取三足烏嗟爾羲和胡為乎

濮公山送秉器歸豫章

濮公山下清淮流驪歌一曲增離憂即今戎虜
生郊野中丞帆掛五湖秋太原治師何訓整鴈
門飛狐罷烽警拊髀方深楓陸思病肺其柰文
園請便脫紫衣付酒壚旋買扁舟泛五湖投珠
那能辭按劍工瑟寧肯濫吹竽昨日花開競紅
紫今日零落隨泥滓眼前富貴亦如此長嘯歸
卧玉笥山依舊豫章一男子

張助甫詩選卷之一終



前言

卷一

十一

張助甫詩選卷之二

新蔡張九一助甫著

雍丘趙彥復徵生選

東郡汪元范明生校

五言律詩

早春偕高伯宗魏順甫二比部夜集李伯

承符卿

霜雪朝能霽琴尊夜可消寒辭三殿盡春入九

關遙北渚回鴻鴈南宮變柳條相將坐暝色海

月破烟霄

元夕賦得火樹銀花合

火樹排虛上銀花入暗開一宵春色到萬戶夜
光來對月驚飄桂臨風擬落梅莫辭歸路晚携
得艷陽回

寄黃太僕

閨寂惟高枕悲涼但濁醪石流西澗月山入大
江濤天地成孤旅風霜長二毛當年白雪調今
日向誰操

夏夜湯興

暝色蒼蒼至琴書燕坐幽虛窓偏駐月積雨自
生秋送酒陶潛徑栽詩謝眺樓三年淹客邸茲
意未能酬

暮春偕黎惟敬梁思伯遊韋氏山池

地湧習池水天清韋曲塵紫鱗驚觸岬白鳥靜
依人陰合溪初午香田逢有春予將甘薜荔爾
莫厭荆榛

拾翠行芳草攀花到石楠人烟還薊北亭景似

江南落照山山動微風樹樹含徘徊遲去馬碧
色起澄潭

題曹伯貞芙蓉亭

舊遊衡嶽畔楚女採蓮多落日青絲竿中流白
苧歌羅裙同葉颭丹臉逼花過明月歸橈去空
江漫綠波

送吳令之西河守

浮棹中流下山川信美哉西河如昨日吳起此
重來路出封泥谷城臨避暑臺邊關紛白羽悵

悵異時才

沙水流無盡浮雲去不還河橋方極目搖落正
摧顏春雨龍蛇火秋風雀鼠山帛書應念我飛
度穆陵關

得家書

道路豺狼隔鄉園鴻雁稀書纔傳片紙歲已換
春衣客久貧非病天長夢是歸無言頻徙倚郡
閣送斜暉

風

乾坤吹欲裂日月暗相從樹入千江雨霜流萬壑鍾湘山殘舞燕溪水矯游龍馭此冷然去天邊二室峯

待黜不至酒酣漫興遂作歸山詞

芳草將歸路浮雲不繫身檢囊惟藥物解綬一樵人歲月莊園夢功名漢闕薪君看麟閣上那得畫詞臣

長沙道中

詞賦無今古垂名半逐臣井仍傳太傅江尚識靈均月吐淮南桂秋生夢澤萼長沙楓樹老愁殺洛陽人

酌酒

一酌千愁盡悠悠土木身樓臺三峽月鼓角九江春山水私詞客衣冠忌酒人長安鳴珮者半是霍家親

題劉子真東山草堂

世路黃塵合名園紫蕨肥孤亭邀落日五柳帶空扉山抱風雲長秋隨雁鷺歸更臨池上酌積

翠滿人衣

下鬼門關入楓竹坪

行役何時已勞歌意有餘山田多種秫石澗不生魚桐子珠爭綴楓林錦自踈故鄉休更問難得武昌書

破石峽

石峽何年破嶙峋傍古城風雲開一華日月避雙莖岷水秋偏急巫山遠漸平相看回沈處或恐滯歸程

月夜過少衡

避俗臨幽社談經到子雲劒開當北斗琴至度南薰坐外有星聚尊前欲夜分今宵燕市月為爾倍清芬

七夕

明河南北注牛女限西東一水經年別三秋此夕同橋梁凝暮靄機杼淨高空獨有長門妾亭亭望不窮

汪山人白雲故居

孤亭依鳳嶺五柳俯漁磯雲是他年白人憐此
日非山川畱杖履歲月送芳菲千古徵君色江
天仰少微

送人南歸兼寄其弟

令弟青雲器仍聞落羽還斯人不顯達吾道轉
難艱歲月虞翻老窮愁范叔寒草玄今就否容
髮易摧殘

荅王元美兵憲

霜風吹白月誦汝泰山歌意氣回星斗淒清憶
薜蘿功名離亂損詞賦困窮多蚤暮春花發天
門擬共過

除夜

雪華餘徑竹春色改庭柯一歲窮悲盡孤臣感
慨多鴈聲歸紫塞客夢渡黃河把酒東風至憑
軒一放歌

將之湖南寄別吳侍御約卿

憶到相逢處翻增遠別情九江楓樹落一路暮
猿聲北斗臨燕塞南湖抱楚臣音書千萬里况

隔漢家營

別思滿蘼蕪遙看碣石孤
泉聲千樹徹山色亂雲扶
畏路逢人少時名與禍俱
只將雙涕淚畱作報恩珠

同邦陳泛漢江

百年常恨別千里此相從
野色杯湖醉斜陽曰水春
天傾歌岸樹雲載渡江峯
漠漠瀟湘北時吟萬壑龍

湘陰道中逢劉少衡分韻

栖栖安所適祇以負柴荆
一葉三江杼孤舟萬里程
艱危知國士貧賤損時名
未有長沙召還應愧賈生

古意寄遠

秋水畱丹照寒山減翠微
妾悲紈扇棄君忍帛書稀
老去星垂鬢愁來血染衣
片雲將客意遙傍故園飛

鑽天巖眺

鳥道躋攀入蠻烟黯慘生
高秋夔子國落日杜

引言
卷二
十
鷓聲樹杪繩橋直雲間火井明昭君村在眼駐
馬一含情

火峯

秋色高鷺隼歸雲護蟄龍竊家穴半壁鳥道閣
危峰麥隴分青細楓橋結綺重倦遊聊自哂渡
莫似臨邛

聞鴈

離離從北至肅肅始南征能使瀟湘水皆含朔
漠聲黃花籬外吐白髮坐中生是物關時序悠

然萬古情

飲陳從訓山房

仄徑緣山轉懸泉入戶飛分林排鳥道背閣起
漁磯工瑟從吾好銜杯與世違坐看明月上不
醉莫言歸

月夜飲伯俊書屋

霜月流清漢光輝動綺筵窓間開粉堞杯裏出
青天未穩林栖夢宜叅米汁禪關山曾十載爭
似此霄懸

陪秉器洪河泛舟

為待將圓月仍畱欲盡春桂舟初解纜桃水忽
迷津白雪觀濤賦玄經載酒人蒹葭聊作席鷗
鳥漸相親

詠石榴花

竒樹生西域何年傍汝墳漢槎孤欲到安石遠
能分暝砌輝丹日晴枝孃絳雲衰顏全借爾莫
遣落紛紛

乾甫宅待月

遙遲東溟月高齋坐不歸悠悠出地上稍稍覺
星稀兔抱虛輪躍烏懸破鏡飛舉杯邀共飲好
為照漁磯

簷葡

芳園收宿雨簷葡繞前除西域移根遠南風放
蕊初妙香疑雪霰艷色失芙蓉若竹空王供奉
花想未如

寒夜集朱儼之

華館面城開城陰落酒杯凍雲行且止棲鳥去

仍回竒字君能問微名衆所猜
過逢知不厭天地日氛埃

祇抱離羣歎寒宵坐欲終
朱絃流暗水紫劔出藏虹
搏自成吾散途寧為汝窮
陽春回至後似有北歸鴻

步過王園觀梅

冬盡仍餘雪尋梅信杖扶
興來東閣望關到此
枝無此地春風早誰家
夜月孤松林堪醉卧清
夢落蒼梧

發巴東

風激三潮澗天迷百里荒
山名多借水人語各依
方晚景黃花嫩陽陂綠
篠長霏微描雨色無乃
近高唐

得勝關

不覩南陽氣空瞻上將壇
寶刀看水逝赤幟與霞
殘喪亂英雄起風塵混
合難長驅當百戰豈謂
遂偏安

帝子元龍種將軍况虎臣
鼎存終復漢鹿失未

亡秦落日關河淚中原戰伐塵荒祠臨峽口千
古一悲辛

巫山漫興

峽裏天何細沙間路轉紆雲從江面起雨到嶺
頭無鄉國遼東鶴朝廷葉縣鳧即今違旅病不
是著潛夫

經葛陵廢縣

禾黍今如此關城安在哉竹疑龍未去人似鶴
重來兩色含荒野河流上古臺仙蹤猶寂寞何

處問蓬萊

秋日偕陳道易見甫集寵甫山亭

結社竹林邊幽棲碧草前雲生常繞戶木落漸
開天不閉求羊徑高吟鮑謝篇此中堪避世兄
弟亦忘年

社日舟中晚望

水溜圓紋起風高曲岸摧占沙鷗哺子垂野稻
含胎晚飯蓴鱸具初衣薜荔栽客星如有意的
的向波來

江漲玩月

斷續雲連影霏微月送光
楓丹寧借雨榆白不
關霜樓閣侵星出波濤
接漢長驚烏看漸起有
意作津梁

卧病北村

明月離東海遙登高少山
天垂金雀鏡人老玉
門關鴈影音書外砧聲
霜露間漢家頻選將蕩
子不知還

孟真招飲莫愁湖戲為艷曲

莫愁不可見湖水日澄清
舉棹鴛鴦起翩翩度
石城綠楊留舞態寶瑟想
歌聲惟有巫山妾堪
知暮雨情

淮陽道中

朝雲常作雨春水易生潮
囊有浮淮賦村餘渡
海橋桃花疑馬妬桂樹學
人搖寂寞空山裏離
魂黯自銷

與李汝齊觀濠梁泉

行樂春泉上開尊午夢餘
但知吾是蝶莫問子

非魚鬢髮驚心短山川過眼虛蒙城遺宅在傲
吏爾何如

過劉孝伯

久坐殘更漏開門月似霜吳鉤織自由秦鏡破
仍光河漢堦前沒關山雨後涼不因林鳥起猶
自戀餘觴

李易二廣文過草堂

罷官茅作宇窮巷席為門二妙連鑣至餘集圃
壁存蓼花紅吐日竹葉綠當尊不厭漁樵事相

將過別村

山陽道中

參差不可狀石勢似相攻已訝前山寨俄看大
壑通貫魚人入谷旋蟻馬行空蜀道雖云險分
明在峽中

邠州謁太王廟

一代貽謀遠千秋廟貌崇艱難開帝業稼穡代
天工已著居戎化兼傳避狄功至今遺俗厚彷彿見邠風

飲盛將軍園亭

莫道邊州惡賓筵殊可誇紅鹽供濁酒白乳點
新茶月上將軍樹星懸使者槎更言胡樂好爭
為進琵琶

海石灣水漲不得渡聞董使君已發湟中
有作

誰策重溟石嶙峋破白雲水如穀洛闢人似女
牛分一柱虹堪立千溪雨乍聞投荒吾豈恨且
為惜離羣

度黑山

未離青海畔已渡黑山山巔蔓草軍營沒浮雲客
騎懸亂峯爭落日羣木戰秋天縱有中原信誰
從萬里傳

谷中丞李次溪時行邊原州

絕域蕭關道中丞節制師威聲分鶴唳陣法演
魚麗王粲從軍賦呼韓保塞時隴西門下客意
氣自君知

月夜與諸子談莊子

列言
卷二
宇宙三江北風烟二室南玉笙歸子晉白鶴化
蘇耽積素明秋水流光變夕嵐濠梁天鏡裏幻
出百花潭

汪懋叔至同賦

積雨生秋氣驕陽避雪臺以君千里至值我一
尊開徑竹分風進漁燈代月來新安山水好臨
別幾徘徊

送道士謝玄珏之楚尋師

行矣將安適秋風此送君尋師依鬼谷採藥去
人羣野飯山山石春衣處處雲何時維嶺上笙
鶴一相聞

夜

戍鼓荒城靜商歌落葉微露臺天四攬霜砌月
交輝遲暮如冬日蕭條只釣磯枯心消不盡化
蝶夢中飛

雪中同社諸子來訪

豈發山陰興來尋處士家雲將天一色雪與鬢
雙華地僻初聞霰林幽忽着花君能竟此曲寡

和未為誇

夏日同閩汝用曹季虎見甫乾甫震兒咸
兒滋蘭園泛舟

扁舟臨汝海小築儻山城揚柳分堤映芙蓉與
岬平鴉投斜照去魚遡上流行都遣風塵累菰
蘆過此生

香雪閣晚眺

乾坤隨杖屨秋氣動蕭森浩蕩軒楹敞縈四草
樹深水烟晴覆渚天籟靜依林病起看鷗鳥知

予海上心

七夕

痛裏雙星夕愁中三伏過蛾眉登片月鵲羽斷
明河無復穿針興誰當乞巧多燈前兒女笑吾
醉亦長歌

七言律詩

同元美子相登高樓

桑乾如帶抱長安萬里中原掌上春到三關
餘積雪尊開二月動微寒徘徊玉樹凌風迥咫

尺金莖賜露難同是登臨君有作淒其非土罷
憑闌

寒食有感

空齋禁火憶長安上苑烟花北極看當日故人
俱喪亂各天生事共艱難城頭萬樹春垂暮兩
外千峰晚更寒零落隴梅愁寄遠徘徊殘照立
江干

郡閣送見甫南歸

閣外千峰滿翠微閣中相送淚沾衣層城一葉
迎秋下萬里孤帆帶雨歸人渡黃河南鴈共身
留紮塞北書稀寒雲片片堪攜去好向青山護
蕨薇

飲劉應麟芙蓉洲

小閣荷香拂酒清芳洲窈窕夕風輕亭亭破浪
千枝出冉冉窺人並蒂生旋有吳娃歌白苧如
從漢署望金莖一杯欲上芙蓉露無那浮雲蔽
鳳城

喜元美開府鄖陽

春陵南去鹿門西，烟月春來艷大堤。
忽枉美人青玉案，遙傳樂府白銅鞮。
佩刀卜相千鱗長，簪筆生花五色齊。
那得便從登峴首，與君痛飲醉如泥。

漢江汎舟留別元美得灘字

夕照樓船鼓角寒，尊開江漢已春殘。
來從嶓冢三秦拆，瀉入潯陽九派寬。
副相虎符今下瀨，使君魚服舊為灘。
却愁分手黃姑渚，一水相思永夜看。

送伯宗高比部為景府右史

方城紫氣鬱嵯峨，帶礪今看帝子過。
礪指衡山為泰嶽，帶還滄水作黃河。
朝廷禮數元王異，賓客文章宋玉多。
在昔曳裾應不賤，休從華髮怨蹉跎。

五日有感

欲典春衣舊酒樓，汎蒲忽憶楚江頭。
千帆簫鼓魚龍曲，一水芙蓉鸚鵡洲。
歲月獨醒人所厭，風塵多病自堪愁。
孤城寂寞燕山暮，回首瀟湘是

壯遊

書陳道易屋壁

結構茅堂汝水東，中流汎月若乘空。
逢人不下梁間榻，避世還如河上公。
古木深深畱宿雨，遠天漠漠動秋風。
武陵未許漁舟到，烟鎖寒塘萬竹叢。

自壽春鎮發舟

禹廟山前雁影稀，乘龍洲畔鷺交飛。
落霞倒掛珊瑚樹，密藻斜牽翡翠衣。
立水鮫人還墮淚，驚沙鷗鳥未忘機。
莫將短髮愁中盡，蝦菜西風待汝歸。

寄羅虞臣

瀟湘苦竹入秋斑，芳草天涯隔楚關。
慷慨功名三黜後，蹉跎歲月二毛間。
愁腸盡斷相思水，淚眼初經大別山。
病客何曾投彩筆，不知誰遣護征蠻。

元日雪示見甫弟

朔雪霏微滿洞庭，踈烟寒霧畫冥冥。
如攀嵩少

三花樹恐滯鈞天一葉蕘江海頻呼鴻作弟播
遷到處客為星孤臣此日瀟湘上悵望汀洲草
色青

送王使君提兵入蜀

巫峽秋聲灑灑孤王導叱馭競前驅洗兵雨淨
三苗國吹角風高八陣圖棧道燒殘西極紫巴
山開盡巨靈趨懸知劔閣題名處還與燕然片
石俱

送劉夔菴之鞏昌

六月長城擁傳過九邊秋色傍人多杯行西夏
葡萄酒曲進涼州水調歌乘障虜應清玉塞尋
源地欲盡黃河書生自有犁庭策未許天驕為
請和

題潘中丞畱餘堂

副相臺成茗水濱捲簾山色拂題新風雲不散
三江氣棟宇常含萬古春已借餘波為雨露更
分未照動星辰漢家韋氏遺經在此地因君憶
古人

張言
卷一
寄懷河道潘中丞

兩朝開府岱山隅十二諸侯泗上趨
宇宙再通滄海貢星辰初兆泰階符
流言正復居東土散地端應泛五湖
明月天西高欲墮為君投作報恩珠

進瓜步新河贈潘使君

天風蕭颯佐揚舲兩岸春回萬柳青
疊石已堪殘北固引泉似可辯中泠
三江芻粟今虛遠九塞烽煙豈盡停
自是憂時兼報主可知潘鬢欲

星星

過壽春贈南叔後

五馬騫騰帝故鄉依稀春色賦長楊
侍臣縱作東方謫太守還如北海狂
佩有龍鱗新賜劔含餘鷄舌舊分香
由來池上神仙吏領郡猶堪下鳳凰

自芙蓉洲登仰止岡

孤臺千尺枕清池十里芙蓉入鏡披
桐柏水寒生月早木陵關迥度鴻遲
感時謝病游梁苑失

張詩
路悲秋續楚詞若向登高論作賦一時綵筆自
君知

元美邀飲道院

江漢雙懸幕府清還因多暇訪蓬瀛層軒遠有
涼風入片雨遙侵落日生林外白雲供酌酒道
傍黃石佐談兵可知子晉元仙骨欲去猶聞鶴
背笙

除夕隴西道中

隴西之水何濺濺此夕遙聞獨泫然星斗漸殘
孤戍外人家忽盡大荒前悲風鼓角天將曙絕
塞干戈客未還縱使今宵猶可續那能白髮再
為玄

徐司馬撫浙鳩工捷石海塘功成作詩寄
之

河渠太史謾勞裁精衛千秋枉自哀日上扶桑
開島嶼地臨樵李出蓬萊鰲簪忽送三山石蜃
口遙分萬里臺不獨揚波清海恠會看重譯越
裳來

鞏西驛寄李本寧

麥秀空城馬去遲書來相慰正相思風塵忽灑
羈人淚關塞長畱幼婦詞片月隴頭天在水孤
笳日暮鬢成絲明朝又作秦吳別寄爾淮南桂
樹枝

贈鄭山人

秋杪孤城歛夕烟君來貰酒坐霜天丹青眼底
驅曹霸著作人間老鄭虔繞榻脩篁晴共語近
燈叢菊夜爭然預愁明日扁舟去繫在柴門五

柳邊

過黑松堡

山畔松林黯戍樓征人一望一回頭峯留餘雪
長侵夏穴吐驚風只似秋戎馬未消仍轉戰芻
糧盡減尚誅求前朝故壘今猶在寂寞何人拜
徹侯

別南陽匡倅

匡衡抗疏大名垂何事雲霄竟一麾再借南陽
為召父曾行澤畔似湘纍風塵舊德收能晚宇

宙新知別更悲，賴有離筵尊酒在。為留殘日盡餘卮。

中秋次武安值雨同乾甫夜坐

去歲祈連月似霜，中原今夕剩悲涼。嫦娥自老浮雲影，烏鵲虛疑永夜光。閨闕關山飛玉篴，蕭蕭木葉下清漳。空齋浙瀝懸秋雨，濁酒青燈夢故鄉。

午日同伯峻及弟乾甫登使院山亭時伯峻將歸

嫩槐乳燕逗涼颺，佳節登臨晚不遲。星宿暫同荀氏里，風煙兼似習家池。峻嶒病骨三年艾，潦倒篇章五色絲。蒲葉青青堪繫馬，驪駒歌罷欲安之。

陳晦伯庄

楊柳菰蒲積遠汀，川原斜抱草玄亭。居然汝穎多奇士，况是陳家聚德星。雨後花爭千樹發，晚來天合四山青。問奇載酒無虛日，可得江潭問獨醒。

同熊憲副登秭歸樓分賦

樓上西風鬢有華，憑欄落木滿三巴。
山川熊繹開周甸，歲月張騫老漢槎。
白日嵐光千雉伏，遠天江色一龍斜。
孤臣索漠無人住，惆悵關門起暮笳。

城頭月出照高唐，城下江波白練光。
驚鵲頻翻巫峽樹，征鴻群起洞庭霜。
庾公自愛乘秋色，王粲深悲滯異鄉。
為惜天風吹玉笛，招呼黃鶴共翱翔。

登太和

天柱峻嶒帝下都，高標回日礙江湖。
人間五嶽堪今古，海上三山竟有無。
試劔石分雙電曳，展旗峯迥七星扶。
匡廬祇在藤蘿外，已見香爐湧座隅。

薜荔春深覆鷓冠，千峯雨色向人殘。
露分金掌秦關細，雲接蒼梧楚塞寬。
滾滾懸流天並墜，陰陰灌木晝生寒。
憑高彷彿長安近，徙倚星辰直北看。

于臯張武庫燕武威東湖

城邊千樹夾飛湍，湖上孤亭鎖暮巒。
抱石雷霆晴自激，侵階霜雪夏生寒。
即妨鷗鳥猜津吏，却傍秋風採澤蘭。
把酒忽驚西極遠，回看月出是長安。

偕本寧于肅邸觀冰燈

重鐸臺前夜可憐，况逢楚客雪為篇。
光分玉樹寒相照，色借青藜晚並懸。
星斗高街雲母轉，芙蓉深映燭龍然。
知君錯擬金莖露，却憶承恩侍

從年

盛汝光齋居道觀值雨

齋沐聊從白鶴羣，仙臺清磬隔花聞。
秋山隱几過朝雨，古殿焚香駐暮雲。
漫侶赤松思辟穀，且師黃石試從軍。
清時暫爾無烽火，習靜桃源獨有君。

逍遙園訪穆敬甫

逍遙園裏傲烟霞，真作蒙城吏隱家。
豈少歌鍾過北里，自緣天籟領南華。
為魚潏潏遊春藻，化

長詩

卷二

廿六

三百十八作

蝶箋箋坐晚花暫息扶搖無不可肯將清淚怨
長沙

題林泉晚適卷送叅知范公歸豫章

江鄉無處不堪憐山下楓林山上泉泉吐驪珠
邀夜月林橫翠幄駐朝烟歸帆好趁桃花水招
隱初栽桂樹篇為向卿家論故事高風長在五
湖遊

送李侍御按滇

把酒登臺豁大荒昆明萬里坐相望久從東井
占星使客自中秋度夜郎遂有霜凝驄馬節旋
令瘴淨碧鷄鄉可知紫殿虛供奉柱下誰如李
伯陽

題潘中丞讀書臺

鼎山千仞洞庭傍更結精廬在上方樹杪女牛
雙宿近階前茗雪二流長春風芳草抽書帶夜
月梅花伴籩床曾是中丞吟咏處石林一部奏
清商

楊太宰桃花山嶺

一枝遙向禁林分
晝漏春池曳履聞
自出秦源登上宰
幾回漢綬侍明君
玉盤王母千年實
瓊樹瀛洲五色雲
碣石宮前滄海畔
天風萬里接清芬

送劉大將軍自朔方移鎮甘肅

頻年款塞借前籌
移鎮君恩覺更優
馬上饒歌吹漢月
軍中舞曲按涼州
三城初罷防河戍
五郡重迎定遠侯
為賦陽關杯酒句
霜風瀚海正西流

余既列調籍出關而曹中丞以薦自張掖以七言近體來唁遂荅之

解組東征萬里餘
翻從羅雀見幽居
故人遙送陽關信
逐客空傳上蔡書
去國那能明薏苡
歸家猶喜及尊鱸
天涯興盡方回棹
不是文園負子虛

立春日寄贈何啓圖宗伯

憶爾容臺侍至尊
茲辰綵勝正承恩
衣冠八座登南省
綸綍三朝寄北門
雪後梅開何遜閣
春

來瓜種邵平園扁舟泛泛桃花水穩坐淮流一
晤言

送邵叅知子元入賀

謝傳東山起未遲歸朝三接荷天慈殿前皎月
懸金鑑空外流霞漾玉卮使者逾工驄馬步上
林全借鳳凰枝相逢無地還成別他日雲霄祗
夢思

綠萼梅

聞說仙人萼綠華嫣然來自太清家先春葱蒨

渾疑葉餘雪依稀尚着花夢裏玉顏何皎皎風
前翠袖故斜斜憑軒遙上羅浮月縹蒂相看醉
紫霞

送文學秦京使靖藩報訃

單車萬里問征途半在山峯半在湖粵嶠風雲
開赤社湘川涕淚滿蒼梧中原地盡蠻烟合大
海波翻東郡孤爾自遊梁誇照乘不知何似日
南珠

哭司寇王元美

麋子城邊漢水清西征魯醉亞夫營陽關一就
乾坤別峴首長懸宇宙名忍把和歌裁楚夢難
從與國問齊盟何知深語南樓夜已是千秋永
訣情
四部遺編盡體裁微言百萬走風雷劍埋紫氣
衝星上龍化明珠湧月來不必名山藏副本豈
應吾世失仙才招魂莫有巫陽至今日江南重
可哀

送錦源任使君拜回卿兼觀察之秦

露重秋高萬木酣離筵楊柳尚毵毵功名河內
仍關內風化周南復召南雁塞定應須上策馬
曹兼不廢清談酬恩俄灑鮫人淚戀別那停使
者驂

題鄭戶部思成招隱園

卜築名園碣石東去天尺五五雲通池流薊北
桑乾水堦擁淮南桂樹叢谷口風烟邀結駟小
山日月遲冥鴻金門大隱稱仙吏漫向虛無憶

八公

賦得秋夢

羅衣窈窕怯飛霜
少婦深閨夜未央
萬里長風吹旅雁
三邊明月照沙場
逡巡似識金微險
展轉那禁玉漏長
相見定然悲遠別
不知枕上是遼陽

張助甫詩選卷之二

終

張助甫詩選卷之三

新蔡張九一助甫著

雍丘趙彥復徵生選

東郡汪元范明生校

五言律

武安遇吳約卿侍御夜酌分韻得公字

鼓角蜚狐北乾坤鉅鹿東尺書三歲隔斗酒一
宵同芳草悲王粲青山憶謝公揮戈堪駐日彈
鋏競飛虹地束千崖立河盤九塞雄恠來涼意

動白簡解生風

寒食

勝地君山酒佳辰禁火天春生三峽道風裊一
湖烟岸柳波相射園桃日對然分嵐開疊嶂承
瀑起重泉走馬章臺畔呼鷹夢澤邊人依芳草
醉舞藉落花憐流水聽為曲朝雲望是仙遠鍾
江際寺返照雨中船介子恩元薄長沙席未前
歲時還蹴鞠習俗且鞦韆埋沒蒼龍劍淒涼白
雪絃泥塗十日累貧病半生捐伏枕頻胡蝶沾

襟只杜鵑于今霄漢上誰復問張騫

飲伯庸奉常山亭

地引東山屐春生北海尊尊湖浮畫棟瓜地隔
青門雙燕衝簾語羣峰入戶蹲草芳王粲宅花
報武陵源曉霧文玄豹寒煙嘯白猿池龍堪化
杖階鶴可乘軒人帶餐霞色巾餘漉酒痕賦驕
十二峽書著五千言避世初依桂忘憂或藉萱
風塵難出處流落信乾坤染竹成湘淚衣蘭似
楚魂會當因病免歸卧茂陵園

除夕阻風嘉魚

壽命非金石能禁歲月徂獨身千里外一夕兩
年俱鬢益他鄉白顏消昨日朱烈風吹峽轉逗
雪入江無梅與冬齊破鴻將夜並孤霜乾雲夢
澤冰合洞庭湖春色遲楊柳寒光上鹿盧已甘
蠻府老但作步兵呼宦計卑詞客時名避酒徒
明朝春水起張翰會歸吳

丁卯元日夜行魚山道中值雪

驛路魚山北人煙象港東君恩還使者客鬢又

春風雨雪江華淨關河夜色同玉兔移月兔練
影變雲鷗懷璧藍田裏探珠合浦中崢嶸干樹
曉浩蕩萬家空興似王猷盡途憐阮籍窮白交
梅送盡青圻桂留叢授簡虛梁苑裁紈棄漢宮
不知元日至貧病正書空

送見海翁中丞拜少司空入朝

新命提兵馬專征大海隅風雲隨指顧宇宙失
艱虞一劍千金報諸侯四鎮趨戈矛通碣石組
練下江湖方叔能軍久蕭何轉餉須蓮花鋒裏

出楊葉箭邊無開府功名大朝廷恩澤殊精靈
從嶽降羽翼薄天孤八座當玄武三台應赤符
啣魚原有兆身是及門徒

紅門山

朱鳥臨南極丹魚出夏泉豈如茲境絕直上與
天連白晝常留電中峰迥聚烟近溪疑日浴着
樹似花然錦繡文何麗金銀氣獨鮮未為勾漏
令已涉祝融巔霜葉堪相妬寒梅轉自妍片紅
雄劍外不夜古城前道路紅顏歌雲霄紫禁

瓊琚無可報空賦四愁篇

晦日同見甫弟泛舟省中小池

徑草縈春色江風逗碧流興疑剡溪發人似武陵
遊雨歇千花滿雲開一鏡浮沙虛天在水岸
轉樹乘樓池鎖君山翠亭巢夢澤鷗坐看正月
破落日倍生愁

閏十一月晦日集大呂社

閏月倏然盡陰陽不肯停仲冬回塞鴈晦日落
階莫風燥千崖翠天分四座青歲時驚過電朋

好叶占星杜預春秋癖稽康土木形誰能揮短
景暫為駐頽齡

七言排律

奉酬子順春日見憶之作

雙鯉俄傳漢水濱遙緘尺素問沉淪風烟涕淚
瀟湘遠歲月艱危放逐頻衰鳳羽能終戀楚敵
貂羸得且辭秦歸來多難無青鬢老去相思滿
白蘋羨爾雄飛關社稷貽予高唱動陽春草芳
鸚鵡題詩處秋滿蒹葭載酒辰取醉幾曾妨落
帽罷官猶自為雲巾一麾已是池中物三黜真
同柳下人獨歎飄零星作客深悲遇合興如神
江湖寂寞音書斷悵望雲天鴈影新

奉酬穎使君春日見憶之作

抗疏明時鬢欲班渚宮旌節杳難攀桃源解迓
神仙吏楓浦疑臨法從班白日傳經開絳帳清
秋飛檄定烏蠻春申門下三千上暮兩江邊十
二山獨送征鴻歸楚塞正思遷客度函關中原
河嶽孤帆外南國樓船夕照間愁借漣蘭絨別

引詩 卷三
恨淚移湘竹上
誰顏長沙賈傳徵
何晚彭澤陶
潛去不還紫氣雙
衝星錯落朱絃一
奏水滸淺
子虛已動君王問
屈指天涯見賜環

南明精舍為淮海中丞尊人賦

風塵解綬一憑欄
海上浮雲萬壑看
台嶽賦留霞並爛
蘇門嘯罷月俱寒
當年佐郡推孫楚
末老逃名似謝安
白雪自知能和寡
青山誰道欲歸難
垂楊繚繞陶潛宅
短髮虛無貢禹冠
棠木暫應齊鶴馭
枕流聊復與龍璠
秋高八桂吟涼雨
日落三苗起釣竿
經術向來稱漢闥
玄成之子見再登壇

五言絕句

送柳公子兄弟歸廬江

二月看貂裘雪壓關
河道舉頭憶梅花
低頭見白草

細雨維舟處
他鄉送客時
愁將花片片
恨入柳絲絲

暮冬雷電風雨驟至因以識異

巫峽沉沉動冬雷亦震威遙看雲霧裏似有蟄
龍飛

雨不絕

泥塗吾不厭河漢汝應愁自罷張騫使無人問
斗牛

捷軍山

西望玉門關心從落日還烟塵一萬里初度捷
軍山

古鄴得本寧河州書約會積石回題十字

云欲語多時別先愁計日回悵然賦此

蝴蝶為莊周杜鵑是望帝豈無羽翼生自顧生
無計

七言絕句

寄元美

憶君落日獨登臺雲斷天空海色開縱有雙魚
論故舊黃河不過薊門來

答元美

使者朱衣佩紫魚翻從幕府得閒居池留明月

頻酌酒門閉蒼苔好著書

昨夜烟霞夢岱宗與君明月坐秦松共攀秋色
窺滄海刻却東南七十峯

喜吳明卿至

楚天秋色削芙蓉明月時登五老峰一自投珠
江水裏至今不敢卧驪龍

送陳于舜使君之越同高伯宗魏順甫雜
賦越中古跡

湖上千峯黛色流湖中明月藕花秋女郎十五

春相向採得芙蓉誇並頭

過城南別業

樹色蟬聲雨更幽誰吹玉笛倚南樓不知天末
涼風起怪底梧桐葉葉秋

初春訪吳士明明府不遇

山雪初晴鴉亂啼春風遙度五陵西長吟落盡
峰頭日獨掛雲帆下剡溪

送胡殿讀子文自廣平別駕之南岡丞

霜落河橋斷柳枝踈踈寒雨度山遲他鄉放逐

相逢處多難飄零獨去時

得吳侍御上谷書

蕭瑟書封易水雲開緘字字照斜曛當時擊筑
長安者數到窮交獨有君

九日登滏陽城樓

雉堞高臨滏水前霜空楊柳淨寒烟緣堤無限
黃金色恰似江南二月天

送邵仲學州守之隴西

嵒塚山前漢水流乘槎還擬到牽牛支機倘為

張騫贈分得明河一片秋

宛丘道中柬林使君

平臺高宴日銜杯應教俱稱上客才善把子虛
誇漢主梁園那得馬卿來

戲贈張京兆

千絲楊柳鎖秦臺春盡飛花覆綠苔向晚西樓
纖月掛爭傳張敞畫眉來

於巫山得乾甫弟漢陽書却寄

一夜猿聲足白頭可堪峽裏度三秋無端灑淚

引言
卷三
九
臨江水任是魚龍也解愁

堯灘阻風宿江上禪舍

碧殿朱甍勢欲翔半臨山翠半滄浪龍宮自覺
風濤異一夜江聲抱石床

留別陳思俞兼答送赴涼州之作

胡天不斷朔風來自草蕭蕭畫角哀一曲涼州
歌未罷黃雲飛上赫連臺

紫霄峰

禹蹟橋邊詠紫芝半空斜照雨如絲春陰不散

香爐氣勺水雙開日月池

五老峰

群山江上列為屏窈窕烟蘿出磬聲最是慙慙
惟五老歸時相送到時迎

桃源峰

一丘一壑坐銷憂洞裏秦人半白頭四月桃花
綠澗吐始知春向此中留

黃羊灣

峰如蹲虎水游龍千仞飛湍落暮鍾十月清霜

露萬壑中天秀色削芙蓉

渡河曲

星宿遙分九曲河西來秋色入秦多尋源不是尋常使河伯先澄萬里波

涼州曲

流沙西接暮天平大閱今開細柳營星海月支俱屬國何方不起受降城
霧下葡萄萬顆明笛中梅柳一時驚朝來馬上饒歌曲翻出涼州水調聲

嘲劉考功不飲

楚舞翩翩間楚歌春城明月共婆娑今宵不醉新豐酒明日風塵可柰何

登廬山絕頂

呂公祠畔雨初晴霞綺繽紛似赤城遙見山頭鸞鶴度天風吹落玉簫聲

寄吳約卿侍御

汴水黃河左右盤隋堤楊柳畫中看吟回少室三花色書破淇園萬竹寒

送王憲副入覲

竟陵春樹鬱蒼蒼
漢水千秋作帝鄉
一自大風留幸沛
至今雲色盡飛揚

巫山送胡正甫歸秦和

巴水巫山學字生
客星中夜照江城
只今看取維舟處
已是嚴灘一樣清

叔後見過出小危行酒因以為壽

聞道君家華嶽東
曾過酒肆挾雙龍
秋來一酌芙蓉露
醉殺天邊玉女峯

病中謝德臣惠橘

湖南秋盡橘初黃
采采猶含楚澤香
羨爾能將三百顆
病中相贈洞庭霜

藍田道中

山山雲氣上摩天
散作瑤華萬樹懸
但覺夜光能照乘
不知身已到藍田

金城關寄見甫乾甫

絕塞千峰過雨新
題書寄汝淚沾巾
黃河直入中原去
愁殺關門萬里人

謝本寧餉羅

織羅一束捲春烟分得瀟湘半幅天裁就單衫
歌樂府江南白紵是新篇

巴州驛

子規啼罷塞雲愁川口風煙似暮秋一夜雨聲
千澗水不知何處是巴州

張掖午日

佳辰尊酒薦菖蒲絕域孤臣醉自扶十萬天驕
新款塞不須身佩辟兵符

春暮自甘州回署見杏花有作

晚霞遙逗杏花生微綠風前柳色輕獨把一杯
身萬里不知今已過清明

首夏偶成

春老邊州未見花黃羊川北盡黃沙長城落日
多風雨可得征人不憶家

送李直夫回鄉自張掖入賀

仙掌雲間秋色開扶桑初日照蓬萊曾經太華
峰前過為上芙蓉露一杯

引詩
卷三
十三
顧使君招飲露臺

天擁孤城列宿重古臺秋樹度踈鐘尊前月落
林鳥起一道明河墮碧峯

寄本寧

鴻雁西飛落景殘尺書相憶在樓蘭霜空一片
關山月分送孤臣兩地寒

肖甫少保破虜凱歌

漁陽突騎若雲屯大鉞高懸殺氣昏十萬胡兒
齊解甲一時面縛向轅門

余有別業去洪河數十武與汝海相望也
種柳夾岸築樓其上敬美匾曰綠波并系
以詩海內同志屬和者多秉器自貴竹復
貽絕句作此奉酬

五柳柴門日日秋西風吹浪拂層樓千絲婀娜
飄難定似識當年折贈愁

月夜聞笛

十載臯蘭三出師角巾歸第鬢如絲那知今夜
關山月却向中原笛裏吹

送鄭憲使開府上黨

亭障如林日荷戈太行西去見黃河谷經雀鼠
旌旗滿城繞光狼雨雪多

舟中夜別子順

驪駒一曲斷晴雲况在孤城可忍聞萬里瀟湘
迷去雁江天處處泣離羣

哭子彬叅議如蜀因扶持還閩中

秋色初高彩婺星斑衣中夜點流螢黃姑渚畔
銀為漢玉女峰前幔作亭

劉選部卧病東山詩以訊之

東山杳靄白雲間謝傳登臨且未還聞道山中
多桂樹不知秋色共誰攀

荅元美

白雲一片落蒼梧化作三江復五湖愁倚長風
歌九辨不堪秋色滿姑蘇

輓王中丞 二首

撫劍橫行遼海邊斗間紫氣日相纏只今惟有
延陵客來挂吳門萬樹烟

長詩

卷三

七

二百廿一

漁陽西去動妖氛
遼海東來有斷雲
落日轅門秋色裏
何人不哭李將軍

哭敬美

埋玉吳天若箇峰
中原雪涕夕陽春
不辭絮酒為君酌
泉路人間隔幾重

送鄧二守之鄱陽

春郊雨過綠楊齊
客路流鶯萬樹啼
行到南陽瞻峴首
故園只在數峰西

題畫

萬嶺桃花照暮春
秦時風物晉時人
雲深不記歸來路
惟許漁舟一問津

茱萸灣

春林風色一何驕
出岫洪波到暮潮
尊酒江村帆落後
月明猶聽廣陵蕭

甓社湖

空濛長鎖海門烟
潮起維揚欲蹴天
醉裏不知舟近遠
淮山無數落尊前

題何季子令升鳴玉館


華館風清萬玉鳴
倏然秋色起孤城
一從身到崑山上
始信雲間小陸名

張助甫詩選卷之三終

梁園風雅

茂秦上

國家圖書館 NATIONAL CENTRAL LIBRARY, TAIWAN, R.O.C.



謝茂秦詩選目錄

卷之一

五言古詩 九首

七言古詩 三十七首

卷之二

五言律詩 一百九十七首

卷之三

七言律詩 一百二十五首

卷之四

射詩

目錄

五言排律 四十三首

七言排律 六首

卷之五

五言絕句 五十九首

七言絕句 八十三首

謝茂秦詩選卷之一

鄴下流寓臨清謝 榛茂秦著

雍丘趙彥復徵生選

東郡汪元范明生

汪立明伯常校

五言古詩

少陵感舊篇因示鎮性禪子無憶宗書上人

蒼蒼列峰巒鬱鬱挺松栢少陵當形勝登攀幾

詞客中有惠遠流舊識非凡格謂我猶踈曠一
訝頭全白澹交偶爾忘相對復疇昔人生若沙
鳥飛去不言迹因之憶汝祖談禪坐深夕山精
出陰崖天花沒亂石寸心千佛間空然湛秋碧
杖錫何所歸西方路咫尺兩神有時會冥漠自
無隔重來失暄景歲寒大蕭索雨雪命中車相
望洛城陌

佛光寺

舊遊多凋殘獨幸老無恙西來窮勝迹山色資

幽况林麓聞鐘聲尋彼遠公行殿前羅羣松殿
後起疊嶂閣黎指顧間頓悟默相向萬佛具一
心空然了無相豈待入定時而能斷諸妄須彌
在咫尺焉能飛錫杖明發勿復言千崖從茲上
得王希元書有感

客子寄書來關山正雨雪恍如對面時翻然幾
披閱凍筆揮亦難言之意彌切驛樹共蕭條而
能念薄劣我今知爾心可置管鮑列人生多交
游但恐久離別盛年擬會期白首獨愁絕有懷

空自歎月明誰擊節

有感

白雲起西山悠悠上無極鴻鵠從之飛終朝殊
不息浮雲安可長羽毛自珍惜倦來棲中林回
頭顧矰弋誰能測憂心孤鳴日將夕

冬日有感

山高慎顛崖天寒惜短晷嗟彼浮世人勞生幾
悲喜勲業良可圖智能焉足恃淒其曉霜下北
風亦何駛塞門日吹笳感愴荷戈子將徂各憂

心誰甘老桑梓不見完名者海上二疏美時復
延舊遊杯中有妙理白雲半空間澹然映流水
雨中宿榆林店有感

涼雨何冥冥黑雲復浩浩山行夜不休嶮巖猶
蜀道我非王程迫胡為役衰老數口遠相將未
必常溫飽投彼敝屋間蕪穢不及掃園荒無主
人馬散蓄秋草席地即吾廬餘生聊自保隔林
乞火回酌酒慰懷抱愚者昧所適哲人見幾早
反為細君嗤寧如在家好

登樓望秋山

登樓望秋山薄暮有佳色秀拔殊自然重之烟霞飾衆鳥各知歸行人早棲息勞生詞賦間客愁復何極高哉劉伯倫獨能頌酒德幾時偃荆扉養心在冲默

寄拙園有感

吾生巧與拙兩端不俱存老有至拙處對人莫能言守拙懶為主况復居此園奚奴亦習懶中庭蕪穢繁皎月照我牀清風吹我軒貴心不貴迹達人方可論

夜會遜軒昆季因憶懶雲上人得鷄字

客居此城市勝遊祇招提中有一緇流名與惠遠齊坐談每深夕道味甘鹽齏雨花積牀前法雲落松西石龕出慧燈一光破萬迷嗟哉寂滅後斜月空禪棲

七言古詩

題香山禪院示玉峯上人

清秋策馬湖西路孤寺鳴鐘山欲暮偶逢老衲

言言
是同鄉相對不言中有悟人生自抱摩尼珠乾
坤誰種菩提樹何勞長撿貝葉經如來在心非
在形蒲團坐久忘爾我不知草蟲喧戶庭夜半
無燈亦無月簷前松栢何青青

弔古戰場

行行路何長驅馬來窮荒征伐幾興替空餘古
戰場連天白草動寒色拂地皂鵬盤夕陽漠漠
黃沙埋枯骨終宵無定鬼火光四野征旗但雲
霧千年殺氣餘風霜裂土封侯殊有志力平壯

虜使西羌將軍失律萬夫死惜哉祇飽虎與狼
生男胡為事戎行爺娘不見增悲傷深閨慟哭
罷刀尺為誰燈下縫衣裳託心夢寐恍一見安
得招魂還故鄉薄伐太原自中策秦皇漢武開
邊疆至今烽燧尚多警長城萬里徒周防翻然
挽轡獨歸去浩歌倚劔天蒼涼

送楊員外子畏之江東

龍劔千里神相通心知不在離合中都亭久別
今一晤美人又去長江東帆外水天渺無際白

波如練搖丹楓閭門樽酒復誰同孤懷慘淡生
秋風亂草已非伍胥宅百花曾繞吳王宮霸圖
往事但明月浩歌五湖惟釣翁虎丘憑高正慨
古飛鳥遠沒蒼煙空莫忘詞客疎幽意老却春
洲芳杜叢

登盤山絕頂謁黃龍祖師祠

薊北來遊第一山上連七十二禪關人行巨壑
泉聲裏馬度層崖雲氣間石徑蕭蕭七風吹冷萬
折千迴臨絕頂鐘響時傳下界遙鳥飛不到諸

天迥無勞漢使泛槎心揮手銀河能幾尋歷歷
邊城紛蟻垤明明滄海一牛涔老僧笑指煙霞
外此意沉冥誰與會風生平地本無因雲點太
清猶是礙弔古踟躕空石堂黃龍西去杳茫茫
珠林不見菩提影寶塔長含舍利光霹靂拂去
獨留賦下嶺回看迷曉霧放浪人間那復來月
明夢繞盤山峪

送劉戶曹成卿使荆楚

帝將北伐歲云暮使者南征三楚賦借問何人

當此行東平文學今劉楨朔塞風塵暗赤縣中
原戎馬疲蒼生飛旌直下武昌道黃鵠磯頭見
春草仙侶不來空倚樓漢江東流波浩浩孤鳳
叫天天上聞野田鳥雀何紛紛湘竹遙連洞庭
兩衡山半落蒼梧雲雲岑烟樹莽相似猿聲至
今悲帝子有才偏抱千古愁片月多情照湖水
國計艱難非昔時君今肯醉習家池無限楚歌
入苦調秋風獨遣騷人知

送別趙郎中伯一

龍潛泥淖不損靈一朝颯起驅雷霆如君落落
負竒氣詎令旅鬢徒星星世無孔融獨惆悵誰
憐張儉尚飄零函關西望不可到安得青山長
寄傲野圃風淒種藥欄石房月冷燒丹竈向來
脫畧無宦情黃金散盡仍燕城逢人動有不平
氣悲歌對酒發秦聲君不見蚌有明珠應被剖
鳥緣翠羽難全生中懷此去復何道客路艱虞
易衰老王屋山頭一振衣披雲自拾金光草

少女詞

妾家住近都城下今日何辜來朔野不隨姊妹
並乘龍翻與胡兒同躍馬馬上歸心數向南故
園桑葉廢春蠶長顰翠黛愁無那暗落鉛華瘦
不堪不堪對月空淒切屈指清光幾圓缺道路
空迷古塞雲衣裳猶帶陰山雪雪後驚看鴻鴈
回隔河羌笛使人哀龍沙三月無青草莫向春
風怨落梅

題山水圖送包運司庸之赴蘆臺

披心清徹冰雪壺揮毫妙絕江山圖包生好古
求真迹名齊顧凱遊京都四明畫手不易得秋
水晴嵐無多墨極天形勝隨意生半壁低橫萬
里色蒹葭浦溆蒼烟深上有叅差楓樹林虛堂
時時動風雨波底恍若蛟龍吟一掃冰綃幽興
發筆奪造化古人列吾將垂釣君宦遊扁舟獨
嘯五湖月送君驛路別愁新北望偏傷客子神
鳴鞭歲晚長蘆去芳草相思春復春

送周一之從大將軍出塞

長劔斫山石可摧勁弓射海波能開宿昔相逢

重然諾意氣干霄不可回酒酣獨上黃金臺吳
歌忽斷天風來曾咲要離空俠節復輕郭隗非
竒才二十餘年滯京國俗塵總不關曾臆一朝
長揖大將軍材官相顧無顏色丈夫穎脫自有
時百年遭際幾相知陳琳倚馬能成檄王粲從
軍還賦詩昨夜秋風吹大旗據鞍喜動幽并兒
鐵騎連營亘千里餽餉日日無停期喧闐笳鼓
長城路沙擁潮河仍北渡殺氣遙沉白馬關暮
雲橫斷黃花戍單于已遯尚屯兵嫖姚看逐西
山兔閨中月照流黃機應念征人犯霜露

雪夜過李于鱗宅適已醉卧因留宿作

雪天騎馬禁城隈何意中宵官舍開太白醉眠
呼不起惠連賦就却空來滿城朔氣侵人骨試
問宮梅幾枝發上苑寒生千樹雲西山暗落三
更月起來風物重淒淒門外日高鴉亂啼共倒
清尊不歸去長安陌上踏春泥

陶淵明圖為楊考功虛卿題

異代知心不識面年書甲子甘貧賤孤雲橫天

高莫攀白石在水清自見徵君沒後柴桑空千古猶存五柳傳彤庭九錫加寄奴典午山河王氣變南國從教麟鳳歸中原不息龍蛇戰彭澤縣前江水流當年心事同悠悠解印那堪白日晚還家不負黃花秋吏人送酒方適意惠遠更教蓮社醉中懷久矣齊死生一卧茫然失天地醒來興感歲欲殘金陵悵望空龍蟠獨賦荊卿聊寄意風吹落木江聲寒

餞別張逸人子書宿漳河旅舍

鳴鞭相送遠遊子北渡衡漳四十里春雪留人凍馬嘶晚風攪樹寒鴉起回首安陽第一橋野亭尊酒復中宵他年有意傳書札海鶴冥冥不可招

金閣寺夜同海公談禪

西來梵語自渾淪譯出文章恐失真從此諸宗轉歧路超然獨見竟何人金閣談禪坐永夕魑魅竊聽傍松栢慧燈不滅長照心門掩空山萬籊窈

慶雲上人歌

十年城市斷行迹秀拔峰巒暫登陟錫杖今隨猿鳥羗錦衣昔變風塵色滿窓松影一龕經說法夜深山鬼聽金界獨棲月晶晶玉枝已折春冥冥高眠石榻遠華屋不復膏梁祗盤藪心絕世緣涵太空身當禪定倚枯木東林誰識遠公流蒼蘊蒼開幾度秋自別王門歌舞地白雲清磬共悠悠

春江曲

望極蜀嶺雲愁深漢江水一派西來幾千里春流綠色映芳芷遙憶三巴遠遊子波搖郎影棹鳴時妾影徘徊郎不知

古怨

阿郎別家春草短蓮葉又歎清霜滿朱欄拂雲江上樓玉娘纖手弄鴛管竒調能令烟水白寂寞芙蓉失顏色老龍驚動脫明珠遽走團光留不得寧思河北邯鄲路門前舊種垂楊樹花飛恨不到天涯倦鳥安棲共朝暮

示元寶禪師

短榻翻經坐朝暮門前一轉西方路月滿人間各自心天虛潭底誰能悟四十年来静掩扉東林遥聽夜鐘微漸看禪子易衰老松杪白雲何處歸

晚坐槐庭同王明府師古各賦短歌以志

幽興

繁陰坐久日將夕孤鳥飛來此棲息雨滋苔徑交蒼痕月出槐庭破暝色一官寧辭百事勞琴

彈白雪調彌高更期聯榻澄心夜天外松風萬壑濤

秋閨

阿歡出門行路長孤鳥易沒天茫茫隣人別家幾消息半年京口與沅湘君不見芙蓉花開照秋水顏色盛衰空自傷江湖廬舍各脩阻懸知有夢非故鄉物性參差復何訝馴雀記憶魚相忘燈下縫衣欲早寄剪刀一磨利且先好把便風吹到郎好把便風吹到郎

寄贈祝使君質夫長歌行

住宅因人多秀麗廣陵南控三吳勢淮流入海
使君心楚甸帶山農父計綠上娑羅樹葉春李
邕碑石獨嶙峋書聲靜夜連諸卷機響寒天共
四隣今日訟庭閒鳥雀群僚分理萬家樂晚來
月出太行顛照見冰霜清滿郭

秋夜雨中述感呈王殿元允仁時寓普照
禪院兼示無瑕上人

禪窻夜雨不成寐側枕微吟聊自慰老僧破竹
編疎籬滋養菊荅開也未葫蘆架底亂寒聲薜
荔墻間浮濕氣安得九霄出月光北照帝城分
象魏豪門秉燭各絲簧醉殺五侯并七貴明朝
老僕畏衝泥却省探囊沽酒費欲過西林問寂
寥煮茶不盡澹中味

贈王別駕仲諧金陵浩歌篇

建業世居風俗古盛年游好誰相與石頭城影
落晴波楊子江聲喧暮雨豪貴笙歌虛歲華即
今禮樂幾名家日藹低浮杜蘅色春深半吐梧

詞言
桐花鳳凰臺上青天近文物好談吳與晉北瞻
形勝帝王州王氣茫茫殊不盡

柳州園亭宴集同孔老賦

郭北園林開洞府王孫又是青山主一杯雲影
座中天半壁泉聲厨內雨掬水清心猶易醒竹
陰聊爾話丹經西河自有名家賦龍在深潭見
地靈

雪中聞西巖西池二君遊東林禪院賦此
寄意

凍雲黯澹低關塞客路迷茫阻行邁水兼冰雪
作銀河天散瓊瑤換金界誰知幻境此時同笑
指乾坤問遠公更約蓮臺坐晴夜一輪皎月正
當空

春雪東左溪子

上孫每招重詞賦坐對山川秋欲暮鴉背斜陽
醉後天馬頭涼雨歸時路我去三關一寄情今
春又客太原城積雪滿庭人不到臥看說苑憶
更生

苦雨歌送皇甫別駕子循之開州兼寄晁
太史君石

野田不雨經三春雨當五月何太頻山川蕭颯
訝秋早鴻鵠翅濕不能伸層陰北擁黃龍塞憤
氣南連白馬津泥深大道停車輪燕郊青草愁
殺人况君謫宦久淪落離亭留賦殊傷神把看
寶刀氣色動此行憂國華髮新更憶當年決壑
子武帝有歌垂漢史薊北既今災異多試問太
史將如何

送楊玉伯歸涇陽

鳳凰城南楊柳絲當春孃孃牽別離古人折贈
意偶爾至今千里傳相思風吹柳巷正西去黃
鸝喚春春不住落日關河悵遠人青絲白馬歸
三秦壯年不歎功名薄獨將寶劍淹風塵有時
大笑對樽酒七雄能戰不能守燕昭之策非遠
圖空使黃金高北斗君才落落誰見知且向滄
浪隨釣叟秋來水上烟雲重慎勿濯足驚魚龍
雨雪曲酬戴錦衣伯常見贈

窮冬雨雪白浩浩薊門萬木驚春早橫笛誰吹
出塞聲梅卷亂落關山道海雲不散寒悠悠客
懷無那空倚樓有人忽贈陽春曲坐吟袪我羈
旅愁風流云是楚望子家在郢中四十里三十
年來錦作衣天額咫尺多清輝金闕門中鳴珮
玉河堤上搖鞭歸歸來對酒興不盡月明更
奏飛龍引

賦得胡無人送李侍御化甫巡邊

絕漠黃雲浩莽莽層冰大雪幾千丈一夜壓倒
燕然山白日不照北海上海色欲凍慄不流龜
鯢僵卧天吳愁胡風獵獵吹不休千山埋部落
萬山失馬牛安得壯士彎弧射旄頭君王一
怒靜邊塵使者乘驄當北巡行看勲業上麒麟
倚長劍胡無人

中秋寄南都馮戶部汝言去歲此夕會汝
言潞陽時警虜變感舊賦此

小樓獨坐悲秋光美人阻絕天一方叢桂花開
欲同醉其如南北成參商燕塞干戈朔氣動秣

陵風雨江濤長憶昔中秋潞水陽相逢月下傾
壺觴金波可愛不可掬清宵宛在冰雪堂倚樹
高歌起烏鵲星河欲落天蒼茫離亭向曉初分
手歛見胡塵犯街柳驛路時時問捷書都城夜
夜聽刁斗朝廷有意訪賢才將士于今嚴戰守
募兵千里屯京師日散黃金無盡期海內誅求
信不易艱難早晚君王知謝安高卧欲何補馮
唐老來應自悲宦遊旅食兩不見莽莽風烟各
京甸昨聞寶劍賜嫖姚五都俠兒爭習戰上林

題鵠秋一鳴北極浮雲日千變三吳凋敝若為
看何當疏奏明光殿

再寄沈叅政敬舛

一騎飛去南陽城亂山不斷雲縱橫奔流觸石
聚風雨七十二灣河水聲水聲清徹何人耳隱
疾樓上正徙倚邇來宦遊梁楚間豐年侵歲關
憂喜問君草疏當時心儼對神明瑣闥裏回瞻
北極紫微垣落月鳴鐘宿鴉起歌枕遐思誰復
同四海蒼生不寐中洛城有客自神會古今勝

謝詩 卷一
事歸豪雄不見諸葛葛蘆沒秋草誰臥煙霞空
自老

傷劉羽泉總制

頻年楚越徵兵路能使秋陽破海霧旌鉞威中
春萬家歌謠聲裏霜千樹當朝將才多壯圖或
戰或守清江湖吳地干將氣猶盛接天秋色滿
新都

送吳山人子充遊雲中

春寒攬貂裘蹠踐驅紫騮問君去何許云是塞
門遊丈夫安肯棲故丘北向龍沙天盡頭蘇武
城邊積雪滿李陵臺上孤雲愁二子杳然不可
見神交千古心悠悠眼前陳迹增感慨彈鋏悲
歌回素秋燕然之山忽改色金河之水翻倒流
風吹大荒落日慘胡鴈驚飛不復留此時踟躕
多隱憂百年意氣懷朋儔獨自磨崖題賦罷還
來共醉長安樓

寄金廣文

漢廷誰復憐才子謫去長沙幾千里三楚寒雲

過鴈聲九疑春色搖江水騷人自古悲秋風黃
陵廟前斑竹叢惆悵湘靈杳何處試聽瑤瑟月
明中

雪中偶過李鴻臚東明宅留酌因懷盧太
史濬卿劉少叅才甫王侍御子梁張戶曹
聚甫

前雪未消今雪來寒侵宮殿朝不開昆池凍合
石鯨卧玉笛喚春催落梅白日遠迷涿鹿野黃
雲低暗軒轅臺鐵甲如冰戰士苦城頭饑鳥啼

正哀北風吹人僵欲死驅馬不動空徘徊道傍
道舍何幽寂我亦山陰乘興客入門自拂謝莊
衣開尊為我破寒色中懷傾倒醉不辭春燈吐
花向深夕同鄉朋舊各天涯綠鬢憂時誰易白
宦情客計成睽違海鴈江魚斷消息重來清夜
益相思月明偏照燕京陌

送劉兵憲叔清歸覃懷

旌旗飛出黃塵隔父老攀轅留不得林中啼鳥
尚含情天際浮雲亦改色歸種稻田閒賦詩寧

忘南陌送君時
聖朝何限山公啓
誰似君心吾不知

馬上贈羅山甫

有客翩翩時並馬
壯遊氣激風霜下
胡笳聲斷
盧龍天塞草寒深
涿鹿野皂鷗飛從西北來
彎弓欲射空徘徊
聖代勲名莫輕取
朔雲低暗黃金臺

謝茂秦詩選卷之一終

謝茂秦詩選卷之二

五言律詩

武皇巡幸歌

神武驅兵日南征
氣赫然射蛟江水上
立馬石城邊
羽檄飛三楚
霓旌拂九天
功成凱歌夜
月色送樓船

齊魯巡遊地
蒼生見紫微
晴雲隨鷁舫
春水照龍衣
柳畔千官擁
沙邊七校圍
觀魚移白日
鼓吹月中歸

寄懷趙王枕易殿下

松桂兔園秋誰從帝子遊
天風吹玉笛夜月見
瑤樓旅鴈復南下官河空
北流那知賦招隱昨日到
滄洲

春宮詞

盈盈上陽女愁思起中宵
月白瑤窓靜花深玉
輦遙曉霞憎國色春柳妬
宮腰不見長門賦傷
心有阿嬌

俠客行

家住涓橋邊追隨俠少年
鬪鷄輸寶劍逐兔落
金鞭日下長楸陌霜高太
白天新從霍驃騎裘
馬獨翩翩

秋野

地闊清霜滿林寒赤葉稀
野雲秋澹澹山日晚
輝輝殺氣三河動邊聲一
騎飛中原多猛士誰
解晉陽圍

暮秋即事

十見黃花發孤樽思不勝
關河秋後鴈風雨夜

深燈留滯悲王粲交游憶李膺
相隨少年子走馬獵韓陵

寄張崇德

空庭黃葉下風物豈鄉關
獨夜人南北流年鴈往還
亂雲低古塞積雨暗秋山
爾亦悲搖落孤雲鬢欲斑

宿淇門驛感懷

駐馬淇門夕空堂暑氣徂
暝煙官樹合寒雨驛燈孤
濁酒聊幽興悲歌亦壯圖
相違舊朋好三

徑日荒蕪

登天壇山

直上斷崖懸崎嶇一徑緣
白雲秋滿壑紅樹老參天
神護軒皇鼎靈通太乙泉
何由結丹侶共此學長年

晚夏天寧寺對雨同殷正夫李于鱗賦

諸天忽風雨蕭颯動山扉
殿冷鷓逾靜鉢空龍未歸
晚留軒冕客秋到薜蘿衣
後夜懷支遁遙聽鐘磬微

送杜太僕謫荊州

謫宦三千里誰憐賈傅才
漢江秋月上焚岫夜
猿哀心事登樓賦
年光落帽臺知君
家愁絕湘鴈逐春來

寶慶寺見桂花

桂老秋正發禪院
幾徘徊我愛淮南種
今當薊北開清芬
對祇樹金粟見如來
幽興惟康樂東林
夜不回

隆慶道中有感

馬渡黃雲塞鷗飛白草原
兵戈連歲動霜霰入
秋繁農業千家廢
人烟幾處存中途有
行子佇目亦銷魂

榆林道中有懷

秋風吹短褐長嘯過
居庸羸馬有歸思
枯蓬無定踪山橫邊
色斷日沒野陰重
旅鬢成衰颯誰知
阮嗣宗

北征

朔氣犯征裘旌懸大漠
秋亂山通驛道殘日照

邊樓白骨幾年戰黃雲
終古愁夜來烽火急
驕虜寇并州

復選防秋將誰揮
反日戈二庭飛檄動
六郡俠兒多
驅馬朝登嶺銜枚
夜渡河竒兵斷虜
後歸路聽鏡歌

送曹別駕毅父之晉州

嗟爾恒山謫離亭且
駐車宦情春草後
行色曙星初桑梓
淮南夢關河薊北
書佩刀應自惜去
矣莫躊躇

夏夜獨坐披襟當風
頗有秋意賦此寄懷
散髮南樓夜翛然披
素襟蛩聲伴草際螢
火落墻陰老破當年
夢秋生久客心遙思
苔上石坐聽美人琴

禪林寺贈本無上人

步屨來金界鳴鐘落
翠微松陰迴古殿山
氣入秋衣身向諸天
老心從初地歸後期
薜蘿月寧遣夢中違

盤山晚行

日落山蒼然高林鳴亂蟬行人拾墮栗倦馬顧
流泉秋淨石崖路寒深松壑烟遙遙見燈火欲
借上方眠

盤山最高峰遲應瑞伯不至

仄徑高盤辟孤峰半插天人行飛鳥上袖拂落
霞邊澗水寒逾咽山花晚自妍一樽遲儔侶松
月向誰圓

送樊侍御文叙之金陵

地入維揚路天分牛斗墟秋帆二水外春草六
朝餘冰雪生官舍風塵走諫書從來經國者寧
不念樵漁

夜自西湖循甕山同玉峰上人步歸蘭若
湖色冷春衣沙禽夜尚飛路隨山下轉僧伴月
中歸祇樹藏金界禪燈出翠微他年謝靈運結
社願無違

送悟正上人遊楚

不作雙林主今離猿鳥羣高蹤何處定清梵幾
時聞鉢貯洞庭月錫穿衡嶽雲應懷舊禪侶鐘

言言
卷二
六
磬坐宵分

送張子畏使太原

六月皇華使千年白日陰雲連汾水澗馬度井
陘深大將防邊策明王賞士心茂先有雄劍夜
夜作龍吟

塞上老卒

家在石壕村長征無子孫多憂摧鬢髮百戰集
瘡痕日晚巡狐塞天寒戍鴈門壯心時仗劔部
曲幾人存

送蘇子長之塞上

九月雲中去鳴鞭路不遙從軍自王粲投筆有
班超塞日嘶天馬邊風起皂鵬五湖豪俠士寧
負羽書招

除夕徐子與宅同宣允則得年字

客裏歲時遷還來醉此筵吳歌憐子夜潘鬢感
丁年列炬明深院繁星動遠天宮梅殊有意更
向早春妍

元夕道院同公實子與于鱗元美子相五

君得家字

長空月正滿遊騎隘京華
夜火分千樹春星落萬家
乘閒來紫府垂老問丹砂
笙鶴歸何處依稀見彩霞

憶王屋山

昔探王屋勝猶憶杖藜初
野老窺丹洞山靈護寶書
雲生苔壁暗松響石壇虛
欲訪烟蘿子茫茫失舊廬

楊白花

多少宮中樹偏憐楊白花
長風吹日暮春雪落天涯
蕩子空相憶芳年謾自嗟
月明愁不見啼殺禁城鴉

靈巖寺同許克之夜賦

何物澹相對蒼然獨象山
心空諸色界月迴一禪關
鐘磬夜深寂松蘿雲際閒
偈成連榻卧無夢落人間

送許中丞歸關中

官起煙塵際身歸兵甲餘
曉星隨去馬春雪上

謝詩 卷二
行車二水堪垂釣三峯更著書野雲應不散長
繞杜陵居

暮秋東園餞別鄒子序

老大交彌重窮愁賦可傳對君猶故國嗟我異
當年砌冷蛩邊草霞明雁外天菊花留醉客秋
色滿離筵

寄沈子剛

涼風吹短髮朔野正踟躕身遠艱危過才高意
氣孤寒聲悲戍角秋色老邊榆俠少時相見歲

名憶鏡湖

寄吳總戎子陽

黃鬚鄴下子威振北征年萬里能籌國二秋長
在邊草枯馳馬地霜冷射鵬天燕趙多豪士論
功誰更先

晚眺

寒日下西陵漳河晚渡冰孤城歸獵騎雙樹隱
禪烽野眺心何遠巖棲老未能翻憐戎馬日愁
思坐相仍

春日大風集馬雲從園亭有感

春風何太急野水忽波瀾天遠孤鴻落亭虛萬
竹寒田園殊愛靜稼穡久知難百感逢今日蕭
條醉裏看

走筆酬王賓相世祥

積陰無好况寡落度中秋雨濕他鄉樹雲昏昨
夜樓莓苔連砌滑烏鵲抱枝愁咫尺難乘興因
思王子猷

北望五首

近聞京國報北望起遐思世道龍堪隱邊愁鴈
亦知宮雲忽變色御水漸流澌上苑涼飈急棲
鳥不定枝

戎馬何時定愁雲直北看朝廷殊見遠將相各
知難風亂邊聲急霜連兵氣寒中天問明月曾
照漢家壇

十月嘶胡馬南來飲潞河論功自有定報國豈
無多霧擁宮門隔星飛羽檄過中興見神武不
許郅支和

鼓角昏黃過關山太白高往來驕虜數賞罰聖
心勞俠士惟龍劍材官幾豹韜城雲自寒色時
擁漢旌旄

胡笳徹幾旬御柳動蕭森盱食三秋檄宵衣九
塞心風霜偏氣慘節鉞更憂深近日天顏解山
河散積陰

悼懶雲上人

禪徑積莓苔松風還自來塔鈴空響徹簷蔔但
花開燈失定時影爐存身後灰共知其寂滅林
鳥不須哀

照覺禪院同南泉西巖二君賦得天字

相約多幽事頻來有靜緣法雲高捧月祇樹暗
藏天垂老堪投社無心自會禪誰為息機者默
坐奕碁邊

雲川書齋同雲洲諸丈留別賦得多字

六月期幽賞銀塘有芰荷詩從老年健情到別
時多夜濕草間露秋橫天上河王孫共今夕郢
調付雲和

七夕敬誠二君餞別得秋字

北斗掛城頭明河迥不流人間清露夜天上白
榆秋聚散多歧路悲歡自女牛誰知老來拙回
首故鄉樓

七夕裕軒昆季留酌賦得同字

織女渡河漢今宵誰見同從教鳳馭轉豈待鵲
橋通庭浥三更露梧飄一葉風古來爭乞巧天
意杳冥中

山中夜行

鷄犬無聲處關山行路時中宵孤月出北斗半
空垂澗迥泉逾響崖懸石更歌停鞭一回首艱
苦欲何之

中秋有感

客邊無節序吟嘯徃時同故里苔三徑名園桂
幾叢琴樽孤夜月朋舊各秋風坐對青山好蒼
茫灑氣中

中秋夜登樓憶昭覺寺因寄德平鎮康安
慶三王

勝事招提境群才子建流人天各處夜仙桂滿
輪秋圓缺應相感登臨每獨愁浮雲亦暫爾莫
傍仲宣樓

秋懷

東望太行路巉巖幾斷崖易歸千里夢難遣九
秋懷夜色霜明樹寒聲葉滿階著書思趙印靜
掩舊茅齋

無營

無營詩亦苦謬說有營勞鳥宿三更轉松涼孤

月高客情踈晚計人事重秋毫我欲棲林壑忘
言醉濁醪

十四夜無月

皓魄將圓夜張燈坐草堂孤城低雨色萬戶失
秋光笛裏關山暝樓前煙霧蒼金波若滿地隨
處有壺觴

夜登瑤臺

瑤臺當絕頂乘月一躋攀河嶽憑闌外星辰拂
袖間身輕雲自度心遠鶴俱閒幾欲招仙子天

詩言
卷二
風聽珮環

山晚

日落川原迥，高歌獨放情。
千峰連暮色，萬木亂秋聲。
流水相迴合，閒雲自送迎。
人家隔烟浦，燈火望中明。

同孟懷之錢子青酌白雲洞

古樹敞巖扉，相攜傍翠微。
興高松鶴下，坐久洞雲飛。
天地浮生老，山林勝會稀。
不知蟬冕客，白髮幾人歸。

春閨

深院飛花急，臨風祇自哀。
又看春色老，坐使玉顏摧。
落月窺琴室，流塵上鏡臺。
窓前有梅樹，歲暮待君開。

春歸有感

雨歇上林靜，春歸東閣虛。
欲煩青鳥使，遙寄美人書。
柳出宮雲外，鴉鳴海日初。
只今彈鋏者，不為食無魚。

送陸秀才歸華亭

謝詩

卷二

十四

九月清霜下三江白舫歸芙蓉寒始發鴻鴈暮
還飛自許同張翰誰憐滯陸機讀書滄海上燈
火映林扉

登榆林城

憑高望不極天外一鴻過萬嶺夕陽盡孤城寒
色多蘆笳滿亭埃羽檄度關河遙憶龍庭士嚴
霜正荷戈

落花有感

花開驚節序花落轉堪悲物色殊無意春風暗

有期蝶迴芳草徑鶯度夕陽枝獨有豪華子青
樓醉不知

夜發忻州中途雨雪至原平驛有感

吾豈請纓輩聊為鴈塞遊夜行風雪路老結古
今愁焰濕仍餘火身寒只敝裘僕夫相歎息孤
驛且停留

東林寺夜集不與次西巖君韻

廬山在咫尺鐘磬落諸天不到真如地遙看香
積烟輪蹄雙樹下語默一燈前欲問無生法棄

詩言
卷二
頽獨慨然

京師大雨

夜來雨何急睡起問兒曹
秋響門前水寒生樹
裏濤素居鄰市井老計託風騷
好為衝泥去新
豔貫濁醪

中秋夜南園同故人酌

不謁金張第相期松桂邊
人須今夜酒月朗故
鄉天歸思逢秋色狂歌度老年
陰晴如可定早
上玉峰顛

寄東平劉成卿二首

有才官遽罷知爾國憂深
涕淚看春草艱難返
故林全生恩到骨獨臥夢驚心
龍劍多靈異還
疑風雨吟

為郎信老矣獻策豈徒然
生死酬恩日行藏抱
病年交踈茅屋下心澹野雲邊
湖水秋來盛時
能訪釣船

薄暮趙戶部良弼官署西園同鄭山人中
伯醉賦

薄暮偶乘興開樽非預期野夫偏坐久庭雀故
飛遲地拔群松勁天成片石竒種蔬甘此味還
使後人知

送范中丞克卿鎮贛州

朔鴈催行色江天入望遙旌飛秋草岸船壓夕
陽潮有賦思梁宴虛心聽楚謠霜威及嶺外千
里瘴烟消

九月虔州去天南宿霧開揚帆生遠思秉鉞見
雄才地轉三吳盡山連百粵迴夜深瞻北斗獨
上鬱孤臺

答錫山華明伯寄詩中及盧柟事

有客緘書至新詩更一看氣回吳調別骨變楚
騷寒河嶽嗟吾老江城見爾難三茅舊時洞誰
與話還丹

達摩洞

長江折蘆後面壁此高岑祇樹抱巖古法雲垂
洞深石存一片影天印萬年心徒使登攀客松
風聽梵音

張德微汴中見訪僕已過杞兩不相值
相尋非預期乘興我何違兩地琴樽夜同懷風
雨時苦吟燈自對良晤夢先知好共碧筒飲荷
花香滿池

靜公園借居

欲覽匡廬勝衰年惜未能栖遲無俗侶幽寂共
隣僧禪定階前石心空夜半燈浮屠著靈異昨
上冢高層

寄陸太守子部

目極九江水誰傳雙鯉魚城當吳楚地大逼斗
牛區懷古雲西駐求賢榻左虛郡齋梅正發歲
晚意何如

哀江南

為說江南勝豪華異往年波濤揚子夕風雨秣
陵天歲苦兵間賦春荒戰後田都門遲飛輓何
處泊吳船

戰馬嘶江上寒生楓樹村新兵五都盡舊業幾
家存共倚中朝盛誰將上策論梁鴻避世者寧

復老吳門

華亭未奏捷烽火更西湖海艦賊來去天兵功
有無人心多為漢國計竟全吳野哭徵求盡蒼
茫寒月孤

過故居有感

飄零三十春下馬問比隣相見弟兄老堪嗟門
巷新行蹤猶泛梗世故一浮塵王謝豪華地殊
非舊主人

贈別史郎中應之還張秋

一見遽言別其如南北情君今何水部吾豈謝
宣城帆影樹中出河流天際平誰無感懷賦兩
地共秋聲

安平南去道官署在河潯一水風煙色三秋魚
鳥心才高君柱石計拙我山林應念離居者蟲
鳴蔓草深

暮秋東徐別駕載卿

南征秋轉劇不寐夜漫漫白髮艱虞盡滄洲去
住難旌旗連野暗兵甲照江寒選將須臾事誰

能議築壇

寄塞上路監察子中

沙漠動霜威
巡行久未歸
眼中求將畧
意外得邊機
日落馬南顧
天寒鵬北飛
莫令諸俠少
爭獵向金微

才子中歸自荆楚具陳苦懷賦此以贈

柳花三十度
嗟爾尚飄然
愁臥湘江雨
行吟楚塞天
饑寒身不
乏兒女意
長懸自喜
殘裘在猶
堪當酒錢

送許歆卿守建寧

移官君獨遠
惆悵撤離筵
山轉荆南路
江浮蜀外天
自能臨異俗
幾為問荒田
到日梅花發
春生五馬前

寄李僉憲師孟

楚客限王程
春風遊宦情
山連吳地濶
天與浙江平
烽燧勞東望
干戈甚北征
莫教終孺子
獨為請長纓

劉侍御叔清擢守扶風賦此寄贈

詩話
卷二
旌節發河陽君行西路長心懸隴上月威帶日
南霜入郡春隨馬談兵秋滿堂于今汲長孺易
使鬢毛蒼

憶洞庭湖東漆推官

君家洞庭上靈秀見君才湖裏青山出城頭白
浪回湘娥還倚竹楚客湯登臺為說巴陵勝西
南雲霧來

懷李仲學罷官還北海

江南疲戰伐封事更誰論霜入多愁鬢天餘不
死恩教兒書滿案謝客草侵門非復獨醒日何
妨開綠樽

贈包明府起春

青雲南國彥百里試才初賦稅多憂色聲名一
薦書訟庭春雪滿官舍百槐踈深夜無人見鳴
琴窓月虛

張叅政仲安進表還蜀九日過鄴失會賦
此贈別

北上千秋籙西歸萬里橋黃花空有約綠酒不

詩
卷二
十一
同宵樹擁秦雲斷山懸蜀棧送艱難杜老在莫
謾簡書招

送陳僉憲子羽北伐

長郊停騎吹荒寺送君情春草初南下秋風又
北征軍容肅鴈塞劔氣壓龍城遙看燕山雨蒼
茫一洗兵

寄懷許伯誠

發軔遼陽雪還家韋杜春客踈門自掩官罷酒
相親白首歌今代青山夢古人行歲不可問獨

鶴下西秦

寄贈馬別駕伯仁入京

白社幽期阻君今向紫宸當憂多事老轉餉一
官貧碣石天餘雪滹沱水自春月明時顧影猶
憶舊綸巾

人口感懷

新歲偏多感新詩不可無陰晴人日過江海客
星孤春興梅仍發鄉心雁一呼酒杯堪自慰時
復遣兒沽

言言
卷二
三
懷李應乾滿時乘

別來思二妙望望各風煙山暗五丁路湖明三
涖天報書憑蜀使乘興待吳船共對清秋月誰
能不悵然

寄王蘇州

欲定蒼生業還從舊俗看憂來寧在遠亂後益
知難理郡春雲動論兵海日寒吳中諸父老相
見問加餐

關山月

皎皎長空月星河半有無光連玉關靜寒窗雪
山孤沙雁時悽斷林猿夜嘯呼征人增百感把
劍立平蕪

明妃詞

鳳闕虛歸夢龍城重遠愁黃沙連塞起黑水入
荒流淚盡琵琶夜魂消感築秋誰憐萬里外風
雪滿貂裘

春閨詞

楊柳正啼鶯楊花飛滿城春風天外去落日海

詩言
卷一
西明逸氣搖金轡豪華戀玉京不知遊蕩子曾
念百年情

春夜觀妓

有美青樓子嬌歌駐彩雲月低桃葉扇風動石
榴裙羅薦含春暖華燈照夜分重翻白苧調幽
怨不堪聞

寄懷蘇廷珪先生

勾漏辭官早丹砂不易成門閑二水合天遠一
鴻輕為客幽期過悲秋白髮生菊花誰共采風

雨獨含情

碧雲寺

羣山開寶地策杖獨經過石洞猶水雪巖泉更
薜蘿觀空塵慮盡乘老勝緣多安得支公侶相
從老澗阿

送唐儀部還瓊州

多病言歸去孤舟祗素琴海天南盡處燕闕北
來心秋老下榕葉沙寒鳴翠禽賦成應有寄惆
悵嶺雲深

李行人元樹宅同謝張二內翰話洞庭湖
三首

聞道洞庭勝南遊獨未能望中迷楚岫圖裏見
巴陵權擬高秋泛樓期明月登何當吹玉笛聲
度白雲層

詞客家何處西南是岳州地連湘樹澗湖共楚
天浮極目風煙夕驚心鴻鴈秋君山更奇絕應
待子長遊

南望岳陽郡蒼茫吳楚分帆迴孤島樹樓出九
江雲落日浪中沒秋風天外聞何時采蘋藻湖
上弔湘君

送朱邦憲還上海

送君不可住霜露滿幽襟醉後登樓賦天涯抱
玉心江門開曉色海樹帶秋陰歸去鶴亭上遙
聽吳會吟

居庸關

遙遙度關塞策馬正西風驛路泉聲裏人家嵐
氣中霜餘澗草歇日上石林空多少長征客高

詩言
卷二
十五
秋感塞鴻

送趙元哲下第歸東阿

久客山中夢孤懷
月下歌青雲期賦就華髮感
時過龍劍閒星斗魚山靜
薜蘿東歸訪黃石吾
道欲如何

陳駕部錫卿來自錢塘舟次臨清適有汀
州之命貽書見懷用荅

往年君別處梧葉正秋彫
猶憶琴樽約曾同風
雨宵寒空鳴鴈急烟浦去帆遙
猶有天南夢相

隨度海潮

使君遙領郡相對復何年
海樹曉行外江蘿秋
思邊城臨百越地帆盡七閩天
見說春風早梅花可更傳

夏夜集孫員外文揆宅得天字

深夜移官燭清風敞客筵
鐘沉漢苑樹月度薊
門天我愧謝莊賦人稱孫楚賢
何當碧筒飲醉
向北窓眠

送趙少尹文甫之華陰

燕市離歌動殊非故國聞清樽聊共我黃髮更
憐君縣隱潼關樹堂流華嶽雲不知松月下誰
與坐宵分

山行有感

地僻逢人少同行自有群幾多山脊雪一片馬
頭雲古木參天出寒鴉薄暮聞可憐春草發誰
為採幽芬

崔千兵見過走筆賦贈

白晝鴈門肅材官今見君雕弓半月影寶劔七

星文班馬依山草孤鷗出塞雲憑高殊激烈笳
鼓夜來聞

留別陳大叅粹中

征驂聞早發客自塞門歸天暝烏棲樹城寒雪
擁扉美人仍兩地春夢不相違獨賦關山月茫
茫共素輝

留別正莊主人

高樓非故國臨眺旅愁生風雨三秋過山川幾
賦成王孫別後路芳草望中情何處偏相憶霜

詩
卷二
十七
空鴈一聲

汾村詩

村居在何許汾上有些扉每約詞人過寧教幽
事違林巒澹遠色鷄犬靜斜暉秋水濯纓羅心
閒雲自飛

送薛逸人歸荆南

河汾春色過此別路三千旅夢關山月鄉心風
雨天馬歸湘竹外城對楚江邊去住何須歎荆
王自下賢

此園同孔老賦得風字

悠然雲在空此意許誰同身出勳名外心歸恬
澹中高樓偏夕照深竹自涼風試問今秋興還
添菊幾叢

秋雨宿權店驛有感

驛燈分暝色野館滯秋陰已倦衰年事偏馳故
國心夜涼槐雨滴月暗草蟲吟歸夢不知路千
山雲更深

寄左鑑麓計部

詩言 卷二
十一
坐理臨官署回瞻即帝京千帆落暝色一水送
寒聲自古邊儲重何時國稅輕關河正冰雪感
慨獨含情

九日寄懷田夢鶴兵憲

別後幾重陽停雲渺帝鄉登高同節序垂老各
行藏夕鳥安庭樹秋光照野塘何時問幽寂歲
杪正冰霜

寄史鶴峯方伯

憶昔河洲別揚帆北去情秋深鄴下路雲渺范

陽城雷雨龍千變林臯鶴一聲吟詩老何益山
嶽仰勲名

中秋夜潞陽旅館同馮員外言別得分字
客亭逢此夕樽酒况同君月向中秋滿人從上
國分絳河斜度影白鴈遠呼群回首淮陽路相
思隔海雲

秋日即事

八月邊烽起燕關入大戎檄飛三輔道氣激五
都雄戍角寒雲外城烏夜色中不知枕戈者愁

絕竟誰功

燕趙多愁日兵戈未定時
交游踈舊社僮僕問
歸期驛路當秋斷胡笳帶月悲
曉來驚旅鬢更益鏡中絲

何時偃甲兵多難滯燕城
寒館下桐葉秋風吹
雨聲賈生今日泪宋玉昔年情
共有龍庭策誰高麟閣名

九日集徐郎中汝思宅得盃字

連牀留昨夜九日復筵開
白髮愁中賦黃花亂

後盃霜兼宮樹變鴈自塞門來
賴是同心者深知庾信哀

對菊

東籬何寂寞不似去年秋
菊帶淒涼色人經離亂愁
風庭寒影動霜院晚香流
客裏重陽過悲歌猶未休

秋夜

不見同懷侶悠然獨夜思
風淒聞角處月落倚樓時
計拙陶潛酒心憂阮籍詩
千山芳蕙歇策

詩
卷二
杖復何之

芳樹

芳樹花爭發
嫣然故向人
相看終日媚
一摘暫時新
影落金塘水
香飄玉砌塵
傷心有琴瑟
寂寞冥漠宮
春

寄吳山人擴

朔塞曾驅馬
衝寒亦苦辛
黃金身外物
素髮鏡中人
海鶴天容老
江梅雪護春
吳姬歌白苧
酒興幾回心

寄靳太守子魯

花發上林時
君行我在茲
三春不相見
千里自同思
白髮留燕市
青蘋寄楚祠
郡樓應獨眺
未擬北來期

寄趙總戎公僕

聞道干城將
頻年未解纜
身危征戰後
名定是非間
海月窺龍劍
沙雲接鴈山
誰憐趙充國
白首臥榆關

夜集孫郎中文揆宅賦得月字

詞言
卷二
十一
關山不見月玉笛莫須吹水暗魚龍窟雲深烏
鵲枝開樽成露坐作賦待秋期還擬梁園夜鄒
枚况在茲

秋夜同應駕部瑞伯宿三河驛得宵字
荒村回遠火古驛駐征軺蓬鬢人間老萍蹤剡
北遙繁星耿秋漢鳴柝亂寒宵忽憶山中桂
霜葉又凋

石門秋夜有懷

歌馬空山夕勞歌塞上歸野霜明古劔峽月冷
秋衣坐裏蛩螿亂愁邊烏鵲飛酒杯時在手不
與故人揮

送呂試官宗夔入蜀

西蜀有揚馬君才當此行幾年懷勝迹今日慰
平生地入黃牛峽江連白帝城停驂勒銘處獨
見古人情

暮秋同馮直卿秦廷獻李士美遊黃花山
太行秋色老步屨一探竒草白高歡殿山空王
母祠飛泉堪倚杖落日尚揮卮松外浮雲去幽

人意獨遲

高岬翻榭葉白日雨聲寒共愛秋山好其如芳
蕙殘亂雲藏怪石空壑下清湍底事林間鶴樓
樓刷羽翰

深入黃花谷高臨玉女臺迎人千嶂出隨意一
樽開寒露垂瑤草秋風掃石苔子長耽勝絕絃
鳥莫相猜

宿黃花寺

橫野千重巒飛空百丈泉松門臨巨壑石磴

長煙月下惟清梵林中有靜綠此心元不染秋
水照青蓮

春日遊清涼山東孟德用

沙暖青蒲出山晴碧樹分琴樽閒傍水杖屨獨
披雲曠野流春氣高峰駐夕曛芳時不可負寄
語孟叅軍

題背面美人圖

無那琵琶曲重彈調轉淒自傷傾國色故作背
人啼太液秋光冷長門夜月低流鶯何意思飛

過掖庭西

懷仙吟

海上安期子飄然與世違
三丘來采藥萬里躡
雲歸山鬼窺丹竈
鮫人識羽衣相從渺何許
秋月見餘輝

塞上曲

百戰多枯骨秋高白草深
飛鵬盤大漠嘶馬振
長林伏虜天王力封侯
壯士心華夷自有限邊
徼莫相侵

寒食

旅次驚寒食流年鬢有華
春風吹蕩子初日照
梨花丘壠天邊淚江湖
夢裏家古來詞賦客拓
落但長嗟

南巡歌

大道軍容肅中天王氣
高風雲隨鳳輦日月動
龍袍綠野開三殿黃河
集萬艘竟陵恐遲暮原
廟薦櫻桃

題何柏齋侍郎山居

茅宇依泉石遊心自太空
蒼崖垂松葉露門掩稻
花風世故端居外天真
獨臥中平生愛疏廣今
古幾人同

憶征夫

涼秋益秋思飛夢度金
河朔野塵沙慘窮邊烽
燧多霜晨應躍馬月夕
任橫戈功業歸都護長
征柰爾何

北塞

朔漠匈奴遁長城候騎
還丁男空郡國甲士壯
邊關玉劍橫霜冷琯弓
抱月閒于今多上將談
笑定天山

春日都下言懷

煮藥花朝過中宵坐黯
然樓空萬井月樹合九
門煙多病還詞賦孤懷
且歲年滄江有白鳥來
徃釣磯邊

夏日崔西峨宅同張水部德揚醉賦

日暮重門寂風涼獨樹
斜一樽元亮宅萬卷子
雲家白石垂蘭葉清池
出藕花水曹同取醉庭

言言
卷二
宇落殘霞

遊翠巖七真洞

一攀靈秀處松暎石門清虛抱冰霜氣幽含神
鬼情碧天孤鶴下蒼壁細雲生髣髴來僊客空
山鳳吹鳴

宿玉泉寺同郁子和姜子學

有客同高趣珠林取次攀松聲寒暮閣月色淨
秋山四大空虛裏三乘浩渺間野雲時聚散浮
世幾人閒

古意

南國動幽思春洲蹇綠芳九疑雲物夕帝女怨
瀟湘華月照瑤瑟靈風吹綺裳那知苦調罷楚
客立蒼茫

野興

白日霜凝地飛飛鴈度河孤峰依漢迥老樹得
秋多月曉山精伏時清野父歌短筇隨我意一
徑入煙蘿

古怨

言言
卷二
十一
高樓俯江樹樓上有蛾眉舊約空成歎新愁可
訴誰春閒翡翠幕月冷杜鵑枝蕩子復何處揚
花無定時

揚花日飄蕩能復幾何春遠道寧知妾流年不
待人片雲橫上國獨鳥下西秦無柰懷君意清
江采綠蘋

登城有感奉寄江寧王懷易

野風吹客袂感慨一登城孤鳥日邊沒大河天
外傾年華悲杜甫世故老虞卿龍劍應相合雲

霄無限清

寄李水部伯齡

移官向南服詩思益春容魚鳥何時到江關有
夢從天清楊子樹日暮秣陵鐘把酒應相憶秋
雲隔萬重

秋日洹上書懷

水邊沙草合林外石橋橫雲漫三秋色河流萬
古聲野花欺老鬢村酒勝浮名我愛桐江叟漁
竿不世情

同李元博攜酒訪岐南道人

共向東園酌葫蘆秋正花千畦散流水萬木帶
飛霞碧海仙人島玄都道士家未應騎鶴去聊
此話丹砂

懷玉清閣

紫閣登臨慶秋光入品題窻吞河嶽盡簷壓斗
牛低客路孤城外仙壇萬嶺西浮丘分袂後望
斷白雲橋

懷紫微宮

斷山經過處三十六迴泉石樹迎華月瑤宮帶
紫煙異香猶入夜飛馭灑橫天借問丹臺上于
今復幾僊

懷香山寺

曾識京西路名山梵帝家殿高千嶺樹地落半
天霞空外鐘聲徹雲邊塔影斜老禪相對處笑
拍白蓮花

秋况

地闊蒼煙暮天空白露秋鶴鳴非有意龍蟄自

詩言
無求日月催雙鬢江湖任一舟騷人起遐思獨
倚仲宣樓

清曉

清曉復何向出門風颯然烽煙三晉地霜露九
秋天禦虜時長策談兵自往年俠兒亦解事仗
劍欲臨邊

送劉僉憲才甫北伐

七月邊烽動三河兵氣揚乘秋發猛士計日縛
名王劍倚胡天迥旗連海霧長燕然一片石終

古有餘光

送杜敬夫有事顯陵

匹馬飛千里孤帆截九河天南郢州道月下楚
人歌陵廟楸梧冷江城雲霧多萬年帝靈在神
鬼護山河

詠鶴送華亭張給事之南都

華亭有孤鶴毛羽雪霜清松下自成舞琴中誰
寄聲三山明月夢萬里赤霄情芳杜時消歇秋
風聽爾鳴

送欽水部子辰之沛中

清標憐水部南去意何窮
樹色分淮甸河流見禹功
亂帆春草外古堞暮雲中
感慨登臺處蕭蕭起大風

送徐比部汝思使蜀中

徐陵復此別驛柳重須攀
詔發雲霄上春生巴蜀間
錦城通二水劔閣擁千山
定有登高賦乘秋使節還

試發酉陽書還探丙穴魚
昔人不可見秋興欲

何如巫峽雲山夜巴江葉下初啼猿
正淒斷山館獨躊躇

春草徧三川征軺入蜀年
棧通星使路嶺斷夜郎天
關塞雙旌轉風霜一劔懸
勞歆對明月江上幾回圓

和王比部元美喜濬人盧柟寃雪之作

春從鄒律動近得破愁顏
心事孤燈下年光萬死間
賦成餘白髮身在有青山
共爾烟霞約飄然去不還

送蔣判官子重之泰安

策馬齊中路行當佐郡憂城連岱雲起地接海天浮賦稅徵兵日星霜報國秋有懷時北望寒鴈下河洲

送悟正上人遊楚

杖錫復何處楚天雲萬重乘風下江漢截浪制蛟龍鉢貯洞庭月衲懸衡嶽松歸來舊蓮社南北見禪宗

秋夜宗子相宅賦得君字

獨嗟蘇李後作者自紛紛得失何時定輸心此對君柔鐘飄萬井海月度層雲且復同尊酒狂歌向夜分

章景南署中對竹

誰種此亭竹當搏一問君相看成野意自覺遠塵氛幽色霜前見秋聲月下聞醉來堪隱几清夢入湘雲

送劉推官子禮之平陽

人憐燕市別才羨洛陽奇春色迎驂動民情到

詩
卷二
四一
郡知天低姑射嶺雲抱帝堯祠幾為者汾水東
流寄所思

吳舍人明可徙居同徐子與劉子成二比
部夜集得書字

仙郎近卜居幾乘載圖書鄰里通名後墻頭過
酒初漏沉丹禁遠燭動碧窓虛補袞才無暇明
朝向石渠

春日過山村漫興

何物清人思西山對郭門漁樵春草路鷄犬夕

陽村水動烟霞色沙留杖屨痕向來樗散意一
醉任乾坤

雨中憶陳光祿園亭

西望秋陰合衝泥誰訪君石階鳴驟雨池館帶
濃雲樹影水無定棋聲人不聞莫言晴色好底
事日紛紜

同鮑叔愚鄧廷獻二明府同觀太乙泉流
觴

靈源噴薄處並駕遠看來野鳥夕爭下山花寒

詩言 卷二 四二
自開流觴幾曲水倚杖半巖苔秋興能同賦誰
齊潘岳才

暮雨過李貞守解子及二廣文宅

二館閉終日雨多秋草長官閒同俎豆道在各
文章劔閣千山轉昆池天一方家書鴈不到相
伴幾星霜

元夕西池君同過昭覺禪院漫賦

新歲期良夜來登會法堂天花塵不染貝葉道
何長片月分諸影千燈共一光朱門多醉客春

意在絲簧

聞馮大叅汝言過長子寄懷

征驂過長子傳是小馮君落月殊相憶鳴鴻各
自聞人經兩春草路隔幾山雲昨有晉陽夢焉
知勞夜分

東南泉君園居

幾日違禪宇遙聞鐘磬音誰同賦詩興自定奕
棋心兩歇亭臺爽烟含花竹深眼前幽意足清
曠亦山林

暮雨有感


西來一片雨遽作萬家秋
寒逼今宵夢聲聲
故國愁城高斷鐘響野曠
溢河流秉燭貴公子仍
耽金谷游

漳河有感

行經百度水祇是一漳河
不畏奔騰急其如轉折
多出山通遠脉兼雨作
洪波偏入曹劉賊東
流鄴下過

梁園風雅
茂秦下

國家圖書館 NATIONAL CENTRAL LIBRARY TAIWAN R.O.C.



謝茂秦詩選卷之三

鄴下流寓臨清謝 榛茂秦著

雍丘趙彥復徵生選

東郡汪元范明生

汪立明伯常校

七言律詩

送許中丞伯誠鎮遼陽

雄才當代擬登壇東度榆關歲欲殘
燕嶠暮雲

天外起遼河春水雪中寒艱虞自謂匡時晚戰
伐誰知得士難謾說請纓平百越行看仗策靜
三韓

送李給事元樹奉使雲中諸鎮

瑣闥朝下促飛旌歲暮看君塞上行戍角動人
多苦調戎衣走馬半新兵關開涿鹿雲連樹路
出蜚狐雪滿城計日楚才封事上君王深見九
邊情

冬夜李鴻臚東明宅同陳戶曹惟學李比

部于鱗賦

寒天開宴宮城西駐馬庭前風色淒海月漸高
萬戶靜禁鐘初斷群鳥啼他鄉白髮共杯酒故
國青山還杖藜浪迹長嗟歲序過魯連意氣終
歸齊

酬王侍御子梁見寄

臺畔烏啼夜獨醒憂時不寐向中庭幾看燕嶠
秋雲白三度梁園春草青夢斷關河驚過鴈書
傳南北感浮萍君才况值艱虞日驄馬歸來鬢

欲星

春日洹上閒居

芳草洲邊春水生
蒼茫霽色動柴荆
風吹楊柳幽人臥
日上梨花獨鳥鳴
泉石自能忘俗事
壺觴聊復寄閒情
千年好憶東方朔
金馬能兼大隱名

暮春

寒食又過羈旅間
風光滿眼非家山
啼鳥聒聒晝眠起
落花冥冥春事閒
四壁有琴對綠酒
百

年無藥回朱顏
杖藜何處遣吾意
溪上白雲時往還

五華觀

五華峰頭斜日明
玄都碧樹風烟清
道人本是鸞鶴侶
客子亦知雲水情
萬古仙踪寶書在
三春靈氣瑤芝生
亂山深處不易到
自掃石崖題姓名

玉巖寺

玉巖門開風色涼
我來登眺北斗傍
老禪雲間

誦真偈童子石上焚名香摩尼珠光自窈照菩
提樹影何冥茫深林兀坐不歸去清磬一聲催
夕陽

送謝武選少安犒師固原因還蜀會兄葬
天書早下促星輶二月關河凍欲消白首應憐
班定遠黃金先賜霍嫖姚秦雲曉度三川水蜀
道春通萬里橋一對郾筒腸欲斷鵲鴿原上草
蕭蕭

送章行人景南使閩中

春盡天涯感別離滄波極目去帆遲江南到處
寒芳杜海上先秋薦荔枝明月每勞燕市夢白
雲遙寄越鄉思山靈暫爾留旌節獨立西風賦
武夷

送彭進士子殷謫豫章

清朝遠謫自悲吟六月鳴蟬滿上林帆度九江
秋水濶樹連三楚暮雲深滕王閣迥瞻霄漢徐
孺祠荒慨古今獨向天涯正搖落西風應起帝
鄉心

詩言 卷三 送張憲副子受赴閩中

長安七月送使君駐馬惜此川途分清樽能共
幾宵醉白鴈不知何處聞潮平江門萬里擢城
壓海樹千重雲高秋開府倚長劍望極中原吟
夕曛

秋夜陳內翰子結第同孟得之對月有賦
陳遵投轄罄交歡池上酣吟並倚欄月到玉堂
秋轉靜天迴瑤闕夜偏寒坐聽客子穿雲笛恍
見仙人承露盤金馬明晨還待詔清光應憶此

時看

中秋無月同李子朱王元美李于鱗比部

賦得城字

四野蒼茫雲霧生月華暗度鳳凰城樽前不辨
銀河影樓外空傳玉笛聲鴻雁清秋游子意梧
桐白露故園情謝莊欲賦還惆悵今夜關山何
處明

送顧汝脩歸上海

千里飛霜葉下初知君回首憶鱸魚潮生瓜步

詞言 卷三 五
移孤櫂路轉吳淞是舊廬海上白雲秋不斷天
南明月夜何如梅花歲暮應攀折驛使相逢有
報書

宿榆林驛

寒夜榆林門獨開愁看霜露滿蒼苔驛燈孤照
紅人夢邊月高懸落鴈哀胡虜幾窺青海戍烽
烟又上白登臺當年李廣空遺恨蕭颯天風正
北來

馮郡丞汝言入計暫還海口吳郎中峻伯

沈叅軍子剛出餞同賦得山字

歲暮長安送客還驛亭踈柳不堪攀星軺欲發
仍呼酒春草相期一解顏陌上清霜迎劔舄笛
中明月動關山海門凍合三吳舫此日馮唐鬢
易斑

送符主簿之蜀

陌上離歌仍把袂樽前芳草惜離群逶迤獨馬
乘春去續斷清猿入夜聞錦水東搖三峽月蜀
天西盡萬山雲宦遊莫惜梅花信歲暮長安定

憶君

送朱明府仲開謫平樂教授

黃鳥鳴時別禁園宦情南去復誰論
鄭飛此日聊詩句陶令何年共酒樽
秋到百蠻思北鴈雲迷三楚望中原
滄江寂寞芙蓉老官舍長歌獨閉門

天寧寺同章景南李于鱗王元美餞別李伯承還宰新喻得春字

野寺門前楊柳新一樽同此駐征輪
西山物候

仍餘雪南國芳菲更有春
楚權正逢歸塞鴈淮雲遙送渡江人
他時陶令應相憶不待秋霜下綠蘋

送王侍御子梁按河南

塞上初歸復此行燕南極目送飛旌
天連嵩嶽寒雲盡馬度黃河春草生
簪筆常思未火殿封章時發大梁城
知君家愛應劉賦更向西園一寄聲

送許克之下第歸暨城

獨馬遲遲春尚寒
曉衝蹀兩出長安
白雲又伴山中卧
芳草誰同湖上看
不負才名須狗監
豈容生事老漁竿
壯遊共擬磨崖賦
海岱秋高木葉丹

送汪惟善歸婺源

久別天涯鴈獨知
帝城多病見召遲
入門不暇論心事
把手相看惜髮絲
半夜琴樽猶是夢
百年湖海竟難期
陌頭春盡芳菲歇
此馬斜陽獨去時

送烏鼠山人胡世甫西歸

愁中忽過薊門春
歸騎蕭條復向秦
白首全生逢聖主
青山何意見騷人
隴雲朝度鄉關近
渭水晴分草樹新
自是楊雄多著述
百年寧負舊綸巾

秋夜即席為南岑丈賦

絳燭含花照綺羅
瓊筵徹夜奏笙歌
醉來有興新詩健
交到知心勝會多
風度千門傳鼓角
雲開萬里出星河
甕頭再熟黃花酒
應待山人步

月過

栗道甫夜過送別

茅屋茶烟待客時
山中別駕暮相期
共逢昭代耽佳句
自笑殘年費苦思
入夜星河林鳥定
先秋風露草蟲知
坐談漸轉南樓月
不盡離懷歸去遲

同王明甫登玉皇閣

共探勝迹訪玄都
閣上憑虛日欲晡
客路星霜嗟老病
聖朝風俗見唐虞
天橫一鳥心何適
地

合群山興不孤
同是玉皇香案吏
君今廊廟我江湖

春日登伏牛山遙望秦中因憶栗士學馮
汝言二方伯李廷實大叅莫子良廉憲姜
宗孝紀恒甫二憲副

伏牛形勝鬱嶙峋
二月風光客興新
半嶺夕陽惟照雪
千松寒色不知春
天連山勢全雄晉
地轉河流遠界秦
寄語關中幾遊宦
虞卿祗是著書人

送蕭逸人歸永豐

久客天涯鬢欲皤
西江歸去一漁簑
香鑪峰外煙雲合
石鼓潭邊雷雨多
素月三秋黃鶴夢
清風千古紫芝歌
山窓幽寂誰相伴
隨意鳴琴向薜蘿

有感

出門何處覓丹丘
天地茫茫鬢欲秋
賈傳上書空有意
揚雄識字竟多愁
雲飛碧落還無定
水到滄溟自不流
客子孤懷成浩歎
長虹斜掛鳳

鳳樓

李將軍尚倫獻策不果詩以慰之
獻策金門空自歸
旌旗西下亂雲飛
孤城夜月催刀斗
大漠秋霜犯鐵衣
早晚廟廊應定筭
古今功業在知機
百年幾欲收河套
多少英雄有是非

秋日山中漫興

涼風倒吹沙石灣
白波如練搖青山
老蛟深蟠大澤底
獨鶴長叫空林間
入雲樵子偶同話
臨

澗菊花堪破額短杖遲留淨塵慮耳邊飛溜清
潺潺

中秋宴集

滿空華月好登樓坐倚高寒攬翠裘江漢光翻
千里雪桂花香動萬山秋黃龍塞上征夫淚丹
鳳城中少婦愁詞客共耽今夜酒謾彈瑤瑟唱
伊州

秋夜有感

老去生涯一短筇幾年河嶽寄行踪城邊瑟瑟

高秋樹天外沉沉靜夜鐘風急沙洲移鸛雀雲
深潭水護蛟龍邇來不見同心侶無柰狂歌阮
嗣宗

望紫金山有作

隔河一帶碧嶙峋薄暮登臺注望頻古洞深松
歸老鶴金山瑤草待幽人泉奔巨壑常風雨月
傍高壇自鬼神丹侶有期應不負三花樹底醉
長春

陽臺宮

謝詩 卷三 十一
探竒迢遞來珠宮岡巒煙色青濛濛一聲兩聲
自幽鳥千樹萬樹皆秋風地留參井草堂廢洞
掩白雲丹竈空僊馭杳然不復見蒼涼月出蓬
萊東

天壇山二首

薜衣草屨離塵氛曳杖日隨猿鳥羣已黃未黃
老樹葉欲動不動空山雲擬招作賦班內史兼
有寫經王右軍太乙泉頭共清酌嘯歌莫遣人
問聞

日上大荒寒霧開重巒沓嶂爭崔嵬山靈制虎
畫不出牧子牽牛時復來錦石低隣薜蘿迳絳
雲高捧金銀臺此間勝絕好遊眺謾說祖龍東
海迴

晚登天壇絕頂

遙向蓬壺探海月謾扶藜杖嘯天風路盤翠磴
千層上人在蒼山萬點中王母鸞歸深洞閉軒
皇龍去古臺空憑虛極望斷消息柿葉滿巖秋
自紅

秋夜聞笛

塞鴻欲下何遲遲長笛隔樓誰一吹月冷關山
 不盡意風高楊柳無全枝征人空館夢迴處少
 婦孤燈腸斷時况我朋游半凋落山陽作賦千
 年悲

小有洞

洞口瑤花秋尚開老猿孤鶴幾徘徊松巖獨把
 道書坐蓬海虛疑仙駕來赤葉風翻千仞澗蒼
 崖雲濕萬年苔誰知異代還惆悵底事桃源采

藥迴

華蓋山晚眺

一入名山深復深躋攀不倦漫長吟歸鴉千點
 日銜嶺猛虎一聲風滿林勝地自堪依道侶丹
 砂誰解變黃金茅君桂父渺何處時聽半天鐘
 磬音

秋日懷弟

生涯憐汝自樵蘇時序驚心尚道途別後幾年
 兒女大望中千里弟兄孤秋天落木愁多少夜

詩言
卷三
雨殘燈夢有無遙想故園揮涕淚况聞寒鴈下
江湖

黃河舟中漫作

黃河一望青天平夏禹神功千古情日出水東
鴈驚起風來空外波濤生擢隨起忽自無定身
在杳茫誰不驚舉目俄然近沙渚傍人遙指梁
王城

朱仙鎮弔岳武穆

中原何幸見將軍一劍長驅胡馬羣戰伐功高
天意在廟堂策定帝圖分只今營壘空秋月終
古旌旗有暮雲遺恨幾多隄上柳冷風淒雨不
堪聞

送吳將軍北伐

連營鼙鼓送斜曛北伐應期霍冠軍鐵馬蹋殘
胡地草金戈揮斷朔方雲將材此日寧虛負邊
事頻年不忍聞豪俠從來多慷慨幾人鐘鼎勒
奇勲

林慮北園待李子周不至

北園臺榭雨晴初坐對羣峰澹自如四野暝烟
飛白鳥半池秋水落紅蕖海天月近幽棲處石
樹風生浩唱餘清夜放懷須酒伴隔林猶自聽
來車

寄紫微宮李道士

憶昔僊宮宴賞頻步玄曲調一時新玉壺倒瀉
滄溟水瑤草平分閬苑春簷外片雲閒似我階
前孤鶴老於人別來幾度驚秋序夢繞煙蘿古
澗濱

贈王羽士

爛舟道人何所之白鶴赤鳳常相隨雲霞舒卷
自無意寒暑往來渾不知海月低涵玉膏酒天
風徐動冰桃枝三山水涸巨鰲死獨抱玄虛無
盡期

送張良玉還任城

抱琴孤嘯天漫漫醉裏涼風吹鷓冠世曠能傳
廣陵曲調高誰賞雍門彈海蛟逼岸水雲動山
鬼傍人松月寒翻然東歸歲欲暮太白樓上凭

闌干

牡丹

洛下名花迥絕塵
寶闌斜倚見風神
香飄梁苑聚仙子
色壓漢宮無美人
宿霧暗侵芳骨冷
曉霞低照靚妝新
謝家祇解題紅藥
此日狂吟醉好春

無題

楚女春心不自持
月明誰唱竹枝詞
瓊簪玉珥何顏色
翠幕朱闌且歲時
燕子樓空傷往事
杜

鶻花老負歸期
江頭幾處風和雨
轉覺湘靈瑟調悲

越女歌

曉風吹散江天霞
越女出門來浣紗
秋水低飛鸛鶴子
烟汀半落芙蓉花
慵妝雅素少同調
顧影遲回聊自嗟
不過蹇脩一懷古
苧蘿山下西施家

征夫歎

漠北單于射獵雲
中都護擁旌旄征夫淚墮

詩言 卷三 十一
故鄉遠戍角聲悲寒月高絕塞胡霜侵劔戟陰
山鬼火照蓬蒿從來百戰輕生死獨倚轅門感
二毛

感懷走筆

客居無定緩歸期西盡邊城幾故知浪迹久違
陶令社鬱懷何限阮公詩醉中長夜輕千古豪
右浮名漫一時鳳鳥不來春又去桐花零落最
高枝

寄南都蔡侍郎子木

聖朝南北兩長安班賦擣毫信不難臺去鳳凰
乘月待山連龍虎出雲看夜深斗極心應遠秋
老天涯鬢欲殘人在鄴中曾憶否一聲旅鴈下
江干

寄皇甫百泉僉憲

玄晏何時序有成兩都曾賦待齊名病辭楚醴
衡茅掩春到吳江杜若生地迥獨兼龍虎勢臺
空誰繼鳳凰聲水犀甲士疲征伐愁鬢知君白
幾莖

張壚山廉憲晉陽以書見招因擢南京都
憲不果行賦此寄意

路出中原愜壯遊試看形勝舊皇州秣陵山抱
連天起揚子波平蕩日流親友寄書通蜀舸朝
廷息戰佩吳鉤鳳凰臺上仍相約共賦上南萬
里秋

送紀太守明瑞入覲兼省親

縹緲雙旌向北飛遙看喜色動庭闈關中劔佩
趨舟宸天上風雲護紫微策馬帝鄉成畫錦聽
鶯客路換春衣太原父老應相望楊柳河橋立
夕暉

冬夜尹明府遇夫宴集因憶何少卿治象
梁憲副公濟

天寒地主見情親雉堞叅雲鴈塞隣十載別懷
今夜酒數莖短髮舊游人雪庭照席偷明月凍
樹垂花像早春遙憶二君尋白社方知歲暮有
松筠

題吳郎中溫叔山房

早辭京國風塵倦為愛山房泉壑重移榻夜深
垂萬象登臺秋迥出千峰獨蹲斑虎雲邊石半
隱蒼龍雪後松燈下思君見竒絕忽驚春夢成
樓中

送別周學憲子才

世事難期此宦遊蛾眉別有妬中愁淒清鼓瑟
元高調轉折鳴橈是遠流春草漸青鄉國路浮
雲全白帝京樓遙知北望成多感二月風光淡
若秋

清明遊西園有感

客轉汾陽時禁煙太行雲渺故鄉天齊中一弟
悲西隴鄴下諸兒走北阡桃李未花春氣晚河
山獨賦老懷偏重來祇恐芳菲盡啼殺黃鸝空
自憐

登岱

絕頂登攀海日明下看蟻垤隱孤城玉童不見
雲霞渺丹侶相從杖屨輕漢石塵迷千古字秦
松風起半天聲欲探靈異來遲暮自覺人間負

此生

過揚子畏別業登樓同田深甫醉賦

遙望河流一縷微
憑虛俯見亂鴉飛
雲流檻外生寒色
霞落樽中駐晚暉
共賦高秋能不倦
登樓後約恐長違
仲宣老去隨萍梗
湖海茫茫幾夢歸

夜集梁武選公濟園亭同何稽勳治彖得秋字

問予東去欲何求
日觀峯高獨勝遊
離合此生

能幾醉嘯歌今夕故相留
庭前松桂偏宜月
笛裏關山別是秋
他日鳴珂還有意
停雲時傍鳳池頭

同何治象梁公濟登會仙山

野菊迎霜猶自開
漫乘野興一追陪
談玄更欲尋瑤草
舉白聊須坐石苔
落日半山松掩映
閒雲滿地鶴徘徊
仙人去後餘風景
知有千年我輩來

春日懷馮汝言

岸幘行吟向落暉西原聊自采芳菲白駒轉眼
浮生老黃鳥驚心舊侶違揚子風濤南望遠秣
陵春信北來稀還思並馬漁陽路回首孤雲塞
上飛

夜集陸道丞官舍同丁子學張肖甫漫賦
烏鵲翻飛月滿城可堪漂泊旅魂驚三秋共賦
嗟吾老四海論心見友生天轉明河分夜色風
吹落木亂寒聲醉來擊筑高臺上燕趙悲歌自
古情

暮秋郊行偶述

太行迢遞起蒼烟淒淒鳴鴻倚杖前南阻黃金
愁落日東遊皂帽感當年山城秋老行邊對河
甸寒生戰後天獨有王孫多俠氣千金駿馬獵
荒田

送蹇武選子脩使秦中便道還巴郡

都亭離宴對斜暉萬里星軺歲暮歸蜀嶺雲低
迎晝錦巴江草綠換春衣天連上國書難達山
斷中原夢不違南北嚴兵當此日豈容常掩故

園扉

送張給事仲安擢蜀中叅政

暫停軒蓋離人醉忽聽河橋去馬嘶
悵望那堪春草徧勞歌不盡夕陽低
天開鳥道三秦外地入蠶叢萬嶺西
抗疏只今憂轉切幾回春夢到金閨

吳給事明卿謫江西詩以寄之

瑣闥當日起才名忽訝春風萬里行
河北書傳揚子路天南帆落豫章城
騷人弔古非湘怨遷

客悲秋自楚聲帝里舊遊今散盡
浮雲回首獨含情

送張僉憲子用赴滇南兼訊李司封隆仲

旌旄飛去拂蠻烟萬里緘書不易傳
對月幾臨滇水上悲秋非復楚江邊
地徧今古無多雪春滿西南欲盡天
遷客相逢莫辭醉異鄉梅柳歎華年

送武稚川使太和山

使星清曉發征鞍不憚冰霜行路難
三楚勝遊

謝詩
卷三
十一
當歲暮萬山深入正春寒中天氣動青霞館北
斗光搖紫極壇祝罷還應覓瑤草歸來好獻主
人看

姜宗孝應辟過鄴賦此用贈

當年雪月醉宵分十度梅花始見君巴蜀勝遊
偏有賦東南多事豈堪聞江濤夕蕩金陵月山
氣寒生劔閣雲此去乘秋須上疏三吳好練水
犀軍

秋集杜子奇園亭顧聖少同賦

辭官高卧故園秋亭榭常招枚馬傳老去襟期
聊共賦醉來風物轉相留霜花簇簇明三徑烟
樹蒼蒼暗一丘莫向梁園重懷古歌鐘淒斷使
人愁

閒居張伊嗣見過

鄴都形勝帶衡漳風土相依即故鄉閒到白頭
真是拙醉逢青眼不知狂城雲無色日將暮籬
菊多花天有霜世故莫談心自遠隨君好去卧

沙莊

曉起

老去翻多惜子孫朝來且復問鷄豚杖藜何處
堪頻往詩草經年祇半存白髮懶梳書在手青
苔不掃客過門閒雲肯為山人住好對西窓濁
酒樽

同王兆期遊定晉巖值雪宿達公禪房

扶筇躡屩到禪扉岩壑幽深人跡稀石鏡有光
收物色冰泉不響待春暉雲低貝葉窓前合雪
亂天花簷外飛話久好同支遁宿興高寧逐子

猷歸

題秦丈順甫別業

老去翻言著述勞蕭然別業在蓬蒿不交公府
心能定偶過田家興自高萬竹清風移短榻雙
流白鳥逐輕舸瑣闥尚憶同心侶草疏當年已
二毛

寄贈劉監察質卿時按山東

兩見乘驄過鄴臺偶談時事故徘徊千年柱史
匡周室一代經綸得楚才帝里風雲從北轉海

天霜月自東來
今秋齊魯收名士
為國愁顏暫
爾開

寄鎮性禪師

草庭馴鴿傍誰飛
雲瑣山房何日歸
帝里寧教
淹錫杖京塵猶恐上緇衣
路通三晉音書杳
兩隔諸天鐘磬微
却憶少林風雪夜
一燈相對話
禪機

寄沈叅政敬叔

美人憶昔在朝端
青瑣書來幾度看
禹穴古踪
探不易沈樓高詠和應難
圖披兩浙江天迥
夢到三吳海月寒
君宦中原無定轍
逢人有意問
衰殘

謁漢光武原陵

龍飛白水兆中興
天定滹沱十月冰
半夜客星
思漢室千年王氣感原陵
山靈松檟殊相護
地勝樵蘇詎敢登
試讀班彪王命論
嵩峯依舊鬱
峻嶒

過周節推尚占因談嵩嶽之勝

伊洛尋真竟不逢歸來對爾說仙蹤兩遊洞壑
清何劇獨眺烟嵐翠幾重庭樹月招緱嶺鶴郡
齋風落少林鐘寧言何遜觀梅興夢到三花天
外峰

山寺客居東張太守汝才

勝地留人不可行山開石路走泉聲松門有客
從今賦蓮社多賢自古名五馬隔城寒日下亂
鴉投樹暝烟生使君卧閣應相憶遙聽山鐘一
寄情

次温中丞純甫遊風穴寺韻

翠栢連山成茂林禪家鐘磬半天音孤筇雙屐
衰年興白石清流太古心野兔自潛秋草合嶺
鴉羣聚夕陽沉故人安得同遊眺對酒賡歌倚
碧岑

劉太守以德之大梁予將赴潞安賦此言別

西署為郎已著名分符歲暮此專城宵孤上黨
緘書意為寄南州下榻情長路風威嘶五馬大

河日影曳雙旌梁園公子如相問著述應憐老
未成

送客遊洞庭湖

相逢楚客問巴州此去揚帆湖上遊天漢長連
洞庭水雲霞半入岳陽樓低空白鴈投寒渚隔
浦丹楓照暮秋莫向湘君聽鼓瑟黃陵月冷不
勝愁

立秋先一夜同吳峻伯孫文揆徐汝思李
于鱗王元美五比部登城得秋字

幾年詞客鳳城遊薊北河山共倚樓清夜桂樽
聊對月明朝蓬鬢又驚秋風飄玉笛淒初斷天
轉銀河倒欲流遙憶故園砧杵動梧桐一葉起
人愁

送龔侍御性之赴南都

萬里天風吹鐵冠三吳秋水正漫漫匣中星動
劒光白帆外霜飛江色寒鴻鴈早傳瓜步信芙
蓉還傍石城看南都賦就應相憶明月孤樽坐
夜闌

謝詩 卷三 廿七
夜集吳比部鳴仲宅賦得秋月

庭草驚秋白露垂
冰輪漸覺度河遲
光臨鳳闕清鐘斷
寒入龍庭畫角悲
天際幾看鴻雁影
山中又老桂花枝
共知庾亮南樓夜
曾為勳名感鬢絲

登五峯山有感

樹杪躋攀石磴懸
手扶藜杖出風煙
東分遼海千重嶺
北盡胡沙萬里天
秋草征夫烽堠外
夕陽歸鳥戍樓邊
時看白骨成悲感
為憶嫖姚戰

伐年

夾山寺

黎河路轉入煙霞
為訪蓮峯衲子家
萬古山靈開白馬
三秋石窟閉青蛇
曇雲不作空中雨
祇樹還生象外花
欲共虛堂留此夜
燈前仍復演三車

酌沈太守汝石宅值雨

孤城有客駐征鞍
下榻今宵重鶡冠
壘嶂烟雲當戶暝
老槐風雨逼人寒
開樽取喜天涯合
為

詩言 卷三 十一
郡偏憂塞上難自信隱侯籌策定肯教雙鬢歎凋殘

重陽夜東張太僕熙伯

欲采菊花秋可憐清霜半壓黃金錢百年人事總身外九日風光聊眼前羈客愁當鼓角夜孤鴻叫入江湖天匣中雄劔動靈氣吾欲贈之張茂先

送戶曹茂參募兵真定諸郡

人辭京國黃塵外霜落滹沱白鴈前驛騎先飛秋草路使旌高捲夕陽天欲招遊俠傾三輔擬見驅馳靜九邊班固為郎寧久滯還期此去勒燕然

送計庫部允卿募兵山東

京甸秋高羽檄馳可憐萬姓半瘡痍當朝遣使憂方切募士防邊計未遲山氣作寒侵道路海風吹雪上旌旗齊中還訪穰苴葦推轂論功正此時

送萬少叅茂卿還任山東

亂後相逢復幾朝使君行色動河橋宦情千里
清樽盡國計頻年白髮饒驛道書通秋塞鴈海
門帆度夕陽潮魯連意氣須今日此去齊城可
更招

秋夜有感

涼宵力疾步莓苔欲賦高秋愧楚才白髮祇緣
人事老黃花偏傍客愁開樽前獨坐星河轉燈
下悲歌風雨來還憶重陽離亂後故園惆悵一
登臺

夜集應員外瑞伯宅聞吳山人子充談匡
廬之勝得山字

吳楚遨遊鬢已斑對人猶自說廬山九江形勝
來樽外五老雲霞生座間古洞月明今夜夢滿
天秋色幾時攀何如早結東林社瀑布聲中任
往還

送毛明府伯祥之羊城

君今初捧郎官檄此去羊城道路賒海上有雲
連蜃氣嶺南無雪到梅花行春策馬青山近退

言
食鳴琴白日斜
回首風塵迷北望
幾逢燕使問
京華

送趙汝中歸垣曲

天涯作客空成賦
歲杪還家未拜官
到日音書仍北寄
別時風物重西看
雲迷燕趙千山雪
滿關河一騎寒
樽酒相期春草綠
好聽鴻鴈度
長安

送王理卿歸平原

春來三日君即歸
長安陌上車塵飛
滄洲有約自知晚
白鴈多情相見稀
千里還應歎萍梗
一樽誰更采芳菲
平原舊侶論心處
肯向天邊望
少微

程侍御信夫至因話關中之勝

為問三秦驄馬使
獨探形勝故遲回
雲扶華嶽中天起
地轉黃河西極來
秋草空迷長樂苑
夕陽猶傍集靈臺
漢家千載論封禪
應惜文園作
賦才

冬夜同宣允則集徐進士子與宅

城上烏啼春雪餘滿庭寒色月來初病當歲晚
心方切老向天涯計轉踈湖海相知今夜酒風
塵一別幾年書可堪京國多烽火王粲誰憐未
定居

雪夜集吳進士明可宅候李給事元樹吳
進士子脩不至得樓字

黃雲黯淡低神州風雪晚來殊未休春色連天
變老樹寒光奪月明高樓初成謝賦此時興還
聽郢歌中夜留二妙不來更秉燭笛聲淒斷梅

花愁

初春夜同沈子文梁公實薛思素進士宗
子相比部賦得聲字

雪盡長風吹禁城梅花零落此時情關河月暗
迷鴻影宮殿春寒澀漏聲亂後騷人同百感年
來壯士苦長征樽前莫話邊庭事彈劍悲歌氣
未平

送沈郎中宗周出守順慶

明星當戶動征鞍此去春光道路看巴子地形

天外轉嘉陵江色郡中寒三秋戰伐掄才急四海誅求出牧難沈約未湏裁八詠倚樓時復望
長安

送林比部章之使南海

迢遞炎方數驛亭更憐天外九疑青織綃欲看
鮫人室鼓瑟還逢帝子靈雨過羊城春浩浩
連鯨海夕冥冥看君飛櫂乘流去多少南冠問
使星

送經大理叔和使山東

使車乘曉出都門東去關河春色繁草徧王程
馳白日花深官舍閉黃昏燈前獨檢于公傳海
上還分孝婦冤應待高秋登日觀滿山松桂一
開樽

送袁比部履善使桂林

桂林此去八千里春滿江山君獨看白鴈聲從
衡嶽轉清湘流入楚天寒時經候館頻題竹漫
向芳洲一采蘭虞帝祠前饒古思緘書早為報
長安

東臯草堂為徐封君寄題

日出太湖烟水平有人舒嘯多幽情三春蘭發
雨中色半夜鶴傳空外聲門對丹霞意獨遠琴
彈白雪心何清滄浪來去自漁父聽罷擢歌還
濯纓

青龍橋上有感

去秋胡騎此縱橫驃騎乘時議北征四野晴烟
猶慘色千村寒食重悲聲黃鸝獨轉杏花盡白
日低臨湖水平萬戶徃來今轉刻何人駐馬問

春耕

玉虛觀訪羽士不值

日高攜杖入深松為訪仙人悵不逢春藥滿山
誰共采煖雲低徑自相從長歌且向湖邊路後
約還聽月下鐘欲問丹砂九還日凌虛同爾馭
茅龍

送馮職方晉敘拜陵廟

明光初下早鶯啼野色晴開綠草齊曉樹度旌
燕檄北春雲逐馬漢陵西山靈暫駐還堪賦天

險遙看未易躋，伏策須君清玉塞。壯圖何日報金閨。

送楊侍御以公按真定

君從淮海動威聲，燕趙乘春復此行。世事憂深持白簡，天驕亂後惜蒼生。馬經滹水魚龍避，霜下恒山道路清。遙夜烏啼何限思，坐看孤月度嚴城。

送張少叅赴慶陽

使君飛旆入長安，欲賦山川馬上看。二華東臨

河甸，迴五陵西去塞雲寒。單于牧馬春何急，壯士論兵日轉難。伏策此行多慷慨，乘秋一戰定

皋蘭。

寄趙憲副萬舉特屯兵白羊口

匣開雄劔動寒光，坐擁奇兵斷白羊。獨夜憂深山月墮，三秋目極塞雲長。燕中甲士能驅馬，河北丁男慣射狼。此日功名須一戰，莫教胡虜遁龍荒。

秋夜靈濟宮同薛朱二進士賦

詩

卷三

三五

二百五十五

晚來騎馬過仙壇寶笈靈文試一看月度三花
瑤殿靜風吹獨鶴玉階寒漫聞天籟知秋遠共
酌霞觴坐夜闌會待他年遊汗漫武夷相約訪
還丹

送張少叅子明還任山東

薊門搗鼓發樓船送別君侯南浦邊秋水晴分
鴻鴈渚晚霜寒動菊花天東方賦歛嗟今日上
國兵戈憶往年遙想四愁吟不盡鵲山湖上渺
風煙

秋暮登城寄宋憲副德完

極目西山負勝遊晚來還上最高樓霜飄燕甸
生寒色風入滹河急暝流我亦謝家慚賦月君
非楚客漫悲秋北門鎮靜須長劔東海行歌任
白頭

殷太史正夫馬死詩以悼之

房星一夕墮燕臺首藉秋花空自開金埒蕭條
餘鶴轡玉堂惆悵失龍媒早朝尚憶嘶風去夜
醉猶憐蹋月回此日昭王已陳迹中涓曾復問

詩言
君來

皇甫水部道隆謫大梁詩以寄懷

聞君遙自楚天來，一到梁園見賦才。
搖落舊曾悲屈宋，寂寥今復弔鄒枚。
黃河蕩日寒聲轉，嵩嶽連空遠色開。
何事弟兄俱謫宦，西風愁對菊花杯。

謝茂秦詩選卷之三終

謝茂秦詩選卷之四

五言排律

正月十七夜集孫都督志健太史志高昆
季宅

昨賞度星橋張燈復此宵已經佳節過何意美人招巷靜鐘初徹庭寒雪未消論文片月轉拂劍七星搖禮樂開賓集簪纓接聖朝名齊周太史功擬漢嫖姚歌鳳時方異登龍路不遙還期醉同賦御柳簇春條

石佛廢寺

峽轉逢孤寺庭荒起暮煙石堂惟有辟松樹不
知年劫火關塵世名香斷勝緣登臨霜艸地想
像雨花天何處飛馴鴿無由見老禪梵音泉自
落法鏡月空懸淨土還如此浮生空惘然門前
車馬客誰復問青蓮

塞下

路出古雲州風沙吹不休烏鶯下空磧駝馬渡
寒流地曠邊聲動天高朔氣浮霜連窮海夕月
照大荒秋擊鼓番王醉吹笳漢女愁龍城若復
取俠士幾封侯

送胡戶曹伯常遷襄府左史

歲晚襄陽道憐君去國賒襟期同賈傅風景即
長沙作賦湘娥浦談經帝子家此懷傾竹葉何
日寄梅花漢水度春鴈楚山橫暮霞浮雲渺不
極直北望京華

送董克平宰六合

君才試百里乘曉出長安樽俎沙頭別帆檣天

際看東南應星宿淮海得郎官王氣秣陵近潮
聲瓜步寒早鶯啼縣郭春艸遍江干寶劔還誰
識瑤琴且自彈歌謠知俗變案牘坐更殘若憶
風騷侶迢迢寄楚蘭

歲暮北上留別趙王枕易殿下

咫尺望宮城高雲縱復橫女牛天上隔河漢夜
深明孤月三秋色寒蛩幾處聲蘭花憐早悴桂
樹憶冬榮門下留枚叔尊前款穆生思多空自
感道在豈須盟桑梓東歸夢風塵北去情飄零

能事少悲壯短歌成逸調非中散窮途即步兵
懸知魏王子不負建安名

陳太守元卿書至自鄴賦此答之

為郡經年別聲名自下車山川曹甲後風俗建
安餘驛路頻歸夢交情一報書孤鴻當晚落萬
柳入秋踈月白饒鄉思天寒滯客居陳蕃舊榻
在今日為誰虛

送江職方謝武庫董武選督戰

平胡今下詔劔佩肅朝班力盡群公策愁深壯

士額夔龍遭聖代，騏驎出天閑。戰捷輕生際，功
多重賞間。征塵連古塞，殺氣暗秋山。擬勒燕然
石，前驅莫遣還。

暮雪集姜太史節之宅，同包庸之賦

向夕變山川，寒深歲暮天。旌旗斷海戍，烟火聚
江船。獨鳥歸何後，征人悵不前。玉堂輝自動，瑤
闕燦相連。酒訝新豐貴，冰增太液堅。媚春殊可
賦，照夜迥堪憐。留滯龍門客，逍遙鶴氅仙。共看
漠太史，還為紀豐年。

初春夜集王元美宅，餞別吳峻伯、徐汝思、
袁履善三比部，出使得孟字

共餞江南客，芳筵候月來。漏催詩草就，春報燭
花開。把袂終千里，論心更一杯。風人今夜聚，星
使幾時回。官舍遙聞笛，宮庭暗落梅。相看倍惆
悵，殘雪照燕臺。

送中丞許公伯誠出鎮昌平

才名動海內，白首華山阿。閱世存涇渭，逢時謝
薜蘿。幾年懷趙璧，獨醉發燕歌。賦陋陰常侍，功

高馬伏波金鉦傳鴈塞鐵騎渡榆河長嘯將平
虜雄圖定偃戈春生千嶂早雲傍七陵多應憶
論文侶山城一鴈過

送歸叅軍體之使居庸

叅軍初奉使早發玉河隈雪盡關山路天低龍
虎臺揚旌海樹斷驅馬塞雲開曉色城頭月春
聲笛裏梅沙場莽迢迢亭障鬱崔嵬候鴈從南
轉邊風自北來枕戈憂國步草檄見君才擬待
銘功日長纓繫虜回

送童侍御仲良謫羊城

把袂看春早天涯幾故知離歌初斷處遷客欲
行時帆度三江盡雲飛五嶺遲炎方殊物色秋
水澹心期正氣驚山鬼威名伏島夷瘴烟聊復
酒海月尚堪詩地遠身仍健官清俗可移羅浮
春萬里還望早梅枝

春夜同玉峰禪師遊湖上

夜出招提境滄浪意不孤偶經花浦歇動有竹
筇扶清淨同禪侶踈狂信老夫暖沙閑白鳥春

詩言
卷四
五
兩叢青蒲樹斷星垂野
天空月滿湖摩尼珠獨
在長此照虛無

夏日同李于鱗賈守準劉子成宗子相四

比部南溪泛舟

散步過林塘相隨上野航
沿流狎魚鳥嚼藕得
冰霜共擬西湖勝還乘北渚涼
桂樽移白日蘭
櫂轉滄浪楊柳緣堤合菰蒲出水長
酣歌意不
盡晚色正蒼茫

七夕留別汪伯陽李于鱗王元美得知字

久客言歸計留連幾故知
鵲橋星夜度燕館月
沉時天上纔歡洽人間有別離
晴分絳河影秋
動白榆枝佳醕還成醉萍蹤不可期
年年湖海上
今夕定相思

秋暮登臺寄李太守子朱

獨立高臺望蒼茫路不分
天長橫晚照野曠帶
秋雲上國悲遊子東方得使君
心常關吏事才
更出人羣燕趙仍思戰瘡痍
詎忍聞黃花回襍
虜細柳駐將軍阮籍豈徒醉
魯連還解紛掛帆

詩
卷四
滄海去重擬共論文

寄莫憲副子良時督學貴州

河亭連夜醉送送薊門東海色春帆外鷺聲曉
樹中別來驚落葉老去感征鴻帝里人猶滯蠻
方信未通時遭孟獲變誰繼武侯功旅鬢三秋
改憂心萬里同星羅文有象月照思無窮後約
殊修阻何當馭北風

冬夜集張兵部茂參宅

秉燭坐深更嚴城亂柝聲寒雲雙闕迥夜雪萬

家明世事清樽盡邊愁白髮生匡時須計遠和
虜竟功成自有張衡賦誰憐李廣情劒塵時一
拂莫遣暗龍精

送李侍御源甫奉使雲中諸鎮

柱史江南彦翩翩威鳳姿名從丹闕著才拔赤
城竒霜陌乘驄早寒燈草䟽遲壯心驚物候憂
色向邊陲直出雲中道高翻雪外旗星連劒光
動風助角聲悲實塞民窮日屯兵歲杪時孤懷
坐永夜擬報內庭知

詩
卷四
送馬憲副吉甫使雲中諸鎮

歲暮辭天闕旌旗蕩去塵行邊諳戰守隨事見
經綸曠野寧無感勞歌獨有神關山驅馬道風
雪荷戈人紫塞兵猶募黃金賞亦頻樹勲班定
遠畫策漢平津亂柝初驚夜孤城欲動春山東
近多將君意在麒麟

送汪郎中伯陽出守北地

立馬衝寒色冰霜滿去程君王憂北地父老望
前旌典郡才方振防年計不輕河山分陝服形

勢輔咸京樹隱青蛇廟天空白豹城人家盡周
俗花笛半奉聲夜月登樓嘯春風露冕行試看
循吏傳終古定垂名

送張別駕堯咨之臨清

吾郡本齊地使君當此遊東西抱河水表裏壯
城樓臘雪馬前盡春雲堂外流舟車兩京道賦
役萬家憂和璧才堪重虔刀志未休素懷誰與
會孤月照人秋

董職方德甫時轉光祿卿賦此贈之

三秋心力盡經畧見才雄董策今誰並班銘志
已同纜收衛律叛更賞霍家功神武惟龍準憑
陵自犬戎兵張群議後官轉百憂中候火驚燕
甸宵衣想漢宮將星寒動塞鄉月夜臨空尚憶
長征子持戈向北風

寄蔡衡州子木

聞道湘東勝偏宜游宦情山川壯荆楚翼軫麗
璣衡白鴈夕連渚丹楓秋滿城樓高分嶽色地
迥散江聲早歲能為郡中原舊著名有才逢聖
代不寐為蒼生驛使無書札蠻方尚甲兵何時
同醉賦上苑待春鶯

送庫部楊郎中守嚴州

共說新都勝今推良牧才揚帆征鴈盡領郡早
梅開江到祠廬合山從天目來雲寒伍胥廟月
白子陵臺弔古乘驂過行春露冕回長安懷舊
好尺素幾時裁

寄塞上王侍御子梁

君王重簡命爾志在澄清節鉞分西顧風雲護

詩言 卷四
此征羽旗荒外合驄馬雪中行直渡桑乾水還
臨驃騎營九關多猛士百戰有長城夜半仍傳
檄天寒未解兵黑山橫寶劍青海動金鉦獨杖
防邊策兼收抗疏名虛心當國事高議見儒生
壯歲思銘鼎空言陋請纓乘秋摧虜氣計日答
皇情應遣龍庭使馳書到玉京

送朱駕部伯鄰使塞上

早發佩龍泉人看紫氣纏河梁懷落落旌節去
翩翩嶺暗飛狐雪關開白馬天寒雲抱亭障枯
柳散烏鳶路轉長城下山橫返照邊胡笳淒復
斷海戍馬相連滿眼農桑地驚心戰伐年風塵
諸將老勲業幾人全北使明星動南歸新月懸
應思寶車騎何事勒燕然

送王郎中學甫出守安慶

結綠殊增價飛黃早出群賢聲定畹國經術自
河汾竹馬來童子蒲鞭得使君訟庭閑晚照官
樹澹春雲文物古今勝江山吳楚分歌謠起清
夜幾向月中聞

言
卷四
十一
登導化城樓

地道通遼海山嵐隱薊門登城秋草徧拂劍早
霜繁清切聞蘆管蒼茫見塞垣健兒屯北戍戰
馬出中原羽檄黃塵動牙旗白日翻窮邊思李
牧異代感劉琨旅况聊成賦戎機未易論從茲
謝游好歸卧舊山樊

送申職方儀卿謫東萊推官

防虜周王策開邊漢將功兵戈今日倦議論古
人同赤縣烽烟裏蒼生賦役中許身酬 聖主

隨事贊元戎自謂屠龍技那知失馬翁商歌臨
別路宦迹感飛蓬日落雙旌遠天高一劍雄都
齋留凍雪海樹待春風時變才須補官清道未
窮遙知坐深夜霜月滿齊東

送陸比部子韶決獄江南

西曹持漢律南使發吳吟落月嚴城早寒蟬別
思深九秋行肅殺萬木動蕭森帆下石頭夕雲
連揚子陰榜人偏利涉詞客重登臨為愛陸機
賦悠悠千古心

雪中劉稽勲體乾宅賦此志別

雨雪逢殘歲，長途斷客行。
翻空何脉脉，到地故輕輕。
陰接黃雲塞，春歸紫禁城。
池憐寒玉淨，樹訝早花明。
照夜千山色，因風萬戶聲。
卧袁真是懶，訪戴亦多情。
寶劔靈常動，冰壺虛更清。
巨源能啟事，嵇叔愛藏名。
郢曲今誰和，燕歌老自平。
試看東郭履，還向鹿門耕。

送謝給事汝學蜀中封王

使星入巴蜀，使者下金閨。
軒冕離樽罷，風塵去

馬嘶王孫重，茅土天子錫。
桐圭地出函，關外山通棧。
道西衣裳沾雪冷，旌旆拂雲低。
樹斷分金馬，江清見石犀。
獨臨諸葛井，還泛浣花溪。
異世懷張載，應留劔閣題。

登天寧寺塔

舍利藏千古，靈光夜夜開。
簷高色界盡，天近法雲來。
鶴自虛空轉，龍將風雨回。
地形標疊嶂，河勢見三臺。
徒向人間老，深慙鄴下才。
今從遠公社，登眺思悠哉。

酬樊侍御文叙見寄

故交成遠別幾度感征鴻
近得山濤啟深知仲
景忠天留三殿疏人避
兩都驄誰有匡時計君
期絕代功巡行威趙北
戰伐念江東節鉞長吟
裏冰霜獨坐中論兵何
日定憂國此心同莫道
狂夫醉扶桑欲掛弓

寄懷戶部翟員外十韻

大雅昔同社為郎書報遲
黃花寒自發白鴈夕
何之邊餉烽烟處中懷
鼓角時山林憂共繫歲

月道相期聊取浮生醉
寧求異代知家無步兵
酒世有嗣宗詩計部勞
心力功臣重鼎彝乾坤
吾老矣霜露自淒其漢
室存元氣漳流寄遠思
風胡今不見龍劍失雄
雌

寄贈謝竹亭公子

同宗自何代安石越中
家麗水散金色藍田分
玉芽飛揚君可羨踈懶
自堪嗟棋進馳心遠詩
成寄興賒月高燕市酒
春滿沁園花遙想鳴珂
處翩翩白鼻騮

寄孔方伯汝錫

每憶汾陽約何為代北游神交太行迥調合建
安流高步雲隨杖窮邊雪照樓虜驕輕出入吾
老重淹留厚祿誰思報嚴兵只禦秋材官幾人
在國士百年憂上古元無戰中丞自有謀冰清
閑鶴渚潭冷閉龍湫舊社獨太古春醪那唱酬
相逢話時事感慨望神州

冬夜劉伯東官署同謝侍郎楊總制吳郎
中王計部宴集

浩氣乾坤迥孤懷歲月遲龍荒天盡處鴈塞臘
殘時凍澁莓苔徑寒凝冰雪池雲山成慘澹霧
樹隱參差醉後寧無感歌中別有悲雅交因道
合僻性復誰知客久頻歸夢年衰幾會期相逢
不披豁何以重遐思

送林廣文茂德宰懷遠

俎豆辭三晉文章重七閩遙馳薊門路又負杏
園春憶昨青氈冷于今墨綬新山川和璞地風
俗禹墟人列宿元相應清淮迥自鄰君才且百

里玄鬢有經綸

登代州城樓望老營堡有感

寒色浮城上遐荒盡目前南雲接汾晉東路轉
幽燕烽舉兵威振冬來殺氣連烈風胡馬亂斜
照漢旌懸諸將寧無術三軍更可憐黃昏出鬼
火白日斲人烟實賴中朝盛還期衆壘全死生
多為國賞罰本由天擣賦吾聊爾憑高此悵然
感懷空佇立枯木下烏鳶

寄懷王主簿兆期

憶昔探巖壑行吟春雪中松門隨意歇石鏡照
心同聯榻期仍擬回驂興未窮一樽留謝眺萬
卷比楊雄鶴轉風塵下鸞棲枳棘叢于今翻百
感猶自恨西東

七言排律

寄李吏部一元

停驂鄴下憶當時一夕論文識面遲別後春花
誰共賦望中秋鴈漫相思青山自合陶潛醉白
首纔逢鮑叔知駟駟故憐筋力遠鳳凰寧恃羽

謝詩
卷四
十一
毛竒獨嗟歲月疎書札偶向風塵倒接籬古劔
通靈堪自佩明珠投暗豈無疑天南舊侶同懷
抱海內詞人各路岐莫道雲霞多變幻建安風
雅定吾師

送李憲伯子高之成都

朝發汾陽金鼓催攀轅父老重徘徊風人別賦
偏多感星使傳書不易來自信精誠同夢寐幾
經節序各樽罍世逢有道歸勲業官到全名見
偉才萬里行時秦塞轉千峯盡處蜀天開錦江
明月中心迫好看清光照憲臺

送方子文下第歸清源

少小同遊久別離相逢忽訝鬢成絲風塵握手
非當日物候驚心共此時東閣寧論招士處上
林還擬看花期青山晚照行堪遠黃鳥春聲聽
不遲老去功名應自慰古來詞賦重相知馬卿
信有凌雲氣和氏無勞抱玉悲會待神駒開道
路且將靈劔混雄雌幾人失意曾相送折盡都
亭楊柳枝

送吳比部峻伯使豫章

詔下明光散玉珂，西曹帝遣布陽和。
江天遙向豫章去，春草還從吳會過。
沙帶曉雲飛鴈鷺，浪搖晴日見黿鼉。
青蘋忽起騷人興，明月常聞榜子歌。
彭蠡星光連劔動，匡廬秋色傍船多。
梅仙縹緲空烟水，徐孺招尋自薜蘿。
四牡南行知不倦，雙魚北寄定如何。
王程迢遞重回首，應聽春風別潞河。

送馮駕部伯祥出守羊城

折柳踟躕傍御堤，長亭回首夕陽西。
獨看芳草初成賦，相聚浮萍又解攜。
出浦櫂聲空外杳，隔林帆影雨中遲。
三江路盡烟嵐迥，百越城高牛女低。
日上火田鳴翡翠，風翔炎海躍鯨鯢。
尉佗舊俗還能化，陶侃遺蹤可自題。
共道掄才今代盛，遙知為郡古人齊。
行春露冕青山下，父老爭迎五馬嘶。

送朱太史象玄使襄府

舊識華亭陸士衡，歲殘相別重含情。
離筵日落

天邊樹去路春浮雪外旌探勝西南增遠思采
詩江漢得遺聲梅花遲客開湘浦桐葉封王下
楚城諸葛井空芳草合羊公碑斷綠苔生青山
弔古應長嘯北望風雲是帝京

謝茂秦詩選卷之四終

謝茂秦詩選卷之五

五言絕句

江南曲

夾岸多垂楊，妾家臨野塘。
手拈青杏子，不忍打鴛鴦。

夾岸多楊柳，妾家近塘口。
中有斷腸花，郎君不迴首。

四景圖

赤日臨山沼，荷花氣獨清。
一亭蒲葦合，鶴鶴向

言
人鳴

古意

山上採蘭花山下採蒲葉露濕青羅裙良人不
知妾

懷鄒子序

渺渺太湖水湖中多鯉魚故人時把釣應有北
來書

鴈

朝辭委羽山夕渡湘江水欲落更迴翔盧羅在

深葦

結陣時南向楚雲千萬重相呼恐相失日墮九
疑峰

麗情詞

郎住長干南妾住長干北醉騎白馬來簾下初
相識

江上採紅芳歸來與郎遇一笑見心期西園刺
桐樹

山興

言言
卷五
山雲漫石稜澗雨歸泉脉何處家多竒林中問
樵客

都下別張志虞

十年今一見話舊却成悲共醉新豐酒天涯又
別離

秋閨

慘澹風烟暮滄江老杜蘅所憂在遠道君重妾
身輕

斜陽照短簷獨鵲鳴踈柳昨夜夢夫君船西九

江口

寓目

蒼松怪若蚪秋草高於鶴倚杖獨無言庭寒曉
霜落

宮詞

珠箔曉光寒楊花漫春雪牀頭紫綺囊中有同
心結

紈扇已涼秋紅顏欲消歇夜深下玉階獨拜梧

桐月

射詩

從軍行

妾如解角弓即如白羽箭一去塞雲深功成願
相見

行路難

荀卿將入楚范叔未歸秦花鳥非鄉國悠悠行
路人

相逢行

馬上誰家子相逢灞水頭片言合義氣笑贈千
金裘

折楊柳詞

折柳贈郎行相憐暫相把珍重一枝春離亭聊
上馬

玉階怨

夜色冷深宮麗人眠復起風生綠桂枝月落銀
塘水

長相思

鬱鬱相思樹上有相思鳥相思人不來風雨愁
多少

自君之出矣

自君之出矣幾度搗秋砧
蓼蟲不言苦明月獨
知心

塞下曲

暝色滿西山將軍獵騎還
隔河見烽火驕虜夜
臨關

風起單于臺胡笳秋正哀
彎弓度沙磧不為射
鵬來

遊天壇山

迤邐石壇西扶筇任幽討
秋高天宇清月照金
光草

雜詩

君寄夜光珠深閨照顏色
開門重所思漠漠山
雲黑

君寄玉連環情深無斷絕
開門重所思孤鴻叫
寒月

君寄辟寒金春生繡窻裏
開門重所思冰結池
塘水

大梁懷古

策馬夷門道高城帶暮雲至今豪俠士猶說信陵君

初春夜同漫山方伯瓊泉將軍酌樗菴處士書齋

客子燈前酒梅花雪後天不須橫玉笛春意滿山川

題席澣北書亭

白白野雲暮青青階草春小亭間日月誰問著

書人

春柳

嫩色含輕雨柔絲弄早春昏鴉棲欲定腸斷未歸人

春暮

極浦晴雲澹空林夕照低菜花飛蛺蝶春在石橋西

采菊

籬下黃金花幽人時復采滿天霜露寒莫待秋

容改

憶金甘渠

不見長沙客相思江水流碧湘門外路春草共誰遊

北園夏日

柴扉閒永日稗子汲寒泉院靜鳥雙下松涼人獨眠

送武稗川遊泰山

天門爾勝遊懷古意何極上有秦皇碑蒼苔萬

年色

白龍潭

浩歌秋水邊驚破白龍夢明月落深潭疑是龍珠動

憶鄒山人倫

湖上多春草湖中多鯉魚佳人日相憶應寄長

干書

塞下曲

烽火夕連山冰霜秋滿地不見請纓人惟逢射

鷓鴣騎

塞上黃鬚兒飲馬黑山澗
彎弧向朔雲莫射南
飛鴈

落葉歎

客愁時伏枕落葉轉紛紛
猶憶鄉園夜秋聲自
不聞

潞陽曉訪馮員外汝言

野闊早霜明林空涼吹動
一犬吠人來松窻破
秋夢

聞許解元克之喪妾因寄長恨曲

花落委春泥山鷺空自啼
蛾眉不復見新月生
湖西

湖中荷有花苦心風露裏
無人歌采蓮落日秋
風起

秋風亂人愁秋雨墮人淚
九泉如可通為寄相
思字

詠蟬

弱翅凌晨動繁聲向夕流
不知風露裏還得幾

詩言
卷五
何秋

雪後同王希元登代州城樓時虜犯岢嵐
登城眺夕陽慘澹群山色何許最關心愁雲在
西北

春雪登樓有感

天垂樓外雲雪變城中樹何處不春寒鴉啼又
飛去

詠蝶

花盡忽飛來豈待南風送睡起笑相看不知誰

是夢

東園秋懷

天寒聞落木葉葉是鄉愁敲窗作風雨不減去
年秋

東園春感

春草青猶短牽愁爾許長天涯白首客獨立幾
斜陽

登樓

朝亦登此樓暮亦登此樓白雲千里色不是故

詩話
卷五
山秋

聞鴈

少年聞鴈聲老年聞鴈聲鄉心無老少何處寂
關情

秋閨

目極江天遠秋霜下白蘋可憐南斗鴈不為倚
樓人
堅哉此庭石郎去限南北傷心秋雨多又老莓
苔色

月缺偏多感月圓翻自悲君看幾圓缺不異在
家時

無風落葉遲有風葉落疾秋聲時有無寧同郎
在日

七言絕句

登輝縣城見衛水思歸

城外河流白練長城中萬戶共秋光秋來偏作
還家夢河水東流到故鄉

古意 二首

射詩

卷五

二百十三

百轉轆轤金井深美人汲水梧桐陰流雲在天
日將暮獨有寒泉知素心
郎種菊花何遠離秋來花發倍相思玉京郎醉
菊花酒不見故園霜露枝

公子行

京洛王孫日有期千金買馬恨行遲隔花忽見
遊春女笑舉絲鞭問阿誰

老将行

虬髯丈夫乘鐵驄自言征戰老雲中憑陵伏

出門去原上枯桑鳴朔風

題蘇子長荷花

僂姿濃澹骨同清憶在西湖更有情落月輕烟
似相妬不教秋色兩分明

塞上曲

飛將龍沙逐虜還夜驅駝馬入燕關城頭殘月
誰橫笛吹落梅花雪滿山

暮雲黯澹壓邊樓雪滿黃河凍不流野燒連山
胡馬絕何人月下唱涼州

詩言
卷五
胡笳曲

碧眼胡王貂鼠衣天寒走馬獵金微彎弧仰射
雙鷗下日晚穹廬帶雪歸

蕭蕭寒色起邊雲秋草平沙部落分牧馬陰山
莫南向漢家今有李將軍

郭壽卿園亭同申伯憲牛國禎醉賦

郭家亭榭倚松篁把酒臨池幽興長人在千山
秋色裏晚來雲氣滿衣裳

九月雪

鴈拂同雲過戍樓菊花含凍不成秋迷茫夜擁
金微路未寄寒衣人正愁

冬夜聞笛

雪後寒雲散御隄笛聲何處重淒淒北風吹折
邊城柳人倚層樓月正西

送周秀才歸錢塘

燕京陌上送周郎歸到西湖春草長清夜開樽
多舊侶滿前歌管月如霜

寄吳峻伯

詩言
卷五
十一
天目霜飛萬壑空興來孤唱倚丹楓不知人對
關山月夢落西湖秋色中

春日寄王學甫時守汝南

春來不寄豫州書人隔黃河千里餘杖履還尋
舊官舍古槐深院是誰居

寄武當山張隱君

辭官身寄楚天涯石屋燒丹別是家七十二峰
春雪裏杖藜隨意看梅花

雲巖深處獨逍遙海鶴傳書昨見招月下定逢

王子晉玉笙吹下摘星橋

吳母太夫人哀詞

城上烏啼正夜分歸魂遙逐楚江雲故園春筍
空成竹冷雨淒風不忍聞

中秋宴集西泉亭同顧聖少李承華醉賦
我來清夜挹金波伯仲當樽半醉歌無限梁園
桂花樹天香暗入舞衣多

道院秋夕

秋河一帶月光團露坐空除夜欲闌却訝西樓

言言
降仙子玉笙吹徹萬家寒

鄒子序見過談及喪事有感

羸馬西來數問津
霜天回首益思親
洞庭多少黃柑樹
不見茅堂釀酒人

別調曲代贈所知

家住鄴城門向西
青樓上與鄴城齊
郎行好記門前柳
春夢南來路不迷
離筵易醉夜將分
趙舞燈前猶向君
從此腰肢瘦無力
牀頭閒殺藕絲裙

木落天寒郎欲行
樽前離怨一鳴箏
燕姬織手調新曲
不是西樓今夜聲

怨歌行

長夜生寒翠幕低
琵琶別調為誰悽
君心無定如明月
纔照樓東復轉西

遠別曲

阿郎幾載客三秦
好憶儂家漢水濱
門外兩株烏桕樹
叮嚀說向寄書人

搥衣曲

詩言
卷五
十四
秦關昨寄一書歸百戰郎從劉武威見說平安
收涕淚梧桐樹下撫征衣

秋宮詞

內苑秋風木葉殘班姬曾為賦齊紈六宮何處
無愁思不斲除蟲泣夜寒

桂花

金粟輝輝秋滿枝內園清露獨開時天香莫遣
西風妬吹落深宮君不知

水仙花

月為精魄水為神素質先迎雪裏春羅襪凌波
斲行迹誰能喚起弄珠人

訪葛徵君

西城閒訪葛洪家籬落秋餘白豈花高枕自知
無俗夢數椽茅屋在烟霞

春宮

花間御水照春心幾處恩波自淺深多少蛾眉
爭買賦相如應是厭黃金

金屋春寒繡幕垂晚風零落幾花枝君恩不逐

紅顏改獨有深宮明月知

春閨

郎去燕南又向齊別時猶記玉驄嘶孤燈門掩
忽風雨楊柳橋邊春夢迷

春詞

少娥妝罷下青樓緩步春風不解愁笑撲飛來
雙蛺蝶花間忽墮玉搔頭

晚登沁州城有感

客子登臨望野田銅鞮城上月初懸清光偏照

農家婦織得春衣辦稅錢

送徐進士子繩謫建陽少尹

長亭別酒見平生越水吳山去國情欲采江蘺
何處泊一帆秋雨聽潮聲

九石潭空龍獨眠三春雷雨建陽天荔枝花發
啼黃鳥閩海迢遙望日邊

送劉將軍赴南都

江風吹櫂送人寒一劍橫秋祗自看應過淮陰
弔韓信月明曾照漢家壇

詩言 卷五 十一
送陳別駕錫卿錢塘省親

東吳日出櫂歌聲
帆外風烟遊子情
八月太湖秋正好
不知已過闔閭城

片帆飛去拂雲霞
月滿中秋應到家
人在長安望南國
隔江春信寄梅花

送王夢白歸吳

朝度海門生白波
天涯知己惜無多
清秋忽憶山中侶
誰伴橫塘采芰荷

送皇甫水部之荊州

郢都南去渺煙濤
遙憶風流何水曹
日暮亂山秋色裏
采蘭應傍楚江皋

章行人景南自潞州復之大梁

黃河南去訪鄒枚
駐節花邊兔苑開
鴻鴈至今悲帝子
風光猶是舊池臺

塞下曲

都護防邊旦夕勞
秋來天子賜征袍
何當淨掃黃龍塞
白日飛霜上寶刀

明星低照白登臺
向曉孤城鐵鎖開
飛將窮荒

詩言 卷五 十一
搜點虜夜驅駝馬入關來

秋高沙漠斷鴻哀大將旗翻風色來落日半天
追虜騎彎弓直過李陵臺

風吹榆柳作寒聲直北龍沙一望平雲壓旌旗
飛暮雪將軍坐嘯受降城

朔雲黯淡古今愁十月交河凍不流胡馬無聲
關塞靜征夫月下唱梁州

塞上古懷

荒外烏鳶結陣飛琵琶聲斷自斜暉北風夜夜

吹青塚恨殺蛾眉竟不歸

漠北詞

石頭敲火炙黃羊胡女低歌勸酪漿醉殺群胡
不知夜鷄兒嶺下月如霜
曉開氈帳擁秋雲虜將揮鞭部落分牧馬陰山
莫南向鴈門今有李將軍

斑馬歌贈別

斑馬翩翩遊帝畿五侯金埒日相依明年惆悵
石橋路首蒨花開歸不歸

大梁雜興

梁國河山草樹空
英雄異代氣相同
侯生慷慨無餘恨
獨立夷門嘯晚風

春詞

城烏何意夜深啼
紅杏梢頭片月低
香冷熏籠人不寐
春風吹過玉欄西

春閨

羅衣初試薄寒生
萱蔻花開感別情
零落鉛華君不見
畫樓春雨燕雙鳴

名都篇

楊柳青青夾玉河
古來燕趙麗人多
梨園昨日新聲出
都下爭傳御製歌

古怨

邯鄲少婦美容光
嫁與燕京遊俠郎
白璧黃金買歌舞
不知風雨斷人腸

宿香山

深夜無眠風露清
天移北斗坐間橫
幽人不作紅塵夢
月照空山鶴一聲

道院秋夕

河漢橫斜天宇清
夜涼松鶴睡無聲
月光低照碧潭水
人倚洞門吹玉笙

度齊嶺

石樹蒼蒼碧漢齊
日高荒野亂鴉啼
樵夫遙指天壇路
絕嶺重雲西更西

本公房

滿山寒色萬株松
天外遙傳日暮鐘
但見簷前起雲霧
不知鉢底卧蛟龍

塞上曲寄少司馬蘇允吉

邊柳蕭條帶落暉
長城北去是金微
健兒躍馬西山下
射得雙狼雪裏歸

孤月高高照朔荒
戍樓吹笛滿天霜
三秋楊柳飄零盡
此夜征夫總斷腸

牧馬深山白草中
不聞鼙鼓動西風
老兵閒坐斜陽裏
盡說今秋魏絳功

送張少尹元文還任新喻兼寄李明府

群玉峯頭華月低
九僊臺上白鸞棲
乘秋欲借

王喬履一夜高飛吳楚西

送張憲副叔載鎮巴東

驅馬西行劔閣開
即今重見勒銘才
吟秋月照三巴
水弔古風生八陣臺

梁園春曲

樓外青帘一丈高
樓中少女勸春醪
黃金不買花時醉
徒向秋風歎二毛

秋閨

棠梨落葉滿園秋
門掩蛩聲入夜愁
未寄征衣

霜露冷夢魂先到古雲州

送王伯鍊之大梁

八月黃河風浪高
君將寶劔事遊遨
信陵門下三千客
為問何人意氣豪

郭壽卿園同申伯憲牛國禎諸君酌

蒼涼海日上亭臺
無數幽花帶露開
人在萬山秋色裏
白雲低傍酒樽來

宿山家

空山茅屋夜遲遲
促織啼寒欲訴誰
少婦燈前

事機杼秋風花盡水綿枝

暮雨登圓通閣望鄴城有感

雲壓山城雨不休閣中遙起故園愁漳河東去
蒼茫色猶似三臺醉裏秋

寄曹中丞

一自西河別孔融楚天詩興復誰同青荷漸長
黃梅熟人在江樓細雨中

春怨

紫綃揮斷淚闌干窻下秦箏獨自彈三月梨花

風又雨小樓燕子怯春寒

春宮詞

昨夜春風入五城宮花未發已關情玉窻睡起
嬌無力獨倚朱闌聽早鶯

秋宮詞

院院黃花秋色濃幾看青鏡惜芳容瓊窻忽夢
金輿過長樂霜寒五夜鐘

採蓮曲

家近城西綠水塘荷花開落幾悲傷採蓮遙寄

阿郎去妾抱苦心終為郎

秋水萍開畫艇移采蓮薄暮意何遲阿郎不道
儂心苦苦在蓮心郎却知

獨步明月山因覩荒涼遂沮遊興

荒山白草路盤盤却憶仙家倚石欄落日踈烟
秋色好玉清閣上幾回看

遊金燈寺

長林巨壑斷人踪駐馬移時撫碧松日夕禪關
不知處一聲犬吠隔雲峰

策杖穿林知幾重禪家清磬隔雲峯再來洞壑
難尋處好記懸崖一古松

謝茂秦詩選卷之五終



國家圖書館, NATIONAL CENTRAL LIBRARY, TAIWAN, R.O.C.

語言

卷五

十三

二
遊
草

國家圖書館, NATIONAL CENTRAL LIBRARY, TAIWAN, R.O.C.

叙微生詩

卷之二

微生既鐫其鄉人詩已復出一
編示余余受讀一再過輒附卷
嘆曰世言古今人不相及豈不謬
哉無暇遠涉即獻吉以復吉
學鵲起大梁仲默繼響狎主

齊盟四海內喁然風變斯其人
豈但足千古乎迨子業若采葷
左提右撫旗鼓中原體固不
沿才有獨至乃談者輒謂能為
獻吉也者乃能不為獻吉者也
彼豈能盡達天下之目哉夫

其言亦具在也激生後諸堯
生坐雍丘近居而逢世不謂無
情收霞彩於筆端瀉風泉於
胃臆所從來矣試拈其五言古
有不為河梁之遺響乎七言古
有不為寶曆之流風乎五七言

律詞以興成格由骨振寧律不
諧不使句弱有味乎鍾記室之
微旨也六言絕六華六實非古
非今比物覽境如在目前噫嘻
諸體備矣未審視諸君子何
如也余謂激生盍以是殿諸君

子後激生謝不敏謂其鄉儘
不乏詞人韻士方重以蒐羅未
富為慰而何急於自暴其醜
又不獨取續貂之誚耳余以詔
激生是不妨於徐圖者隨私付
之劑人以去丙辰秋仲友弟汪

元范明生書



二遊草目錄

五言古詩 七首

七言古詩 八首

五言律詩 四十三首

七言律詩 二十四首

五言排律 二首

六言絕句 六首

趙微生詩選卷之一

雍丘趙彥復微生著
東郡汪元范明主選

五言古詩

平水別賈貞復明府三首

冥冥懷遠翰
駢駢戒脩途
晨風野萋迷
攜手汾之隅
行亦一躊躇
坐亦一躊躇
俯視濁河流
滄桑互相淪
念我同心人
高翔不可俱
浮雲難獨留
千載為斯須

趙言
相慕亦何殷相別亦何早烈風振林木驚禽難
自保不嗟烈風摧所嗟驚飛鳥荷寧為柱強蘭
是當門好坎壈別有權豈必薄小草
明發悵寒帷回首長惻惻何以將離悰努力崇
明德落日遲歸鴻長天嘯秋色念我與子交結
髮遊京國聚散會有時雲泥疇能測聚或照之
沫散或剪之翼安知非魚服奄忽薄斗極願言
保令名知白而守黑

東烏嶺

兩餘山翠鮮策馬度幽壑雲霞自鬱盤谷樹紛
相錯絕巘俯中條別嶂入雷霍一水跨石梁林
巒復迴薄煙岫晝氤氳寒巖晚濩落遐睇杳靄
間閒情恣寥廓將無帝座通搔首驚人作此行
一何為吾欲盟五嶽

夏日

長夏百事慵作吏殊煩楚束帶汗凌晨削牘枵
亭午手板染紅塵行行為負弩騎犇歌進賢觀
者競如堵兒童向我嗤不擬是明府

寄又園亭子晚坐

山亭足晚涼
偶憇為踈豁
幽花亦自馨
遯羽亦自啄
新月掛脩篁
好風透叢薄
對此羣籟息
遐心託海嶽
不知俗吏身
雲水亦燠縛

紫金山

南山十里餘
登涉恣幽賞
崖巒紆蹄輪
盤谷分石壤
林深鳥不啼
雨歇芝初長
嶺遙雲葉昏
川迥月華朗
極目松桂陰
屬耳鳳鸞響
俯臨絳翼間
蟻穴何湓泮
崇崗足嘯歌
豐草遂偃仰
香梵界人天
崑陰閎蘿幌
偶與老衲期
忽動真人想
豈必追向平
聊以謝塵鞅

七言古詩

太子灘

荒藤古塚疊危石
寒玦一繫傷心碧
忍將底事笑諸侯
贏得肝腸明皎日
如花夜半搵啼痕
何用歌烏主孟門
本因羽翼怯鴻鵠
不謂商山竟負恩
藐孤不濟克也死
辟奠何心今若此
秋風落日晉城隅
反覆令人悲豎子

寄晦伯

男兒生不能發光倒景飛上天又不能摧眉折
腰馬蹄前空懷明月酬知己任是蛾眉不肯憐
秋風掩扇婕妤走世態白衣與蒼狗飄瓦虛舟
何足論妖狐九尾君知否嗟余初領桐鄉吏抱
案踣行嘆不偶何如學劔軹里公芙蓉光恠較
龍吼不然即著犢鼻禪也走如椽佐春酒婁山
茂宰向余笑爾行不應脫陽九苦海浮沈未有
涯鴟嚇鼠臭吾何有吁嗟乎鴟嚇鼠臭吾何有
君不見紅塵赤日誰揮手

有所思

有所思乃在谷林曲絳雪蒼苔道路賒跌宕春
風芳草綠芳草如烟壁如月枉把楊枝綰離別
細雨高樓杳靄中關山一點清秋魄暮雲何處
逢青鳥檄書欲寄重削草如今世態妬交深數
語寒暄君自曉

雨雹歎

紅塵撲滿三尺地又道封姨將風至白草荒原

趙詩
卷一
二麥枯農家兒女長含淚抱甕也學漢陰老灌
得畦蔬與膝稻拚將珠汗殉珠粟卒歲何能競
一飽不謂天公眼界窄嗔耶妬耶忽赫赫急遣
靈靄按部行雨雹縱橫錯綠陌紛披亂擊如星
隕小者如碁大如菌蕭瑟長林五月冰孤實不
德天何忍父老環泣前致辭比年灾沴胡不思
賣兒完得公家事今歲析骸安賣之傳聞五路
又徵兵飛輓何人檄不勝鄭俠披圖祇自嘆馮
生攘臂情誰應舉頭是天大如此何況君門遠
萬里悲風颯颯雲茫茫語倒催科媿欲死

平羗行贈黃美中明府

姑射城頭遇張子向余為道平羗事云昨青山
盡角哀羯奴怒臂螳螂起紫塞誰將戊巳軍綠
林強半從庚癸是時烽火照山西斬木揭竿盡
鼓鼙健兒空拳搏豺虎中丞片羽戮鯨鯢合圍
也趨孤山戰弟子輿尸君不見父老消魂草木
兵牽兒負爺競悲竄不分遊騎薄龍門却遇天
雄黃使君臂挽雕弧初月影腰懸寶劍七星文

自言壯志封居胥入關曾棄終生縵隱几閒揮
太乙藜據鞍笑撚金僕姑等閒橫戈一躍馬風
雷晝駟河津野須臾掃蕩淨妖氛征袖淋漓血
盈把揚旌直搗天山處且復吃豪草露布還將
飲至賦鏡歌免使宵衣屢西顧昨日中丞抗疏
薦籍甚銅符與纓弁天子遐思猿臂勛書生
妄意魚腸眷只今遼左陣雲深戎馬縱橫淚滿
襟橋邊黃石者誰氏莫遣高齋抱膝吟

贈方生兼寄伯芝

狂夫卧對南山紫忽憶美人破覆鯉云有高士
汝上來近之荆通遠唐舉疋馬不教隱市簾報
汝升華為汝喜我行大笑還復歎自顧頭顱只
如此丈夫落落七尺強骯髀千秋誰能儼有骨
不習豪貴憐有軀不供兒曹齒不然掉臂蹲林
莽也應圖繪丘壑裏如言骨相別有權君不見
猿臂生虎頭子一竟封侯一客死

黃美中饋河酒

鑪頭忽訝如渾酒誰其贈我龍門叟鬱金香散

錦波春稚子烹葵婦雪藕是時數盞漸頽然乍
檢新詩錯瓊玖上言飛竿海吞鯨浪許揮毫神
運肘中聖逃禪自古今白雪何人能唱喁念我
平生銀不律陸海茫茫探二酉幾翻如意碎琅
玕也合雙鍰挂牛斗意氣凌競傾蓋多不妨肝
膽為君剖千秋吾道屬艱難星暉月白良不偶
君不見大兒孔文舉小兒楊德祖齷齪邯鄲安
足耦笑任唯黃世人口

拂衣行

瞑破浮雲白破絮鴻飛不羨鷗鵬翅仰天大笑
歸去來小草入山仍遠志左輔李生亦大豪自
捫頭顱還自諍曾聞揖客大將軍汲黯何人我
何輩揚生賈生爾何意盱衡擊節促征騎不須
遠追彭澤踪但取同把趙郎臂絨題為達中丞
府拚却朝駮與市虎無恙北山舊草堂爾自能
歌我自舞昨日中丞致書問女曹何得輕如許
不然即飛白簡霜縱不禡幣亦解組葛鄉聞風
投袂起抽簪欲命東山履上書不報柰若何一

封報 帝吾已矣邢侯亦作閉關人為言五閱
晉城春量移可邀猶吟越別徒無緣竟避秦相
逢莫道風波惡六子同舟良不薄五柳先生少
佳朋三閭大夫空寂寞嘆他達哉白樂天七十
致政心茫然捋鬚何物撩人色野鶴閒雲別有
權不分世態合如沸一鞭斜指春山曙君不見
去歲今時祖道旁河東太守拂衣去

三言律詩

秋日同許子長晚坐

寒山一片石非爾更誰談遠水微窺碧
空澹寫嵐名疑司馬重家在鑑湖南向夕
論尊酒高天萬木酣

移石

鬱林寧載石為自片帆通遠泛
莖花舸清依桂樹叢到來袍笏
具別去水雲空此意思愚公得
吾生訝偶同

來紫軒

駢葉芝疑葢延枝荔若藩
堦馴巢樹鶴林擾報

時猿四照披香靄重陰挹露繁怪來饒紫氣新
受五十言

侯馬遇周則和坐譚有述

江雲望不極樹色隱高春忽枉題鴻羽何來滯
蟻封萍分幾化蝶劍合定為龍只恐風塵裏清
狂不似儂

誰遣飛揚色文章異代權名寧狗監貴官合馬
曹賢世態波相逐吾徒影共憐陸沉自古得無
問祖生鞭

偶出

無事桐鄉令驅車問水湄閒庭放吏早孤嶼受
春遲蘚色朝含雨松聲晚逗颺微官值何許省
可諱言詩

宿沸泉

疑向白雲中人家雞犬同簾開芳岫列砌引碧
流通石潤非關雨泉鳴不做風停驂今何夕吾
志在冥鴻

同朱伯芝遊晉祠

一徑穿雲入澗澗戰水聲屐將松露下身與鳥
烟平洞古塵蛛網潭秋冷杜蘅呼童瀆貫酒吾
道本班荆

同朱伯芝遊沸水

何處問源泉寒淙斷復連虹梁晴故雨雲確晚
能烟澗折通莎徑峰回瞰水塵蒼崖與白石無
地不堪眠

絳州晚渡

柳躡復花明春郊雉不驚危樓斜隱樹遠浦曲
吞城漁火殘磯色江帆咽雨聲誰憐于役者驕
馬為宵征

永壽寺同伯芝茂叔晚坐

暫解樊中累言停塵外驂携君文字飲選勝入
精藍礪壑行人度藤蘿片月含桃花馬首色莫
遣負雙枴

蒙城遇胡再培明府

是夕能星聚何方忍負春鶯花間夜宗雞黍晚
厨貧塵尾銷蘭燼盧聲墮桂輪弟兄湖海色遮

莫酒杯頻

秋夜遲夢符二首

復磴月痕微長林靜掩扉
屐縈蒼蘚滑衣染芟
荷歸客有據梧似園疑
看竹非兩年棲泊意
鷗鳥解忘機

星含雙岫落秋并一鴻
遲云有剡溪約能忘渭
樹思蛩喧當砌草花暝
隔墻枝作意風前竹
閒門翻自疑

山行遇雨

秋色媚巖阿高雲與密莎
波暉翻雨石礮響入
風柯嶂曙嵐猶潤崖傾路
轉蹉自憐牛馬走巉
峭幾經過

雨中望南山

積雨浸長薄登樓興不慳
霧窗春欲暝風淑晚
仍潺城郭寒烟裏峰巒落
照間南山亦不遠何
事罷躋攀

卧病

卧病驚搖落吟棕豁不妨
空窗閒散帙幽壁靜

焚香宦况經秋薄鄉心入夢長無聊銷夜永檢
點舊醫方

寄懷丁茂叔

迢遞留京路寥寥鴈羽遲積薪從古恨投杼到
今疑吏績行人口才名幼婦辭功成敢論賞記
取舊鷓夷

靈石道中

風雨石陵道秋聲入暝繁斷橋寒駐馬孤嶼夜
啼猿病借青山起愁將白雪翻千秋有遺事交
態敢重論

辛亥除夕

短燭燒殘臘盤花試旅筵猶同梁苑客相對晉
宮天病或春回減愁於歲宴綿西來成底事曉
日已三年

永壽寺飲黃美中

而我家相錯盈盈一水遙書藏同脉望枝隱各
鷓鷯問字誰能識呼盧此見招不須論臭味鄙
吝欲全消

姑山水榭

姑山風雨夕春色澹岩阿水語喧亭榭雲心冷
薜蘿高酣延若舞少選會吾歌不必杖車轄三
年此一過

秩滿三年移牘有歎

偃蹇還何似中原一病夫放衙開委宛拄頰對
屠蘇盛世真儲藥吾曹亦濫竽不堪移牘日腸
斷夜臺烏

海頭野刹

地自招提遠人疑海嶽遊崖傾時怯馬溪淺不
藏舟泛渚鳧鷺滿沿塍禾黍秋凭高一以眺澤
國本滄洲

羗警

白羽中原色躊躇首重搔螳車嗟爾怒鼙弩向
誰操公子新羈馬使君舊佩刀封章報也未無
乃 聖躬勞

禽昌東閣同楊夢符毛懋新晚眺

不淺登樓興江帆對夕曛繁陰彌大陸暝色赴

遙汾勝有青嵐笥人競白練裙向來廣陵散壺
酒與溪雲

郡城同賈浮弋明府夜話

解組如何得風塵去住難蹊牛無乃過塞馬未
須歎拂鑑惜顏貌篝燈語肺肝海天春浩蕩遮
莫宦情關

靈石旅寓紀懷

不必羊腸盡論交山故賢癡寧牛背穩窮合馬
曹顛花靄低窺枕松聲細入絃浮名彈指失回

首蘇門烟

晚坐

徙倚烏皮几青天看鳥飛簪裾從長物蓬累自
初衣獨酌扶吟眺高眠擁翠微野心終不改采
采北山薇

雨行

高雲不可即風雨戰泥塗多難詩篇減微涼病
骨蘇貧仍雞鶩食愚但馬牛呼往事庸堪問浮
雲白日徂

原平道中

登陟原平道高原片月孤
雨堦翻薜荔風淑落菰蒲
倦鳥暮俱斂征騎晚自趨
朋情急難裏樽酒對烏烏

堯城阻水

不道風波惡雲帆鎮日稽
瀑飛千嶂暝濤擁萬峰低
憶昔檀槐戰驚看桑海迷
去留俱不可無語向挑蹊

再遊晉祠

曲浦分幽菑長豐事事宜
破雲將短屐貯月得空陂
轄憶曾投處碑憐舊剝時
凭欄收雨色逝者竟如斯

題王伯寵別業

山借孤城背泉移二水瀆
到門蒼楚合折徑碧苔分
軒檻霏空翠衣裳帶暝雲
何言只自悅去住總鷗羣

灌莽浮葱蒨崇樓倚蔚藍
蘚銜高下屐藤冒去來
簦卷幔平臨月分窗遠
納嵐不須依槁木詩

理入禪叅

隱園

薙園重結宇銷暑復為檐所愛身名寂非關吏
隱無雜苓深掩迳馴鳥靜窺簾不必崇丘壑從
教歲月淹

曲沼滌森木虛堂帶遠星座窮非馬辯閒譜種
魚經流水何勞駛歸雲不用停怪來幽意足終
日戶常扃

敢謂官曹冷長豐願不違據梧銷簿牘散帙對
林霏留客青精餽題詩白練衣相逢稀二仲時
亦欵荆扉

即令耽走謁終不廢園居桂樹元招隱松花老
著書枕淹黃鳥破塵散綠陰餘翻咲陶元亮歸
來迺結廬

鄭山人移居

遠心投錦水卜築負城陰境入桐關靜溪藏竹
嶼深翻經分貝葉摹帖藝來禽何日披林莽籃
輿試一臨

貧寧春廡下僻合老墻東舸放桃花水人招桂
樹叢有田惟種秫何徑不生蓬莫道移家晚南
枝曲未終

過胡比部北園

一葉滄波外春烟澹遠村隔林雲倚岫躡嶠薜
垂門柳妬杯中色鶯銷陌上魂閒曹殊不惡莫
遣負青樽

春日同方仲玄劉康父過王大叅園子看

藤樹

拚取閒功課春江一抹澄茶勛銷夜卜花事報
晨興平楚雲千畝高軒月半棱板條吾意足不
為吊溪藤

七言律詩

秋日西園即事

風攪庭梧一葉摧天涯秋色強登臺攜樽清逼
花前月倚杖綠滋雨後苔勝地鷓鴣應絕侶狎
人鷗鷺莫輕猜年來萍梗凋雙鬢幾向春江夢
裏回

卷一
言
答叔玉

春盡飛鴻影尚遲不堪雲樹繫相思琴樽牢落
今何夕裘馬風流彼一時塵尾驕從論往事刀
頭怯向語歸期千秋龍劍行須合試看雙虹次
第垂

送李孺龍先生遊蘇門

一尊無那點征塵驛路帆開晉水春何處青山
能卜宅也教芳草解憐人雲垂茵嶺鸞仍嘯溪
裊香臺鹿自馴總是會心曾不遠倩他白石與

蒼筠

春夜同李太生飲賈貞復署中

高館逢春數舉觴使君也自愛清狂樽前說劍
矍瑜冷花下徵歌玉漏長衛玠丰神初入洛枚
臯辭賦舊遊梁况乘姑射延西爽手板朝來支
不妨

蘇門卜隱

憶往嗟來祇自嗔誰教踪跡惹紅塵形標土木
非關貴腸斷松楸不為親底事出仍慚小草逢

人積但說前薪拂衣已被山靈咲白鹿祠前欲
卜隣

景明飲楊夢符賈貞復二明府

遲爾春宵金屈卮湖山疊翠控罍罍草橋縈折
雪殘處蘿石蕭疎月上時客有揚雲堪問字坐
來賈島解馱詩相逢莫遣西園蓋明日風塵總
不知

澮水遇葛子恭明府

烟江疊嶂晝陰陰拄頰凭車思不禁都謂陶潛

能罄折誰知羊祜愛登臨挈罍偶飲成河朔傾
蓋逢人是竹林不盡飛揚天地色朱絃醉拂水
山吟

春興寄友人

春巖無處不花飛拂曙凝香接翠微客子騎衝
紅雨逢誰家犬吠白雲扉化鳥闕下無消息羅
雀庭前有是非惆悵何如歸去好五湖烟月一
魚磯

龍祠遇雨

烟霏漠漠草芊芊二月江臯春可憐
遠岫迷雲石是筍平疇近水蘚如錢
一泓濠上來莊叟片岑林間拜米顛
遮莫聽鷓間不厭雙柑斗酒若為緣

題仇叔尚睡心菴

太守園居似辟疆
翛然一枕傲羲皇
藏春香瀉辛萸塢
撲翠雲生薜荔墻
何物鳥啼開四照
有時魚簡卧三倉
護門不是青青草
長日從君覓睡方

禽昌水榭楊夢符載酒過譚

載酒行吟青雀居
不堪遠別意何如
石帆片月娟娟吐
風楫羣芳宛宛舒
阮籍逢人仍作眼
虞卿去國但裁書
他時倘勸春明駕
巴水灘頭訪釣魚

郡城北圃同李太生楊夢符賈貞復感賦

避地同依嘉樹林
曰歸不歸惜春深
摧柯剪蔓此何日
弄蕊攀條對遠岑
誰道凌競全傲骨
年來消歇半雄心
柳吟花醉從今事
徙倚醍醐手

走言
十一
自斟

偶成

使君何事競焚魚抵掌十年感慨餘不盡風濤
存愛鼎無端貝錦漫裁書人如潘岳間能賦天
許陶潛遠結廬閱遍刑條無死竄也應談笑命
巾車

婁山臺上同李太生坐談有感

入暝樓臺紫翠沈耽幽儂豈厭招尋浮雲不礙
星河色石竇長懸瀑布音拄笏千秋從按劔披

寥五月任遺金憑誰為訂柴桑約極北天南久
滯滯

晉祠懷張平仲

難老陂前何者丘踈筠灌木對夷猶虛懷夢草
池邊句斲儼浣花溪上洲瀑落石湍晴亦雨雲
深水閣夏如秋百年吟眺誰能識遮莫張衡有
四愁

忻口晚眺懷黃美中

孤城百雉倚崔嵬沱水遙分匹練洄斗削豁訝

走言
卷一
十一
霍劔立風迴激灩片帆開行間笳鼓遙窺月析
裏干旄半卧苔不道單于曾款塞使君殊有佩
刀才

偶感

不盡風塵染客裾盱衡海嶽氣難舒論交若箇
荆卿筑畏世擬裁中散書但使山靈容放鶴寧
妨學士愛焚魚腰章解却春無恙霞嶠烟波縱
所如

秋日同黃美中賈貞復登光天閣

徑轉僧寮白日幽殊方落照此登樓雲連姑射
窗中出雨濯汾陰檻外流坐漱寒漪心并遠醉
攀霜葉髮俱秋可知對爾難乘興沙磧烟迷海
岳愁

飲馬元禎文學

牢落風塵合罷官孤亭相對整盤桓何來繫馬
為題竹忽漫啣盃喜握蘭遠樹微窺秋水碧晚
山淡抹夕陽殘虛傳十日平原飲抵掌能如行
路難

晉祠即事兼懷夢符貞復

莽壙荒陂此繫槎
逶迤一液泛雲沙
憑將短鋏殉流水
莫遣長鏡負歲華
浴鷺眠鷗踈檻外
汀蘭岸柳斷垣斜
同方不少高陽侶
回首南天夕照賒

卜居泉上因感先君子有山水之癖

渚陰石浪靜春蕪
一葦橫塘興不孤
開徑但饒脩竹好
爲溪得似浣花無
閣雲遠納層層岫
苑柳半分面面湖
幾載選山與擊水
那堪腸斷夜

臺烏

園居

三徑蓬蒿靜掩門
高眠清晝亦君恩
不緣牢落隨閒局
那得逍遙號隱園
散髮林端風浙瀝
疏泉松下月黃昏
平生丘壑存骨相
何必重開北海尊

有爲晦伯書郵者久尚未至書此却寄

江干芳草又春深
鴈羽如何久滯淫
不盡向來擊筑淚
誰憐老去唾壺心
狂憑呼馬終難狎
汚

即服魚未許沉爲報故人各努力中原旗鼓有
朋簪

寄周則和於青州來使

飛鴻況不阻清干羅雀門庭到自難安得旌旄
仍驥附往時文酒對雞壇蒼霞久負官何補絳
雪新裁病有丹道爾淄青今駐節却教回首憶
桑乾

五言排律

述懷

物情歸慘澹吾意賦閒居往事搏沙外浮名嚼
蠟餘結廬心共遠濟勝具仍儲春卉迷蝴蝶秋
帆剖素魚寒荷開士服隱几道民書薄有秫堪
種不妨瓜自鋤婆娑淹五柳樵悴豈三閭莫作
犧牛擬長年付散樗

邢伯遠招同吳善長遊狄叅戎山館分韻
得來字

群山何處色紫翠望中催軒楹支虛壑溪橋跨
暝隈扣關連綺薄拂石繡寒苔嶼隱三三徑峽

通宛宛臺帆檣堞外出海岳座間開響失宗生
僻香浮上若杯壺天行復坐鶯樹去仍回共有
探幽癖相憐作賦才津頭明月曉問訊許重來
六言絕句

景明紀遊

折徑春縈蔓綠平林晚映沙明月出高低樹杪
風迴遠近濤聲
曲磴重陰靄靄方塘細瀑徐徐甃石雲披芳杜
疏泉香落芙蕖

紅潤花前微雨翠颺柳外輕風若箇平分春色
無邊遠岫巖從

老檜虬蟠水面飛湍珠湧山腰漱石頻移蠟屐
尋溪時命蘭船

瀟碧樓臺印月舒紅島嶼銜雲何處蘧聲縹緲
北面客夢初分

惜別鷗盟烟渚悔從駒影緇塵坐剖蓮心似我
行看竹態依人

